







C. 72.5.3 -

39, 5, 6, 40

St. E

INSIGNIUM ORBIS CHRISTIANI UNIVERSITATUM

SORBONÆ, SALMANTICÆ, ET PATAVII.

RESPONSIONES

AD

CONSULTATIONEM,

*Super casu duplicis successive Matrimonii, quod quidam Dei Servus,
Virtutibus clarus PYRAUSTA nomine indicatus, contraxit in Indiis,
Catholica in illis tunc nascente Ecclesia, cum animo conservandi in
utroque, si possibile foret, Virginali Castitatem ad instar S. Pa-
triarchæ Joseph cum Sanctissima Sponsa Virgine Deipara,*

Eisdem Universitatibus

PROPOSITAM.

Adstipulante, quo ad Salmanticensem,

PIETATE

REGIS CATHOLICI,

Quoad reliquas autem duas,

Erñorum, ac RR. DD. Cardinalium

CORNELII, ET DE GESURES.



R O M Æ M. DCC. XXII.

Ex Typographia VATICANA

Superiorum Facultate :



SACRATISSIMIS
JESU, MARIÆ, JOSEPH

Humilis, & supplex,

DEDICATIO.



CONSULTUM isthoc, isthæcque celeberrima
ACADEMIARUM super eo RESPONSa typis in
partibus seorsim mandata, & ad Urbem
transmissa, cùm modò in unum corpuscu-
lum colligere, atque in necessario numero
ea reimprimere oporteat; cùmque in eis de

Virginali Castitate, in bino Matrimonio successivè servatâ,
agatur: Quibusnam dicandum de jure venit hujusmodi
corpusculum, liberculusve, nisi Tibi Sacræ in terris Triadi,
Virginum scilicèt Sponso JESU, Virgini Matri MARIÆ, Vir-
ginique marito JOSEPHO? eò quòd Vos cliens vestratum Pyrau-
sta semper præ oculis habuerit, semperque in ideam, sive
exemplar posuerit, & proposuerit imitandum in duplici,
quod iniiit, Matrimonio, quod feliciter obtinuit, & quidem
non absque vestratum impetratione apud Patrem; dum illud
cœleste donum Virginitatis, nubes, aera, Angelos, sidera-
que transgrediens, Verbum Dei, in ipso sinu Patris invenit,
& toto hausit pectore. * Ab ipso siquidem Unigenito tuo, &
virginalis Ecclesiæ, atque fidelium animarum Sponso, ò Glo-
riosa Virginum, & Tibi communicatur, & Sponso tuo præ-
dilecto, Teque, atque illo mediante, aliis mirè diffunditur,
cùm virtutem influxivam desuper peculiarem habeatis, ut
proprio omnes experimento ad Vos devotè currentes, uno
ore fatentur. Cucurrit in odorem unguentorum vestrorum
Ven. noster Pyrausta, quippe qui excellentissimæ vestræ Vir-
ginitati heroico imitationis desiderio morem gerens, Sancto
afflante Spiritu, qui de suorum charismatum copia dividit
singulis, prout vult, nuptias inire studuit, non ut carni ad-
blandiretur, & sanguini, sed ut servatam in Matrimonio
virginitatem, novo perfectionis charactere illustraret; sicque
ad-

* S. Ambr. lib. 1. de Virgin. circa iniiit.

DEDICATIO

adhuc in statu conjugali inter sapientes Virgines lampadem, ferens refertam oleo charitatis, non semel ingredi meruit coelestium ostia nuptiarum: An laudabilem imminuit conformitatem, quod duplici Matrimonio geminare voluerit maritalis candoris sublime hoc Sacramentum? At heroicos virtutis actus iterare, nec laudis vacuum est, nec admirationis; Nam ipse cum utraque Coniuge, tres candidiores lacte constiterant Columbae, ut unaquaeque cuilibet Vestrum in Coeli columbario contingeret, quo praeiverunt istae, illo in terris remanente Viduo, ut triplici circumdatus varietate meritum, in triplici vitae statu, (quem tenet Ecclesia) posteris in quocumque gradu degentibus imitanda relinqueret virtutum exempla; *Virginalem*, siquidem statum, *Conjugalem*, & *Vidualement* inoffenso pede cucurrit: Oh quantum, ut credere lubet, Christus ipse, qui plus choreis Virginum pascitur interilia, quantum, inquam, sibi complacuit de nuptiis Pyraustae, in cujus corde diversabatur, quasi in hortulo deliciarum, in quo mirabiliter percresecbant omnes flores honestatis, & omnia odora virtutum! Itaque, sacratissimi Virgines, JESU, MARIA, & JOSEPH, accipite ratum est Christianis Academicis specimen illud connubii virginalis, quod vestro sanctificatum exemplo inseruistis. Vestra interest sacras hasce dissertationes eo munire praesidio, quo jam pridem facere placuit in una ex tribus Academicis, non sine invisibili, sed manifesto vestrum mirabili impulsu; dum aliquorum intentio suffragandi in contrarium, statim coelitus mutata extitit in favorem, magna occurrentium admiratione: Et merito, quia majus certe, teste Chrysostomo, * & admirabilius est, mentem, atque animum adversariorum commutare, quam gladio ipsos superare; Narrent hi qui sentierunt, dicant Paduani. Nec deficit hoc in Liberculo aliquod desuper authenticum testimonium, dum cuilibet recursum facienti ad pag. 61. constabit, per suffragantium calculum, quinque ex foventibus partem ex adverso primam, se ad castra vertisse tuentium, secundam, quam, utpote tanto plus gloriosam, quanto plus disceptatam, magno plausu, & gaudio, percelebris illa Academia sua Authoritate, & criterio amplecti non dubitavit, ad nihilum demum ipsa redigendo omnes illos, qui po-

* *Oper. imperf. hom. 14 sup. Matth. 10.*

DEDICATIO

potius Disputationis gratia, & ut magis veritas pateret, quàm inimicitie causa, acerrimè adversabantur; Sed cùm de hujusmodi Patrocinio his majora aliàs Vos, ò sacri, & veri Meccenates, indicia dederitis, atque hujusmodi CONSULTATIO, ejusque RESPONSIONES, utpote quæ de sanctitate conjugalis vestri consortii luculentum exhibeant testimonium, ad eandem profectò Clientelam pertinent, & Tutelam; Itaque Vobis omni jure, omnique ratione offeruntur, dedicantur, consecrantur.



SYN-

S Y N O P S I S

Contentorum in hoc Liberculo.

C onsultationis tenor .	pag. III.
Fax occurrentium super facto .	IX.
RESPONSIO DD. SAC. FACULTATIS PARISIENSIS.	XXIX.
Epistola Eminentissimi D. Card. de Gesures .	XXXII.
Recognitio manus in forma .	ibidem.

RESPONSIO UNIVERS. SALMANTICENSIS.

Continet sequentia instrumenta .

A ttestatio Secretarii Regii Concilii Indiarum super mandato Regis ad dictam Universitatem directo , & super istius Responsione ad dictum Concilium .	XXXIII.
Decretum ejusdem Universitatis Regi Catholico consignandum unà cum Scripturis DD. Commissariorum .	ibid.
Prima est Votum , quod Rñus P. Magister Manfo detulit eidem Universitati pro Dubii Responsione .	pag. I.
Secunda est Suffragium, datum ipsi Universitati a Rño P. Mag. Herce .	39.
Tertia verò est illa , quam dedit Rñus P. Mag. Generelo .	113.
Legalizatio super dd. Scripturarum Identitate ; & super qualitate earundem Authorum .	56. & 141.

RESPONSIO UNIVERSITATIS PATAVINÆ.

Habet sequentia Instrumenta .

A cta Sac. DD. Collegii, ab ejus Notario actuata , è quibus primum , & quartum Decretum extant à pag.	59.
Legalizatio prædictorum in forma .	61.
Scriptura primi Referendarii , scilicet Rñi , & Exñi P. Fr. Nicolai Buico, Profecs. pro Scoti Doctrina .	62.
Alia Rñi , & Exñi D. Michaelis Verii , Theologiæ Doct. & Philosophiæ Professoris .	86.
Secundum & tertium Decretum de Scripturis dispensatis loquentia , habentur .	108.
Legalizatio super identitate dd. Scripturar. & Author. earund .	ibid.
Epistola Eruditissimi Viri Comitis Foresti ad Rñum , & Exñum D. prælaudatæ Univ. Decanum, cum recognitione manus illius .	109.
Index Retum Notabilium .	143.

CON-

III CONSULTATIONIS

T E N O R

Solus omnibus unus.

FACTUM MIRABILE.



PYRAUSTA *Vir eximia virtutis, simplex, rectus*, ac timens Deum, & recedens à malo: in Hispaniis natus, humili genere, honestis Parentibus, mediocris fortuna: Puer pascendis Gregibus, Adolescens Agricultura deputatus: Junior servitio alieno mancipatus, varias expertus vicissitudines, à Deo tamen prævolutus, mirificè profecit de virtute in virtutem. Provehior atate, in Novam Hispaniam solvit, ubi magna pollens industria, justis laboribus substantiam, remque familiarem adauxit. Amorem omnium sibi conciliavit, animi integritate, ingenuitate, atque generosa indolis actibus, summam venerationem adeptus per heroica virtutis specimina. Amore, & fide, pietateque in Deum maxima, conscientia optima præditus, castitatem, virginitatemque adèò coluit, inter illas egregias dotes, ut jam tertio per Mulieres sibi à Diabolo paratas ingentes insidias, in*

§ 2

ipso

* Job cap. 1.

*ipso juventutis flore eluserit . Quin immò de ipso Diabolo in foeminea specie sibi apparente gratia Dei viriliter triumphavit . Oblatas aliquando egregias nuptias modestè rejecit . Postmodùm penè sexagenarius , prudenter perpendens , non esse bonum hominem esse solum * , sociam sibi quærere cogitavit ; talem quidem , uti dictitabat , cum qua , si possibile afforet , vivere liceret in casto , & virginali connubio , ad instar S. Patriarchæ Joseph cum Sanctissima Sponsa Virgine Deipara , ita ut jugum Matrimonii , absque carnis tribulatione serena pace sustinere valeret .*

*Annuit Deus ejus votis ; nam honoratior quidam homo , hoc Pyrausta propositum assecutus , enixè rogavit , ut filiam suam sibi despondere dignaretur ; ætatis tenellæ , dote pauperem , sed virtutum decore divitem , qualem ipse cupiebat ; addens hoc Deo gratissimum futurum ; Ei enim offerebat in conjugem , tantùm , ut sua protectione fulciret , & à periculis mundi , atque pudoris jactura ob pauperiem eriperet . Pyrausta , divinæ voluntati addictissimus , & pietatis operibus ; Dei nutu negotium peragi advertens ; in Sponsam accepit Puellam , ea lege , ut ejus subveniret indigentia , & patrocinaretur pudori ; seque & rem suam familiarem , cura Sponsæ muni-
ret . Erat enim tenella Sponsa Seniori Pyraustæ , ætate , & innocentia , sicut filia ; eam licitè nu-
trie-*

* Gen. cap. 2.

triebat, abundantius in cunctis aderat; excepto congressu matrimoniali; quem nec ipsa Sponsa petebat, nec appetere unquam ostendit. Sponsa Sponsus castè ablandiebatur, illam in thalamo collocabat; Verùm ipse virtutis Vir post pias preces extra thalamum in terra juxta ipsam cubabat; castè, sanctèque cum ipsa vivendo. Invidens Diabolus tantæ virtuti, excitavit in Pyraustam Parentum Sponsæ persecutionem, qui ducti cupidine divitiarum ejus, videntes utrum filia non intumescere ad hæredes enitendos, & scientes propositum Pyraustæ, ob quod Sponsam duxerat, non percipientes hoc fieri Dei; & virtutis amore, ipsum aggressi injuriis, quasi Sponsam, & jura conjugii sperneret, minantur ad judices provocaturos, pro dirimendo conjugio, quatenus esset ad illud ineptus. Omnia equanimiter toleravit Pyrausta; annis quidem provecitior, sed viribus robustissimus, eisque respondit modeste: eorum filiam in sponsam sibi junxisse, ad ipsam protegendam; & si accidisset, se præ illa diem ultimum claudere, eam ex asse instituturum hæredem, ut posset vitam degere ab omni necessitate liberam; ceterum se omni culpa carere, quia Sponsam non malè habebat, nec ab ea abhorrebat, ut ipsamet fateretur. Verùm nec acquiescentibus illis, Deus amovit occasionem jurgiorum, ad æternam vitam vocata sponsa, vix elapso anno conjugii.

Postmodum iniit Matrimonium secundum Pyrausta,

rausta, eodem proposito virginitatis, & castitatis, eisdem protestationibus; & in Sponsam assumpsit pauperulam pariter, sed virtutibus exultantem Puellam; quam ipsemet ob ejus pauperiem educaverat, & in sacro Puellarum Gynaeceo, servandam tradiderat, & aluerat usque ad aetatem nuptiarum, quam offerentibus Parentibus desponsavit; cum qua eundem vitae tenorem servavit; ut patuit ex testamento, quod gravi pressus infirmitate confecit; in eo ex conscientia declarans Sponsam in sua virginitate relinquere, eò quod ipsam duxit in sociam ad rei suae familiaris custodiam, sui que curam, cum malè degeret solus, & ejus protectionem gereret, & suis facultatibus ipse inserviret. At postquam ab infirmitate convaleuit, cum novissent Parentes Sponsae, vel ex testamento, vel ex suspitione, non tamen ex Sponsa, Pyraustam rem non habere cum illa, insurrexerunt contra illum, eadem cupidine hereditatis, ut fecerant priores, & per semetipsos, ac per confessarium Pyraustae comminati sunt periculum conscientiae, eò quia non incumberet beneficio Prolis, cum sua Sponsa Matrimonium exercendo, juxta Sacramenti, & Ecclesiae intentum; quae omnia Pyrausta tranquilla, & immutabili mente audiebat absque scrupulo, sciens certò certius, suam Sponsam tales non habere impulsus, & semet in conscientia securum. Et quidem secunda hac Sponsa
Py-

Pyraustam vocabat suum Patrem, etiam ante nuptias, & jure pro Patre habebat, quia ipsam amore Dei educaverat, & aluerat. Ipseque Pyrausta, sicut filiam agnoscebat, ita ut non semel equitando, ante se in ulnis portaret ad quandam Matronam, quæ eam ministeria fœminea edoceret, & adeò innocenter se habebat, ut sæpius puerilibus visa sit ludis sese oblectari. Et hanc quoque sustulit Deus post menses octo ad sedandas turbas excitatas à Satana, & quia ad altiora virtutis, & perfectionis culmina vellet Pyraustam sustollere, uti de facto fecit: cum Pyrausta tandem sæculo vale dixerit, ac distributis facultatibus pro Christo, & Pauperibus, Religiosam vitam professus, propè centenarius diem clausit, plenus meritis, & mirandis operibus. Post mortem verò Sponsarum, Pyrausta gloriabundus in Domino, dicere solebat de Sponsis suis, se quasdam Columbas ad Cœlum educasse lætæ candidiores, Deo gratias plurimas agendo. Cum autem à quibusdam viris Religiosis interrogaretur, super contentione Parentum Sponsarum: Respondit à Sponsis suis scire se non exisse tales querelas, neque Parentibus ullam causam dedisse talium turbarum; inde laudibus efferendo synceritatem, & puritatem earum; Parentum potiùs incusabat hæreditatis capiendæ cupiditatem. Igitur


Quæ-

VIII **FACT. MIRABILE.**
Quæritur à Sapientissimis Viris , & ornatissimis
Virtutum Sectatoribus : An Pyrausta in his ma-
lè se gesserit ? An potiùs heroicæ virtutis actus
perfecerit ?



FAX

IX
FAX OCCURRENTIUM
SUPER PYRAUSTÆ
MIRABILI FACTO.

1  **T** AUTEM ERUDITISSIMIS VIRIS, qui in re tanti momenti calculum ponere dignabuntur, faciem præferamus, operæ pretium erit, aliqua adducere, & alia deducere ad enucleationem facti propositi. Et primum quidem, suggerere syncerè fas erit: aliquorum sententiam esse, Pyraustam non in cunctibus bene egisse in hoc facto: aliorum autem, & quidem plurimorum irrefragabile, & inconcussum assertum est, Pyraustam, actus heroicæ, sublimisque virtutis perfecisse, neque in ulla re defecisse, quod ut constare quisque comperiat, prænotatur:

2 Sanctum, ac Præclarissimum Virum Joannem de Capistrano, dist. 3. q. 1. art. 6. ex Augustino super Genesim relato à Magistro sent. in 4. dist. 31. c. 1. & ex communi sententia, tria bona statuere Nuptiarum, nempe Fidem, Prolem, & Sacramentum: Hoc posito idem Sanctus Joannes disp. 3. q. 2. art. 1. initio, hæc habet: *Sed quæro, inquit, quod prædictorum bonorum sit principalius? Est in Matrimonio illud, sine quo Matrimonium esse non potest; Hoc autem est Sacramentum; Ergo in Matrimonio principalius est Sacramentum, quàm sit Fides, vel Proles, & hoc duplici respectu: Primò, quia dignius: Secundò, quia essentialius: Quod autem sit dignius, patet, quia bonum Fidei, & bonum Proles pertinent ad Matrimonium, in quantum est quoddam officium naturæ: Bonum autem Sacramenti, pertinet ad Matrimonium, in quantum est Sacramentum gratiæ, sed dignior est gratia; quàm natura; ergo &c.*

3 Pergit autem Capistranus sic: *Quod autem, inquit, Sacramentum sit essentialius Matrimonii, quàm Fides, & Proles, patet: Quia Sacramentum pertinet ad Matrimonium, ratione inseparabilitatis, secundum Augustinum lib. 9. super Genes. longè ante medium; inseparabilitas autem essentialior est Matrimonio, quàm bonum Proles, & bonum Fidei: Nam postquam Matrimonium est contractum possunt ab ipso separari bonum Proles, & bonum Fidei; vinculo t. men Matrimonii remanente.* Prosequitur hoc idem probare, etiam citato pro se Riccardo in 4. sent. dist. 31. art. 1. q. 3. & confutat oppositam sen-

X FAX OCCURRENTIUM

tentiam Gandulphi dicentis : duo tantum esse bona Matrimonii , nimirum Fidem , & Prolem , quo refutato , ita prosequitur .

4 Sed dic , inquit , quod Sacramentum Matrimonii dicitur hic inseparabilis conjunctio animorum , vel etiam mutua servitus , quorum utrumque est bonum Matrimonii , sine his autem bonis Matrimonium contrahi non potest : Postea vero sine his , esse potest . Ita dicit Gloss. Bartol. Brixienfis in dicto cap. Omne : Vbi vides , quod reprobatur opinionem prædicti Gandulphi : Et nota , quod dicit hic , scilicet in d. c. Omne , quia ibi loquitur de Matrimonio B. Virginis Gloriosæ cum Joseph .

5 Tandem ibidem concludit S. Joannes , ita resolvendo ; Sed quid , inquit , si per contrahentes nihil de prædictis bonis extitit cogitatum ? (supple in actu contrahendi , vel in contrahendo) Respondetur , ait , quod adhuc Matrimonium est licitum , si aliud non impediatur ; sufficit enim , quod conditionem contrariam non apponant , quam si apponerent Matrimonium nullum esset , ut si diceret vir : contraho tecum , si generationem Proles evites , vel donec inveniam aliam digniorem , vel si te tradideris adulterandam , causa quasi 20. q. 4. cap. Inter cætera , 32. q. 2. cap. Aliquando , & cap. Solet quæri , & supra de conditionibus apposis cap. fin.

6 Quamobrem juxta Sancti , & Sapientissimi hujus Viri doctrinam , Pyraustæ Matrimonia fuere valida , & licita , veraque Sacramenta , ipse enim consensit in Matrimonium , quia Sponsas legitime desponsavit , ipsis consentientibus ; rectam , sanamque immò sanctissimam habuit in contrahendo intentionem , nimirum Sacramentum proficendi , quia vir sanctimonia clarus ; Fidem servandi , quia castissimus , & virgo , tot certaminibus probatus ; habendi solatium Sponsæ , ejusque societatem , ipsique inserviendi casto , & pudico amore ut fecit ; & virginitatem servandi , proposito sibi exemplo Sancti Patriarchæ Joseph cum B. Deipara , nihilque de oppositis illicitis conditionibus , supra allegatis , apponendo . Enim verò Sanctus Joseph cum B. Deipara valide , licite , sanctè , atque laudabilissimè contraxerunt Matrimonium , cum virginitatis servandæ voto , ut ipse Capistranus testatur sic.

7 Idem de Matrimonio , disp. 3. q. 3. art. 2. Capistranus : Secunda consideratio , inquit , est , quia B. Virgo Maria antequam conciperet Filium Dei , matrimonialem ordinem est professæ , ut probat Luc. 1. ibi : Missus est Angelus Gabriel a Deo in Civitatem Galilææ , cui Nomen Nazareth ad Virginem desponsatam viro , cui nomen erat Joseph , de domo David , & Nomen Virginis Maria ; Non est igitur pauca laus talis ordinis , cum fuerit per tantam Virginem decoratus , & quamquam proposuisset virginitatem servare , consensit tamen nihilominus : sanè credi potest non solum Mariam , sed etiam Joseph apud se disposuisse virginitatem servare , &c. Ita Capistranus , & cum eo Magister sentent.

sentent. & alii. Si ergo fuit validum, licitum, sanctumque Matrimonium S. Joseph, atque Deiparæ, cum voto virginittis; eò magis talia videntur fuisse Matrimonia Pyraustæ, qui ideâ sibi proposuit Matrimonii S. Joseph, & B. Deiparæ, Matrimonia contraxit, cum proposito servandi virginittatem, si foret possibile, uti ipse dicebat, ut equidem possibile sibi certò certius videbatur ex factò S. Joseph, atque Deiparæ, fiducialiter agens, in spe Divinæ Gratiæ sibi affuturæ, precibus, & meritis eorundem Sancti Patriarchæ Joseph, & B. Deiparæ, quos imitari gestiebat, ut verè, ac felicissimo exitu imitatus est semel, & iterum ad maximam gloriam Dei, qui dedit potestatem talem hominibus; necnon ad Ecclesiæ Sanctæ eximium splendorem, atque fidelium insigne exemplum; ipsius Dei gratia aspirante apud quem non erit impossibile omne verbum. Verbum namque Divinum, qui Matrimonium, quod antea erat institutum in officium naturæ; & deinde in remedium, ipsum extulit ad celsitudinem Sacramenti, etiam consilium dedit de virginittate servanda: proinde, qui hujusmodi consilium sequi, & assequi studet, non apponit oppositam conditionem Matrimonio, cum quo est, & fuit in multis Sanctis compossibile, ut in Henrico, Eduardo Regibus, & Etzeario Comite, sed Matrimonium illustrius reddit, & virginittatem pretiosorem.

8 Mirabitur quis fortè, in viro Agricola hos admirabiles ausus, quod sibi proposuerit exemplum, sinè exemplo imitandum, conjugii scilicet Josephi, & Deiparæ, sed ne vanitatem in viro columbinæ simplicitatis suspicetur, recordari poterit illius Spiritus Sancti verbi, * quod qui *ambulat simpliciter, ambulat confidenter*; fiducia enim Pyraustæ in Deum in hoc factò, cum simplicitate adeò beue coaluit, ut perfectissimè res sibi cesserit; namque & conjugia contraxit, & absque jurum conjugii injuria, Virgo permanfit. Et Deus non nisi in exemplum fidelibus suis proposuit factum Josephi, & Deiparæ, equidem imitandum, quod à nemine, quem sciam scelicius, quàm à Pyrausta imitatum fuit, ut sibi proposuerat, in gemino Matrimonio. Proinde Augustinus lib. 2. de consensu Evangelistarum, cap. 1. *Hoc exemplo* (inquit Joseph scilicet, ac Deiparæ) *magnificè insinuat fidelibus conjugatis, etiam servata consensu continentia, posse permanere, vocarique conjugium non permixto corporis sexu, sed custodito mentis affectu.* De consensu autem sponfarum in Sanctum Pyraustæ propositum, evidentissima stat præsumptio in Pyraustæ favorem: quia nunquam constitit neque per facta, neque per verba, neque per ulla signa, nutus, aut indicia, sponfas suas, nec petiisse, nec appetiisse copulam, quinimò cohabitasse, remotà copulâ: hæc enim sufficiunt ad

* Prov. cap. 10.

XII FAX OCCURRENTIUM

præsumptionem consensus; consensus enim, qui præsumitur ab Ecclesia inter Sanctos Henricum, Eduardum, Elzearium, & alios hujusmodi, non constitit ex publica stipulatione in contractu matrimoniali, facta cum sponsis, sed vel ex eorum dictis, vel factis, vel ex rationabili præsumptione, & tamen eos, ut Virgines recipit, & veneratur Sancta Mater Ecclesia, & in eorum Officiis, & Festivitatibus has eorum virtutes extollit. Qualis autem vitæ innocentia, morum sanctimonia, operum pietate, insignis fuerit Pyrausta? Et Deus signis admirandis testatus est, & testantur Populi, nationesque remotissimæ, in quibus versatus est, ac requievit, qui prudentia eximia margaritam pretiosam virginittatis in sinu velut concha latens clausit. Sciebat enim, etiam virginittatem infatuari posse, nisi à vanitate laudum abscondatur popularium, ut patet in Euangelio *. Ideo tantum cum dubitaret se moriturum post secundum conjugium declaravit virginem sponsam superstitem relinquere, ut decori sponsæ, hæc declaratio proficeret, non ut sibi laudem adfisceretur.

9 Quando autem Pyrausta quærebat sibi sponsam, sceminam utique virtutis, & animi sibi similis, ut ei esset in adjutorium, ut in hoc creaverat Deus Evam in sociam, & adjutorium Adæ: non in perniciem, sicut Eva in perniciem Adæ degeneravit, adeò rectè, & sapienter apponebat illa verba, ut si possibile afforet, cum sponsa in virginittate viveret, sicut Joseph, & Deipara: Optimo Pyraustæ videtur respondisse, & animos addidisse Augustinum, verbis suis illis de bono conjugali, cap. 3. *Conjugium*, inquit, *potest manere, etiam quando impossibilis est conjunctio maritalis*. Ergo à fortiori, quando castitas virginalis pronuba intervenit nuptiarum, cui favet Deus integritatis amator, opitulatur Christus, Virginis desponsatæ filius: Virgo ipse virginis Ecclesiæ sponsus, quam fovent Angeli virginittatis intimi familiares, & Sanctus Joseph, atque Beatissima Deipara, dilectione maxima prosequuntur, quia vident sua exempla imitari, & per exemplorum suorum imitatores, mundo testari, & veluti facto prædicari, & ostendi, Sanctum Joseph cum Sanctissima Virgine Deipara verè conjuges Virgines fuisse, contra malignos diaboli sectatores Hæreticos, Virginittatem Mariæ Deiparæ blasphemantes. Si enim hodie in viro Agricola simplicissimi animi, ostenditur miraculum istud ingens, & rarissimum Divinæ Gratiæ, in Geminio Matrimonio servatæ virginittatis: non nisi stultissimus, aut consummatæ perfidiæ perditissimus aliquis negare audebit in conjugio S. Joseph, & B. Deiparæ, jugiter viguisse præclarissimam virginittatem, cujus exemplo sibi proposito, potuit vir humilis, sed alioquin viribus robustus, robustiorque virtute, atquein Deum pietate, in gemino conjugio servare.

10 Au-

* *Matth. cap. 25.*

SUPER PYRAUSTÆ MIRABILI FACTO. XIII

10 Auget autem in facto Pyraustæ admirationem, ultra quàm credi potest, quod in suis Matrimoniiis, tum in fieri, tum in facto esse apparuit præstantissimæ sapientiæ vir, cum esset humilis, simplex, & prorsus illiteratus Agricola: Magna quidem potentia Dei, & ab humilibus honoratur. Ipse subiit Matrimonia sua tanta mentis securitate, cum proposito servandi virginitatem, si sibi possibile afforet, ad exemplum Joseph, atque Deiparæ, prout, sibi ex Deo possibile fuit, cui se credidit in hoc facto, ac si fuisset maximus Jurista, vel Theologus, & in Sanctis Patribus versatissimus, quorum fulcitur ejus factum eximiiis doctrinis, ut statim ostendere non pigebit. Sed vel in primis non prætereundum est, plurimum à scopo aberare eos, qui Pyraustam asserunt contraxisse Matrimonia, cum intentione non consummandi, quod minimè verum fuit, quia ab intentione præscindebat; tunc potest enim quis ex allata doctrina Sancti Joannis de Capistrano in contrahendo Matrimonio non advertere, seu cogitare de copula, aliisque bonis Matrimonii secundariis, quod est ab eis præscindere in contrahendo, absque detrimento contractus. Namque objectum immediatum intentionis mentis ejus, fuit virtus virginitatis servandæ, ad exemplum Joseph, & Mariæ, cui actui quidem consequitur propositum continentiz à carnali copula, sed est de consequenti, non de principali, si quis enim in contrahendo haberet principaliter hunc actum: nolle utcumque se Matrimonium consummare; posset quidem in dubium verti validitas Matrimonii, ob repugnantiam præviam, ad bonum prolis: si quis autem amore virtutis, & excitamento exempli eximii, præcipuè S. Joseph, & Deiparæ proponeret, si possibile, afforet, virginitatem servare, licèt de consequenti præsupponatur continentia à copula, non est tamen tale propositum injurium Sacramento Matrimonii, nec bono prolis, quia pro objecto habet bonum præstantius, & Deo acceptius, quod est vaginalis prærogativa, quæ omnes superat laudes, & captum, sua sublimi excellence, dum ritè, & sinè offensiculo servatur etiam in Matrimonio, ut Pyrausta fecit, & ritè facere potuit, ut ostendere facillè, & plenè, nunc ad Dei gloriam, properamus.

11 Sanctus Bonaventura, vel S. Thomas, vel quilibet alius ex celeberrimis antiquis Doctoribus, cui adscribitur Opusculum inscriptum: *Compendium Theologica veritatis*. Anno 1375. Venetiis impressum, per Deuchinum, Auctore Fratre Joanne de Combis Lugdunensi Minorita, lib. 6. c. 38. de Matrimon. pag. mihi 431. *Matrimonium, inquit, est conjunctio maris, & femina, individua vitæ consuetudinem retinens: Matrimonium per Sponsalia initiatur, per consensum animorum expressum per verba de presenti, ratificatur, per carnalem copulam consummatur, & perficitur. Ad hoc autem sciendum, quod*

du-

XIV FAX OCCURRENTIUM

duplex est perfectio: Prima est in esse simpliciter; secunda est in esse completo: sicut patet in Puero, in quo est perfectio, quantum ad esse hominis simpliciter, sed non est in eo perfectio, quantum ad esse completum, secundum quantitatem, & operationem hominis. Eodem modo dicendum est de Matrimonio, de quo duplex est perfectio: Prima est, quæ facit Matrimonium, scilicet consensus animorum per verba de presenti expressus, & ad hanc non exigitur copula carnalis. Secunda perfectio est; quæ Matrimonium consummat, & ad hanc exigitur carnalis copula.

12 Hanc præclaram, & veram doctrinam, sibi mirifice applicavit Pyrausta in suis Matrimoniis. Enim verò studuit tantum perfectioni Matrimonii, quæ dicitur simpliciter, & quæ constituit Matrimonium, ratum, & perfectum, ex consensu mutuo animorum præsciindendo à carnali copula, quæ spectat ad Matrimonium consummatum, in quo se habuit juxta superiorem doctrinam velut puer simplicissimus, innocens, & purus; virgo, & castus, sed verè sponsus. Ita enim erant verè sponsi Adam, & Eva in Paradiso Terrestri, ante peccatum innocentes, nudi, & puri velut pueri, procul ab omni copula carnali, ut evidentissimè patet in Sacris Scripturis *; Verùm ne discedamus ab idea Matrimoniorum Pyraustæ, quæ fuit Matrimonium S. Joseph cum, Beatissima Deipara, tale quidem fuisse hoc sanctum Matrimonium P. Matthæus Ferchius Vegliensis Minorita, Doctor, & publicus in Patavina Universitate Professor, in Epitome Theologico 4. sent. super Magistrum, dist. 28. q. 1. ubi disserens de Matrimonio, hæc habet: *Quamobrem, inquit, potest transferri potestas corporis proprii in conjugem bifariam: Primò negativè, quia vir solutus potest ducere quamcumque mulierem; mulier soluta quemcumque virum, potest quis dare & recipere potestatem corporis uni, nè liceat dare se alteri sub peccato, & pena adulterii, quæ obligatio obligat conjuges ad semper, & pro semper: Secundò positivè, quia recipiens potestatem, acquirit jus petendi, dans subit debitum reddendi; quod debitum obligat pro loco, & tempore. Priore modo Deipara, & Joseph Matrimonium contrahentes, transfulerant potestatem corporum, non secundo, nec enim immeritata Virgo dedit, vel actum carnalem, vel potestatem, sive absolutè, sive conditionatè, idque ex speciali instructione Dei, & expressa passionem cum Josepho, dicens non minus ad hominem, quam ad Angelum. Quoniam virum non cognosco. Luc. cap. 1. Ita Ferchius in tota ista sua quæstione, cum Magistro sentent. hanc probat doctissimè præcisam, & absolutissimam conclusionem, quam sic proponit, Conclusio, inquit, secundum Magistrum: Ad Matrimonium Christianum*

non

* Gen. cap. 2.

non est necessarius consensus in copulam carnalem. Citat quoque in hac sententiam Vorilon, qui fusi de ea differit. Adherent huic sententiæ totis nervis Patres ex Salmantina Universitate Doctores, dicti Salmaticenses tom. 9. de Matrimonio, cap. 3. punct. 3. ubi præclare de hoc differentes sub num. 26. ita habent. *Dico*, inquit, secundo, quod si quis positivè excluderet duos fines extrinsecos Matrimonii, accidentales tamen, ut est prolis procreatio, & concupiscentiæ remedium; licitè, & validè Matrimonium contraheret; tenet Cajetanus tom. 1. Opusc. tract. 12. de Matrim. q. 3. Dicast. tract. 5. disp. 2. dub. 25. n. 313. *Ut* quando senes contrahunt, absque spe prolis procuranda, aut steriles, qui tamen essent apti ad copulam, sed nec ipsam habere, nec remedium concupiscentiæ intenderent, sed solum bonum Matrimonii, quod est in cohabitatione utriusque bonorum communione, & amore, & mutua fidelitate, quia jam salvatur finis Matrimonii substantialis, & non apponitur finis pravus: nemoque tenetur omnes fines Matrimonii prætere, quod constat manifestè in conjugio Beatiss. Virg. cum S. Patriarcha Josepho, in quo nec remedium concupiscentiæ, nec prolis procreatio intendeatur, & tamen absque peccato, & validè contraxerunt. Cum illis sentit & Pater Claudius Frasen. Egregius Minorita Doctor, & publicus Professor in Universitate Parisiensi in suo Scoto Academico, tom. 4. tract. 3. de Matrim. disp. ultim. art. 1. q. 2. num. 11. ubi eruditissimè asserit, & sustinet, quod copula carnalis non est pars essentialis Matrimonii, ex quo plura hic ad propositum transcribere operæ pretium erit: Ecce igitur quemadmodum Pyrausta simplex Agricola, ad castæ suæ virginittis tutelam in nubendo, velut magnus, immò coelestis Theologus præcavit, &c. Et præscindendo à copula, intendit sponsas sibi assumere.

13 Neque nova, aut nutans hæc doctrina est, sed antiqua, solida, tutissima, atque fundata, cui nedum Theologi, sed Patres Sancti graviore, & jura ipsa concordant. Sanctus Joannes Chrysost. seu quilibet sit auctor operis imperfecti in Matth. & asseritur, cap. *Omnis res, &c. Matrimonium*, inquit, *non facit coitus, sed voluntas*. Et Isidorus lib. 9. Etymolog. c. 7. & asseritur, cap. *Conjuges eodem, &c. Conjuges*, inquit, *verius appellantur à prima desponsationis fide, quamvis adhuc ignoretur inter eos conjugalis concubitus*. Cui accinit Sanctus Augustinus de Nupt. & conjug. lib. 1. cap. 11. *Conjux vocatur*, inquit, *à prima fide desponsationis, quam concubitu non cognoverat Joseph, nec fuerat cogniturus, nec poterat (alias pejeraret) nec mendedx manserat conjugis appellatio*. Et idem addit Augustinus, inter Christi Parentes fuisse conjugium mente, non carne, nempe consensu, non copula; Et inibi pergit ostendere, omnibus bonis conjugium. S. Josephi cum Beatiss. Deipara affluisse. Et de bono conjugali, cap. 1.

XVI FAX OCCURRENTIUM

loquens Augustinus de Matrimonio instituto ad castē in virginitate vivendum, non ad copulam: *Poterat enim, inquit, esse in utroque sexu, etiam sine tali comixtione alterius obsequentis amicabile quadam, & germana societas*: Quod enucleatius replicat ibid. cap. 3. *Quod mihi, inquit, non videtur, propter solam filiorum procreationem, sed propter ipsam etiam naturalem in diverso sexu societatem, alioquin non jam diceretur coniugium in senibus præsertim, si vel amisissent filios, vel minimè genuissent: Nunc verò in bono licet annofo conjugio, etsi emarcuerit ardor atatis, inter masculum, & feminam; viget tamen ardor charitatis inter maritum, & uxorem*. Omnia hæc confirmata inveniuntur in placitis Summorum Ecclesiæ Pontificum, definientium, Matrimonium per solum consentum verbis expressum contrahi, quæ videri poterunt in cap. cùm locum, cap. cùm apud Sedem Apostolicam, cap. tuæ fraternitati, cap. tua nos duxit. De Spons. Ex quibus omnibus uberrimè constat Pyraustani sua Matrimonia contraxisse, juxta leges Dei, Naturæ, Ecclesiæ; & juxta sanctorum doctrinam Patrum, Doctorum, & Sapientium, cui pro scuto insuperabili est Matrimonium S. Patriarchæ Joseph, & Beatæ Virginis, ad cujus ideam ipse propius cæteris, qui sponsi Virgines vixerunt, accessit, quo magis proposuerat ante nuptias, & in eis contrahendis in statu virginitatis permanere conjugatus; sicut sibi constanti animo proposuerat ipsa Virgo Deipara, nullo de hoc cum Joseph habito prævio sermone: Et ipse Joseph, nullo habito sermone cum, ea. Ita ut si quis vellet imponere Pyraustæ, quod malè fecisset de suo proposito nihil sermonis cum sponsis habendo, nihil proficeret; quia nec hoc fecerunt ad invicem S. Joseph, & Beatissima Deipara; & si hoc requiri in Pyrausta, quis persistere velit, ei satisfacere possemus, ostendendo quod satis ille sese expresserat, cùm ante nuptias loqueretur; cupere se sponsam, cùm qua vivere posset, velut vixerat S. Joseph cum Beatissima Deipara, de quo optimè conscii Parentes Puellarum, eas ei obtulerunt, quales cupere dicitabat; virtutibus exultas, & adversas ab omni malitia, ut eas patrocinaretur, à periculis mundi eriperet, atque suis divitiis foveret, aleret, ditaret, atque dotaret, ut generosè, & liberaliter fecit. Et ista suggerere oportuit ad ostendendam, & ostentandam sublimitatem heroicæ virtutis Pyraustæ, qui æmulando S. Patriarchæ Joseph, cum Sanctissima Deipara Matrimonium, ænulos non paucos tum in vita, tum post, expertus est valde intensos; quod solet esse fatum virtutis, quæ sine æmulatione tepescit, & absque æmulis gloria debita famæ caret; Ideo ad tantæ virtutis splendorem audire sis erit, quæ obsistant.

14 Obsistere videtur in primis contra Matrimoniorum Pyraustæ substantiam, Innocentius III. in cap. debitum, de Bigamis non ordi-

pan-

SUPER PYRAUSTÆ MIRABILI FACTO. XVII

mandis. *Profecō*, inquit, *conjugium illud, quod non est commixtione corporum consummatum, non pertinet ad illud conjugium designandum, quod inter Christum, & Ecclesiam per Incarnationis Mysterium est contractum; juxta quod Paulus exponens illud. Hoc nunc os de ossibus meis, & caro de carne mea, &c. statim subjungit: Hoc autem dico magnum Sacramentum in Christo, & Ecclesia.* Igitur non videtur illud Matrimonium esse Sacramentum, quod ad significandam unionem Christi cum Ecclesia, consummatum non est per copulam; quia Matrimonium ratum, dumtaxat figurat conjunctionem Christi cum Anima per charitatem: Ex 1. Cor. cap. 6. *Qui adheret Deo*, inquit, *unus spiritus est cum Deo*; quæ unio etiam fuisse inter Christum, & Ecclesiam, & justam animam, etsi Christus non advenisset, ideoque ad veram significationem connubii Christi cum Ecclesia, oportet copulam intercedere inter Matrimonio junctos, & subinde neque Matrimonia Pyraustæ fuerint legitima. Hæc autem assertio licet magis latè pateat, quàm factum hic propositum, quia ad omnia similia extenditur tamen contra jura adducta, & contra fundamenta pro nostro facto urgeret, nisi in promptu esset, quid responderi potest.

15 Quamobrem responsio ex S. Bonaventura exeat, qui dist. 26. in 4. q. 3. art. 2. ita sapientissimè disserit: *In Matrimonio*, inquit, *considerantur hæc tria, scilicet, signum, officium, & remedium. Quantum ad significationem dicendum quod duplex est ejus significatio: significat enim conjunctionem Christi, & Ecclesiæ per charitatem, & conjunctionem eorumdem per naturæ conformitatem. Similiter duplex est officium, unum enim est mutue educationis, & fomenti, aliud procreandæ prolis. Similiter duplex est remedium unum est quantum ad concupiscentiæ defluxionem, ut scilicet non ad omnem mulierem intendat: Aliud quantum ad inordinationem, ut scilicet non libidine, sed amore prolis, ucc. sine matrimoniali affectu mulierem cognoscat. Primum igitur signatum, & primum officium, & primum remedium, sunt in Sacramento Matrimonii, quantum ad conjunctionem animorum; secundum est solum quantum ad conjunctionem corporum. Et primum est de substantia Matrimonii, quantum ad esse necessarium; secundum quantum ad esse plenum. Ex qua pulchra doctrina deprehenditur, quod significatio, & representatio connubii Christi cum Ecclesia quæ fit per Sacramentum Matrimonii non est tota, nec completa, nec principalis ratio Sacramenti hujusmodi: cum in ratione Sacramenti Matrimonium sit & ipsum signum sensibile gratiam Dei efficaciter significans, quæ confertur in tali Sacramento Animabus suscipientibus illud, & hæc est ejus præcipua significatio, ideoque aliæ significationes figurales se habent incomplete ad matrimonium, & mylticè tantum: nec significatio conjugii Christi cum Ecclesia, si sola sumatur, refert perfectam significationem rationem Sacramenti, quam*

rationem Matrimonium præcisè desumit ex hac dignitate, quàm scilicet obtinet, prout ratione gratiæ sanctificantis, qua invicem coniunguntur conjugum animi, repræsentat illam unionem Christi cum Ecclesia per charitatem, & gratiam ipsam sanctificantem, quam infundit: ideoque & Apostolus de illa loquitur conjunctione Christi cum Ecclesia, quæ sit per charitatem, & gratiam, quàm Matrimonium repræsentat. Et ita iuxta S. Bonaventuræ doctrinam interpretari debent verba Innocentii, de Sacramento Matrimonii, quantum ad esse plenum, cum omnibus accidentalibus, ipsum concernentibus.

16 Nititur quidem Gratianus assumptum hoc sustinere, quod scilicet copula carnalis sit pars Sacramenti; ita ut sine copula carnali Matrimonium Sacramentum dici nequeat, & allegat pro se 27. q. 2. Can. Non est dubium, &c. Et Can. cum Societas, &c. sed in hoc rejicitur, quippe cum Canones illos falsò attexuerit, ut ostendit Frassen. Quare magister sentent. quem in hac re laudat ipse Calvinus, cum num. 26. retulisset præfatos Canones illos dnos, quorum primum depromptum fingit ex verbis Sancti Augustini: Alterum ex verbis S. Leonis Papæ, ad insinuandum, quod copula carnalis, & commixtio sexuum necessaria sit ad perfectum conjugium in ratione Sacramenti; ipse Magister contra Gratianum sic iusto zelo declamat.

17 Hoc, inquit Magister, si secundum superficiem verborum, quis acceperit, inducitur in errorem tantum; ut dicat sine carnali copula non esse contractum Matrimonium: Et inter Mariam, & Joseph non fuisse conjugium, vel non fuisse perfectum, quod nefas est sentire. Tandem enim sanctius fuit, atque perfectius, quando à carnali opere immunis. Sed superius posita, ea ratione dicta intelligenda, non quia pertineat Mulier illa ad Matrimonium, quod expressam, & plenam tenet figuram conjunctionis Christi, & Ecclesia. Figuratur enim illam unionem Christi, & Ecclesia, quæ est in charitate, sed non illam, quæ est in natura conformitate. Est ergo, & in illo Matrimonio typus conjunctionis Christi, & Ecclesia, sed illius tantum, quæ Ecclesia Christi charitate unitur: non illius, quæ per susceptionem carnis capiti membra uniuntur. Nec ideo tamen minus Sanctum est conjugium; quia ut ait S. Augustinus, in nuptiis plus valet Sanctitas Sacramenti, quàm fecunditas ventris. Est etiam conjugium signum spiritualis conjunctionis, & dilectionis animorum, quia inter se conjuges uniri debent; unde Apostolus ait: Viri diligite uxores vestras, ut corpora vestra. Hæc excerpta sunt ab ipso Frassenio, quæ apprime muniunt ea, quæ hætenus allata sunt pro Pyraustæ mirabili Matrimonio, de quo ut Sacramento magis audiendi sunt Theologi, quàm alii quicumque.

18 Contra Pyraustam tamen, sicut insurrexerunt sponсарum Parentes, dum viveret, sic modò insurgere possent pro his, illi, qui factio-

di-

SUPER PYRAUSTÆ MIRABILI FACTO. XIX

dictis repugnat. Parentes autē infans insurrexerunt contra Pyraustam pro filiabus suis sponſis ejus, illum injuriis impetentes, quod non foreundaret sponſas, immo sperneret, Matrimonia non consummando, improperantes impotentiam ad Matrimonii usum, & in judicium vocaturus minantes ad dirimendum Matrimonium; & hi præcipuè primæ sponſæ Parentes fuerunt: Quibus modestè Pyrausta mitis respondit, ut in factis retulimus. Hujusmodi turbas excitatas à diabolo, quis non videt? Invidet diabolus hominibus ab initio; & invidit præcipuè Protoplastis nostris in Paradiso, dum virgines in conjugio viverent, pace summa inter sese, & cum propriis concupiscentiis nondum rebellibus, & Adam per uxorem decepit, atque turbavit; inde malignus ille hostis didicit per uxores maritos impetere, ut impelleret in præceps, ita curavit per uxorem impellere Sanctum Job, patientiæ prodigium; & Sanctum Senem Tobiam pariter per uxorem pervertere conatus est: nunc autem valde mirandum est, quod per parentes Sponſarum, Pyraustam impellere conatus sit, non per ejus sponſas! Certè in facto Pyraustæ invenerat Satan, quid magis invideret, & sua malignitate persequeretur, quia exempla tantæ virtutis, quæ absconderat Deus diabolo, ut refert Martyr Ignatius, in Domina nostra Maria, ut deciperetur in sua malitia; in Pyrausta renovata patebant, in exemplum futura ad inferni destructionem, & Dei gloriam supremam. Tamen sponſis silentibus, Parentes perſistere audiuntur, utique per Satanam incitati ad tentandum probum Pyraustam. Cur ergo non potius incitavit sponſas contra ipsum? Non nisi certè, quia cum sponſo jam de virginitate servanda, convenerant.

19 Dicit fortè aliquis, quod sponſæ, ut verecundæ, de copula Matrimonii Marito Pyraustæ quidquam mutire non sunt ausæ ex erubescencia, & fortasse Parentibus suis fidentiùs, præcipuè matribus, hoc dixerint. Hæc vana omnino, & insubſistentia sunt figmenta. Et vel in primis, quis nullus unquam dixit aut dicere, seu tellari, & interrogatus, potuit; quia falsum prorsus est: Insuper licet ego, qui hæc scribo, uxorem nunquam duxerim, scio tamen ex ministerio Sacramenti Pœnitentiæ, uxores minimè posse quiescere, & non in maxima jurgia prodire, si vel mariti eas non cognoscant, vel in fraudem Matrimonii, alienis feminis adhzreant. ita ut ex zelotypia, vel ex negligentia mariti ad copulam fiant adeo impatientes, ut domum invertant, familiam obvertant, apud amicas querelas maximas, & perpetuas misceant; aliquando maritos deserant, fugiant, spernant, & in judicium provocent: per veneficia, per maleficia, & per ipsos procos sibi ad vindictam procuratos, enecent; legi enim apud peritos medicæ artis, feminam iacentiva concupiscentiæ duriora experiri, quia per primam feminam Evam, concupiscentia evasit mala, & rebellis in nobis, & ex aliis rationibus, quæ

XX FAX OCCURRENTIUM

patent expertis, & modestia honestatis hic reticere cogit. Si ergo Pyrausta cum suis sponſis pace fruitur tranquilla, nec auditur in ejus domo ulla, nec minima turbatio, & tamen viget inter ipsum, & sponſas caſtiſſima virginitas, quomodo fingi poterit: Pyraustam malè cum suis sponſis se gerere, ipsiſque invitis à copula carnis abſtinere?

20 Quod verò sponſæ quidquam manifeſtarint Parentibus, omnino inveriſſimile eſt: nam poſtquam Parentes increparunt Pyraustam eique minati ſunt in judicium provocaturos, & hoc non obſtante ipſe perfeveravit in ſua virginitate; ſi ex ſponſarum querelis Parentes hoc feciſſent, & poſtquam fecerint, ſponſæ proficere ad ſuum intentum non vidiſſent; utique magis, magiſque furiis libidinum agitatæ in Pyraustam irruiſſent, omnia ſua jura invertiſſent, atque projectis verecundiæ, ac modestiæ repagulis, clamoribus mundum impleviſſent; atqui hoc non fecerunt, nec per nutum, ullus unquam notavit in ſponſis Pyraustæ, aut appetitum ad copulam, aut de non copula lamenta miſceri: ergo.

21 Dixerunt quidam, quod Pyrauſta eſſet, vel impotens, vel inſenſibilis, vel mulierum oſor. Verùm inſenſati potiùs, qui hæc eſſutire auſi ſunt. Impotens non erat Pyrauſta, quamquam propè ſexagenarius, quia centenarius eſt mortuus, & ultrà ſeptuageſimum annum ferociſſimos Tauros ſilveſtres domabat, contra indomitas beſtias conſligebat; & ſi contra ipſum diabolum ſenſibiliter luſtatum fuiſſe aſſeverarem, falſum non aſſererem; labores autem indefeſſos, & graviſſimos indefatigabilis uſque ad mortem ſubiit, & vegetus ſemper perſiſtit; quomodo ergo impotens? Spado, vel Eunuchus non erat, & ſi talis fuiſſet, nec iniſſet Matrimonium, nec evitaſſet moleſtias libidinis, à quibus non eximuntur Spadones, aut evirati, ut patet apud Auctores de huiusmodi tractantibus, & ex ipſis Eunuchis, vel eviratis viventibus. Inſenſibilis neque fuit, quia filius Adæ erat, ſicut quilibet homo ex eodem luto participans; quomodo ergo ut homo natus de muliere; cæterorum hominum miſeriis non repletur? Quod verò odio habuerit fœminas, unde colligi (bone Deus!) unquam poteſt, cùm fœminas ſibi ſponſas quaſſerit, eaſque dotaverit, nutrierit, eis perfectiſſima dilectione blanditis fuerit, & ſuas hæredes ex aſſe inſtituturus eſſet?

22 Cogentur ergo, velint, nolint, dicere, qui talia ſuſpiciantur, Pyraustam à Deo, cui ſideſſimè ſerviebat, tali munitum fuiſſe gratia, & decoratum innocentia; ut ſicuti in ſuis membris gerebat Chriſtum, & corpus ſuum caſtigabat, in ſervitutem ſpiritus redigens, virgo vivens, & caſus invitis diabolo, & mundo, fœminarumque inſidiis, & carnem ſuam diris cruciatibus, & laboribus, atque macerationibus perfequens, carnem alienam non appetere, immò ab iſta abſtinere, noverat. Dominus ſui ipſius factus, ſuorumque appetituum moderator, ut jam ex diuturna virginitate baſamum incorruptionis, ex gratia Dei, ita

in.

inducit, ut omnium sœminarum consortia, commercia, & ipsum habitum evitans non sit veritus cum suis sponsis, tutissima virginitate conversari castissimè, gratia fretus Sacramenti, protectione Altissimi, & præcipuè Virginis Deiparæ, Sanctique Joseph, cujus exempla rediuvia fecit, & aliis pervia illis, qui fiducialiter agunt, spe in divino auxilio firmata.

23 Quod autem similem cum Pyrausta propositum induere poterint, immo & induerint ejus sponsæ, patet ex earum quiete, & tranquillâ cum sponso pace; & quia sœminæ raræ virtutis erant, ab ipso tales quæsitæ, & selectæ, ita ut nec earum pacem cum sponso, diabolus potuerit inturbare, neque ausus fuerit hoc perturbare, immo nec ipsas suggestionibus convenire, aut circumvenire, quod utique si potuisset, fecisset, ut fecit cum aliis viris etiam sanctissimis, quia durius ita Pyraustam potuisset exagitare, & sua malitia, magis sperare victoriam, quam non obtinuit, licet per Parentes sponсарum eum aggredi non desisterit. Juvit præterea plurimum sponсарs ad castam virginitatem, sponsum talem habere, qui virginitatem colebat, purissimamque castitatem spirabat. Si enim Sanctus Antonius de Padua lilium illud virginitatis conspicuum, data sua tunica cuidam Juveni Novitio acerrimè à diabolo, & carne, ardoribus vehementissimis libidinum vexato: statim, ac eam induit Novitius, sensit se prorsus liberum à peste luxuriæ; tanto magis hoc donum per Christi gratiam, & castitatem à viro castissimo sponso veluti contrahere poterant sponсар, ex intimo cum eo contubernio? Agitur enim hic viro meritis, & virtutibus celeberrimo. De hujusmodi rebus planè æqui non erunt Judices, qui sub libidinum, & concupiscentiarum tyrannide vivunt captivi, suæ carni vim inferre nescientes: * Sed judex sit ille Paulus Apostolus, qui à Satana jugiter colaphizatus, & stimulis suæ carnis dirè tortus, veruntamen invictissimus persistens, omnes cupiebat virgines esse, sicut ipse erat, & unicuique ex divina largitate donum aliquod concessum assererat. Pyrausta ergo donum virginitatis consecutus, sicut cum sua carne jam dormita in pace vivebat, sic nec timebat à carne suarum sponсарum virginum, quas tamquam innocentes, candidasque columbas, ut ipse eas vocabat, sponso Christo custodiebat, nutrebat, & brevi ad Christum transmissit.

24 Quod verò, eslo perculsi, Parentes sponсарum Pyraustam aggressi fuerint, non quidem à sponсарum querelis, sed ab iniquo mathematica excitatos fuisse, ostendit ipse Pyrausta, cum ad eos placandos, protestatus fuerit, se relicturum sponсарs ex asse hæredes; ut commode, & procul à necessitate viverent, si contingeret ipsum eas præ-

ve-

* 2. Cor. cap. 12.

XXII FAX OCCURRENTIUM

venire morte, quod de utraque facturus erat, nisi ipsæ morte prævenissent illum; quod non sine numine accidit, quia cum videret Deus, Parentes sponsarum, à jurgiis, & molestiis in Pyraustam non quiescere, citius sponfas ad se vocavit à sæculo; quæ candidiores lacte, ut Palumbes ad Christum sponsum evolarunt. A nullo ergo moti præterquam à propria avaritia, quia pauperes valde erant, de quo conquestus est apud Religiosos Pyrausta, confurrexerunt in ipsum, sponсарum Parentes; eò quod jam ante Matrimonia, scirent ejus propositum, vivendi cum sponsis, ut S. Joseph cum Deipara, nec videbant filias sponfas utrum gerere; & ex alia parte per hæredes inhiabant ejus divitiis, ut per hæredes tutius assequerentur: Ista erant Parentum motiva. Tamen bonus Pyrausta mortuis sponsis, dotem, quam ab eis non receperat, sed ipse sponsis tradiderat de propria substantia, mortuis illis, Parentibus, ac si recepisset, dono transmisit.

25 Sed per Confessarium quid suadere sperabant Pyraustæ Parentes, sponсар secundæ, cum ipse sciret, atque pluries testatus fuerit incomposito esse; seque certissimum suas sponfas, nec movisse ex Parentibus turbas, nec unquam per minimum nutum appetiisse copulam, quam & fortè ignorabant; quia tenelle puellæ, vel & horrebant, quia omnem ignorabant malitiam; & fortasse si Pyrausta copulam petiisset, & scandalizasset; Puellæ enim virtute præstantes, & præcipue tenellæ, pudorem suum servare magis contendunt, quam amittere. Non enim ubique tanta immodestia, immo & honestatis jactura præveniuntur, aut celebrantur nuptiæ, ut in quibusdam locis (utinam non inter Christianos) contra quos improbos modos exaggerant Sancti Patres: Nuptiæ namque Pyraustæ cum suis sponsis fuerunt ad instar nuptiarum Joseph, & Deiparæ, quos imitari sibi proposuerat Pyrausta, scilicet pronubo Patre cœlesti Paranympis Angelis, & conjugatis Virginibus: neque Confessarius partialis Parentum sponсарum, injicere poterat scrupulum menti Pyraustæ, qui & noverat ab illis Confessarium inductum, quia Matrimonia non consummaret; certè enim ex responsis Pyraustæ deprehenditur ipsum apprimè in re sua instructum fuisse, & fortasse per alios Doctores Theologos; quia in responsis ejus invenitur doctrina sublimis, quam supra dedimus de multiplici scopo Matrimonii; & quod de ipsius essentia, ut ratum, non erat copula; ipse namque aiebat, se cum sponsis suis junctis amore cordibus, castissimo tamen in societate pacificis; & tranquilla, junctisque animis vivere; eas optimè tractare, & in cunctis præliò esse, ut ipsæmet faterentur, quarum sciret ipse intentionem, procul ab hujusmodi appetitibus, easque interrogandas esse priusquam suæ quieti molirentur perturbaciones. Confessarius autem à prima vice non amplius Pyraustæ de hoc verbum fecit. Quinimò Pyrausta suam sponсам ingenuè certiore fecit, nec tamen illa de hoc
ejus.

ejus oneravit conscientiam, quod constituit, eò quia Pyrausta vir timoratifsimæ conscientiz, immobilis in sancto proposito virginitalis cum sponsa perseveravit. Si verò sponsæ operâ hæc contentiones ortæ fuissent, sponsa non reticisset, Pyrausta sponso sibi narrante à Confessario audita. Inde est, quod Pyrausta sponfarum suarum puritatem, & synceram animi, & morum præstantiam laudibus solebat efferre. At quis unquam præsumeret virum tantæ virtutis, talis conscientiz, & insignis Sanctimoniz, voluisse illudere, atque decipere sponfas, & suam animam perdere? Numquid factum hoc habuit aliquid inhonesti, aut vitiosi? Agitur de virtutibus summis hæc, & de rebus prorsus divinis, divinitus inspiratis, devotè, atque sincère peractis; & optimo fine clausis, Pyrausta erat virtutis vir; sponsæ virtutis femina, per virum magis magisque virtuti captivandæ, & si, ut inquit Apostolus *, per virum fidelem salvatur in Matrimonio mulier infidelis; quanto magis per fidelissimum virum, fidelis, & virtuosa sponsa ad virtutem magis trahi poterit **, ut traxisse putandum est suam sponsam Pyraustam? Ecquidem si verum est, quod per David dicitur: Et cum viro innocente innocens eris, ausim etiam deducere: Cum viro virgine, virgo sponsa erit; quia semper verum erit, quod virtus, & si assuectione difficilis, quia virtutem posuere dñi sudore parandam; veruntamen conformior est creaturis rationalibus, & allicit, atque attrahit eorum animos, etiam quamquam natura humana peccato originali vitiata sit, semper est in virtutem propensior; eò magis animæ, quæ gratia Dei sunt per Sanguinis Christi lavacrum regeneratæ, & eò vel maxime Animæ illæ, quæ sunt in virtutibus Christianis educatæ, ut fuerunt sponsæ Pyraustæ, quæ virtutibus assuetæ, & in virtutibus enutritæ ætate tenera, & consuetudine viri in virtutibus consummati, ejus exemplo, & sancta persuasionem, secum in sancta virginitate vivere faciliè inductæ fuerint, Dei adspirante auxilio.

26 His non obstantibus, injustitiæ incusare tentarunt Pyraustam, eò quod conjugium, seu Matrimonium cum sponfis non consummaverit; sed injustè quidem hæc injustitiæ nota ei inuritur: quia Pyrausta vir justus erat, prout justitia intelligitur quidam cumulus omnium virtutum, ut patet in tota serie ejus diuturnioris vitæ. Et justus etiam justitiâ, quæ est virtus ad alterum, reddens alteri, quod suum est; quia Pyrausta non tam cuique, quod suum erat tribuit; sed & sua quibus non debuerat, generosa, & magnanima liberalitate distribuit, ut in ejus gestis insignibus narratur; ut non Agricoltæ, sed regium animum, manum, & indolem, se possidere ostenderit; etiam inter insigniores orbis benefactores computandus: quia mundo ipsi sua industria, & in-

ge-

* 1. Cor. cap. 7. ** Psal. 17.

XXIV FAX OCURRENTIUM 2

genio profuit. Nunc autem verum quidem est quod conjugalis copula, debitum nuncupatur, & debitum reddere ex iustitia commutativa uniuersisque tenetur: attamen quia Matrimonium, ejusque copula cum ex indulgentia Dei creatoris sit; virginitas autem sit ex consilio Redemptoris Dei, & etiam in conjugis Pyrausta hocce consilium, præ copula elegerit seruandum, si possibile afforet; quamvis contraxerit debitum copulae, animo seruandæ virginitatis, si foret possibile, Deo adiuuante inuenit, ipse modum, quo sibi foret possibile. Debitum namque copulae conjugalis non est debitum redditionis alicujus accepti, præcipue si Matrimonium sit tantum ratum; sed debitum alicujus rei ex mutua obligatione, & conventionione reddendæ, quando, & quoties petatur, & opus sit; si verò non petitur, obligatio remanet habitualis tantum, non actualis, quæ actualis sit, cum actualis intervenit petitio.

27 Neque adeo rigorosum est illud debitum, ut etiam si petatur reddendum sit statim post Matrimonium ratum; conceditur etiam ab Ecclesia spatium duorum mensium cuique sponso ad suspendendam, redditionem etiam petitam; ut interea si Spiritus Sanctus eis inspiraverit Religionem amplecti, ut multi fecerunt, vel aliud insigne bonum opus perficere, ut fecit S. Alexius, tempus eis adsit. Ita ex cap. ex publico, De convers. conjug. ibi: mandamus, &c. Horum autem duorum mentium spatium initium habet ab eo tempore, quo exempli gratia aliquis ex sponis querelas moveret contra alterum, qui sibi non redderet debitum petitum; ut asserunt Canonistæ in dicto cap. ex publico. Et signanter Glossa, verb. Infra duorum. Et ibidem Glossa marginalis. Et ibid. But. num. 12. Hostiens. num. 4. Zabarel. num. 15. Fagnan. num. 36. Confutans Basilium Pontium, cum pluribus Theologis.

28 Proinde, quis scire potest: an Pyrausta prima nuptiarum nocte loco consummandi Matrimonium convenerit sponas, sancta, & efficax exhortatione, sicut fecit Tobias Junior suam sponfam Saram, quam his compellavit verbis Tob. cap. 8. Sara, inquit, surge, & deprecemur Deum hodie, & cras, & secundum cras, quia his tribus noctibus Deo jungimur; tertia autem transacta nocte in nostro conjugio erimus. Filii quippe Sanctorum sumus, & non possumus ita conjugii sicut Gentes, quæ ignorant Deum. Et Tobias hoc consilium habuit ab Angelo Raphael e ipso comite suo, qui interea alligavit maledictum dæmonem Asmodæum, qui necaverat septem alios sponso Saræ, qui ut perhibet Scriptura, sicut equi, & muli in sponfam libidinosè irruerant. Ita & Pyrausta potuit exhortari, & exorasse suas sponas, ut non ad triduum differrent copulam, sed ad mortem usque amore Christi; & virginitatis, proposito exemplo Deiparæ cum Joseph, in quo

SUPER PYRAUSTÆ MIRABILI FACTO. XXV

quo ita sibi complacuerit Dominus, ut gratiam suam præbuerit, & Angeli virginum loci, & Pyraustæ domestici, dæmones statim alligaverint, qui solent sacras nuptias inficere libidinibus, & ita conferent sponas.

29 Quæli autem Pyrausta polleret energiâ in suadenda castimonia; & virginitate, apparuit, quando raptam pulcherrimam virginem suæ fidei commendatam, à qua terribiliter ad turpia sollicitabatur usque, ad se coram ipso, & in oculis ejus nudam constituendam, tamen constantissimus vir eam ad meliorem frugem perduxit, & à vitæ discrimine subtrahens, inter Deo sacras virgines, sponfam Christi effici induxit: quantò magis ergo suis sponis pudicissimis hoc insinuare prævaluit, ut secum virgines viverent. Aliàs etiam jam religiosæ malitiæ adscriptus, advertens quemdam Procum Juvenem, mulierculæ verbis parum honestis lenocinantem, hortatus utdesisteret, & modestæ castitati studeret, spretus ab ipso, obstinatiore facto; Procus à diabolo arreptus suffocabatur, ni Pyrausta accurrens, & Procum, & diabolum increpans, & à vitio, & à diabolo liberaffet, ita Deo zelum, castitatis munerante.

30 Et si me conveniant oppositores dicentes. Unde hoc ego novèrim factum à Pyrausta? Ego quoque reponam: Unde ipsi noverint, aut potuerint asserere oppositum? Vel unde noverimus nos factum illud Tobiz, dilationis copulæ, ac orationis, dæmonisque alligationis? Nunquid à Parentibus Saræ, aut aliis hujusmodi? Minimè gentium. Hoc à Spiritu Sancto sacris insertum fuit scripturis, in exemplum. Et hoc nunc potest suæ Ecclesiæ suadere cœlitus, in facto Pyraustæ. Quia hujusmodi facta solum Deum habent testem, nec videntur hominibus, nisi post mortem Heroum, qui talia patrarunt: ne in laqueum verteretur eorum virtus, si in vita patesceret, vel in quietis detrimentum, ut ex sola suspitione evenit per Parentes sponarum Pyraustæ; sed putaverim ego, quod fortè nec opus fuerint hortationes Pyraustæ ad suas sponas, quæ ut tenellæ erant, & compotes virtutis, malitiæque exortes, potiùs integritatem, quam profitebantur in anima, amaverint servare etiam in corporibus, insciæ omnino venerarum illecebrarum; quæ ex semetipsis simplicibus cordibus Puellarum, honestate, & verecundia ornatarum non sunt gratæ, immò potiùs tales Puellæ refugere, & horrere solent, ut dictum est supra præcipuè in suæ morituræ virginitatis initiis, si in maritos inciderint, in quibus non inveniant Pyraustas hujusmodi virtutis viros.

31 Sed juxta effatum divinum. * Qui sanctus est, sanctificetur adhuc, & qui justus est, justificetur adhuc. Si Pyrausta contra justitiam,

5555

pec-

* Apocal. cap. 23.

XXVI FAX OCCURRENTIUM

peccasse culpatur, copulam non exercendo cū sponſis; videndum quare, & contra quam juſtitiam peccaverit, ita ut injuſtitiam ſponſis feciſſe conſtet. Doctrinam tritiſſimam juſtitiz habemus, quod totidem modis dicitur injuſtitia, quot juſtitia. Juſtitia autem hic ſumenda, & conſideranda: vel eſt legalis, vel diſtributiva, vel commutativa, quibus prout injuſtitia adverſatur, etiam dividi poteſt totuplex. Contra quam ergo juſtitiam peccavit Pyrauſta? Non quidem contra legalem, nam in bonum commune ſua copula cum ſponſis neceſſaria non erat, quia mundus repletus eſt populus, nec indigent creſcere, aut multiplicari; alioquin jam nulli liceret Deo in caſtitate virginali inſervire. Quæ ſtulta ſuppoſita neceſſitate imprudentes filiz Loth cum inebriato Patre inceſtuoſe concubuerunt*, putantes in mundo poſt incendium Pentapoleos, jam deſeciſſe homines. Non contra juſtitiam diſtributivam, quæ reſpicit diviſionem bonorum communis per idoneam perſonam faciendam proportionaliter, quod nullo modo ad rem noſtram ſpectat, ut intuenti, & intelligenti patet. Non contra commutativam, quæ dat tantum pro tanto dati, & accepti, ita apud omnes peritos de juſtitis diſſeritur. At Pyrauſta nihil à ſponſis acceperat quantum ad copulam, ut debitum reddendi, aut reſtituendi haberet, neque quidquam à ſponſis ab eo petebatur, verbo, vel nutu, ut debitor conſtitueretur. In Matrimonio enim tunc unus alteri debitor proximè, & immediatè conſtituitur cum obligatione reddendi, quando ab eo petitur, quod ut petitum dare debet, vel jam accepit, ut æquale reddat; alioquin debitum manet remotum, & in poteſtate ejus qui non reddit, quia non petitur, aut non recepit; aut quia habet legale interſtitium, ad reddendum: Cū autem per petitionem conſtituitur quis debitor petiti, ſi non reddit, reus etiam debiti conſtituitur, & à judice compellendus. Quæ igitur injuſtitia Pyrauſtæ, quod non dedit id, quod ab eo, nec verbo, nec nutu fuit à ſponſis expetitum, juxta contractus matrimonialis naturam, nec ipſe reſtituere debuerat, quia nondum Matrimonium conſummando, receperat? Quid autem ad ſoceros ejus pertinebat, de hoc ut ipſum compellerent ad reddendum, quod nec acceperat, nec ab eo expetitum fuerat, immo fortaiſe ex condicto cum ſponſis, nec reddendum erat? Faceſſant ergo ſoceri Pyrauſtæ, quibus ſi aliquid juris competere ex ultronea liberalitate conceſſerimus, hoc erit tantū in eo, quod filias potuerint tradere in ſponſas Pyrauſtæ; cæterum de copula Matrimonii cura omnis pertinet ad eoſdem ſponſos, non ad ſoceros, qui ſi inter ſe ſuz mentis, & corporum velint integritatem ſervare, non ad ſoceros ſpectat eis legem aliam ponere, nec ex eorum clamoribus ullus in ſuſpicionem venire debet, quod Pyrauſta

* Genef. cap. 19.

SUPER PYRAUSTÆ MIRABILI FACTO. XXVII

rausta vir illibata, & integerrimæ conscientiæ, nesciat, aut nolit, quod suum est iuste exequi.

32 Videntur quidam teneri cordis, velut sponsis compatientes, quòd per copulam non agnoscerentur à sponso Pyrausta, ipsùm habere pro homine parum in uxores clemente, ac benigno, quasi quòd luxuria in Matrimonio sit operatio excellentior virtutibus ipsi excellentissimis; sed Proh! quantum hallucinantur! immo reprehensibiles sunt! Corruptere namque virgines in actu Matrimonii ad bonum tantùm prolis, aut ad remedium propriæ fragilitatis ex indulgentia bonum aliquod est; clamante magno Apostolo Paulo: *Ego autem vobis parco**: Verùm, quid subdat perpendendum est magis: *Hoc itaque*, ait, *dico fratres, tempus breve est, reliquum est, ut qui habent uxores tamquam non habentes sint*. Quæ verba utinam, ut Pyrausta probè intellexit, & summa prudentia observavit; ita intelligerent, ac observarent, & reliqui. Pyrausta licet poterat suis uxoribus jungi per copulam; at satiùs duxit, sicut eas dotaverat, atque egregiè nutrierat, & sanctè dilexerat; etiam quod maximum est, sibi obsequium præstare, nimirum eis conservando inestimabile, ac pretiosissimum Thesaurum virginittatis, quod & fecit; neque sponsis displicuit, immò credendum est, eis placuisse, quia nunquam displicuisse apparuit, sed potiùs placuisse, & proinde præsumendum est consensisse. Hæc autem, quæ dicimus, auctoritate, aut testibus non indigent, quia sunt reipsa ex terminis nota, practica, & omnibus scientibus, aut etiam nescientibus nota.

33 Unum tantùm pro coronide addam, nec posse insimulari Pyraustam de nimia fidentia circa familiaritatem mulierum, quæ sæpius in discrimen viros etiam heroicos adduxit, quia nunquam invenietur, hoc Pyraustam imprudenter peregrisse. Fidentiùs quidem egit, sed fiducia in Deum, non in se. Hoc evidenter patuit, cum videns se obnoxium foeminarum insidiis in Hispania suæ nativittatis tellure, nec sufficere ab occasionibus se subtrahere, ut prudenter curabat, tandem ut solveret insidiarum laqueos sibi à diabolo passim paratos, solvit in Mexicum; ubi si uxores duxit, & cum ipsis familiarissimè, & blandè versatus est, fecit, ne ipsis videretur insensus, aut minus casto, & debito amore conjunctus, à Deo confortatus, & gratiâ suâ roboratus. Quando enim nisi in casibus istis implentur verba Spiritus Sancti per os Isaïæ, probantis justitiam cincturam lumbos Mesitæ, & fidem cinctorium futuram renum ejus, nisi quando hæc monstra virtutis apparent in servis suis virtute gratiæ ejus? Notent verba sacrorum Mysteriorum periti, & signent Mysteria, & videant si mentiamur de Pyrausta. *Et erit, inquit Isaïas**, iustitia cingulum lumborum ejus, & fides cinctorium renum ejus.*

* 1. Cor. cap. 7. ** Isaï. cap. 11.

XXVIII FAX OCCURRENTIUM

*Habitabit Lupus cum Agno, & Pardus cum Hædo accubabit: Vitulus, & Leo, & ovis simul morabuntur, & Puer parvulus minabit eos. Vitulus, & Ursus pascuntur: simul requiescent catuli eorum; & Leo, quasi Bos comedet paleas. Et delectabitur infans ab ubere super foramine aspidis; & in caverna reguli, qui ablactatus fuerit, manum suam mittet. Non nocebunt, & non occident in universo monte sancto meo; quia repleta est terra scientia Domini, sicut aqua maris operientes. Cùm ergo iustitia cingit lumbos, & fides præcingit renes, nec renes, nec lumbi exuberant in luxurias, Deo, & Christo præservante. Si gratia Messæ adjuvante, habitat Lupus voracissimus cum Agno, & accumbit Pardus crudelissimus cum Hædo: cur magis, & habitare, & accumbere tuti, & castè non poterant Agnus cum Agna; & Hædus cum Hæda? Si puer parvulus feras has immanissimas minare valet; cur Pyrausta, puer simplicitate, & parvulus innocentia minare non poterit, & ducere per liliata pascua virginittis, duas tenellas juvenculas, sponfas suas abque earum, suæque virginittis damno: etiam si in eorum cubiculo habitat? Si Vitulus, & Ursus simul pascuntur, & simul requiescent eorum catuli; cur, non Vitulus cum Vitula commensales non fuerint ambo infcii malitiæ, quia Vituli, & Victimæ Deo sacræ? Sed quid Catuli Vituli, & Ursi, qui eùm sint ejusdem sexus catulos, filios habere nequeunt; nisi intelligantur cogitationes, & affectus sponsi, & sponsæ in pace castittis concordēs? Et si Leo, quasi Bos comedet paleas, utique Pyrausta viribus, & virtute Leo, Bovumque, domitor comedet quidem paleas frugiferæ virtutis; non scenum, cui comparat Isaias carnes humanittis, cùm dicit alibi. * *Omnis caro fenum*. Et si delectatur infans in foramine aspidis, & qui ablactatus fuerit, in caverna reguli manum suam mittet, absque nocumento, & periculo vitæ: utique Pyraustæ infans malitiæ expers, & ablactatus ab ubere divini pectoris, seu amoris, ludet tutus in foramine aspidis, & in caverna reguli, quæ utique innuunt foramen luxuriæ, & cavernam libidinis, delectabitur innocenti simplicitate, & mittet manum custodiendo sponfas præter ullum detrimentum virginittis, quia repleta est terra humanittis ejus scientia Domini, quæ charitas Dei est, seu Spiritus charittis, & scientiæ ipsius; sicut aquæ maris operientes, quæ non quidem valent extinguere charitatem, sed valent extinguere fomitem prævum, & ignitum libidinis, & ut aquæ maris salitæ sunt, & sicut ab incorruptione præservat sal, ita à fale divini gratiæ, & sapientiæ, incorruptio impertitur fragilitatibus nostris, ad perseverandum in castitate, virginittate, omnique præclara virtute, quam Deus velit quibus vult impertiri. Et ut uno verbo dicta concludamus; Pyrausta,*

* *Isai. cap. 40.*

rausta, animal est, quod de igne vivit, degitque in igne tanquam in proprio centro, incombustus; ita & Pyrausta noster, ut Elias igne enutritus divini amoris in igne incombustus vivere potuit, in quo alii in cineres rediguntur, &c.

R E S P O N S I O

DD. SORBONÆ, sive proprius Sacre Facultatis
PARISIENSIS.



Infrascripti Sacre Facultatis Parisiensis Doctores Theologi, de quodam Viro eximie virtutis nomine Pyrausta, qui prope Sexagenarius duas successivè duxit Uxores, cum proposito, & significatione, seu protestatione propositi sui servandæ in conjugio virginitatis: Interrogati: utrùm Pyrausta in ducendis duabus illis Uxoribus Puellis, malè se gessisse censendus sit, an potius heroicę virtutis actus perfecisset: Lecto de moribus, & factis ejusdem Viri Libello, huic RESPONSIONI annexo, & expensis duabus propositis quæstionibus, responderunt, & respondent, Pyraustam neque peccasse contra naturam, aut leges Matrimonii, neque censendum esse imprudenter, aut temerariè se gessisse, sed potius heroicę virtutis actus perfecisse.

2 Quoad primam responsionis partem, supponunt iidem Theologi nullum in Pyrausta: neque in duabus ejus Uxoribus successivè ductis præcessisse votum virginitatis, aut perpetuę continentię, neque pactum relaxandi jura Matrimonii; sed simplicis propositi nunquam, utendi juribus Matrimonii, circa Liberorum procreationem, meram hinc, & inde significationem, seu etiam protestationem propositi. His suppositis probatur prima pars responsionis. 1. ex Apost. ad Cor. 1. cap. 7. *Bonum est homini, (etiam conjugato) mulierem non tangere.* Ex his verbis S. Augustinus, lib. de Moribus Ecclesię Catholicę, cap. 35. concludit contra Manichæos, qui fidelibus baptizatis usum Matrimonii interdicebant Apostolum demonstrasse fortibus, quid summum sit, & imbecillioribus permisisse quod proximum est. Porro licet proponere quod summum est in conjugio. Idem S. Augustinus de Bon. Conjug. contra Jovinian. cap. 3. Bonum: : *mibi non videtur propter solam filiorum procreationem, sed propter ipsam etiam naturalem in diverso sexu societatem: alioquin non jam diceretur conjugium in senibus.* Ergo licet illud solum bonum, solam illam naturalem societatem

XXX RESPONSIO INSIGNIUM

tem spectare, seu intendere conjugium ineuntibus. Idem lib. 1. cap. 24. de adulterinis conjugii ad Pollentium licere conjugibus, ait vovere continentiam perpetuam *ex consensu viventibus, & carnalia debita sibi invicem relaxantibus, fidelibus castisque conjugibus: quod alterum sine altera, vel alteram sine altero vovere fas non est.* Porro simplex virginitatis perpetuæ propositum præcedens, quod nullam inducit obligationem, aut jurium relaxationem, multominus adversatur Matrimonii essentia, & mutua potestati alterius in alterum, quàm votum sequens cum relaxatione jurium, & tamen consilii conjugium cum illo voto subsecuto, quidni copularetur cum illo simplici proposito præcedente? Idem lib. 1. de Nuptiis, & concupiscentia, cap. 11. *Quibus placuit ex consensu, ab usu carnalis concupiscentia in perpetuum continere, absit ut inter illos vinculum conjugale rumpatur; immò firmitus erit, quo magis ea pacta secum inierint, quæ charius concordisque servanda sunt, non voluptariis corporis nexibus, sed voluntariis affectibus animorum.* Idque probat exemplo conjugii Beatissimæ Virginis Mariæ cum S. Josepho. Denique lib. 2. de Consensu Evangelistarum, cap. 1. *Hoc exemplo (conjugii Mariæ cum Joseph) magnificè insinuat fidelibus conjugatis etiam servata pari consensu continentia, posse permansere, vocarique conjugium, non permixto corporis sexu, sed custodito mentis affectu.*

3 S. Thomas in 4. sent. dist. 30. quæst. 2. art. 1. resp. ad 2. & 3. hæc habet: *Ad primum dicendum, quod Beata Virgo antequam contraheret cum Joseph, fuit certificata divinitus, quod Joseph in simili proposito erat, & ideo non se commisit periculo nubens, nec tamen propter hoc aliquid veritati deperit, quia illud propositum non fuit conditionaliter in consensu appositum, talis enim conditio: cum sit contra Matrimonii bonum, scilicet prolem procreandam, Matrimonium tolleret :: Copula carnalis cecidit implicite sub consensu B. Virginis, sicut actus continetur implicite in potentia :: Potentia autem ad carnalem copulam non contrariatur virginitati, nec diminuit aliquid de puritate ipsius, nisi ratione actus, qui quidem nunquam fuit in proposito B. Virginis, sed erat jam certificata, quod actus nunquam fieri deberet.*

4 Sanctus Doctor his verbis illud significat de quo consentiunt Theologi substantiam Matrimonii positam esse in mutuo dominio ab usu separabili; propositum vero versari circa usum, quem quisque potest sibi adimere illæso dominio. 2. Possè etiam post emissum virginitatis votum valide, & prudenter contrahi Matrimonium ab iis, qui divinitus certi essent de voto adimplendo; ergo à fortiori post significationem simplicis propositi probabiliter adimplendi.

5 Idem constat ex consensu Universalis Ecclesiæ, quo licet conjugibus contractum Matrimonium per solemnem Religionis Professionem,

nem,

DOCTORUM PARISIENSIIUM. XXXI

nem, nondum consummatum dissolvere, & cum illo jure, immo, & proposito taliter dissolvendi, nubere; ex cap. Commissum de Sponsalibus.

6 De secunda verò responsionis parte; utrum scilicet Pyrausta prudenter se gesserit? Non ita liquet, nam ex libello huic RESPONSIONI annexo, dubium est utrum Pyrausta in eodem thalamo cum Sponsa, an extra thalamum juxta illam in terra cubaret? Si primum verum est, non est continuo improbandum, aut temeritatis arguendum, cum Scriptura non improbet, quod refertur Iſa. 3. Reg. cap. 1. de factò David cum Abisag Sunamitide. Simile factum refert Surius ex antiquo auctore ad diem 27. Septemb. de Sancto Elzeario Comite Ariano cum sua sponsa Delphina. Potuisse Pyraustam iis moveri rationibus, & talibus cautionibus uti, quæ periculum mutandi propositi à se, & ab Uxoribus ammoveant, non tamen juxta communes prudentiæ regulas potest factum illud approbari, aut quasi imitandum proponi, sed cum respectu Pyraustæ, & Sponsarum ejus, neque illicitum, neque ad illicita inducens factum illud fuerit; & consilium, Deo juvante, probaverit eventus, seu secuta Pyrausta, & Sponsarum integerrima castitas, & sanctimonia, censendus non est imprudenter se gessisse, sed spectatis circumstantiis, varias multiformis gratiæ Dei operationes, heroicasque, quæ inde elucescunt virtutes pro loco, & tempore opportuno exercuisse; nam ex fructibus eorum cognoscetis eos; ex certis incerta eruenda sunt.

7 Laudarunt Sancti Patres prudentiam Pulcheriæ, pro Republica melius administranda Martino nubentis. Inter Sanctos relati sunt, Sanctus Henricus Imperator, & Sancta Conegundes Sponsa ejusdem: Et Sanctus Eduardus Anglorum Rex, ut eximia castitate in simili facto insignes. Pyrausta, sibi exemplo Sancti Josephi proposito, nihil minus fecisse videtur ab iis, qui tam magnificè laudati sunt, Regibus, & Imperatoribus. Rei familiari prudentius, & securius providet, cum si extraneæ mulieri curam illius commisisset, non castitatis tantum in sua, Sponsarumque suarum pudicitia custodienda, sed charitatis erga proximum, humilitatis, contemptus mundi, & divitiarum, zeli salutis animarum specimina clarissima, certissimaque præbuit, Sponsas à penuria, se ipsum à curis secularibus sublevando, pauperes puellas præ divitiis eligendo, æmulando eas Dei æmulatione: dum enim sibi eas desponere visus est, despondit eas uni viro virgines castas exhibere Christo. Ita sentimus, & in sententia nostra testimonium, & fidem subscripsimus Letetiæ Parisiorum ann. 1720. die 10. Augusti. Medericus Carton, Sacræ Facultatis Parisiensis Decanus, & Societatis Sorboniæ Senior.

Claudius Clavel, Insignis Ecclesiæ Andegavensis nuper Canonici-Theologalis, nunc verò Doctoris Sorbonici muneribus incumbens.

Hono-

XXXII RESPONSIO INSIGNIUM , &c.

Honoratus Tannetis , Emeritus Sac. Theologiæ in Sorbona Professor
Regius : Sacrosanctæ Regiæ Capellæ Palatii Parisiensis Canonicus .
Joannes Natalis Gaillande , Sac. Theolog. Paris. Doct. Theolog. , Socius
Sorbonicus , Sancti Salvatoris de Lominè Prior Commes Idalavius .
Jacobus Pille , Facultatis Parisiensis Doctor Theologus .
Petrus Ludron , Sacræ Facultatis Parisiensis Doctor Theologus , necnon
Ecclesiæ Parochialis S. Nicolai à Cardinetto in Urbe Rector .
L. De Ramigius , Doctor Theologus Socius Sorbonicus , & insignis
Ecclesiæ Carvalensis Canonicus .

Epistola Eminentiss. D. Cardinalis DE GESURES .

Foris . Reverendo Adm. P. Joanni Fernandez. Romæ .

Intus . Sancti. Rom. Eccl. Card. Archiepisc. Biturienfis. Rev. P. Joanni
Fernandez , Legato Sanctissimi Domini .

QUam ego ad te , Rev. P. de quæstionibus mihi à te propositis
decisionem misi , eam præsentî negotio componendo , idoneam , ac
parem tibi videri plurimum lætor . Nec mihi dubium est , quin
apud omnes ea gravissimum pondus sit habitura , quippè quæ celeberrimo-
rum Doctorum Parisiensium , & Magistrorum sententia , judicio ,
authoritate , & chirographo nitatur . Horum porrò quos hac in re in
consilium adhibui non nomina tantum , sed doctrinam , fidem , integri-
tatem mihi jam indè multis ab annis innotuisse , scias velim . Idque om-
nibus iis ad quos res illa pertinere poterit testatum esse cupio . No-
stram operam , quam tibi in cæteris polliceor , hac in re tibi usui , & ad-
jumento fuisse gaudeo vehementer . Deumque Opt. Max. rogo ut ea tibi
ex sententia succedat . Vale . V. Kal. Nouemb. 1720.

Leo Cardin. de Gesures .

RECOGNITIO MANUS IN FORMA .

FIdem facio Ego Caus. Cur. Cap. Notarius Pub. Infrascript. qualiter
die 23. Septemb. 1722. In me &c. Rev. D. Antonius de Justis fil.
q. Dominici Spoletanus , & Rev. P. Fr. Anselmus Ruelle Ord. Min.
Observantiæ Recollector. S. Franc. degen. in Ven. Conventu de Ara-
cœli Urbis , mihi &c. cogniti , spontè , omnique &c. recognoverunt ,
& quilibet ipsorum recognovit , & recognoscit manum , litteras , cha-
racterem , & subscriptionem in forma retroscripti Esmi , & Rsmi D. Leo-
nis Card. de Gesures appositæ in retroscripta attestazione , eò quia plu-
ries eundem Card. de Gesures scribentem vidisse , ipsiq; notum fuisse
affirmarunt , sicque tactis pectoribus more &c. , & scripturis respectivè
jurarunt &c. super quibus &c. in quor. &c. Rom. die , & anno supradictis.

Ita est pro D. Lucio Ant. Nerio C.C.C. Not.

Joseph Honnuphtius Zappetronus de mandato &c.

Locus ✕ Signi .

RES.

XXXIII RESPONSIO

SALMANTINÆ UNIVERSITATIS.

Attestatio Secretarii Regii Secretarie Concilii Indiar. ubi adducitur responsiva Epistola pralaudata Universitatis ad dictum Concilium transmissa, una cum Responsione, Latino idiomate constructa, & aliis Instrumentis vernacula lingua desuper confectis.

D Franciscus de Amatriain Majestatis Sux Secretarius, & Secretarie Concilii Indiarum Officialis major &c. Fidem facio quod super Consulto relati Concilii sub die 27. Jan. Anni proxime elapsi 1720. Majestati Sux placuit Universitati Salmanticensi committere, ut Censuram suam diceret. An Venerabilis Fr. Sebastianus de Aparitio bene, vel male operatus fuerit in contrahendo duabus vicibus Sacramento Matrimonii, cum animo semper vivendi in casto, & virginali connubio? Quæ ejus mandati adimplementum exequuta est forma sequenti.

DOMINE. Ut obediret Universitas commissioni V. A. & Mandato Majestatis Sux super eo, quod votum suum aperiret in facto Ven. Fr. Sebastiani de Aparitio, qui duabus vicibus Sanctum Matrimonii Sacramentum contraxit, animo se Virginem servandi in ambobus Matrimoniiis, nominavit in pleno Claustro octo Cōmissarios duarum Sac. Facultatum Theologiæ, & Canonum, qui debita cum maturitate examinato puncto, ad Claustrum supradictum resolutionem detulerunt, quæ fuit: „ Quod bene fecerit dictus Ven. atque licitè, & validè primas, & „ secundas Nuptias celebraverit, non obstante proposito se in ipsis „ conservandi in Virginali puritate „. Quæ Universitas participat V. A. quam Deus incolumem servet, prout Orbi Christiano, & nobis opus est: Ex nostro Claustro Universitat. Salmanticens. die 21. Aug. 1720.

Dñe: Mag. Fr. Michael Perez V. Rector:

Mag. Emanuel Ginerelo Commissarius.

Doct. D. Franciscus de Dueñas y Peralta Commissarius:

Ex auctoritate Universitatis Salmanticens.

Didacus Garzia de Paredes Vice Secretar.

Atque ut constet ubi opus fuerit, ex auctoritate relati Concilii die 30. Januarii Anni hujus, præsentem feci Madriti die quarta Martii 1721.

Don Franciscus de Amatriain.

XXXIV

Tenor relatae Responsionis Latinae.

Regi Nostro Catholico obtemperantes, in questione ad hanc Universitatem Salmantinam delata, super facto V. P. Fr. Sebastiani Aparicio, Ordinis Minorum S. Francisci, qui dum liber, primas, & secundas nuptias contraxit animo se conservandi [si possibile foret] in casto, & virginali connubio, ad instar Sancti Patriarchæ Joseph cum Sanctissima Sponsa Virgine Deipara: An, scilicet, bene se gesserit, licetæque, validè præfatas nuptias contraxerit?

Deputatis prius, ad rem accuratè investigandam, octo Doctoribus in Sacra facultate Theologica, & jure Pontificio, ipsorumque suffragiis verbo, & scripto auditis, maturèque discussis, & perpensis: Universitas in Claustro pleno affirmativè respondit. Salmanticæ XV. Kalendas Augusti, Anni Domini M.DCC.XX.

Magist. Fr. Michael Perez, Vice Rector.

Magist. Fr. Petrus Manso, Augustinianus, Cathedræ Sancti Thomæ Professor.

Doct. D. Josephus à Vallarna, Pontificii Juris Professor.

Magist. Fr. Michael de Herce, Cathedræ Sacræ Theologiæ Vespertinæ Professor.

D. Franciscus de Dueñas, & Peralta, Ordinis Militaris Calatravensis. Decretorum Doctor Sacrorum Canonum Primarius Anteessor.

Magist. Emmanuel à Generebo, & Spinola, Clericor. Regular. Minor., Sacræ Scripturæ Primarius Proprietarius Professor.

Doct. D. Bernardus Sanctos Calderon à Barca, Vespertinæ Sacrorum Canonum Cathedræ Professor.

Doct. D. Julianus Dominquez & Toledo, Cathedræ Theologiæ Professor.

Doct. D. Thomas Nuñez Flores, Primariæ Cathedræ Sacror. Canonum Professor.

De mandato-Universitatis,

Didacus Garcia à Paredes Secret.

Suffragia Doctorum, quibus à dicta Universitate commissæ sunt Consulti Responsio, & in quibus inveniantur rationes, propter quas mota fuit illa ad hujusmodi Responsionis expeditionem; Et quoniam proprio idiomate Hispanico Vota sua committere, opusque fuerit ea in Latinum, ad hujus Opusculi uniformem, ut transferre, nemini profectò mirandum, quod in eorum versione Latina lingua candor haud splendeat; cum minus inconveniens interpreti visum fuerit in hujusmodi candore deficere, quàm à legalitatis rigore recedere.

CE-



CENSURA

Reverendissimi Patris Magistri

PETRI MANSO

Ordinis S. Augustini Cathedralitici S. Thome.



I. Contribuere cupiens, quantum per me spectat, mediante mihi tradita Commissione expressâ ab Universitate, ad effectum formandi Responsionem super Consultum à Sua Majestate, (quam Deus conservare dignetur) propositum in ejus regali Cedula, necessarium præmittere judico Facti Relationem, quæ ad nostram per Scripturam Typis datam pervénit notitiam. Principalis Clausula in hoc comprehensa Consulto, sic ait: *Postmodum sexagenarius prudenter perpendens, non esse bonum hominem esse solum, sociam sibi querere cogitavit, talem quidem, ut dictitabat, cum qua [si possibile foret] vivere liceret in casto, & virginali Conubio, ad instar Sancti Patriarchæ Joseph cum Sanctissima Sponsa Virgine Deipara; Itaut jugum Matrimonii, absque carnis tribulatione, serena pace sustinere valeret.*

2 Ait insuper post mortem primæ Sponsæ Ven. Dei Servum ad secundas nuptias transitum fecisse, & finem, & medium sub hac forma proponit: *Postmodum inivit Matrimonium secundum, eodem proposito Virginis, & Castitatis ejusdem protestationibus, & in Sponsam assumpsit Pauperulam pariter, sed virtutibus exultantem Puellam.*

3 Ex hoc facto apparet Venerabilem non emisisse Votum Castitatis, verum habuisse propositum eam servandi in meliori forma, quæ sibi possibilis foret. Propter quod cessat in hoc casu magna difficultas

A

unien-

uniendi in Beatissima Virgine Votum Virginitatis cum Matrimonio validitate. Difficultas utique inter Modernos exagitata Theologos cum D. Thoma 3. part. quæstion. 29. art. 1. & 2. nec non inter Antiquiores cum Mag. Sententiar. in 4. dist. 30.

4. Apparet etiam ipsius Propositum factum de Castitate servanda, non fuisse absolutum, sed conditionatum, puta, *si possibile foret*: & Propositum sub conditione emanatum minimè obstat Matrimonio, & minori cum Difficultate conciliatur Matrimonium cum Castitatis Voto, sub conditione factum; eò quia Matrimonium non excludit, sed admittit Conditiones, dummodò supradictæ Conditiones non opponantur substantiæ Contractus, neque Sacramenti, uti docet Magister Basilius Ponce lib. 3. de Matrimonio cap. 9. & Propositum factum de Castitate servanda non obstat, neque opponitur substantiæ Matrimonii, quam veritatem diffusè probat P. Vasquez 3. par. disp. 125. cap. 6.

5. Supra recensita conditio: *si possibile foret* est generalis, sub qua comprehenduntur omnia requisita, quæ Castitas perpetua in Conjugatis expostulat, sicuti sunt reciproci, & mutuus amorum consensus, Divinæ Gratiæ auxilium, quo mediante se abstinere valeant ab omni actu contrario Proposito emanato de Castitate servanda. Hujusmodi enim Propositum conditionatum, absque dubio prudentissimum reputatur, eò quia fundatum in Dei gratia, qua mediante omnia possumus, ut ait Apostolus; & neque præjudiciale censetur rationi, quam habere possit Uxor, quia tale Propositum non fuit factum absque illius consensu, sinè quo, neque licitè possibile dicitur. D. Paul. 1. ad Cor. cap. 7. D. Augustinus lib. 2. de Consensu Evangelistarum c. 5.

6. Neque tale Propositum præjudiciale dicitur Sacramento Matrimonii, ut habet Paludanus in 4. dist. 30. quæst. 2. Cartusianus in *Vita Christi* part. 1. cap. 3. Abulenſis cap. 30. de num. quæst. 32. Gerson, & Marsilius cit. à Suarez. tom. 2. in 3. part. disp. 7. sect. 1. Et ratio potissima est; quia essentia Matrimonii consistit in unionem animorum, & in translatione Domini utriusque Corporis contrahentium, & in usu radicali, sicuti de communi consensu docet Magister Basilius de Matrim. lib. 1. cap. 17. n. 7. Quale dominium transferri potest, perpetuò impeditum quò ad usum, ut diffusè probat supra cit. Basilius, Vasquez disp. 125. cap. 7.

7. Hujusmodi Propositum sanctissimum censetur, & perfectissimo motivo emissum, puta ad imitationem, in quantum ei possibile foret, Sponsalium Nostræ Dominiæ, & D. Joseph, quem sibi proposuit in supremum exemplar imitandum, juxta mentem Sancti Patris nostri Augustini loc. cit. ubi ait: *Hoc enim exemplo magnificè insinuantur fidelibus conjugatis etiam servata pari consensu continentia posse permanere, vocarique conjugium, non permixta Corporis usu, sed custodito*
men-

mentis affectu. Idem proponit exemplum D. Ambrosius lib. 2. de Virgini. & S. Idelphonfus orat. 1. de Assumptione; & estò, ut ait Dominus noster, loquendo de hac materia Matth. 19. *Non omnes capiunt verbum istud, sed quibus datum est*; proculdubio hanc specialem imitationis gratiam aliquibus particularibus esse concessam; quibus pariter specialissimum Divinæ gratiæ Auxilium ad tantam virtutem servandam necessarium, concessum fuisse non dubitatur, quæ virtus heroica reputantur, ut ait D. Thom. 3. part. quæst. 28. art. 5. *Unicuique à Deo datur gratia secundum hoc ad quod eligitur*. Sanctus Joannes Chrysost. hom. 63. in Matth. explicans supra relata verba Christi Domini, ait: *Quibus verbis latenter eos ad eligendam Virginitatem inducit, dum eam esse possibilem adstruit*. Non solum possibile reputatur Virginitas, & perpetua Castitas inter personas profluentes calibatam, verum, & in statu conjugali viventes, quorum nonnulla canonizata exempla habentur, & sunt Sanctus Enricus, Sancta Cæcilia, Sanctus Julianus, & Basilisa, Pulcheria Augusta, & alii. Et estò rarum sit exemplum eorum, qui Sponsalia contraxerunt, & Matrimonium cum intentione observandi perpetuam castitatem, absque dubio tamen possibile reputatur, & in Sponsalibus Dominæ Nostræ individuale, ac terminativum proponitur exemplum.

8 Præfens Castus, seu Consulti quæsitum, minimè considerandum est sub regulis ut Sponsalia regularia, seu ordinaria comprehensa intelliguntur; sed cum exemplari supremo, ac singularissimo Dominæ Nostræ, & D. Joseph; ad quem imitandam ductus Ven. Servus Apparitus: *si possibile foret*. Frequens, & communis modus, seu communiter usitatus ad conservandam puritatem est ille, quo usus fuit Joseph in Ægypto, qui de manibus Dominæ suæ aufugit, in manibus ejusdem pallio relicto. *Qui relicto in manu ejus pallio, fugit*. Gen. c. 39. Hoc tamen non obstante Booz Bisavus Regis David in Castitate permansit etiam coram humili Ruth, quæ neque vocata, neque expectata recubuit ad pedes illius, & cum Pallio ejusdem Booz se cooperuit. *Venit absconditè, & discooperto pallio, à pedibus ejus se projecit* Ruth. cap. 3. Stantibus regulis communibus ad servandam castitatem præscriptis, malè se gessit Booz ad suum præstandum consensum, ut Ruth in ea hora suo uteretur pallio ad se cooperiendum; hoc tamen non obstante, se divino committens auxilio, & Divinæ gratiæ adjutorio, de quo habebat experimentum, optimè potuit, mediante Dei gratia, à qua corroboratus, impollutam, & incontaminatam propriam servare castitatem. Sub iisdem terminis præfens nostrum procedit Consultum, in quo eventus demonstravit specialissimam Dei gratiam Venerabili Servo Dei concessam, per quam non tantum in semetipso ejus Virginealem custodivit puritatem, verum etiam illa gratia ei concessa

ceſſa fuit juvamen , ad hoc , ut duæ illius Sponſæ in Caſtitate permanerent , eveniens in ambabus per ipſum , illud idem , quod evenit D. Joſeph ob merita ſuæ Sanctiſſimæ Sponſæ , ſecundum mentem D. Hieronymi lib. contra Helvidium prope finem , ubi habetur : *Tu dicis Mariam Virginem non permanſiſſe . Ego mihi plus vendico , etiam ipſum Joſeph Virginem fuiſſe per Mariam .*

9 Ad fovendum calorem David , qui jam ad ſenilem pervenerat ætatem perquiſita fuit pulchrior Puella , quæ eſſet in Iſrael , & ad hunc finem ſelecta fuit Abiſag Sunamitis . Ad hunc obtinendum finem , & effectum , ſufficiebat hanc fuiſſe juvenili ætate inſignitam , & ſuperfluum videbatur , hanc etiam præclariori formoſitate , ſingularique nitore extitiſſe decoratam ; dum regulariter loquendo , Sunamitidis hujus præclara pulchritudo pro fovendo naturali calore , potiùs judicari debebat ſpeciale motivum ad illud extinguendum , vel ſaltem ad illum magis diminuendum . Hoc non obſtante advertit D. Hieronymus *Epist. 2. ad Nepotianum* ſuper enarratum in 3. Reg. cap. 1. hanc formoſiſſimam Puellam calefecifſe Regem , tanta cum innocentia , corporis , & * mentis puritate , ut tempore eodem , quo frigefcentem Regis fovit calorem , illius pariter cultodivit caſtitem . *Quæ eſt iſta Sunamitis , Uxor , & Virgo , tam fervens , ut frigidum calefaceret ; tam Sancta , ut calentem ad libidinem non provocaret ?* Eadem uti poſſumus admiratione , iſſidemque D. Hieronymi verbis in caſu noſtro præſenti , videndo virum inſignem in propriam Domum duas recepifſe Sponſas , ſed tanto puritatis candore , ut quantumvis ab eis ſotum fuiſſe concedamus , quia earum legitimus fuerat *Sponſus* , eas tamen in earum virginitate cultodiviſſe propter Deum . Unum , & alterum factum extra ordinem , & ultra communes regulas admittimus , juxta quas non erunt praticabiles : ſed nihilominus uterque caſus mediante ſpeciali Dei gratia ad praxim reducitur , in qua ſpeciali Dei gratia ſuum fundaverat Propoſitum Venerabilis iſte Sponſus , quod fundamentum ſub illa manifeſtabat conditione : *Si foret poſſibile .*

10 Finis adjunctus , quem habuit noſter Venerabilis , [ut ex relatione hujus facti colligitur] fuit Deſiderium habendi ſociam , cui committere poſſet , & propriæ Perſonæ curam , & ſuæ Domus regimen , eò tamen pacto ſervando , ut unitim virginali Puritatem Noſtræ Dominiæ , & Sanctiſſimi illius Sponſi imitarentur ; Quis audebit denegare , hunc finem non fuiſſe honeſtum , & non conformari motivo , ob quod Matrimonium à Deo fuit inſtitutum ? *Non eſt bonum hominem eſſe ſolum : faciamus ei adjutorium ſimile ſibi .* Hanc intellexit veritatem noſter Venerabilis , & ſibi conſimilem quæſivit ſociam , puta adoleſcentulam Caſtitate , cæteriſque virtutibus , & perfectionibus inſignitam

* Nota ſy mentis obſervatione dignum .

tam ad ejus similitudinem factam, & juxta illius desiderium ab eo inventa fuit prima, & secunda Sponsa ex hujus facti relatione colligitur.

11 Totam difficultatem conciliandi in Sanctissima Virgine Virginalem puritatem cum matrimoniali statu, reducit D. Thomas ad duos Articulos in quæst. 29. 3. partis. Quærit in primo loco an conveniens fuit Christum Jesum de Virgine nasci, jam Matrimonio conjuncta. Et in secundo controvertit, an illius Matrimonium fuisset verum, & legitimum Matrimonium. Præsens casus easdem patitur difficultates, & quæstiones; eò quia sicuti hujusmodi Matrimonium fuit contractum ad imitationem Sanctissimæ Virginis, illiusque Sponsi D. Joseph, ita pariformiter easdem ad se trahit difficultates; esto sicuti dictum est, illa duo Matrimonia nostri Venerabilis, in quibus cum non intervenisset Votum Castitatis servandæ, sicuti tale votum interventum fuisse dicimus inter Beatissimam Virginem, & D. Joseph, multum inferiora reputantur; nam in utroque Matrimonio nostri Venerabilis non adfuisse Votum, benè verò propositum servandæ Castitatis, supra demonstravimus, & insuper tale propositum minimè fuisse absolutum, sed conditionatum, illa nempe amplissima conditione, si talis propositi observantia sibi possibilis foret. Has duas difficultates tangere debemus in præsentì Scriptura.

12 Et nè Articulorum ordinem D. Thomæ, neque decidendi Methodum præterire dicamur, in hoc puncto videtur non fuisse conveniens Venerab. ducere Uxorem dum desiderabat propriam Virginalem servare Castitatem; Primò quia Uxorem ducere debent illi, qui se cognoscunt vivere non posse continentes, & cælibatum minimè valent observare, juxta D. Pauli Sententiam ad Corinth. *Quod si non se continent, nubant*; Illi autem, quibus per Dei gratiam datum est speciale privilegium servandi propriam Castitatem, vult Apostolus, quod Cælibatum observent: *Volo autem omnes homines esse sicut me ipsum*. Noster Venerabilis, de quo hic quæstionem facimus, speciali Dei gratia fuit à Deo insignitus ad propriam servandam puritatem, sicuti experientiâ patet; & secundum D. Pauli Textum, ubi habetur *Unusquisque proprium donum habet ex Deo*; Non erat igitur conveniens, ut Uxorem ipse duceret, & contra consilium, & Apostoli Doctrinam operaretur.

13 Secundò: Quia ille qui cupit, & efficaciter tendit ad finis consecutionem, debet prudenter eligere media ad talis finis consecutionem ordinata: Uxorem ducere, & cum duabus Sponsis convivere, non censetur medium conducens ad intactam servandam pudicitiam, sed periculum vehemens ad illam contaminandam, & tale eligere medium, est proximum quærere periculum, quod damnat Spiritus Sanctus. Ecclesiastes 30. Cui addendum est, quod cum extitisset semper valde

pe-

periculofum, & pręjudiciale hominibus inſignibus familiare commercium cum mulieribus, quorum exempla, uſque ab origine mundi memorię tradita reſervantur ad noſtram eruditionem, & cautelam, ab Adam ad ſuos Poſteros uſque ad Diluvium, à David, à Salomone, & aliis ad pręvaricandum inductis à mulieribus; nimia pręſumptio, & ſui ipſius exceſſiva confidentia dicendę videntur; ex una parte deſiderare caſtam ducere vitam, & ex alia parte ſe exponere ad familiariter, & domeſticę convivendum, & tractandum cum mulieribus in eadem Domo commorantibus, cum quibus ſponſalia contracta fuerunt. Reſtat igitur concludendum, hunc noſtrum Venerabilem, aut imprudentem exitiſſe in eligendo media ad Caſtitem ſervandam minimę adaptata, aut valdę, & exceſſivę de ſe ipſo pręſumpſiſſe ſuper materiā, in ordine ad quam tot homines, etiam pręclariffimos fuiſſe pręvaricatos, & qui ad noſtram doctrinam proponuntur.

14 Tertiõ; Quia [juxta mentem D. Thomę de Villanova] ille qui prętergreditur regularem viam à noſtris Majoribus nobis traditam, aut in operando prodigioſus dicitur, aut malitioſus, & malignus reputatur: *Qui metas tranſgreditur Majorum, aut aliquid ſignat, aut flagitioſus eſt.* Via, ſeu itinerarium, quod Majores tradiderunt ſequendum ad puritatem ſervandam virginalem, cęlibatum, & non Matrimonialem ſtatum eſſe dixerunt; Dicendum eſt igitur hunc noſtrum Venerabilem ſpecialem habuiſſe inſtinctum, ſeu impulſum à Spiritu Sancto, & correfpondentem gratiam ad imitandum prodigioſa Sponſalia Sanctiſſimę Virginis, & Divi Joſeph, aut imprudenter, & erroneę egiſſe in prętenſione proprię ſervandę Caſtitem cum ſtatu Matrimonii. Cui addendum reſtat, quod ad ſalvandam Matrimonii validitatem, cum Propoſito ſe conſervandi in virginali puritate, multę circumſtantię, & pręciſiones pręrequiruntur in ordine ad ſubſtantiam, & ſinem, quem habere debet ſtatus matrimonialis, & Matrimonii Sacramentum, ſicuti apparebit in Articulo ſequenti. Venerabilis noſter Vir Agricola erat, & ignarus, & nullam literarum habebat notiſiam, ob quam cauſam, nullam capacitem habebat ad conſiderandas circumſtantijs, & pręciſiones adeõ delicatas, & ſubtiles; Igitur aut in periculo ſe expoſuit contrahendi Matrimonium invalidum, aut verum, & firmum non habuit propoſitum propriam intactam ſervandi virginalem pudicitiam.

15 Hoc non obſtante, [ſicuti docet D. Thomas] conveniens, & neceſſarium fuiſſe Matrimonium Sanctiſſimę Virginis, & in primo articulo aſſignat undecim rationes de conſequentia, quas confirmat per Doctrinas Sanctõrum Patrum, videtur idem eſſe à nobis aſſerendum de duobus Matrimoniis hujus Venerabilis, cui applicari poſſunt verba D. Thomę: *Ibi in ſolutione ad primum; Dicendum, quod ex familiari inſtinctu Spiritus Sancti credendum eſt deſponſari voluiſſe, conſidens*

de

de divino auxilio, quod numquam ad carnalem copulam perveniret. Hoc tamen divino commisit arbitrio, unde in nullo detrimentum passa est Virginitas. Ex facti constat relatione, hunc nostrum Venerabilem imitare voluisse supremum exemplar Virginalis Desponsationis Sanctissimæ Nostræ Dominæ cum D. Joseph; & cum sit de fide credendum, juxta D. Pauli verba, nos ex nobis, quasi ex nobismetipsis habere non posse, absque speciali Sancti Spiritus impulsu, nec quidem bonam cogitationem, consequenter sequitur non sine speciali Sancti Spiritus instinctu hunc Venerabilem voluisse imitari adeò arduam, & altissimam perfectionem; ad quam pertingendam non de se ipso præsumebat, sed solummodo in Dei gratia, & internè se totum remittebat ad divinum beneplacitum, ut apparet ex illa clausula conditionalis, cum qua Matrimonium contraxit, perquirendo in Sponsam Puellam, quæ suo desiderio conformem habuisset intentionem, & voluntatem. Cum qua (si possibile foret) vivere liceret, in casto, & virginali connubio. Et ex hoc infertur, quod juxta D. Thomæ mentem ipse matrimonium contraxit, sine Virginalis pudicitix præjudicio: Unde in nullo detrimentum passa est Virginitas.

16 D. Thomas undecim rationes de consequentia adducit super Matrimonium Nostræ Dominæ unam ex parte Sanctissimæ Virginis, & alias in ordine ad illius Filium, & alias in nostram eruditionem. Non nullæ ex his rationibus etiam militant in ordine ad duo Matrimonia nostri Venerabilis, quorum congruentiam probant. Inter alias congruentias, quas adducit D. Thomas ex parte Christi Domini nostri sunt sequentes: Tertiò ad tutelam pueri nati, nè Diabolus contra eum vehementius nocumenta procuraret. Quartò, ut à Joseph nutriretur, unde & Pater ejus dictus est, quasi nutritius. Easdem perceperunt congruentias duæ Sponsæ Venerabilis; eò quia statim, ac cum ipso desponsatæ fuere, sub illius permanferunt tutela, & protectione, per quam earum Virginitatem custodire, & conservare potuerunt, nec non diabolicas superare tentationes. Tertiò ad tutelam; Ita pariter tantum prima, quantum secunda Sponsa invenerunt in Venerabili potius amorem Patris, quàm Sponsi, & ita de facto à secunda Sponsa Pater vocabatur, & non Maritus; & una, & altera ab eodem victum, & vestitum, quò ad decentiam, & omnia eis necessaria receperunt. Quartò, ut à Joseph nutriretur; unde, & Pater ejus dictus est, quasi nutritius. In ordine ad Dominam nostram, sequentem assignat convenientiam D. Thomas. Tertiò, ut ei à Joseph ministerium exhiberetur, ut Hieronymus dicit. Hunc eundem obtinuit finem Venerabilis in suarum duarum Sponsarum administratione, à quibus adjuvamen suscepit in regimie propriæ Domus, & de propria persona curam susceperunt, & cum ipso associatæ fuerunt absque earum Virginitatis detrimento.

mento. Et tandem *ex parte nostra*, seu ad nostram utilitatem conueniens adjudicavit D. Thomas Sanctissimæ Virginis Matrimonium. *Quarto quia per hoc significatur uniuersa Ecclesia, quæ cum Virgo sit, desponsata tamen est uni Viro Christo, ut ait D. Augustinus: Potest etiam, & quinta ratio esse, quod Mater Domini fuit desponsata, & Virgo, quia in Persona ipsius, & Virginitas, & Matrimonium honoratur, contra Hæreticos alteri eorum detrahentes.* In casu nostro easdem videmus militare rationes, eò quia si Adæ Matrimonium unionem Christi cum sua Ecclesia significabat, ut ait Apostolus: *Ego autem dico in Christo, & Ecclesia;* Ita pariformiter fuisse significatum videtur in huius Venerabilis Matrimonio, cum illa speciali, singularique intentione habita se permanfurum esse in statu Virginitatis una cum sibi uxore desponsata. *Quæ cum Virgo sit, desponsata tamen est uni Viro Christo.* Et si per virginalia Beatissimæ Virginis Sponsalia, honore præclarissimo insignita extitit Virginitas, condecoratum Matrimonium, ab Hæreticis vituperatum malè sentientibus de excellentia, & dignitate Virtutis Virginitatis, & Sanctitate inclusa in Matrimonio, sub ratione Sacramenti considerato, & quia usque ad nostra tempora perseuerant illarum Hæresum residua, etiam necessarium temporibus nostris iudicare debemus, ut renovetur memoria, & imitatio illius prodigiosi exemplaris, puta illius Matrimonii contracti inter Beatissimam Virginem, & D. Joseph, & hoc, ob honorem Sacramenti Matrimonii, & Sanctæ Virtutis Virginalis Puritatis; *Contra Hæreticos alteri eorum detrahentes.*

17 Facilis assignatur responsio ad fundamenta in contrarium adducta: & ad primum dicimus Paulum Apostolum loqui, & esse intelligendum de Matrimonio in communi, in quo qui cum suâ Uxore est, sollicitus sit circa ea, quæ sunt huius mundi, & quomodo placeat Uxori, dimidium cordis tantum sibi restat Deo dandum: *Qui autem cum Uxore est, sollicitus est, quæ sunt mundi, quomodo placeat Uxori, & diuisus est.* Et volens Apostolus nos ab huiusmodi sollicitudinibus, & inanibus cogitationibus esse alienos: *Volo autem vos sine sollicitudine esse;* ideo cupit omnes homines in castitate permanere, & ut minime ad matrimoniale pertranseant Coniugium: *Volo autem omnes homines esse, sicut me ipsum:* Nostri autem Venerabilis Matrimonium, non comuni, sed speciali refulget prærogativa insignitum, eò quia fuit contractum ad imitationem Matrimonii Sanctissimæ Deiparæ; Et tale Matrimonium nullum secum fert impedimentum ad totum Cor Deo dandum; imò utriusque consortis Virginali puritate consecrata Deo, consecrantur ipsi, ut Authori puritatis, duo per integrum corda. Nec Apostolus loquitur de hoc speciali Matrimonio ad imitationem Deiparæ Virginis à nostro Venerabili contracto; eò quia loco cit. tra-

dit

dit Doctrinam generalem cunctis Ecclesiæ Fidelibus, & exemplum hujus specialis Matrimonii Virginalis superius communibus legibus reputatur.

13 Ad secundam fundamentalem rationem in contrarium adductam, dicimus : nostrum Venerabilem suam manifestasse prudentiam tam sibi connaturalem, quia jam ad sexagenariam pervenerat ætatem, quàm supernaturalem, in adhibitis cautionibus, & diligentis, quibus usus fuit in quærendo sibi sponfam, cum qua conservari posset in proposito emanato, sibi quæ præfixo servandæ castitatis, ad imitationem nostræ Dominæ : Et est credibile [licet per relationem facti non appareat] illum ad ipsam SS. Virginem ferventi oratione habuisse refugium, eamque enixè exorasse ; ut ad suas pervenire faceret manus talem sponfam ; eò quia, si tractus amoris impulsu erga Virginalem puritatem Beatissimæ Virginis, & D. Joseph illius sponsi, quorum imitationem aggressus est, valde credibile reputandum erit, eosdem sibi in Protectores sui desiderii à Deo fuisse assignatos, nec non apud ipsum extitisse Intercessores, ut suum esset adimpletum desiderium, quale erat invenienti sibi sponfam proportionatam, suoque desiderio de castitate servanda uniformem habentem voluntatem. Et hoc totum deducitur ex illa clausula : *Postmodum sexagenarius, prudenter perpendens non esse bonum hominem esse solum, sociam sibi quærere cogitavit, talem quidem, cum qua si possibile foret, vivere liceret in casto, & virginali connubio, ad instar Sancti Patriarchæ Joseph cum Sanctissima Sponsa Virgine Deipara.* Tale studium, seu tam ingens, & studiosa diligentia, qua usus fuit in sibi talem quærendo sponfam optimè manifestat prudentiam, quam adhibuit in eligendo medium adaptatum ad finis sibi præfixi consecutionem, puta in se conservando in statu virginalis castitatis, etiam matrimoniali jugo alligatus, & quando tale non extitisset illius primarium intentum, & animi propositum, sed tantum communis Matrimonii finis, nulla ei fuisset necessitas quærendi sibi sponfam peculiarem : imò cum fortunæ bonis superabundaret, & in sponsum concupibilis, innumeras præ manibus habuisset occasiones, spontè sibi oblatas, absquè ulla ab eo diligentia ; præmissa peculiare igitur illius studium, quo sibi quæsitivè sponfam specialem, tam arduo sibi præfixo fini adaptatam, illius commendabilis prudentiæ præclarum præbet inditium. Neque vituperatione, neque vanitate improbanda censetur illius confidentia habita in propriam servando castitatem in statu Matrimoniali, contra exempla in Argumento adducta ; Primo quia illius fiducia, in Dei gratiæ adjutorio erat fundata, quo omnia sunt possibilia : *Omnia possum*, ait Apostolus ad Philip. *in eo, qui me confortat* ; secundò quia in illa conditionali [*si possibile foret*] manifestè apparet, quantam de se ipso Venerabilis haberet diffidentiam, me-

B

tuens,

tuens, ac fornidans absolutum emittere propositum ſervandi caſtita-
tem, ſed tantum poſſibili factâ ſuppoſitione, de ſibi à Deo gratiâ con-
cedendâ proportionatâ. Et ad illius prudentiæ laudem, & gloriam
advertendum eſt, ſe nullum emiſiſſe Votum, ſed tantum habuiſſe pro-
poſitum, & ſub conditione factum cum ſua amplitudine, quale pro-
poſitum neminem obligat ſub peccato, in eo ſe poſuit ſtatu, in quo nul-
lum contraxiſſet reatum, ſi ad Matrimonii conſummationem veniſſet,
& ſi ab huiusmodi ſe abſtiniſſet conſummatione, meritum ſibi fuiſſet
lucratus heroicum. Hoc denotat in Venerabili, non ſolum pruden-
tiam naturalem; verum & infuſam, & ſupernaturalem, naturæ limites,
& ordinem excedentem; eò quia licet eſſet Vir ruralis, & nulla litera-
rum peritia inbutus, ſcivit tamen in tali ſe conſtituere ſtatu, in quo
abſque ullo Animæ propriæ imminenti periculo, ad heroicam perveni-
re poſſet perfectiorem per huius tam præclaræ Virtutis acquisitionem.

19 Ad tertium fundamentum reſpondetur: Propositionem D. Thomæ de Villanova eſſe diſjunctivam, & veriſſimam eſſe in praxim, eò
quia quæcumque ſingularitas incedens extra ordinem ab antiquioribus
præſcriptum, aut ortum ducit à ſingulari, & ſpeciali virtutis dono,
aut ab abominabili provenire ſolet ſuperbia eorum, qui per commu-
nem, & regularem ſemitam negligunt incedere; Et cum nequeat dici
hunc Venerabilem fuiſſe maleſuadum, & flagitioſum, quandoquidem
contrarium probat odor ſanctitatis eius, miraculis confirmatus, quo-
rum examen apud Sanctam Sedem pendet, ſequitur, quod ei conveniat
altera pars diſjunctionis doctrinæ S. Thomæ à Villanova: atque cum
hoc ſancto, debemus venerari hunc Venerabilem, utpotè, virtute mi-
raculoſa, & ſingulariſſima ornatum, expectantes ſuæ ſanctitatis deciſio-
nem, in quantum ad cultum reſpicit.

20 Ad ultimum in ordine ad præquirenda, præciſiones, nec non
ſubtiliſſima ſcibilia, ſeu intellectus acumina, quæ veluti impropria in
Viro ruſtico, & literarum imperito videntur, reſpondetur cum aucto-
ritate Ugonis Viſtorini ſuper 7. de Angel. Hierarch. ubi habet. *Con-
ſtat, ut qui ardentius diligunt, profundius conſpiciant, & ſubtilius
diſcernant.* Venerabilis noſter, eſtò ſine literarum peritia, adeò ar-
denti flagrabat amore erga Deum, ut etiam in ſtatu Matrimoniali
conjunctus, propriam Virginalẽ puritatem obtulerit in holocau-
ſtum. Ex hoc ardenti, & ſpeciali amore erga Deum, rationabiliter in-
ferre poſſumus, ipſum ſub relatis præciſionibus, & prærequiſitis,
nonnullis abſconditis Mundi Sapientibus, ſed à Deo parvulis, & humi-
libus revelatis, talem ſibi vivendi normam præſcripiſſe, & hoc ſibi
ſpeciale Matrimonium elegiſſe. Nonnè Origenes cæteros ſui tem-
poris Sapientes, Magiſtros, Doctores antecelluit, & ſuper iſtos præ-
clarere viſus fuit? Et tamen minis à Tyranno perterritus, ut ſi Idololatriæ
cul-

cultum non fuisset amplexus, alicui Æthiopo mandasset, ut violenter illius corpore abuteretur, & harum minarum terrore viliter superatus, & devictus, nefarium Apostasie crimen commisit, & ad Idololatriæ cultum pertransiit, ne in involuntariam corporis incurreret impuritatem. Et è contra Sancta Lucia Virgo, & Martyr pariter à Tyranno minis tentata contra illius virginalem pudicitiam, licet femina, & inerudita, eam dedit Tyranno sapientissimam responsionem ab Origene cum tota sua Sapientia ignoratam, & hanc dedit Sancta Virgo comminanti Tyranno responsionem: *Si invitam jusseris violari; Castitas mihi duplicabitur ad coronam*. Hanc sapientissimam dare scivit responsionem indocta, & simplex Muliercula, quam responsionem ignoraverat Vir doctissimus, fama, doctrina, sapientia præclarissimus illius sæculi, quapropter reputari non debet, tamquam insolitum, & improbabile, quod Vir Agricola divinitus illustratus, illa sublimia penetraret arcana, quæ difficillima reputantur ab humana sapientia. D. Thom. in 1. part. quæst. 1. art. 6. ad 3. assignat duas sapientias, seu duos sapienter judicandi modos, ut judicium seramus certum circa nostra agibilia: Una est illa, quæ nostro, & proprio, labore, & literarum studio comparatur, & hæc dicitur Sapientia communis omnibus Viris scientia præditis: altera dicitur propria virorum virtutibus ornatorum, & ut ait Arist. lib. 10. Ethicor. cap. 5. & est Spiritus Sancti donum, & vocatur Sapientie donum, de quo loquitur Apostolus ad Corinth. 12. *Spiritalis homo* &c. Et hanc Sapientiam supponimus nostrum habuisse Venerabilem, qua directus, & illuminatus fuit ad sibi eligendum statum, in quo propriam custodire debebat Virginalem puritatem.

21 Cum jam igitur visum sit nostri Venerabilis Matrimonium cum supra relato proposito celebratum, conservandi videlicet [si possibile foret] propriam Virginalem puritatem, fuisse conveniens, absque ulla imprudentiæ, vanitatis, præsumptionis, & nimis sui ipsius confidentiæ censura; Remanet videnda secunda Difficultas, quæ agitur à D. Thoma in art. 2. in ordine ad Matrimonium Sanctissimæ Dei Genitricis: Et hic dubitatur an nostri Venerabilis Matrimonium contractum, & celebratum cum proposito conservandi in eo propriam Virginalem puritatem, [si possibile foret] fuerit verum, & validum Matrimonium. Videtur non fuisse verum, neque validum, stantibus Auctoritatibus, & Doctrinis Sanctorum PP. quas adducit D. Thomas in principio secundi Articuli ad probandum inter Beatissimam Virginem, & D. Joseph verum non intervenisse Matrimonium; Quibus Auctoritatibus adduntur etiam rationes, quas adducit P. Suarez in 3. par. quæstione 29. disput. 7. sect. 1., quæ idem probant. Noster Venerabilis Matrimonium contrahere voluit ad imitationem Beatissimæ Virginis, & D. Joseph, uti apparet in hujus facti relatione; igitur per ta-

lia sponsalia, neque validum contraxit Matrimonium.

22 Secundo quia, ut ait D. Augustinus lib. 19. cont. Faustum cap. 26. *Matrimonium quippè ex hoc appellatum est, quòd non ob aliud feminam nubere, quàm ut Mater fiat*. Implicat nostri Venerabilis sponsas evadere potuisse Matres sine earum præmisso consensu, una semel, quòd tam ipsæ, quàm sponsus habuerint propositum perpetuum servandi castitatem virginalem; Matrimonium ergò cum tali proposito contractum, ultra invalidum, videtur fuisse implicatorium.

23. Tertiò quia quodcumque conditionis genus, quod opponitur substantiæ Matrimonii, invalidat contractum illius, ipsumque reddit nullius roboris, & valoris, uti constat in cap. final. de condit. apposit. Intendit Pontifex condiciones oppositas substantiæ Matrimonii eas esse intelligendas, quæ Matrimonii Bonis opponuntur, inter quæ numerantur, Proles, Fides, & Sacramentum. Propositum emanatum observandi perpetuam castitatem virginalem, opponitur Bono prolis, & successione; Igitur est conditio, quæ opponitur substantiæ Matrimonii, & per consequens illud reddit nullum, & invalidum; eò quia de hujusmodi conditionibus ait Pontifex: *Si conditiones contra substantiam Conjugii inferantur, matrimonialis contractus, quantumcumque sit favorabilis, caret effectu*.

24 Quartò quia ad essentiam Matrimonii spectat mutua, & reciproca traditio corporum contrahentium, iuxta D. Pauli Textum 1. ad Corinth. cap. 7. *Mulier sui corporis potestatem non habet, sed Vir; similiter Vir potestatem non habet sui corporis, sed Mulier*. Hæc mutua traditio corporis implicite comprehendit, & importat utriusque consensum ad copulam, ut docet D. Thom. 3. par. quæst. 26. art. 2. Et deducitur ex cap. *sufficiat* 27. quæst. 2. Implicat igitur adesse consensum implicitum ad usum, & reciprocam corporum traditionem, & contrahentes habere propositum permanendi in statu perpetuæ Virginitatis, & Castitatis, cum istæ sint duæ voluntates contrariæ, & ad invicem oppositæ; una enim, qua quisque contrahentium vult usum Domini utriusque corporis, & alia qua vult se à tali usu abstinere; sequitur ergo nostri Venerabilis propositum reddidisse nullum, & invalidum Matrimonium.

25 Et confirmatur, eò quia, aut perpetuæ Virginitatis propositum fuit mutuum, & ab ambobus contrahentibus elicitum, aut tantum ab uno ex contrahentibus, puta à Venerabili; si mutuum, & reciprocum, urget Argumentum jam supra adductum; puta tale propositum opponi substantiæ Matrimonii, qua oppositione redditur invalidum, si verò fuit tantum à Venerabili elicitum, sequitur hujusmodi contractum fuisse injustum, & malitiosum; & ratio est, quia aut Venerabilis verè, & sincere tradidit suæ sponsæ proprii corporis usum, & domi-

nium

nium, aut fictè, & malitiosè ; si secundum, etiam simulatus, & malitiosus reputatur contractus ; si primum, ergo illius sponsa per hanc sinceram, & veracem sui corporis traditionem, verum acquisivit dominium ad usum sui Viri ; & sicuti talis usus requisitus, & ei denegatus, talis denegatio fuisset injusta, ita propositum de se abstinendo, eique denegando talem usum, si non fuit mutuum, injustum deputatur.

26 Confirmatur etiam Argumento Gratiani 37. *quæst. 2. vers. cum ergo*. Si sexuum diversitas, sine ordine, & propensione ad generationem, & cum solo ordine intenta ad vivendum in societatem, sufficit ad contrahendum Matrimonium, nulla erit assignabilis ratio, quare non sit permissum Matrimonium contrahendum inter fratrem, & sororem ; eò quia frater, & soror vivere possunt in societatem, mutuâ unione animorum ; & absque ulla indecentia possunt mutuò coadjuvare communicatione Bonorum, & reciproco honore, & reverentiâ. In Matrimoniis autem contractis cum proposito servandi perpetuam castitatem, in conjugatis alia non remanet unio, nisi animorum, vivendi in societatem, communicandi in Bonis, & reddendi ad invicem mutuum honorem, & obsequium ; Nullum igitur adest in contrarium impedimentum, quod tale Matrimonium contrahi non possit inter fratrem, & sororem.

27 Tandem confirmatur quodcumque Sacramentum redditur nullum, & invalidum ex parte defectus materiæ necessariæ ; sicuti nullum est Baptismi Sacramentum ex defectu aquæ naturalis, seu elementaris ; nullum Sacramentum Eucharistiæ ex defectu Panis, & Vini ; nullum Sacramentum Pœnitentiæ ex defectu peccatorum, & doloris &c. Sacramenti Matrimonii materia sunt corpora contrahentium ad generationem proportionata ; Ipsorumque corporum mutua traditio ob hunc finem reputatur materia proxima Sacramenti Matrimonii ; Si igitur propositum emanatum de perpetua Virginitate servanda directè opponitur mutux traditioni ipsorum corporum, nec non fini primario generationis, supra relatum propositum destruit materiam Matrimonii, ac ideo tale Sacramentum ex defectu materiæ necessariæ redditur nullum, & invalidum.

28 His non obstantibus præmissis fundamentalibus rationibus, asserendum est cum D. Patre nostro Augustino, & D. Thoma, omniumque Theologorum communi consensu, hujus Venerabilis Matrimonium, cum supra relato proposito contractum fuisse verum, & validum. Et probatur communi, & generali ratione ; eò quia juxta mentem Sanctorum Patrum, quos adducit Magister Basilius Ponce de Matrim. lib. 1. capit. 19. inter Beatissimam Virginem, & D. Joseph verum fuit contractum Matrimonium. Pater Valquez observat in 2. part. disp. 125. num. 10. Divum nostrum Patrem Augustinum fuisse primum hujus sen-

sententię Defensorem majori cum efficacia in lib. 23. contr. Faustum cap. 16., & lib. 1. de Nuptiis, & concupiscent. cap. 11. & lib. 5. in Julian. cap. 9. Et etiam clarę apparet in D. Augustino, & in aliis SS. PP. Beatissimam Virginem votum secisse Castitatis antequam esset desponsata, sicuti diffusę probant Basilius, Vasquez in locis sup. cit. Et quamvis dubitari possit an tale votum factum, fuerit absolutum, aut conditionatum; expressę, & clarę patet in D. Thomę, quod antequam Beatissima Virgo esset desponsata, nullum aliud emisit votum, quęm conditionatum observandi Virginalē Castitatem: *Si Deo placeret*. Si igitur votum perpetuę Castitatis non impedit valorem, & veracitatem Sacramenti Matrimonii, à fortiori neque propositum continentię perpetuę, cum propositum minoris roboris est, quęm votum, & ideo non erit impedimentum invalidans, & annullans veracitatem Sacramenti, & contractus. Hęc consequentia infertur etiam facta suppositione, juxta mentem D. Thomę votum Beatissimę Virginis Castitatis perpetuę fuisse tantum conditionatum, non verò absolutum; quia neque nostri Venerabilis propositum fuit absolutum, sed expressę conditionatum, & adeò ampliatiua conditione factum, ut in eo totum comprehendatur possibile *si possibile foret*.

29 Hujus sententię probatio specialis desumitur ex doctrina D. Thomę, quem juxta observationem Magistri Basilii lib. 7. cap. 56. Aliqui putant esse huic sententię contrarium; nullatenus illius doctrina clarę adduci potest in nostrę sententię favorem. Ita n. ait 3. par. quęst. 29. art. 2. in corpore: *Dicendum, quod Matrimonium, sive conjugium dicitur verum ex hoc, quod suam perfectionem attingit; Duplex est autem rei perfectio, prima, & secunda. Prima rei perfectio consistit in ipsa forma, ex qua speciem sortitur; secunda verò perfectio, consistit in operatione rei, per quam res aliquāliter suum finem attingit. Forma autem Matrimonii consistit in quadam indivisibili conjunctione Animorum, per quam unus conjugum indivisibiliter alteri fidem servare tenetur. Finis autem Matrimonii est Proles generanda, & educanda. Ad quorum primum pervenitur per concubitum conjugalem; ad secundum per alia opera Viri, & Uxoris, quibus sibi invicem obsequuntur ad Prolem nutriendam. Hic assignat D. Thomas suas perfectiones in Matrimonio, primariam unam, & ideo essentialem Sacramento, & contractui, & hęc consistit in Animorum unione, & in mutua obligatione, quam contrahunt contrahentes se desponsantes observandi, & conservandi ad invicem reciprocam fidem. Alteram secundariam perfectionem assignat Matrimonii, ideoque non essentialem, & hęc consistit in actibus matrimonialibus ad finem Matrimonii ordinatis, & talis est generatio prolis, & filiorum educatio.*

30 Ex hoc infert Sanctus Doctor, inter Beatissimam Virginem, &

D.

D. Joseph *verum* & validum contractum fuisse Matrimonium ; eò quia in eo intervenisse apparet veram Animorum unionem, quam vocat D. Thomas *copulam conjugalem*, eamque distinguit à copula carnali ad generationem prolis ordinata, veluti ad finem Matrimoniorum in communi : *Sic igitur dicendum est, quod quantum ad primam perfectionem omnino verum fuit Matrimonium Virginis Matris Dei, & D. Joseph, quia uterque consensit in copulam conjugalem, non autem expresse in copulam carnalem nisi, sub conditione, si Deo placeret.* Igitur secundum D. Thomæ doctrinam asserendum est sponsalia Venerabilis verum fuisse Matrimonium, eò quia in utraque desponsatione veram unionem Animorum intervenisse constat, verumque ligamen conjugale, quod est primaria, & essentialis perfectio contractus, & Sacramenti Matrimonii ; Et quamvis contrahentes expressum non dedissent consensum ad unionem, & copulam carnalem, eundem tamen habere consensum sub conditione : *si Deo placeret* ; quæ quidem conventio comprehensa videtur in illa conditionali expresse à Venerabili declarata, propouente servandi perpetuam castitatem, *si possibile foret.*

31 Infert etiam supra cit. D. Thomas, quòd Matrimonium inter Beatissimam Virginem, & D. Joseph contractum quamquam habuerit secundam perfectionem, modo prodigioso, hanc tamen non habuit modo naturali, exindè sequitur illud Matrimonium non fuisse consummatum. Ibi : *Quantum verò ad secundam perfectionem, quæ est per actum Matrimonii, si hoc referatur ad carnalem concubitus, per quem proles generatur, non fuit Matrimonium consummatum.* Et hic notandum venit, Sanctum Doctorem negare utique illud Matrimonium fuisse consummatum, non negare tamen illud fuisse legitimum, verum, & validum. Quam doctrinam confirmavit postea Concilium Tridentinum, ponendo discrimen inter Matrimonium ratum, & consummatum. Sequitur ergo nostri Venerabilis Matrimonium, contractum cum proposito perpetuam servandi castitatem, eò dici non possit Matrimonium consummatum, rationabiliter tamen est dicendum Matrimonium ratum, & ideo verum, & legitimum Matrimonium.

32 Oritur difficultas inter Doctores in explicando in quo sensu loquatur D. Thomas, *consensum ad copulam carnalem* esse de essentiæ Matrimonii. Fortiter hanc difficultatem tangit P. Sanchez. lib. 2. de Matrim. disp. 20. num. 4. ubi habet. *Dupliciter intelligi posse, ut consensus implicitus in copulam desideretur ad verum Matrimonium. Primo modo loquendo de consensu implicito, quantum est ex parte contractus ; & hoc modo verissimum est eum desiderari : cum enim contractus Matrimonii intrinsecè ordinetur ad copulam, qui explicitè consensit in illum, consequenter in hanc implicitè consensit ex vi talis contractus. Secundo modo potest intelligi ex parte contrahentis ; & hoc pacto non est*

est necessarius consensus implicitus in copulam; imo licet contrahens habeat intentionem non consentiendi in copulam, est verum Matrimonium, ut probant argumenta num. 2. proposita: In hac materia distinguit iste Doctor Classicus duos consensus implicitos in copula carnali, unum ex parte contractus, & alterum ex parte contrahentis, & ait primum esse essentialem, & necessarium ad valorem Matrimonii, non verò secundum, & ideo validum dicitur Matrimonium, licet contractum cum intentione, & proposito de non consentiendo in copulam carnalem.

33 Præsumit supra relatus Doctor hanc esse mentem expressam D. Thomæ, cum dicat Sanctus esse necessarium consensum implicitum; & ita prosequitur Sanchez. in loco cit. quod clarè videtur significare D. Thomam in 4. disc. 30. quæst. 2. artic. 1. quæst. 2. ad 3. his verbis: *Virgo implicitè consentit in copulam, ac copula nunquam fuit in proposito; erat enim à Deo certificata nunquam subsequi debere.* Ecce qualiter ex parte contractus ponit consensum implicitum in copulam, non autem ex parte contrahentis, sed oppositum animum. Quod optimè explicat Suarez. in 3. part. quæst. 29. art. 2. sect. 1. ad finem, ubi ait: *In radice, & in causa habuisse consensum in copulam, consentiendo in Matrimonium, quod de se ad eum ordinatur.* Et ita intelligi debet D. Augustinus, & habetur cap. Beata Maria 27. quæst. 2. dicens, *consensisse in copulam carnalem.* Hanc intelligentiam impugnat Gonet tom. 5. disp. 4. de Consensu Matrimonii n. 138. fundatus in eo, quod nequit esse unus consensus sine alio; & sic probat: *Implicitus consensus in copulam ex parte contractus matrimonialis, ad essentialiam, & valorem Matrimonii necessarius est, ut docent Sanchez, Poncius, Amicus, contra quos disputamus, ergo requiritur etiam consensus, saltem implicitus, & remotus in copulam, ex parte contrahentis. Patet consequentia, quia fieri nequit, ut intentio, seu tendentia necessaria essentialiter ex parte actus, non sit etiam necessaria ex parte agentis, prout illum exercentis.*

34 Si supra relatus Doctor præsumit, consensum explicitum in matrimonium esse pariter implicitum radicaliter, & remotè in copulam carnalem in eo, qui habuit propositum servandi perpetuam castitatem, hoc à nullo asseritur, neque hoc asserunt Doctores, quos ipse impugnat, qui concedunt necessarium esse ad verum Matrimonium consensum in ordine ad ea, quæ spectant ad essentialiam contractus matrimonialis, & huiusmodi est mutus, & reciproca voluntas, seu consensus ad usum Matrimonii ordinatus, in quo saltem radicaliter continetur consensus ad talem usum; & hoc intelligunt per assensum, seu consensum implicitum ex parte Contractus, sicuti patet ex verbis supra citatis Patris Sanchez. Et hanc esse mentem D. Thomæ, constat in 4. senten-

tia-

tiarum loc. sup. cit. ubi habet : *Dicendum, quòd copula carnalis cecidit implicitè sub consensum Beatæ Virginis, sicuti actus simpliciter continetur in sua potentia : potentia autem ad carnalem copulam, non contrariatur Virginitati, nec diminuit aliquid de puritate ipsius, nisi ratione actus, qui quidem numquam fuit in proposito Beatæ Virginis, sed erat jam certificata, quòd actus numquam sequi deberet.* Hanc eandem Doctrinam assignat in supplemento 3. part. quæst. 48. art. 1. in quo loquitur de consensu implicito. *Non enim debet intelligi, sicuti implicitè continetur effectus in sua Causa ; quia potestas carnalis copula, inquam consentitur est causa carnalis copula, sicuti potestas utendi re sua, est causa usus.*

35. Consensus implicitus in copulam, non est actus internus, cum quo directè, & immediatè, quis vult ; sed actus, cum quo quis vult immediatè potestatem, & dominium ad copulam, quæ enim facultas, seu potestas spectat ad essentialitatem Contractus Matrimonialis ; & sicuti talis potestas non opponitur Virginitati, neque proposito servandi perpetuam castitatem, neque ullam infert repugnantiam, seu impli- cantiam idem simplex assensus. Innixus his auctoritatibus, & rationibus, quas adducunt Doctores impugnatis à Gonet, ait ubi supra n. 135. *Itaque juxta D. Thomam, ad contrahendum validè Matrimonium, non est necessarium, ut Conjuges explicitè consentiant in copulam, volendo eam exercere, idest ut explicitè consentiat velle directè usum matrimonialem, sed possunt habere contrarium propositum, & votum numquam eam exercendi, sicuti habuit Beata Virgo.* Hoc probatur à Gonet quia potestas ab usu separari potest ; & accipi potestas ad usum sine voluntate illam exercendi, imò cum expressa voluntate contraria. Totum hoc confirmatur à Gonet in n. 136. cum exemplo fundi, & earum rerum, in quibus distinguitur dominium directum à dominio utili, & indirecto, in quibus dari potest unum dominium sine alio. Rationes istæ cum sua conclusione, quæ ut ait Gonet, deductæ sunt ex Doctrina D. Thomæ, sunt totum assumptum eorum Doctorum, quos jam supra adduximus, qui credunt, ad mentem D. Thomæ, ad essentialiam Matrimonii spectare mutuam, & reciprocam traditionem corporum contrahentium, una cum facultate, & dominio directo supra eorumdem corpora ad usum matrimonii ; ut cum ista facultas tradi potest, ut impedita in ordine ad usum, & dominium utile, & directum, tradi potest cum proposito emanato perpetuæ castitatis servandæ, & opposito usui domini indirecti. Ex hoc infertur consensum implicitum ad usum Matrimonii non esse actum externum, quo quis vult usum, bene quidem actum internum, quo quis vult posse, seu potestatem, & dominium in ordine ad talem actum. Et sicuti supra relati Doctores hunc actum internum admittunt ad essentialiam Matrimonii spectantem, dant

C

volun-

voluntatem mediatam, & radicalem, quam tamen supponunt extitisse proximè impeditam in Maria Virgine, stante Voto proposito, & efficaci desiderio perpetuæ castitatis.

36 Hæc intelligentia Doctrinæ D. Thomæ, adeò verior, quàm Juri Canonico videtur conformior; ex quo constat, non solum esse validum, sed etiam in aliquo casu licitum contrahere Matrimonium, cum animo non veniendi ad consummationem illius. Sic constat in cap. *commissum de Sponsalibus*; ubi Alexander III. consilium præstitit alicui Mulieri, quæ promiserat Matrimonium contrahere cum aliquo viro, & promissione Juramento confirmatâ, quam cum postea se promississe, & jurasse pœnituisset, promissit ad Religionis statum transire, adeunti Pontificis præsentiam, ut ab eo consilium peteret, dixit ut ob juramenti patrati reverentiam, matrimonium contraheret, & post quàm fuisset Viro illi desponsata, ad statum Religionis pertransiret. Quis diceret Pontificem in tali casu suum præstitisse consilium supradictæ Mulieri, ut ipsa invalidum matrimonium contraheret; & illicitum? & ex alia parte asserendum est hujusmodi Matrimonium fuisse licitum, & validum. Et etiam certum est, quod contrahens cum animo transendi post contractum Matrimonium ad statum Religionis, non contrahit cum animo consummandi Matrimonium, sed cum animo se abstinendi à copula carnali, ut liber remaneat ad ingrediendum in Religionem; igitur non est de essentia Matrimonii consensus implicitus ex parte contrahentis ordinatus ad usum Matrimonii; & permittitur in Matrimonio actus internus voluntatis cum proposito in contrarium, quamvis necessariò requiratur consensus expressus, seu explicitus in ordine ad dominium, & facultatem ad usum matrimoniale, quale dominium secum fert consensum radicalem, & remotum ad talem usum. Ex usque modò dictis colligitur nostrum Venerabilem sufficientem suum præstitisse consensum ad valorem, & realitatem duorum Matrimoniorum, eo quia ipse assensus fuit expressè in ordine ad unionem conjugalem, & ad dominium, & facultatem ad usum cum ordine radicali, & remoto ad eundem usum, compossibilem cum proposito permanendi in perpetua virginitate.

37 Hæc resolutio confirmatur cum alia Doctrina D. Thomæ in 4. dist. 34. quæst. 1. art. 2. ad 4. ubi explicans impotentias, & difficultates, quæ evenire possunt in solutione debiti matrimonialis, quarum aliquæ invalidant contractum Matrimoniale, & aliæ non; ita ait: *Alio modo, quia non fit solvendo de facto, & tamen si sciat ille, cum quo contrahit, hanc impotentiam, & nihilominus contrahit; ostenditur, quod alium finem ex contractu queris; & ideo contractus stat; si autem uesciat, tunc contractus nullus est.* Hoc in loco loquitur D. Thomas de impedimento, quod opponitur solutioni actuali debiti matrimonialis, qua-

quale impedimentum est in casu nostro, & est propositum servandi perpetuam castitatem, quod non opponitur, neque aufert potentiam, sed negat, & repugnat cum actu exercito, *quia non sit solvendo de facto*. Tale impedimentum, ait invalidare contractum, si à quovis contrahentium fuerit ignoratum, minimè tamen invalidare, si tale impedimentum fuerit notum eisdem contrahentibus. Ad hoc Sanctus Doctor concludentem rationem assignat, quia si vir non ignorat tale impedimentum, & hoc non obstante contrahit Matrimonium, evidens est ipsum in matrimoniali contractu alium finem habere, & sic Matrimonium est validum, & subsistit: *ostenditur, quòd alium finem ex contractu querit, ac ideò contractus stat*. Sub iisdem terminis noster Venerabilis se habuit in ejus Sponsalibus, absque ullo impedimento à jure, vel à natura, & cum proposito tantum servandi perpetuam Castitatem, quod non impediēbat potentiam ad solvendum debitum matrimonii, sed tantum actum, usum, & exercitium. Tale impedimentum *de non solvendo de facto* erat optimè manifestum duabus illius Sponsis, quia in querendo sibi uxorem ob suum Matrimonium, dicebat ipsum querere talem, cum qua convivere posset, *si possibile foret in perpetua castitate virginali, & unione conjugali ad imitationem Beatissimæ Virginis, & D. Joseph. Sociam sibi querere cogitavit, talem quidem, uti distabat, cum qua si possibile foret vivere liceret in casto, & virginali connubio ad instar &c.* Tale igitur propositum licet impediret usum Matrimonii, non tamen erat impedimentum Sacramenti, neque contractus. Et cum eadem D. Thomæ ratione convincitur; eò quia cum tale nostri Venerabilis Propositum, ejus duabus Sponsis fuisset manifestum, & hoc non obstante cum ipso contraxerunt Matrimonium, ostenderunt ipsas in illo contractu alium habuisse finem, distinctum ab illo in quem respicere solet contractus Matrimonialis communiter acceptus, & sic validus fuit contractus, & verum Sacramentum Matrimonii. *Si tamen sciat ille, cum quo contrahit, & nihilominus contrahit, ostenditur, quod alium finem ex contractu querit, & ideò contractus stat.*

38 Finis, in quem noster Venerabilis respexit, fuit ille altus gradus perfectionis, quod desideravit imitari D. Joseph in sua virginali puritate, & sub matrimoniali jugo vivere, ipsumque fervare absque carnis tribulatione, sicuti ex relationis facto deducitur. Ad hunc eundem finem respexisse credimus ambas illius Sponsas, scientes nostrum Venerabilem ad hunc eundem finem illas voluisse eligere, cui intervenire potuit alius finis minoris perfectionis; estò fuisset decens, & honestus, sicuti est ille, quem habent Puellæ modestæ, & pauperes, quæ per Matrimonium, non carnalem conjunctionem, sed convenientiam in tali statu, & unionem animorum, sibi præfigunt in finem, quod sufficit,

quia forma Matrimonii ſiſtit in quadam indiviſibili conjunctione animorum.

39 Huiusmodi Matrimonia ſpecialia tendentia ad conſervationem proprię virginittis, non reſpiciunt pro ſine ſucceſſionem, neque Proliſ generationem, neque incontinentię remedium, & hic ſinis, puta remedium incontinentię datum fuit Matrimonio in ſinem, poſt peccatum originale; Et notandum ex Doctrina Patris Sanchez lib.2. de Matrimonio diſp.29. n.2. ubi aſſignat ſinem, per quem non tantum valida, verum & licita redduntur Matrimonia virginalia. Ita ait in ſua prima conſuſione: *Quando Matrimonium non contrahitur ratione actus, ſcilicet copulę conjugalis, tunc licet contrahitur, quamvis non intendatur ſoboles, nec concupiſcentię remedium, ut contigit in Matrimonio Beate Virginis. Probatur, quia licet Matrimonii in ordine ad actum ſit ſinis ſoboles, & remedium concupiſcentię; at ſecluſo actu, & ut quidem contrahus eſt, ſinis ejus proximus eſt mutua animarum conjunctio, & ut eſt Sacramentum, ſinis eſt ipſa conjugum ſanctificatio, ergo dum non intenditur copula, licitum eſt ob alios duos ſines contrahere. Prætereā quia licitum eſt in aliquo caſu contrahere matrimonium, animo non conſummandi, ut conſtat ex cap. commiſſum de ſponſal. & tamen tunc neuter ex duobus illis prioribus ſinibus intenditur. Sic Cajet. tom.1. tract. 12. de Matrim. queſt.3. Unde cauſę Petrus de Soto leſſ.16. de matrim. aſſerens eſſe veniale non intendere ſobolem, addidit: quando celebratur Matrimonium, animo utendi illo.*

40 Hęc Doctrina Magiſtralis, & reſolutiva Patris Sanchez, quam adducit Cardinalis Cajetanus, & Petrus de Soto, eſt deciſiva præſentis caſus, de quo agitur, non tantum in ordine ad valorem, ſeu validitatem, verum ad legalitatem Matrimonii noſtri Venerabilis. Duos contrahendi Matrimonium modos ſupponit, unum communem, & regulariter acceptum, cum animo exercitii Matrimonialis, puta copulę carnalis; & ſinis hujus debet eſſe proles habenda, & carnalis concupiſcentię remedium, quod dicitur ſinis ſuperadditus, & minus principalis. Qui hoc modo Matrimonium contrahit, ſi ſuas non adhibeat diligentię, ut ſucceſſionem aſſequatur, incurrit in peccatum veniale. Ille verò, qui ſpecialiſſimo modo Matrimonium contrahit, nullatenus tendens in ſinem directum ad uſum matrimoniale, puta ad copulam carnalem, ſed totaliter ab oppoſito, ſcilicet cum animi propoſito, & intentione obſervandi perpetuam caſtitem, iſte licet contrahit, eſtò non intendat habere ſucceſſionem, tamquam ſinem, neque carnalis concupiſcentię remedium. Et ſi quis ſcire deſiderat, qualem ſinem habeat, qui tali modo contrahit! Reſpondit Sanchez, cum Soto, & Cajetano, ſinem proximum hujus Matrimonii, ſub ratione contractus conſiderati, eſſe mutuam, & reciprocā animorum unionem: *Ut quidem Con-*

tractus est, finis ejus proximus, est mutua animorum conjunctio; hujus verò Matrimonii sub ratione Sacramenti considerati finis ejus proximus est gratia sanctificans, quam per tale Sacramentum assequuntur contrahentes. Ut est Sacramentum, finis ejus est ipsa conjugum sanctificatio. Et ex hoc sequitur postea consequentia Patris Sanchez in favorem nostri Venerabilis. Ergo dum non intenditur copula, licitum est ob alios duos fines contrahere.

41 Est pariter observandum in his Matrimoniis specialibus; quòd tria bona, seu tres boni effectus Matrimonii, & sunt reciproca Fides, Proles, & Sacramentum sub duplici modo considerari possunt, aut in ordine ad obligationem, aut in ordine ad executionem. In ordine ad obligationem, supradicta bona, seu boni effectus, spectant ad essentiam cujuscumque Matrimonii, eo quia talis obligatio resultat ex Matrimonii contractu, & ex principiis essentialibus ad Matrimonium spectantibus. Sic expressè docet D. Thomas in 4. dist. 31. quæst. 1. art. 3. in corp. ubi ait: *Fides, & Proles, secundùm quod considerantur in suis principiis, ut pro Prole accipiatur intentio Prolis; & pro Fide, debitum servandi fidem, sine quibus Matrimonium esse non potest; & sic accipiendū Fidem, & Prolem, sunt essentialissima in Matrimonio.* Et tamen hæc eadem bona, in ordine ad successionem sunt de essentia Matrimonii, quod potest etiam sinè illis subsistere. Ita docet D. Thomas, & est etiam doctrina D. Bonaventuræ, ibi: *Sinè bono Sacramenti, nunquam esse Matrimonium;* ut potest esse sinè fide, & prole. (Et hoc intelligendum est in ordine ad executionem) *non tamen est Matrimonium, si in consensu exprimeretur aliquid in contrarium fidei, & proli.* Hæc observatio in contextu D. Thomæ, est pariter Patris Sanchez loco sup. cit. n. 12. ex quo infert, quod si intentio contraria in ordine ad prolem est simplex intentio, absque eo quod reducatur ad pactum explicitum, non invalidat Matrimonium, quia in suis principiis non opponitur cum obligatione hujus boni, quæ obligatio est essentialis ad validitatem contractus matrimonialis: *Fides, & proles, secundùm quod considerantur in suis principiis, sunt essentialissima in Matrimonio.* Simplex intentio abstinendi se ab usu matrimoniali, tantùm opponitur bono prolis in ordine ad executionem, & cum hæc non sit essentialis, neque necessaria ad validitatem Matrimonii, simplex intentio habita observandi continentiam, non invalidat, neque irritum reddit contractum. Nihilominus si hæc simplex intentio reduceretur ad pactum expressum, seu explicitum in contrahendo Matrimonium, in tali casu, procul dubio, contractus redderetur invalidus, quia in tali casu pactum expressum, seu explicitum opponeretur expressè bono prolis, non tantùm in intentione, sed etiam in ordine ad obligationem, & hoc modo destrueretur pars, seu res essentialior Matrimonii. Suarez ubi supra, &c.

42 In casu nostræ consultationis, Venerabilis non contraxit Matrimonium, spondendo rem aliquam in contrarium, seu oppositam successioni, aut alteri bono status Matrimonii; ac ideo illius intentio permanendi in statu perpetuæ puritatis in statu Matrimonii, non fuit destructiva alicujus rei essentialis ad valorem Matrimonii. Illius desiderium manifestatum in occasione quærendi sibi Sponsam, fuit simplex intentio servandi perpetuam castitatem, si ei possibile fuisset. Talis intentio tantum opponitur actui executivo, qui non est essentialis, neque necessarius ad valorem Matrimonii, & relinquit contractam obligationem in suis principiis, quæ obligatio verè est essentialis, ut ait D. Thomas. Ultra quamquod in eadem condicionali; *Si possibile foret*, includitur tacita confessio obligationum, quas noster Venerabilis contrahebat per Matrimonium; & totum illius desiderium, & intentio tantum procedebat contra executionem finis, & boni matrimonialis contractus. Notandum est etiam quod est in cap. final. de condit. opposit. Ubi declarantur, & deciduntur conditiones invalidantes Matrimonium, omnes illæ ibi nominatæ sunt turpes, & illicitæ, & quamvis sit communis sententia, quod quæcumque conditio licet honesta, si contraria, aut opposita fuerit bono, aut fini successionis, vitiat Matrimonium. Sanchez lib. 6. de consens. conditionat. disp. 10. n. 2. In casu nostræ consultationis nulla interfuit conditio opposita fini successionis, sicuti in simili casu advertit P. Sanchez num. 7. loquendo de Matrimonio Beatissimæ Virginis, & D. Joseph; quia ambo verè, & absolute consentierunt in reciproca facultate, & potestate, quæ ad invicem sibi dantur contrahentes, estd ambo firmum propositum haberent observandi castitatem perpetuam; quia cum sit absolutus consensus in reciproca traditione corporum, nulla interfuit conditio opposita fini successionis, & solummodò adfuit simplex intentio contraria, aut opposita fini, aut bono prolis, in ordine ad executionem, quæ neque essentialis, neque necessaria dicitur ad valorem Matrimonii. Hoc idem fuit effectum in Matrimoniis nostri Venerabilis, & ideo in ipsis nil fuit inventum repugnans, & invalidans illa.

43 Hæc resolutio usque modò adducta cum doctrina D. Thomæ, est adeò resolutiva in illa Sancti Patris nostri Augustini, ut P. Vasquez in citatione Textuum, superfluum judicat scribere verba illius; hoc non obstante nonnulla adducuntur, ut ex illis inferre possimus rationes concludentes. In lib. 23. contra Faustum cap. 8. loquendo de Matrimonio Beatissimæ Virginis, & D. Joseph ita ait: *neque enim quia concubitu non permixtus, ideo non Maritus; & assignat S. Doct. rationem. Ut & Joseph Maritus diceretur, lubens eam Conjugem non concubitu, sed affectu; non commixtione corporum, sed copulatione, quod est charius animorum confederatione, quamvis ei non fuerit carne commixtus.*

44 Essentia, & principalis perfectio Matrimonii consistit in diversitate sexuum, & indissolubili animorum unionem; sese invicem, & mutuò obligantes ad mutuam, & reciprocam fidelitatem servandam. Sic vidimus in D. Thoma, à quo probatur auctoritate sequenti Sancti Patris nostri Augustini lib. 5. de Nup. & Concup. cap. 11. *Conjux vocatur ex prima fide desponsationis, quam concubitu nec cognoverat, nec fuerat cognosciturus.* Et ibi loquendo de Matrimonio Beatissimæ Virginis, & D. Joseph, etiam ait de illis duobus nostri Venerabilis cum duabus suis Sponsis: *Absit, ut inter illos vinculum conjugale rumpatur; imò firmitus erit, quo magis ea pacta secum inierint, quæ charius, concordiusque servanda sunt, non voluptariis corporum nexibus, sed voluntariis animorum affectibus.* In casu nostro adfuit animorum unio cum sexus diversitate inter Venerabilem, & suas Sponsas, cum mutua, & reciproca obligatione ad secundam fidelitatem, ergo unum, & alterum Matrimonium fuit verum, & validum, eo magis firmum, & indissolubile, quo purius: *Imò firmitus erit non voluptariis corporum nexibus, sed voluntariis animorum affectibus.*

45 Et quamvis huic Matrimonio defuerit usus, & seu copula carnalis, & propositum ea utendi, non propterea Matrimonium fuit invalidum, quia unio, & copula carnalis conjugatorum in ordine ad usum, aut executionem illius, non est de essentia contractus; neque bonum, neque carnalis unionis signis adeò æstimatione dignus reputandus est, ut Catholici sine ipso judicare debeant Matrimonium subsistere non posse; imò majoris perfectionis sine supradicto sine illud debent reputare; eò quia strictiori vinculo cum Christo unit conjugatos vinculum animorum, quàm copula carnalis, & magis consimiles illos reddit Christi Parentibus. Hæc sunt verba D. Augustini, quæ scripta videntur ad nostri casus favorabilem decisionem. Ita ait loco sup. cit. contra Faustum: *Et ne homines fideles Christi, quod sibi Conjuges carne miscentur, tam magnum in conjugio deputarent, ut sine hoc esse non posse crederent, sed potius dicerent fidelia conjugia, multò familiaris se adhaerere membris Christi, quanto potuissent imitari Parentes Christi.* Noster Venerabilis in utroque Matrimonio Christi Parentes fuit imitatus, non solum postquam contraxisset, sed antequàm ea Matrimonia contraheret, & in ipso contractionis actu cum proposito servandam perpetuam castitatem; ideoque unum, & alterum Matrimonium, non tantum reputandum est validum, sed perfectissimum; cum in utroque imitatus fuerit Matrimonium à Christi Parentibus contractum.

46 Eandem Doctrinam tradit D. Augustinus lib. de bono conjugali cap. 1. ubi inter Conjugatos duas uniones distinguens, quarum una, quæ principalior reputatur, & hæc est unio animorum, ob

de-

debitum obsequium, & mutuam fidelitatem inter eos servandam; & altera est corporum ad generationem prolis directâ; & ait primam posse sine secunda subsistere, & illam sufficere ad valorem, & perfectionem Matrimonii; eò quia secunda neque essentialis, neque principalis reputatur, bene verò subsequens, & ecce verba Sancti Doctoris: *Consequens ergo est connexio societatis in filiis, qui unus honestus fructus est, non conjunctionis maris, & feminae, sed concubitus: Poterat enim esse in utroque sexu etiam sine tali commixtione, alterius obsequentis, amicabile quaedam, & germana conjunctio.* Notandum est bonum prolis D. Augustinus non ait esse effectum principalem unionis conjugatorum, sed fructum unionis carnalis, quæ quidem unio, non est principalis, & essentialis Matrimonii, bene verò secundaria, & subsequens ad ipsum: *Unus honestus fructus est, non conjunctionis, sed concubitus.* Notandum est etiam in laudem nostri Venerabilis D. Augustinum non asserere de facto fuisse unionem unam, sine alia, sed unam esse posse sine alia. Et Matrimonia in casu nostro sunt admirabilis exempli, & ad actum prætium redacta circa id, quod à Divo Augustino possibile reputatur. *Poterat enim esse in utroque sexu, etiam sine tali commixtione alterius obsequentis, amicabile quaedam, & germana conjunctio.*

47 Probat Sanctus hanc sententiam in cap. 3. ejusdem lib. duabus rationibus, una, quæ provenit à fine principali, ob quem Matrimonium fuit institutum, qui non fuit solummodo bonum prolis, sed indivisibilis animorum unio in sexibus differentibus; & altera est ab inconvenienti; eo quia si finis unicus, & principalis esset successio, nec ad senectam ætatem perventi validum possent contrahere Matrimonium, neque subsisteret contractum inter ipsos; unde ita ait: *Quod mihi non videtur propter solam filiorum procreationem; sed propter ipsam etiam in diverso sexu naturalem societatem, alioquin non jam diceretur conjugium in senibus, præsertim, si vel amississent filios, vel minimè genuissent; Nunc verò in bono, licet annoso conjugio; etsi emaruit ardor ætatis inter masculum, & feminam, viget tamen ordo charitatis inter Maritum, & uxorem, quia quanto meliora sunt, tanto maturius à commixtione carnis pari consensu se continere ceperunt, non ut necessitatis esset, postea non posse quod vellent, sed ut laudis esset, primum voluisse quod possent.* Magister Basilius Ponc. lib. 7. de Matrim. cap. 56. diffusissimè defendit validum esse Matrimonium contractum inter duos impotentes ad generationem, dum impotentia talis sit notoria, una femel quod contractum sit cum intentione ad castè vivendum; & hoc probat in cap. 58. adducendo diversos textus Juris Canonici multominus opponitur valori, & legitimatati Matrimonii impotentia voluntaria exorta à libero proposito, & determinatione facta

vivendi in castitate, quàm opponitur impotentia exorta à natura; & secundùm opinionem D. Augustini reddit Matrimonium magis laudabile. Igitur Matrimonium, de quo agitur in præsentì casu, non solum fuit validum, verùm & valdè commendabile, juxta illud: *tantò maturius à commixtione carnis se continere ceperunt, non ut necessitatis esset, postea non posse quod vellent, sed ut laudis esset primum noluisse quod possent.* In hac tota Doctrina D. Augustinus tantùm excludit copulam, aut communicationem carnalem in ordine ad executionem, quia hoc modo opponitur Virginali puritati, cum qua B. Virgo desponsata fuit, cujus Matrimonium defendit fuisse validum, ac legitimum; & quemadmodum potentia, & libertas ad utendum, & exequendum hanc unionem, seu communicationem non opponitur puritati Virginali, neque hanc virtutem diminuit, sicuti cum D. Thoma jam vidimus, idèò à D. Augustino non excluditur; imò è contra, eam admittit, & supponit, ut hanc virtutem magis reddat commendabilem, *ut laudis primum noluisse, quod possent.*

48 Hanc pariter sententiam sequitur Ugo Victorinus, aded conformis, & adjectus erga Sancti Doctoris doctrinam, ut in eo sæculo, quo vixerat nuncupatus fuit lingua D. Augustini, & juxta P. Suarez observationem, super hanc materiam, eum secuti sunt D. Thomas, Albertus Magnus, & alii Doctores Scholastici. In lib. Virginitatis Beatissimæ Virginis, ita suam quæstionem introducit: *Disentiamus, ut postulas, quid sit conjugium, & ex ipsius diffinitione proposita consideremus, si simul esse potuerint in Virgine Matre, & consensus Conjugalis, & propositum virginitatis.* Eandem quæstionem continet nostra præsens consultatio, in qua quæritur, quomodò subsistere potuerit nostri Venerabilis Matrimonium, cum proposito perpetuam castitatem servandi.

49 Ad hanc quæstionem sic respondet: *Quid enim est conjugium, nisi legitima societas inter virum, & feminam: in qua videlicet societate ex pari consensu uterque semetipsum debet alteri. Spontaneus ergo consensus inter virum, & feminam legitime convictos facit, quo uterque alteri debitorem sui se spondet: iste est qui conjugium facit: & conjugium est ipsa societas tali consensu confederata, quæ altero vivente, alterum ab altero non dissolvit.* Totum hoc, quod est unio indissolubilis animorum, cum reciproca obligatione observandi ad invicem mutuam fidelitatem, ad essentiam Matrimonii spectat; cujus causa efficiens est mutuus consensus ad hunc effectum datus. *Spontaneus ergo consensus, &c. iste est, qui conjugium facit: Est conjugium est ipsa societas, &c.*

50 Prosequitur Ugo Victorinus, & ait: *Est adhuc alius consensus, sed carnalis commercii ad invicem exigendi, atque reddendi similem inter,*

D

Vi-

Virum, & Mulierem, actionem constituens; Comes non effector conjugii; officium, & non vinculum, qui & ipse tamen cum pari etiam necesse est debito reneatur. Hic explicat secundum consensum duorum Matrimoniorum regulariter acceptorum, qualis est consensus implicitus, aut expressus in ordine ad exercitium, & usum conjugalem, & observat hunc consensum non esse illius defectum, neque fieri *Comes*, neque conjugii *effectorem*, bene verò esse officium, & usum conjugatorum, nequaquam verò ligamen eos uniens ad contractum, aut Sacramentum, *officium est non vinculum*. Est etiam hic notandum consensum implicitum in copulam, quem D. Thomas dicit esse essentialem, non esse velle carnale commercium, sed solum velle dominium, & potestatem, ut supra dictum est. Hoc in loco Ugo à Sancto Victore loquitur de consensu, quo quis vult carnale commercium, & hic est ille consensus, quem D. Thomas vocat explicitum in *copulam* qui non est de necessitate, neque de essentia ad valorem contractus matrimonialis, sicut docet D. Thomas, atque hic expressè docet Ugo Victorinus.

51 Sunt notativè digna verba sequentia, cum quibus loquens de commercio carnali, ita ait: *Hujus debiti necessitas illos conjugatos sibi ad invicem non subjicit, in quibus, dum conjugium contraheretur, vel sanciretur, hujus operis consensus non præcessit.* Hinc supponens validum Matrimonium contractum sine consensu expresso, aut implicito immediato ad commercium carnale, ait, quod lex, aut obligatio solvendi tale debitum, non comprehendit illos, qui sub hac forma Matrimonium contraxerunt. Ratio clarè patet juxta dictum D. Thomæ, & Sanchez, quia isti Conjugati in eorum contractu noluerunt usum conjugalem, bene verò potentiam, facultatem, & dominium, quod spectat ad essentiam, & valorem Matrimonii, & talis potestas, seu dominium non est impossibile cum proposito servandi perpetuam castitatem. Igitur vi talis contractus non remanent adstricti ad usum actualem, sed solum ad conservandam mutuam, & reciprocam facultatem, seu dominium, quod stabilitur, & firmatur in primo consensu, & reciproca unione animorum, aut in voluntate indissolubilis. Concludit tandem Ugo, ostendens hoc Virginal Matrimonium esse validum, & perfectum, & ait. *Nec tamen hoc officio cessante, veritatem, seu virtutem conjugii cessare credendum est; immò potius tanto verius, ac sanctius conjugium esse, quod in solo charitatis vinculo, & non in concupiscentia carnis libidine fundatum est.* Hæc tota auctoritas Ugonis Victorini est clara explicatio, & confirmatio doctrinæ D. Augustini, & sicuti per ipsam deciditur in favorem Matrimonii celebrati cum proposito observandi perpetuam castitatem; ita pariformiter est clara decisio in favorem nostræ præsentis consultationis.

52 Ex hoc adducuntur rationes suadentes præsentis resolutionis in favorem nostri Venerabilis. Una ex istis, ea sit, sub qua multe aliæ comprehensione reperiuntur, probantes Matrimonii valorem per suas causas, scilicet formalem, efficientem, & finalem. Causa formalis Matrimonii, juxta mentem Divi Augustini D. Thomæ, & aliorum Doctorum, est indissolubilis animorum unio, ob quam causam Contrahentes se obligarunt ad observandum inter ipsos mutuam, & reciprocam fidelitatem: *Forma Matrimonii consistit in quadam indissolubili conjunctione animorum, per quam unus Conjugum indivisibiliter alteri fidem servare tenetur*. In Matrimoniis nostri Venerabilis, adfuit unio indissolubilis animorum, per quam se obligarunt ad observandam ad invicem mutuam, & reciprocam fidem, seu fidelitatem, igitur attenda causa formali Matrimonii, illud fuit validum, & legitimum. Hæc ratio confirmatur ex definitione Matrimonii, quam assignat Sententiarum Magister in 4. dist. 27. *Matrimonium est Viri, Mulierisque conjunctio maritalis inter legitimas personas vitam indissolubilem retinens*. Quæ definitio concordat cum illa, quæ assignatur in jure Canonico 22. quæst. 2. ubi ait: *Matrimonium est conjunctio maris, & femine inter personas legitimas, individuum vitam consuetudinem retinens*: Et à jure Civili definitur eodem modo: *Viri, & Mulieris conjunctio, individuum vitam consuetudinem retinens*. Instit. de patria potest. §. *nuptiæ*. In quibus definitionibus explicantibus essentiam Matrimonii, ejusque causam formalem, nulla fit mentio unionis carnalis conjugatorum. Et suum verum, & legitimum sensum explicans D. Augustinus, & D. Thomas, intelligitur de unionem animorum. Si igitur negari non potest hanc intervenisse unionem in duobus Matrimoniis nostri Venerabilis, signum evidens est in eis interfuisse causam formalem, & Matrimonii essentiam. Nec obstat, quod asseritur à Magistro sententiarum in prima definitione esse de essentia Matrimonii unionem matrimonialem, seu conjugalem: *Conjunctio matrimonialis*, in qua videtur ipsum ponere distinctionem inter unionem, quæ admitti potest inter duos fratres, ex hoc quod unio matrimonialis est in ordine ad unionem carnalem, quæ esse non potest inter duos fratres. Non, inquam, obstat, quia secundum communem Doctorum explicationem, unio conjugatorum, quæ maritalis, seu matrimonialis dicitur, habet rationem contractus, in quo fit reciproca, & mutua traditio corporum contrahentium, cum ordine radicali directo ad usum ipsorum corporum, & ad unionem carnalem, quæ exerceri non potest inter fratres. Ultraquam quod, sicuti visum est cum D. Thoma in 4. dist. 31. q. 1. art. 3. Bonum successionis in suo principio consideratum, est de essentia Matrimonii, & hoc intelligitur per unionem conjugalem. Hæc est unio animorum, cum

facultate; & dominio super corpora Conjugatorum, quæ non potest esse inter fratres. Ordo iste radicalis ad successionem, & potestas, & dominium super corpus utriusque sponte fuit acquisitus à nostro Venerabili, quando ille contraxit Matrimonium cum proposito conditionato observandi perpetuam castitatem, *si possibile foret*, & sub hac eadem conditione exprimitur potestas, & ordo radicalis, cum quo fecit licitum esse usum Matrimonii, in eventu, quo ei fuisset impossibile observandi castitatis propositum.

53 *Causa efficiens* vinculi Matrimonialis non est consensus expressus copulæ carnalis, neque internus actus voluntatis, qui immediate requiritur, non solum potentiam, sed etiam usum matrimonialem; quia licet iste consensus consociet Matrimonium, non tamen est causa ligaminis. *Comes, non effector conjugii*, ut ait Ugo Victorinus ille mutuus, & reciprocus consensus, cum quo Contrahentes volunt uniri in animis unione indissolubili, mutuoque & reciproco dominio, & facultate, & potestate supra eorum corpora, hæc est causa efficiens Matrimonii. *Iste est, qui conjugium facit*. In nostro casu evenit reciprocus, & mutuus consensus Contrahentium in ordine ad unionem perpetuam, & indissolubilem animorum, unà cum mutua, & reciproca traditione domini super eorum corpora, igitur in utroque Matrimonio fuit etiam vera, & legitima causa efficiens illius. Et observandum est cum Mag. Ponz. lib. 1. cap. 18. n. 18., quod in Matrimoniis communiter acceptis, consensus Contrahentium videtur quod sit unus tantum, sed re vera sunt duo, eò quia assentiuntur unione conjugali, quæ secundum D. Thomam, & D. Augustinum, est unio animorum, ad effectum vivendi in bona societate inter duas personas diversi sexus, & etiam præbent assensum expressum, & immediatum in ordine ad unionem carnalem, seu corporalem, ad effectum assequendi finem, & bonum successionis. Isti sunt duo consensus realiter distincti in suis objectis, & in suis finibus; & primus est ratio causalis, & causa secundi; ita quod dari non possit assensus licitus ob finem successionis, non præcedente assensu in ordine ad unionem animorum conjugalem. Hæc prima unio est essentialis, & indissolubilis; secunda est frequens, sed impediri potest, aut evitari, sicuti impedita in Matrimonio Beatissimæ Virginis, ad cujus imitationem etiam in Matrimoniis nostri Venerabilis, in quibus interfuit primus consensus, supra explicatus, qui est causa efficiens legitimi Matrimonii.

54 *Causa finalis* Matrimonii, quæ secundum opinionem multorum est desiderium successionis, seu prolis, sed ad mentem D. Augustini hic dicitur finis minus principalis; Docet enim Sanctus Doctor, quod neque in Matrimoniis communiter acceptis, successio prolis, dicitur finis unicus Matrimonii, bene verò desiderium vivendi in societatem cum

cum unione animorum inter personas diversi, & differentis sexus; *Quod mihi non videtur propter solam filiorum procreationem, sed propter ipsam etiam naturalem in diverso sexu societatem.* Finis ista vivendi in naturalem societatem, & mutuo se coadjuvandi ad humanam vitam, fuit à Deo expressus in creatione Evæ, ut eam daret In uxorem Adæ. *Non est bonum hominem esse solum; faciamus ei adiutorium simile sibi.* Gen. 2. Et ipsi Gentiles hanc veritatem cognoverunt. Quintilianus in Declamat. 368. ita ait: *Matrimonia sunt ab ipsa rerum natura inventa; Sic mares feminis junguntur; ut imbecillior sexus præsidium mutua societate sortiatur.* Et videatur Basilii in loc. cit. n. 17. Duo Matrimonia nostri Venerabilis non fuerunt intenta ad finem, in quem respicere solent Matrimonia communia, bene verò intenta fuerunt in illum finem principalem, quem expressit Dominus Deus conjugando hominem, querendo adiutorium, & societatem in suis Sponsis, & ipsæ in eo invenerunt protectionem, & patrociniū, quo indigebant, quoque ordinariè indiget sexus imbellis, & fragilis femineus, qui sexus sine tali societate manifestus extat expositus periculis. Observetur pariter doctrina supra assignata D. Thomæ, & Sanchez in lib. 2. de Matrim. disp. 29. n. 30. ubi ait; quod quando Matrimonium non contrahitur propter finem, & rationis actus matrimonialis, ut evenit in duobus Matrimoniis nostri Venerabilis quæ fuerunt ambo Virginalia, in eo casu finis eorum non est successio prolis, sed mutua, & reciproca unio animorum, & in ordine ad Sacramentum considerata, eorum finis est contrahentium sanctificatio: *Ut quidem contractus est, finis ejus proximus est mutua animorum conjunctio: Et ut est Sacramentum finis est ipsa conjugum sanctificatio.* Huiusmodi fuerunt Matrimonia à nostro Venerabili contracta, non ob causam matrimonialis usus, sed cum proposito perpetuæ castitatis; Eorum igitur causa finalis non fuit bonum prolis, sed indissolubilis animorum unio, & utriusque contrahentis sanctificatio; quæ causa finalis, juxta mentem Sanchez reddit Matrimonium licitum, validum, atque legitimum: *Dum non intenditur copula, licitum est ob alios fines contrahere.*

55 Confirmatur per aliam rationem, qua in hac materia communiter utuntur Doctores. In rebus, quæ usu non consumuntur, usus distinguitur à dominio, & unum, & aliud ex ipsis est materia sufficiens in Contractu. Constat ex utroque jure tum Civili, tum Canonico ubi distinguitur Dominium directum, & Dominio proprietatis à Dominio utili, & indirecto, quod spectat ad usufructum. In corporibus contrahentium hæc duo Dominia esse possunt, & ad validitatem Matrimonii, considerati sub ratione Contractus, sufficit, quod Maritus obtineat dominium directum, secundum Text. D. Pauli ad Corinth. 6. *Mulier sui corporis potestatem non habet, sed Vir; Simili-*
ter.

ter & Vir &c. Hanc rationem, quam Vasquez, Basilii, Suarez, & alii Doctores dicunt esse efficacem, fatentur esse imperceptibilem, eò quia eis videtur dari non posse dominium directum supra corpora, absque eo quod nullus subsequatur effectus, & iste tantum potest esse in ordine ad usum matrimonialem; Propter quod, si in traditione hujus domini traderetur impeditum cum voto, aut efficaci proposito servandi perpetuam castitatem, in tali casu Contractus esset nullus, quia nullius valoris esset traditio facta talis domini absque nullo effectu habendo.

56 Respondet P. Suarez 3. part. quæstion. 29. disp. 7. sect. 1. quod etiam dato, quod tale dominium corporum tradatur cum impedimento in ordine ad usum, suo tamen debito non caret effectu, ideoque Contractus est legitimus. In primis ejus effectus est inhabilitare consortem ad aliud Matrimonium contrahendum. Alius effectus est, quod in eventu si operaretur contra Votum, aut propositum, non operaretur contra justitiam, sed solum contra Voti religionem, & contra perseverantiam propositi facti. Et pariter in isto casu nullus Conjugatorum reus esset crimine fornicationis, aut alio reatu simili. Omnes istos effectus causare potest Contractus matrimonialis factus cum mutua, & reciproca traditione Corporum, estò remaneat impeditus usus, & dominum utile, & indirectum; Sunt ergo divisibilia duo domini; & dominium directum sufficiens est ad valorem contractus. Talis fuit Contractus Beatissimæ Virginis cum D. Joseph juxta communem Doctorum opinionem, & ad illius imitationem fuit pariter nostri Venerabilis Contractus in ejus duobus repetitis Matrimoniis.

57 Ex usque modò dictis, deducitur resolutio Argumentorum, quæ in principio fuerunt proposita in favorem contrariæ sententiæ. Ad primum respondetur, tale argumentum falso laborare supposito; Supponit enim Matrimonium inter Beatissimam Virginem, & D. Joseph non fuisse verum Matrimonium, omnes enim Doctores Moderni uniformiter cum D. Thoma docent in contrarium 3. part. quæst. 29. art. 2., nec non Antiqui, simul cum Mag. Sentent. in 4. dist. 30., & est omnium Theologorum communis opinio, excepto Michael de Medina, ut observat Vasquez in 3. part. disp. 125. n. 22. Et quamvis aliqui dicant Sententiam affirmativam in ordine ad validitatem hujus Matrimonii esse de fide tenendam, & contrariam manifestè erroneam; hoc tamen non obstante, cum nihil in hoc puncto sit ab Ecclesia definitum, neque super hanc veritatem habeatur Sanctorum Patrum firma, & constans traditio, dici non potest, quod sit Dogma de fide tenendum. Sententia tamen contraria aliqua censura digna reputatur, neque defendi potest, absque temeritatis nota, cum opponatur communi opinioni, & judicio Sanctorum Patrum, & Doctorum. Et ad id, quod in Argu-

men-

mento adducitur aliquos Sanctos indicare D. Joseph non fuisse verum Beatissimæ Virginis Maritum, neque rigorosum Matrimonium fuisse ab eo contractum; respondit D. Thomas in duobus verbis, explicans mentem in qua sunt intelligendi supradicti Sancti Patres. Negant enim ipsi in Beatissima Virgine, & D. Joseph fuisse Matrimonium consummatum, & omne id, quod importat exercitium matrimonialis actus; & hoc est verissimum, imo de fide tenendum. Verba D. Thomæ sunt sequentia: *Ad primum dicendum, quod D. Hieronymus accipit ibi Matrimonium ab actu Matrimonii consummati. Ad secundum dicendum, quod Nuptias Hieronymus vocat nuptialem concubitum.* Hæc eadem nomina, quæ negant Sancti Patres, velut exprimentia unionem carnalem conjuges, si intelligantur de sola animorum unionem, quæ est essentialis ad valorem Matrimonii applicari possunt Matrimonio inter Beatissimam Virginem, & D. Joseph contracto, & realiter sub hoc sensu sunt à D. Augustino applicata, sicuti apparet ab Auctoritatibus adductis. Videatur P. Vasquez in loco citato, ubi diffusè disputat super mentem Sanctorum Patrum, quos omnes ostendit concordēs, estō alios cum aliqua minori claritate in ordine ad communem sententiam circa valorem, & realitatem Matrimonii Beatissimæ Virginis. Ex hoc inferitur validitas, & certitudo Matrimonii, hujus nostræ præsentis Consultationis, quod fuit à nostro Venerabili contractum ad imitationem Matrimonii contracti inter Beatissimam Virginem, & D. Joseph.

58 Ad secundum fundamentum respondetur, quod in illa verba D. Augustini contra Faustum, dicere non præsumis Sanctus Doctor, quod omne Matrimonium contrahi debeat cum animo legitimæ successionis habendæ. Id quod Sanctus Doctor dat intelligendum, est solummodò reprobare omne genus unionis carnalis, quod legitimi Matrimonii non sit; & ideo ait hujusmodi unionem in Mulieribus fieri deberet non ad finem explendæ concupiscentiæ, sed solummodò, ut fiant Matres legitimæ. Hæc doctrina, quæ tantum procedit in ordine ad Matrimonia communiter accepta, non opponitur Matrimoniis specialibus, & de quibus agit præsens nostra Consultatio, quæ sicuti visum est, habet in sui favorem mentem expressam Sancti Patris nostri Augustini.

59 Ad tertium fundamentum respondetur verissimum esse, quamcumque conditionem oppositam substantiæ, & fini primario, & principali Matrimonii, illud invalidare, & nullum reddere; negamus tamen propositum observandi perpetuam castitatem opponi substantiæ, & primario fini Matrimonii, sicuti diffusè probatur à P. Vasquez loco supra cit. à n. 60. usque ad n. 71. Et supponens, quod ad essentiam Matrimonii spectet mutua, & reciproca corporum traditio, & ordinis radicalis ad successionem, quæcumque conditio supradictæ tra-

di-

ditioni opposita, utique secunda erit contraria, & opposita substantiæ Matrimonii; At conditio se abstinendi à quocumque conjugali actu potest esse duplicis generis, una ob devotionem, & ob propositum voluntarium contrahentium; & hæc non opponitur cum directo dominio, & cum traditione corporum, eò quia solum impedit dominium utile, & indirectum, sicuti supra probatum est. Nullatenus, si conditio se abstinendi ab unionem carnali est posita cum suppositione, quod dicta unio futura sit contraria justitiæ, & erit usus rei alienæ, talis conditio ita considerata, opponitur dominio directo, & mutæ traditioni corporum contrahentium, & consequenter erit conditio opposita substantiæ, & fini Matrimonii.

60 In hoc sensu loquitur D. Thomas in 4. dist. 28. quæst. unica art. 4. ad 3. & dist. 30. quæst. 2. art. 1. quæst. 2. ad 1. & 2. Sanctus Bonaventura, Riccardus, & alii; & sicuti observat P. Vasquez, ob causam non discernendi tali modo hanc conditionem, oppositam sententiam tenuerunt Adrianus, Sotus, Capreolus, Covarruvias. In præfenti casu hujus Consultationis, adfuit propositum perpetuæ castitatis, si hujus observantia fuisset proponenti possibilis; Ergo in eo adfuit propositum implicitum deveniendi ad usum Matrimonii, in eventu, quo ei non fuisset possibilis observantia emanati propositi castitatis servandæ. Igitur in eo contractu fuit propositum, quod non solum destruebat, sed supponebat, & confirmabat mutuam, & reciprocam traditionem corporum Contrahentium, quæ reciproca, & mutua traditio est necessaria, & essentialis ad valorem contractus. Ultraquàm quod, sicuti remanet probatum juxta doctrinam D. Thomæ, & P. Sanchez, quod quando intentio se abstinendi ab usu Matrimonii non reducitur ad pactum expressum, non invalidat Matrimonium; quia in tali casu solum dicitur simplex intentio continentiæ, & castitatis, quæ non opponitur obligationi *boni prolis* in suis principiis, quæ obligatio dicitur essentialis in contractibus matrimonialibus: *Fides, & proles, secundum quod considerantur in suis principiis, sunt essentialissima in Matrimonio*. D. Thom. in 4. dist. 31. quæst. 1. art. 3. in corp. In casu nostri Venerabilis propositum castitatis perpetuæ, ultraquàm cum non fuisset absolutum, fuit simplex propositum, seu simplex intentio, minimè reducta ad pactum expressum, tunc quando contraxit Matrimonium.

61 Ad quartum fundamentum respondetur concedendo ad essentialiam Matrimonii spectare mutuam, & reciprocam traditionem corporum Contrahentium, quæ traditio de sua ratione, & ex vi contractus est ordinata ad usum conjugalem, & ad finem successionis. Hoc admisso, restat postea difficultas, an inter Contrahentes necessariò requiratur consensus implicitus ad usum conjugalem? Omnes Doctores
con-

conveniunt non esse necessarium consensum expressum, sicuti advertit Magister Basilii lib. 4. de Matrim. cap. 18. num. 3. in ordine ad consensum implicitum, & virtuale. Aliqui DD. affirmant esse necessarium ad validitatem Matrimonii, sed difficulter possunt explicare in hoc sensu, quomodo fuerit validum Matrimonium contractum à Beatissima Virgine cum D. Joseph; quod contractum fuit cum voto absoluto perpetuæ castitatis. Hoc tamen non obstante si bene explicetur quid sit consensus implicitus, à D. Thoma requisitus, veluti essentialis ad Matrimonii valorem, manifestè apparebit hujusmodi consensum sic bene explicatum nullatenus opponi perpetuæ castitati virginali; Videatur ergo doctrina adducta à P. Sanchez, ubi distinguit duos consensus implicitos in copulam: unum *ex parte contractus*, & alterum *ex parte continentis*: Hic opponitur voto perpetuæ castitatis, quia importat exercitium, seu actum oppositum virginitati; sed quia consensus implicitus *se tenens ex parte contractus*, solum importat actum, seu exercitium in suis principiis, hoc est actum volendi dominium, & potestatem ad tale exercitium, & usum matrimoniale, non opponitur virginitati, ita neque opponitur consensui, cum quo admittitur, seu per quem quis vult tale dominium, & potestatem ad talem usum exercendum. Et hoc modo salvatur consensus implicitus *ex parte contractus* esse composibilem cum proposito efficaci servandi perpetuam castitatem. In hac sententia convenit communis opinio aliorum Doctorum; solum aliqualè discrimen, & differentia reperitur in diversa terminorum explicatione; Dicunt enim non esse necessarium consensum formalem, bene verò radicalem in mutua, & reciproca corporum traditione comprehensum, & inclusum, quæ traditio sit in actu contrahendi sponsalia; Et sicuti cum hac corporum traditione composibilis est voluntas formalis, & directæ abstinendi se in perpetuum ab exercitio usus matrimonialis, ita neque consensus radicalis opponitur virginali puritati. Videatur P. Sanchez loco sup. cit. sect. 1. in fin. D. Thom. 3. part. quæst. 29. art. 2. ubi loquendo de Beatissima Virgine ait: *Non autem consensit expresse in copulam carnalem, nisi sub conditione, si Deo placuerit*. Hic Sanctus Doctor admittit consensum expressum conditionatum, quem reputat necessarium ad validitatem Matrimonii. Eundem consensum conditionatum præstitit noster Venerabilis in illius contrahendo Matrimonium, quia illius propositum servandi perpetuam castitatem non fuit absolutum, sed sub conditione datum: *si possibile foret*, ergo implicitè assensus fuit, & etiam explicite in ordine ad conjugalem usum, in casu, quo se abstinere non potuisset; Et in ordine ad contrahenda Matrimonia præstitit consensum formalem, & absolutum in reciproca, ac mutua traditione corporum, & consensum virtuale, & radicalem, quem docent, & explicant communiter Do-

cores; neque illi defuit consensus implicitus *ex parte contractus*, quem asserit Thomas Sanchez esse in contrahentibus necessarium.

62 Ad primam confirmationem respondetur, nam aut propositum perpetuæ castitatis servandæ fuit mutuum, & reciprocum in ambabus partibus contrahentibus, aut tantum ex parte solius Venerabilis, cui assensum præstiterit ejus Sponsæ; De suo consensu patet ex relatione facti, in quo apparent diligentia, quas ipse adhibuit ad invenendam sibi sponsam sibi proportionatam, desiderium habentem observandi castitatem in statu matrimoniali. Ita dicebat, & ita se declaravit Sponsabus ejus, cum quibus contraxit Matrimonium; Igitur si ipsæ certiores factæ de proposito nostri Venerabilis, voluerunt cum ipso Matrimonium contrahere; Sequitur ipsas assensum præstitisse implicitum proposito nostri Venerabilis. Confirmatur hæc sententia doctrinâ D. Thoniæ in 4. dist. 34. quæst. 1. art. 2. ad 4. Ubi explicans impotentias, quæ possunt dari in solutione debiti conjugalitatis, inter ipsas visum est propositum perpetuæ castitatis emissum ab uno Conjugatorum, & tale propositum, sive impedimentum non invalidare Matrimonium, una semel quod alter conjugum de eo notitiam habeat; Et ratio hujus est, quia si unus eorum de tali proposito notitiam habet, & hac non obstante notitia, secum Matrimonium contrahit, signum, evidens est ipsum illius proposito præstare assensum, & assentiendo illius proposito, & consequenter tali admissio impedimento, per tale impedimentum, Matrimonium non remanet invalidatum. In hoc proposito casu, docet D. Thomas finem contractus matrimonialis non esse actuale successionem, sed unionem animorum, simul cum aliis finibus honestis, quos supra explicavimus, & sufficiunt ad valorem contractus: *Ostenditur quod alium finem ex contractu quærit, & ideo contractus stat.* Ex hoc inferitur nostrum Venerabilem non fuisse injustum, neque malitiosum erga suas sponfas in observando castitatem. Patet ipsum nullum adhibuisse dolum, neque dolose egisse, dum antequam cum ipsis Matrimonium contraheret, illis suam patefecit intentionem, ejusque mentem declaravit, factumque propositum, cum quo Matrimonium contrahere desiderabat. Propter eandem rationem patet nullam commississe injustitiam, eo quia una semel, quod illius Sponsæ, antequam secum contraherent non ignorabant illius propositum, cum quo contrahere volebat, & ipsæ assensum præbuerunt, nullum eis illatum præjudicium, & gravamen adducere potuerunt, eo quia, *volenti, & consentienti, aut scienti, nulla fit injuria.* Ita pariter, quia quando non concurrit consensus explicitus in contractu matrimoniali ad unionem carnalem, aut cum actu interno, cum quo contrahitur in ordine ad supradictam unionem carnalem, nulla adest obligatio ex justitia ad petendum, aut ad solvendum debitum matrimoniale, juxta opi-

opi-

opinionem Ugonis Victorini: *Hujus debiti necessitas illos conjugatos sibi invicem non subjicit, in quibus, dum conjugium contraheretur, hujus operis consensus non præcessit.* In præsentī Matrimonio contracto cum proposito observandi castitatem, si possibile foret, non adfuit consensus formalis absolutus ad exercendum usum matrimoniale; sed solum adfuit in suis principiis, & talis dicitur consensus radicalis fundatus in mutua, & reciproca traditione corporum, juxta communem opinionem Doctorum; aut adfuit consensus implicitus *ex parte contractus*, & solum adfuit consensus expressus conditionalis, & juxta doctrinam D. Thomæ nullus ex his consensibus absolute obligat; & non obligando cessat quæcumque injustitiæ apparentia.

63 Ad secundam confirmationem, scilicet ad argumentum Gratiani, qui impugnât Matrimonii valorem contracti ob solam animorum unionem, quæ unio dari potest inter duos fratres, & nemo affirmare potest esse validum Matrimonium contractum inter fratrem, & sororem. Idem argumentum urget, & formari potest inter masculum, & masculum, feminam, & feminam, qui sunt inhabiles ad Matrimonium contrahendum, esse non sint inhabiles ad servandam mutuum, & reciprocam animorum unionem. Hoc argumentum prout respicit personas ejusdem sexus, non militat in casu nostro proposito, quia Matrimonium, attenta sui primaria institutione debet esse inter personas diversi sexus, inter masculum, & feminam; sicuti habetur ex Gen. & à Sancto Euang. *Masculum, & feminam fecit eos.* Constat etiam ex definitione Matrimonii à Jure Civili, & Canonico tradita, ubi apparet tantummodò personas diversi sexus, puta masculum, & feminam esse subiecta legitima, & capacia ad contrahendum Matrimonium. Remanet responsio, seu resolutio, an validum dici debeat Matrimonium, inter fratrem, & sororem contractum. Noster Basiliius Ponc. lib. 7. cap. 59. n. 2. ait non esse validum, stante prohibitione Juris Divini, & Ecclesiastici, sed addit quod nulla possit assignari ratio convincibilis invalidans tale Matrimonium, secundum legem naturæ. Observat Ugo Victorinus, quod in institutione Matrimonii, Dominus Deus solum prohibuit non debere contrahi inter Patrem, & Matrem, quod fundatur in illis verbis, Gen. *Propter hoc relinquet homo Patrem, & Matrem, & adhærebit Uxori suæ*; Sed quod inter Fratrem, & Sororem, & in gradu prohibito consanguinitatis, Matrimonium esse invalidum, & nullum, solum fundatur in Jure Ecclesiastico. In casu nostro nullum interfuit impedimentum consanguinitatis, sed solum adfuit propositum perpetuæ castitatis, quod constituit Conjugatos in ea vivendi forma, sub qua convivere habent ad invicem frater, & soror. Talis vitæ status, seu forma vivendi ad modum, quo vivere solent frater, & soror non invalidat Matrimonium contrahendum, neque contractum solvit; Si-

cuti in simili casu fuit ab Ecclesia decifum Cap. *Consultationibus de frigidis, & maleficiatis*; ubi decidit Lucius Papa: *Ut quas tamquam uxores habere non possunt, habeant ut sorores* Cœlestinus III. Cap. *Requifiti*, ait: *Quod si ambo consentiant simul esse, Vir eam, & si non ut uxorem, falsẽ ut sororem habeat*. Videatur Magister Basiliius loc. cit. cap. 58. Ita decifit causam ob unionis carnalis defectum ex impotentia naturali exortum; Igitur eodem modo intelligendum, est, quando currit casus idem ob impotentiam voluntariam ex communi exortam consensu. Neque invalida reputanda sunt Matrimonia, cum contrahentes ad modum fratris, & sororis se gerant; Ultraquàm quod, si frater, & soror sub hac vivendi forma viverent, & essent incontinentes, graviter peccarent, sed in casu, quod nosſer Venerabilis venisset ad copulam conjugalem, neque incestus peccatum commiffisset, neque aliud peccatum fecisset; eò quia ipse non emisit votum caſtitatis, neque propositum absolutum eam ſervandi, sed sub conditione, & absque eo quod se obligaret ad aliquod peccatum. Argumentum Gratiani ſupponit ſolummodò unionem animorum ſinè reciproca, & mutua traditione corporum, neque conſenſu dominii, & poteſtatis ad uſum, & actum conjugalem, quæ omnia ſunt requiſita Matrimonii, & haberi non poſſunt inter fratrem, & ſororem: *quidquid ſit repugnans vi legis poſitivæ, ſeu naturalis*; & ſic nullius eſt probationis contra Doctores, quos impugnât, neque in caſu noſtro militat.

64 Ad ultimam confirmationem reſpondetur certiffimum eſſe nullum ſubſiſtere Sacramentum ex defectu debitæ materiæ, ſed ex hoc eodem principio inferſt Baſilius Ponc. lib. 7. cap. 53. n. 2. Corpora contrahentium ad generationem apta, & ob eundem finem mutuò tradita, non eſſe materiam præciſam Sacramenti Matrimonii, eò quia ſuperveniente perpetua impotentia ad generationem, non propterea Matrimonium dicitur ſolutum, juxta communem ſententiam Doctõrum, & tamen in iſto caſu ſolvi deberet, ſi deficeret materia præciſa Sacramenti. Et confirmatur, quia quando Mulier convertitur in Virum [quod accidit in Alcala, eo tempore, quo ibi vivebat Magiſter Baſilius] ſicuti ipſe teſtatur, & Plinius reſert hoc eſſe poſſibile; In tali caſu Matrimonium dicitur ſolutum, quia deficit diverſitas ſexuum, quæ conſtituit perſonas legitimas, eaſque facit veram Sacramenti Matrimonii materiam; Igitur materia Sacramenti Matrimonii, & contractus, non ſunt corpora ad generationem habilia, & ad hunc finem tradita; Hoc tamen non obſtante dato quod ſint materia remota hujus Sacramenti nil probatur contra præſentem noſtrum caſum, in quo conſtat ex facti relatione adſuiſſe in duobus illis Matrimoniis, mutuat, & reciprocam traditionem corporum, aptitudinem habentium ad generationem, & cum propositum perpetuæ caſtitatis non eſſet abſolutum, ſed

con-

conditionatum, non excludit absolute finem generationis, sed solum conditionate.

65 Ex hoc inferitur resolutio alterius argumenti, quod adduci solet contra Matrimonium Beatissimæ Virginis. Hoc argumentum tangitur ab Ugone Victorino loc. cit. & fundatur super illa verba Gen. cum commentatione D. Pauli: *Erunt duo in carne una: Sacramentum hoc magnum est; ego autem dico in Christo, & Ecclesia*. Ex hoc igitur inferitur Sacramentum Matrimonii ideo esse Sacramentum, in quantum significat unionem Christi cum Ecclesia; Hæc autem unio solum representatur in Coniugatis, tunc quando ex duobus, una sit caro, & hoc non potest subsistere in iis, qui in perpetua vivunt castitate; igitur sicuti castitas opponitur huic significationi; ita opponitur Matrimonio, sub Sacramenti ratione considerato. Ad argumentum respondet Ugo Victorinus, quod Matrimonium, ut Sacramentum duas importat significationes, puta unionem inter Deum, & Animam, quæ unio est spiritualis, per quam fit conversio in unum, & eundem spiritum, ut loquitur. Amplius; *Qui adhæret Deo, unus spiritus est*. Altera verò significatio est unio Christi cum Ecclesia. Ipsi hypostaticè unita, mediante illius humanitate; Et hujus corporalis unionis mentionem facit Apostolus; De prima verò unione spirituali agit Propheta Malachias cap. 2. Magnum est Matrimonii Sacramentum, quatenus in ipso representatur unio Christi cum Ecclesia; Sed longè excellentius est in representatione unionis Dei cum Anima. Hæc sunt verba Ugonis Victorini: *Magnum igitur Sacramentum, erunt duo in carne una, in Christo, & Ecclesia, sed majus Sacramentum, erunt duo in corde uno, in dilectione una, in Deo, & Anima*. Inter Coniugatos presentis nostræ Consultationis intercessit unio actualis, & expressa animorum, per quam spiritualiter uniti significarunt unionem Dei cum Anima, & verum constituerunt Sacramentum. Adfuit etiam in eis verum Sacramentum, mediante mutua, & reciproca eorum corporum traditione, in qua radicaliter significata erat unio Christi cum Ecclesia, esse non esset perfecta, & consummata. At Sacramentum Matrimonii, ut suum retineat valorem, absolute non requirit hanc consummationem, dum absolute est ratum, & non consummatum, ut docent de communi censura Doctores, & hoc in Conc. Trid. fuit decusum.

66 Ex usque modò dictis in duobus articulis controversis *in utramque partem* cum Angelico Doct. D. Thoma, demonstrando, & sustinendo duo nostri Venerabiles Matrimonia fuisse licita, & valida, & hoc per ipsas easdem doctrinas, cum quibus probatur Beatissimæ Virginis Matrimonium cum D. Joseph contractum, fuisse validum, & licitum, clarè deducitur nostrum Venerabilem, de quo agit nostra præsens Con-

Con-

Consultatio, bene fuiſſe operatum in duobus Matrimoniis ab eo contractis cum proposito ſervandi in illis perpetuam caſtitem, ad imitationem Beatiffimę Virginis, & D. Joſeph: Ita conveniens in his noſtris pręſentibus temporibus, ſicuti conveniens fuit in tranſactis, ut in hac deſponſatione honorem ſuſciperent Matrimonium, & virginalis caſtitas, & confuſi remanerent Hęretici, unius, & alterius extremi Deſtractores. *Quia in perſona ipſius, & Virginitas, & Matrimonium honoratur contra Hęreticos alteri horum detrahentes.* Ita ſenſit. In hoc Conventu noſtri Patris D. Auguſtini. Salaman, die 30. Junii 1720.

Magiſter Petrus Manſo Cathedralicus D. Thomę.

SUFFRAGIUM

Reverendissimi Patris Magistri

F. MICHAELIS DE HERCE

*Benedictini, & Sacra Theologia Cathedralitici
vespertini.*



Supra casum propositum non est dubitandum, personam, quæ est presentis quæstionis subiectum, eligere potuisse statum matrimonialem, cum esset in statu libero, & absque ullo impedimento, quo personæ redduntur inhabiles ad Matrimonium contrahendum, & sic tantum adeo dubitandi occasio in ordine ad facti rectitudinem, stantibus aliis motivis, quæ in contrarium possunt occurrere.

1 Primum fundatur in proposito conservandi ejus virginalem puritatem in statu matrimoniali, *si possibile foret*, habita in mente intentione imitandi Matrimonium D. Joseph, cum Beatissima Virgine contractum, ob quem finem se abstinuit à copula carnali, cum una, & altera sponsa; super quod, cum esset exorta suspicio in Parentibus, non videntibus fecunditatis fructum in filiabus eorum conati sunt illum dissuadere, & remove à suo sibi proposito vivendi modo per contentiones, & litigia, comminantes eum, se velle illum, tanquam impotentem accusare.

3 In hoc capitulo in primis occurrit difficultas contrahendi Matrimonium, cum animo [secundum quod apparet] clarè opposito propagationi prolis, quæ prolis propagatio est unus ex finibus necessariis Matrimonii; Et propositum imitandi exemplar Matrimonii adeo singularis, quale fuit illud contractum inter D. Joseph, & Beatissimam Virginem, quod cum esset Sacrosanctum, videtur quod potius incurreret temeritatis, & præsumptionis notam, qui vellet illud imitare. Et in ultimo loco litigia, & dissensiones inter illum, & parentes sponfarum propter manifestationem eis factam de ejus proposito.

4 Nascitur secundum motivum à transitu facto ad secundas nuptias, in quo transitu præter supra relatas difficultates, multæ aliæ specialiores superveniunt, & sunt, iterum se novis exponere periculis non conservandi castitatem, quam servare vehementer cupiebat, & quasi Deum

Deum tentando, periculo perditionis exposuit victoriam, quam in primo Matrimonio reportaverat; eò quia valdè alienum videtur ab humana prudentia, ex una parte desiderio flagrare servandi virginalem castitatem, & ex alia, eodem tempore tam improprium eligere medium ad illam servandam, negligens in hoc Matrimonio iterato D. Pauli consilium: *Solutus es ab Uxore, noli querere Uxorem*; & idem consilium præbet mulieri, quæ libera per mortem sui viri, ne iterum Matrimonii vinculo subjugari curet; Dum tale respuere consilium, facit, quod secundæ nuptiæ, magis vituperio, quam laude dignæ reputentur; eò quia per ipsas perdidit libertatem, ut totam suam impenderet occupationem ad Deo tantum serviendum, sibi iterum eligendo statum matrimonialem, & Uxori se subiecit, studens quomodo placere possit, non tantum Uxori, verum & iis, quæ sunt hujusmodi, dividens suum obsequium, quod totum potuisset integrè Deo consecrare, nisi ad secundas nuptias transivisset, quod est contra Apostoli consilium.

5 Ultra supra adductas considerationes, opponi possunt contra duo relata Matrimonia periculosissimæ occasionēs, quas verisimile credendum est perpāssas fuisse duas sponas, cum evidenti earum animarum salutis periculo, dum nullum dubium est, quod assidua cohabitatio cum viro debebat sæpe sæpius concupiscentiæ flammās accendere, quibus verisimile est, ipsas resistere non potuisse sine miraculo; Hinc est, quod Sancti Patres perpendentes periculi gravitatem, credunt sibi verba deesse sufficientia ad exprimendum, & exaggerandum temerariam illorum præsumptionem, qui non elongantur à familiari societate, & mutua cohabitatione, & conversatione cum fœminis. Optimè expressa sunt Divi Hieronymi verba quæst. 4. ad Tou. *Quomodo si ignem attigerit, ita viri tactus, & fœmina naturam suam, & diversitatem sexus intelligit*. Neque minoris ponderis sunt verba Magni Basilii lib. de ver. Virg. *Gravis, & vehemens virorum, erga fœminas urget concupiscentia, & masculinis corporibus est indita, ut non possit evelli, quæ nisi vi quadam opprimatur; pudorem omnem paulatim excutit, ipsumque iudicium, & sanitatem mentis evertit*. Verba, per quæ iste magnus Sanctæ Ecclesiæ Pater manifestum facit quanti sit periculi materia, de qua loquitur. Sed magis manifestè apparet illius mens severa, & rigorosa admonitione, cum qua in loco supra citato admonet etiam eos, qui ab eodem ventre nati sunt, ut omnem adhibeant cautelam, ne satis confidenter ad invicem versentur, & tractent, ne deplorabilia damna eis eveniant.

6 Hæc etiam Magni Augustini erat opinio, dum censebat evitandam esse intimam familiaritatem, frequentemque communicationem fratrum, etiam cum propriis sororibus; nam quando per eas haud essent in-

inconvenientia, nihilominus resultari poterant, occasione aliarum foeminarum, quæ ad eas visitandum venirent: Ac Demum omnes Sancti Patres, ita concordēs sunt in monendo de hac cautela, ut si eorum sententiæ scriberentur, magnum conficeretur volumen. Ex quo infertur, dicta Matrimonia fuisse valde periculosa, & insurgit gravis dubitatio, quod malè operatus sit, qui ea contraxit; quoniam videtur, quod poneret Deum in occasione patrādi miracula, vel operādi cum extraordinaria providentia ad impediendum, ne illæ animæ periculum tempestate tentationum subirent.

7 Hoc totum videtur opponi posse factō, quod in præsentī nostrā Consultatione continetur. Hoc non obstante consideratur modus, & circumscriptio Venerabilis Apparitii in celebrando suis contractus, in quibus inveniemus multa laudabilia, & nullum vituperabile, dum illius propositum cum illis circumstantiis, factum, nullatenus præjudiciale dici poterat naturæ, & essentiae veri, & legitimi Matrimonii; Ipsumque propriam servasse virginalem puritatem, fuit opus heroicæ virtutis specialissimæ divinæ gratiæ adjutorio corroboratæ. Illæ duæ conclusionis partes opponi videntur rationibus adductis ad dubitandum in ordine ad præsentem casum, de quo fit disputatio; Et ad hoc ut meliori methodo, minorique confusione videantur consolidatæ, eas oportet ut dividamus, & recto cum ordine illius probemus.

8 Incipiendo igitur à prima, sciendum oportet, nostrum Venerabilem non fuisse operatum contra naturam veri, & legitimi Matrimonii in ordine ad propositum emanatum conservandi *in quantum ei possibile foret* perpetuam virginalem castitatem, & habet tot Testes sibi favorabiles, & sui defensores, quot habet Matrimonium contractum inter Beatissimam Virginem, & D. Joseph, à quibus, ut verum, & legitimum Matrimonium extat approbatum. Quæstio, ita communi omnium voto approbatum. Quæstio, ita communi omnium voto approbata; ut benignior censura ad temeritatis notam reduceret sententiam oppositam; Et cum certe appareat, multos Sanctos Patres, Doctores Scholasticos primæ classis, quos citat P. Vasquez, & Reverendissimus Dominus D. Fr. Joseph de Zerda, Basilii, & alii, eos sentire, & indubitanter tenere, Beatissimam Virginem, antequam esset desponsata Joseph, emisisse votum absolutum conservandi in perpetuum illius virginalem puritatem; infertur per consequens manifestum, quod si tale votum absolutum non fuit contrarium essentiali valori, & legitimitati illius Sancti Conjugii, à fortiori neque contrarium reputandum erit Venerabilis Apparitii emanatum propositum, sub hac conditione, *si ei possibile foret*, observandi perpetuam castitatem.

9 Hujus clara ratio est, quia in eventu quod aliqua esset difficultas, magis opponitur fini propagandi prolem votum absolutum virginaitatis, quam

quàm opponatur propositum conservandi virginalem puritatem, per quantum possibile esset; & ratio est, quia votum absolutum aufert possibilitatem à persona vi obligationis verbo dato, aut promissæ fidei, quod non solet evenire in proposito conditionato; & ideo in eo nulla apparet oppositio, quæ sit contra perfectionem Matrimonii, ut verum, & legitimum dicatur; quando secundùm sententiam multorum Sanctorum Patrum videamus hanc perfectionem salvari, etiam cum voto absoluto.

10 Nihilominus, quia Sancti Patres non videntur concordēs in opinione voti absoluti Beatissimæ Virginis, & Angelicus Doctor sensit votum illud fuisse sub conditione factum, hanc sententiam sequentes, nostra Conclusionis pars, magis consolidata, & fundata remanebit doctrinâ Angelici Doctoris. Multis in locis Sanctus Doctor asserit, & affirmat, Beatissimam Virginem verum contraxisse Matrimonium, cum voto conditionato consecrandi Deo illius virginalem puritatem, & ita expressè sensit in 3. part. quæst. 24. art. 4. in corp. Et ad solutionem illius argumenti ad primum, ubi ait: *Quia videbatur esse à lege prohibitum non dare operam ad relinquendum semen super terram, ideo non simpliciter virginitatem vovit Dei Genitrix, sed sub conditione, si Deo placeret.* Et in quæst. 29. art. 2. in corp. affirmat duos Sanctissimos Conjuges celebrasse verum Matrimonium, *quia uterque consensit in copulam conjugalem, non autem expressè in copulam carnalem, nisi sub conditione, si Deo placeret.* In cujus causali, observandum est Angelicum Præceptorem non ponere assensum absolutum ex parte copulæ carnalis, sed conditionatum, scilicet *si hoc esset Dei beneplacitum*; & certum est nostrum Venerabilem Apparitum non fuisse oblitum hujus conditionis, cum tantam servasset circumspectionem in suo proposito, quod semper adscriptum tenebat suppositioni, quæ ei possibile foret servandi illius Deo promissam virginalem castitatem.

11 Idem resolvit in diversis aliis articulis in supplemento tertiæ partis, & in quæst. 42. ubi expressè affirmat copulam carnalem non spectare ad integritatem Matrimonii, in ordine ad perfectionem, & essentialiam ejusdem. Et in quæst. 48. art. 1. ait assensum ad copulam carnalem non constituere Matrimonium, & adducit exemplum D. Joannis Evangelistæ, qui numquam ipsi copulæ præstitit assensum; & rationem assignat in argumento *sed contra*. Et tandem in quæst. 58. art. 1. in solutione ad quartum argumentum sensit, quod ille qui tenet impedimentum ex naturæ defectu, seu naturali impotentia solvendi debitum matrimoniale, optimè potest legitimum contrahere Matrimonium, una semel tamen, quod illius impotentia sit Uxori manifesta, quia in tali casu (utor verbis Angelici Doctoris) *ostenditur quod alium finem in contrahendo querit, & ideo contractus stat.*

12 Supra relati textus Angelici Præceptoris videntur adeo esse in favorem facti nostri Venerabilis in ordine ad validitatem, & certitudinem duorum Matrimoniorum, quæ ipse contraxit, ut hoc solo fundamento, dari possit & sufficientissima, & certa resolutio hujus causæ. Quia in aliquibus sensit, & affirmat, nonnullos contrahere verum Matrimonium cum voto conditionato emisso ante contractum, servandi virginalem puritatem. In aliis tenet, & docet copulam carnalem, & assensum ad ipsam non spectare ad essentiam ejusdem: & tandem, neque defectum, seu naturalem impotentiam ad copulam carnalem esse impedimentum ad contrahendum, neque invalidare contractum, neque essentiam Sacramenti, utpotè ordinatum ad alios fines, ad quos tendere possunt Contrahentes. Ex quibus præmissis inferitur, absque resistum violentia, quàm irreprehensibile esse propositum servandi castitatem in statu conjugali, cum innocenti conditione, ut in casu nostro apparet fuisse factum sub hac conditione, *si possibile foret.*

13 Sed ut magis appareat hujus relati propositi justificatio, confirmari potest expressis auctoritatibus D. Augustini ad quarum appositionem quiescere valebit omnis scrupulosus; ob quod suppono, quod totum id, quod adduci potest in oppositum, reducitur ad defectum intentionis, seu consensus ad copulam carnalem in Matrimoniis nostri Venerabilis: Verum tamen cum Matrimonium contractum cum intentione servandi castitatem per quantum ei possibile esset, non opponatur cum consensu implicito in voluntate contractus, sine hac conditione adinvenit modum D. Augustinus ad defendendum tale Matrimonium, tamquam validum, verum, & legitimum; Ita hunc modum explicat, & declarat in lib. de bono conjugali cap. 1. per hæc verba: *Consequens ergo est connexio societatis in filiis, qui unus honestus fructus est, non conjunctionis maris, & feminae, sed concubitus: poterat enim esse in utroque sexu, etiam sine tali commixtione alterius regentis, alterius obsequentis amicabile quadam, & germana conjunctio.*

14 Ubi iste magnus Ecclesiæ Pater docet, quod est filii dicantur finis, seu fructus honestus Matrimonii, quod celebratur in ordine ad concubitus; nihilominus potest etiam subsistere sine ordine ad carnalem conjunctionem; cum salvari possit ratio contractus in aliis matrimonialibus obsequiis, & fraterno amoris vinculo; & id cum majori conjugalibus status perfectione, & Conjugatorum gloria, sicut exprimit in eodem lib. cap. 3. profunde arguens, quod quo perfectiores sunt Conjugati, tanto maturius à commixtione carnis, sive pari consensu se continere ceperunt; non ut necessitatis esset postea, non posse, quod vellent, sed ut laudis esset primum noluisse quod possent; qualis sententia, facta etiam parva reflexione, clarè ostendit, quàm longè à Divi Augustini mente esset sustinere, esse absolute, & simpliciter necessariam

voluntatem, & assensum ad copulam carnalem ad subsistentiam; & valorem veri Matrimonii; quando ad mentem illius, hujus carnalis copula anticipatè evitata, refertur ad meritum voluntatis, & non ad defectum vigoris in natura, in honorem, & gloriam cedit Conjugatorum.

15 Non minori claritate id reperitur expressum in lib. 13. contra Faustum cap. 8. ubi verum fuisse defendit Beatissimæ Virginis Matrimonium cum D. Joseph contractum, & in hujus Sancti Patriarchæ defensionem, illi honorem veri Mariti tribuit, de quo ille dubitabat: *Nec enim, ait, quia concubitu non permixtus, ideo non maritus; explicans excellentius bonum, quod summopere magni facere debent conjugati, & inter illos, qui in statu matrimoniali vivunt, suam sententiam, & opinionem manifestat in fine capituli, istis verbis, quæ mirificè ad rem faciunt in nostro casu: Et ne homines fideles Christi, id quod sibi conjuges miscentur, tam magnum in conjugio deputerent, ut sine hoc conjuges esse non posse non crederent; sed potius dicerent fidelia conjugia, multo familiarius se adharere membris Christi, quanto potuissent imitari Parentes Christi.*

16 In cujus auctoritate clarè videtur, Matrimonia fidelium adeò majori legalitate, & perfectione subsistere, quanto magis facta sunt ad imitationem Christi Parentum, qui est eorum caput supremum, ac nobilissimum; qua de causa iste præclarissimus Doctor scribere non dubitavit in lib. 2. de consensu Evangelistarum cap. 2. *Hoc exemplum magnificè insinuat fidelibus conjugatis, etiam servato pari consensu, posse permanere, vocarique conjugium, non permixto corporis sexu, sed custodito mentis affectu.* Sententia, quæ indicare videtur, quod sicuti à Christo insinuata, & commendata fuit virginitas ad exercitium animorum, ita cognoscens non esse illius affectionem impossibilem fidelibus conjugatis, eandem reliquit imitandam in Matrimonio suæ Santissimæ Genitricis ad majorem gloriam illorum, qui sequi desiderarent tam singulare, celeberrimumque exemplar, ex quo inferitur, quod de peccato arguere contrahentes Matrimonium cum proposito in eo perpetuam servandi castitatem, si possibile sit, hoc esse à mente D. Augustini omnino alienum, illiusque tam fundatæ doctrinæ oppositum.

17 Neque oppositum credo sentire D. Ambrosium, qui in lib. cujus titulus Institutio Virginis ad Eusebium, impugnat execrandam temeritatem illorum, qui negant Beatissimam Virginem fuisse in virginitate, præservatam post Matrimonium, quando hæc proponitur ad exemplum ad finem excitandi fideles omnes ad illius puritatis cultum: *Cum omnes ad cultum Virginitatis Beatae Mariæ advocentur exemplo, fuerunt, qui eam negarent Virginem perseverasse; & ad convincendum*

ma-

magis adequatè hanc perversam opinionem, excludit à natura contractus sacri, totum id, quod in quocumque modo adaptari possit ad violationem virginalis sigilli. *Cum enim* [ait iste Sanctus Pater] *initiatum conjugium, tunc conjugii nomen addiscitur; non enim deformatio virginitatis facit conjugium, sed passio conjugalis; denique cum jungitur Puella, conjugium est, non cum virili admixtione cognoscitur.* Quis igitur admittendo id, quod ad mentem D. Ambrosii, rigorosè, & substantialiter est contractus matrimonialis, invenire poterit aliquod, de quo accusari possit Venerabilis Apparitus in ordine ad illius propositum conditionatum servandi castitatem? Cùm clarissimè ex hoc Sancto Doctore appareat conjugale, seu matrimoniale pactum esse illud, quod constituit Matrimonium, quod, [ut bene ait doctus Zerda] *voluntate, non voluptate contrahitur.*

18 Eset numquam sermoni velle finem imponere, si adducere vellem totum id, quod ab innumeris aliis Doctoribus refertur ad comprobandum nostrum assumptum; nihilominus referre non omittam doctrinam Sancti Petri Damiani, quam valde adaptatam reputo materiæ, de qua loquitur. Scribens igitur ad Clerum Favennæ, quæ epistola est undecima libri 5. ad Cleros, & postquam retulisset quamdam opinionem asserentem concubitum esse summam contractuum matrimonialium, & sine ipso denominari non posse Matrimonium; hujus sententiæ falsitatem impugnans cum exemplo Beatissimæ Virginis, & auctoritate D. Ambrosii, & Venerabilis Bedæ, suam subsequentiis verbis sententiam proponit. *Nos autem è diverso liberè profitemur, & concubitum posse sine nuptiis fieri, & sine concubitu rectè nuptias appellari; sunt enim aliquando nuptiæ calibes, sunt quæ dignè dicantur nuptiæ virginales, in quibus scilicet sic uxor viro dotali sedere jungitur, ut prælato Cælestis Thalami desiderio carnali nullatenus misceatur; Ad quod etiam nuptiarum genus Apostolus auditores suos videtur invitare, cum ait: de quibus scripsisti mihi bonum est homini mulierem non tangere: propter fornicationem autem unusquisque suam uxorem habeat, & una quæque Mulier suum Virum habeat: cùm enim mulierem non tangere, bonum esse primò perhibeat, deinde propter fornicationem uxorem habere unumquemque decernat, ad calibes procul dubio nuptias discretus Doctor invitat; ut si laqueum fornicationis dumtaxat evadere possimus, carnale commercium in nuptiis non quæramus.*

19 Et reflectens Damianus ab initio Mundi Matrimonium fuisse institutum, ob finem speciei propagandæ, & quod tunc temporis tali principali intentione celebrabatur ad propagandam humanam naturam in suis individuis, adducit discrimen, quod est admittendum inter illa primitiva legis antiquæ sæcula, & legem gratiæ. *Nunc autem* [ait ipse] *advesperascente jam mundo, & illius cornuscante doctrina, qui de Virgi-*

ne

celebrando ejus Matrimonia cum proposito conditionato, quod confirmabatur cum desiderio D. Pauli, & tantum se abstinebat ab illo extremo, super quod Apostolus quasi coactus dispensabat.

12 Invenimus, quod Ecclesia cum hac consideratione approbat, veluti Sanctissima Matrimonia multorum Sanctorum filiorum ejus, qui permanserunt in virginali puritate apud Cornel. à Lapid. tom. 1. in Evangel. Hujusmodi fuerunt illa Sanctæ Pulcheriæ, & Marciani Imperatoris, Sancti Juliani, & Basilidis, qui ut refert Surius in ejus vita 9. Januarii, promeruerunt, quod Cœlum ipsum approbavit Victoriæ, quam fuerant consecuti in se conservando in statu virginis: *Vicisti Juliane Vicisti*: Idem gessit Eduardus Rex Angliæ cum Edita ejus sponsa; Sancta Cæcilia cum Valeriano, Sanctus Henricus primus Imperator cum S. Cunegunda; Quorum Matrimonia, si resutarunt in honorem Sanctorum Consortium, negari non poterit ea non confirmare, & auctorizare nostri Venerabilis duo Matrimonia, consimile secum ferens exemplum, ubi nititur rectitudo illius propositi; eò quia data veritate illa supra relata Matrimonia Sanctorum extitisse gloriosa ob servatam castitatem Conjugatorum; neque apparenter criminanda erunt nostri Venerabilis Matrimonia, stante desiderio, quod ipse habuit in illis servandi castitatem.

13 Quod tandem fundatur ratione, quia relatum propositum servandi castitatem, si possibile foret, non opponitur substantiæ, neque fini Matrimonii, & consequenter ex hac parte contrahens cum tali proposito ab omni culpa immunis, & liber est reputandus, quia in presenti casu præcinditur etiam à difficultatibus, quæ occurrere possunt in ordine ad alios punctos, seu ad alia capitula. Proposita difficultas est illa, quæ illationem antecedit, & probatur; & soluta remanet à definitione Matrimonii, quod dicitur vinculum insolubilis vitæ inter Virum, & Uxorem, seu sub aliis terminis: est consensus in se includens mutuum, & indivisibilem vitæ consuetudinem, una cum mutua, & reciproca corporum traditione, & potestate ad copulam carnalem, sine positiva præcisione, eam in usu ponendi, neque cum expressa intentione illam absolute volendi; & sic consideratum, nullum opponitur impedimentum ab eo, à quo fuerit contractum cum proposito servandi castitatem, si ei possibile fuerit; dum tale propositum non opponitur, neque aufert facultatem, aut libertatem usus copulæ carnalis, quam in sua libertate relinquit, & solum respicit ad non exercitium actus, & non potentie, seu facultatis, qui actus juxta opinionem omnium relinquitur potest; & notum est hunc de facto à multis Sanctis conjugatis fuisse dimissum in sanctis, & perfectissimis eorum Matrimoniis.

14 Ulterius, cum sit hoc propositum conditionatum, idest observandi castitatem [in eventu quod ei sit possibile] solum proponit eam

con-

conservandi sub conditione, quòd possit se continere. Quodque *con-*
fors præbeat assensum, & in terminis, in quibus nil reperiatur, quod
 impossibilem reddat conservationem puritatis. Quo supposito, solùm
 requiritur castitas in solis terminis, in quibus permittitur in Matrimo-
 nio; quia nullus obligat Conjugatos ad copulam carnalem, data sup-
 positione, quod illi se volunt abstinere ab illa; & ita nulla vitupe-
 ratione dignus reputari debet Venerabilis Apparitus in suo proposito ab
 eo emisso servandi castitatem, in quo nil aliud voluit, nisi id quod est
 licitum, & permissum in statu matrimoniali.

25 Cui superadditur pro ultima probatione impugnatio motivorum,
 quæ occurrere possunt contra dictum propositum, quæ motiva principa-
 liter reducuntur ad defectum intentionis copulæ carnalis, & voluntatis
 ad ipsi copulæ assentiendum, quæ motiva videntur esse extrema oppo-
 sita illi, quod in Matrimonio requiritur. Et incipiendo à defectu in-
 tentionis copulæ carnalis, impugnari potest hujus carnalis copulæ ne-
 cessitas ad subsistentiam contractus, fundamentali discursu unius indubi-
 tati principii; & est, quod universaliter loquendo in nullo statu necesse
 est intendere finem, ad executionem cujus non dicitur adstrictus ille,
 qui talem finem intentat; quia intentio, est voluntas exequendi finem,
 & quandam inducit obligationem ad illum assequendum, ad instar prom-
 missionis, & specialiter in solemnitatibus contractuum. Cùm igitur
 certum sit, quod ille, qui contrahit Matrimonium non remanet adstri-
 ctus ad copulæ carnalis usum procurandum, imò valde laudabile cen-
 setur ab illo abstinere, una semel, quod possit se continere; ex hoc vi-
 detur inferri hanc suam intentionem non esse ex necessariis ad contra-
 ctus subsistentiam.

26 Et hanc eandem rationem adhibere possumus in responsione se-
 cundi motivi, dum non est vituperabilis animus non consentiendi co-
 pulæ carnali, dum non adest obligatio illam procurandi, neque ullus
 adest in voluntate defectus se abstinendi ab actu, qui [data suppositio-
 ne quod nullum adsit periculum incontinentiæ] cum merito omitti po-
 test. Neque contrarietas relati propositi in ordine ad propagationem,
 Matrimonii substantiam invalidat; Primò, quia, cùm hoc oppositionis
 genus dirigatur ad finem minus principalem, & non necessariò compre-
 hensum in intentione, ut dictum est. Secundò, quia hæc est contrarietas
 negativa, hoc est mera cessatio actus conjugalis; non verò ex illis
 contrarietatibus, quas vocant positivas, quæ referunt Matrimonium ad
 finem oppositum, ut sunt impedire propagationem, procurando steri-
 litatem, aut abortum; quapropter, cum hujusmodi naturæ haud fuerit
 propositum Venerabilis Apparitii, neque reputari debet oppositum
 perfectioni, quam substantia Matrimonii expostulat.

27 Hac prima parte stabilita, non multum immorari debemus in dis-
 fusio-

fusione probationum secundæ, cum hæc potius quasi illatio sit, & consequentia rectitudinis propositi, quam in prima parte stabilivimus; & efficaciores probationes quas possumus adducere, est occurrere motivis contrariis. Ita faciliori methodo suadere valebimus conservationem castitatis in duobus Matrimonii nostri Venerabilis fuisse actum heroicæ virtutis, & specialem divinæ gratiæ impulsus. Hoc in primis colligitur quia permanisse, & perseverasse in proposito servandæ castitatis fuit effectus, & executio illius determinationis, aut propositi emissi servandi castitatem, quale propositum ab omni culpa immune probavimus; Et si propositum in se est bonum, & in sphaera specialissimæ virtutis, non est denegandus idem honor actui executio ejusdem virtutis, cui actui correspondere debet majoris gratiæ influxus, eò quia executio difficilior, cum majorem importet difficultatem; Cum sit indubitatum principium, longè laudabilius esse boni fini intento executioni mandare, quàm eundem finem intendere, & sibi præfigere.

28 Et clarè probatur per descriptionem operum, quæ heroico charactere insignita celebrantur; eò quia in se talia sunt, quæ in se continent specialem, & excellentem bonitatem, & singulari indigent virtute ut exequantur, & ad actum practicum reducantur. Unde secundùm hanc regulam generalem considerari debet veluti actus eminentis spiritus in nostro Venerabili Apparitio se perseverasse, & servasse in ambobus Matrimonii in statu castitatis virginalis, eò quia maximæ difficultates, quæ necessariò ei objiciebantur superandæ in tam arduo negotio, non ab alio, quàm ab heroico continentis animo superari poterant, ut ille suis evaderet passionibus reluctantes, & recalcitrantibus superior; & sic verbis D. Bernardi concludo: ser.65. in Canticam: *Cum femina semper esse, & non cognoscere feminam, nonne plus est, quàm mortuum suscitare?* In quo sit manifestum meriti pondus, seu qualitas ejusdem; Et quæ censura, qualeque judicium erit formandum super præsens assumptum? Sed ad hoc ut solutio solidiori, & vigorosiori remaneat corroborata fundamento, restat satisfaciendum motivis, seu rationibus, dubitandi motiva præbentibus. Et in ordine ad primam objectionem in contrarium adductam in ordine ad propositum, hoc ita remanet probatum, & efficacibus rationibus, doctrinis, & argumentis defensum, ut alia superaddere superfluum videatur, dum sufficienter remanet probata inefficacia, & debilitas talis objectionis, & subsistentia veri, & legitimi Matrimonii.

29 Neque vini habet argumentum formatum in ordine ad tam elevatam, & sublimem ideam sibi præfixam, ita quod præsumptionis nota censetur meritorium propositum, seu intentum imitandi exemplum, ita rarum, & magnificum. Hæc forma arguendi, quæ ad primum aspectum aliquam habet fundamenti apparentiam, si bene attendatur,

tur, invenietur esse positivè contrariam variis Sacræ Scripturæ Textibus, & Sanctorum Patrum auctoritatibus. In novo Testamento innumera sunt loca, in quibus proponitur Christus Dominus in exemplum imitandum in suis virtutibus, & ipse ex ore proprio clarè locutus fuit dicens: *Exemplum dedi vobis, ut quemadmodum ego feci, ita & vos faciatis*. Ita & suis Discipulis exemplum reliquit reciproce dilectionis ad invicem servandæ; sic pariformiter ipse se præbuit in exemplum nobis ad omne opus bonum, & virtutis genus executioni mandandum, sicut ex doctrina Apostoli colligitur: *omnia quæ, scripta sunt, ad nostram doctrinam scripta sunt*. Et si imitari potest Dei Filius in ordine ad virtutes, quæ conducunt ad statum perfectionis, absque præsumptionis, & temeritatis notæ incurfu; qua ratione vituperandum erit desiderium consecrandi Deo propriam castitatem, sumpto exemplo, imitando in ordine ad servandam virginalem puritatem à Sanctissima Dei Genitrice? Forfan imitatione dignæ dicendæ erunt Filii Dei virtutes, quas de factò nobis Iesus Christus reliquit imitandas, virtutes verò Dei Matris, & præcipue illius virginale præconium non erit imitatione dignum, aut ejus imitatio prætergreditur possibilitatis metas?

30 Supra relata arguendi forma à ratione naturali, videtur convinci, eò quia nulla est assignabilis idea, quæ majori securitate desumi possit ad imitationem, quàm illa, in qua ipsa elucet virtus in gradu perfectissimo; cùm igitur Beatissimæ Virginis castitas fuerit in superiori gradu perfectionis, illi cupienti servare virginalem castitatem præostendi potest nobilius exemplum imitationis talis virtutis, quàm ipsa Virgo Beatissima? Ita publicè manifestant Sancti Patres, qui unanimi latentur consensu, ipsam Beatissimam Dei Genitricem fuisse pelagum omnium perfectionum, compendium, & exemplar, de quo illius amantes possunt desumere omne bonum ab illis operandum, & omne malum ab eisdem fugiendum; ad instar vastissimi ærarii cujuscumque generis virtutis. Nihilominus, nemo majori claritate hujus objectionis scrupulosa dubia solvit, quàm D. Augustinus in serm. 47. de Sanctis, ubi cum hæc replica ponatur: *Dicit aliquis, & quis est, qui possit Beatorum Martyrum vestigia sequi?* Sic respondet: *Hinc ergo respondeo, quòd non solum Martyres, sed & ipsum Dominum, cum ipsius adjutorio, si volumus possumus imitari*; Et suam opinionem confirmat cum attestatione primæ, & summx veritatis: *Discite à me [ait] quia mitis sum, & humilis corde*, & cum auctoritate Apostolorum Principis: *Reliquit nobis exemplum, ut sequamur vestigia ejus*.

31 Hæc sententia Magni Patris Augustini ostendit allatæ objectionis debilitatem contra propositum emanatum à nostro Venerabili imitandi virginalem castitatem Beatissimæ Virginis, quia sustinendo esse possibilem in nobis Christi Domini imitationem, & Sanctorum Martyrum

tyrum, proculdubio non erit contrariæ opinionis, in ordine ad imitationem Beatissimæ Virginis, quæ omnium Sanctorum Virginum, & Martyrum appellatur Domina, & Regina; & multò minus nil invenire poterit vituperandum, in eo, qui tam supremum exemplar fuerit imitatus. De quo idem Sanctus rationem assignat, non solum claram, sed etiam invincibilem, eam reduceudo, non ad vires naturæ, sed ad virtutem divinæ protectionis, & ad gratiæ specialis privilegia, quæ tantam vim habet, ut iustis sacram conferat fiduciam, ut cum Apostolo dicere valeant: *omnia possum in eo qui me confortat*.

32 Neque magni reputanda est alia objectio, quæ adducitur in ordine ad litigia, & contentiones parentum duarum sponfarum, cum non sint ad propositum; Quia noster Venerabilis Apparitus in contrahendo Matrimonia cum illis, non fecit contractum, neque sponsalia celebravit cum negotiis suorum Socerum, neque obligationem contraxit arrendendi, & adimplendi eorum vota, seu desideria, neque ad eorum beneplacitum sibi vitæ præscribere formam. Neque contra eum insurgere poterant, ut Tutores suarum filiarum, quæ ambæ erant jam à patria potestate absolutæ, & liberatæ; & dato quòd indiguiscent Curatore, seu Advocato, in hoc nulla aderat necessitas; & injustum fuisset obligare, & adstringere ad thalamum nostrum Venerabilem Apparitum, quia supradicti genitores duarum sponfarum illius non ei adversabantur instigati, & provocati à duabus filiabus instantibus, & proclamantibus contra sponsum illarum, sed illecti à proprio lucro, & à cupidine, qua afficiebantur erga bona ipsius Venerabilis, vel ut magis verisimile creditur, à maligno spiritu instigati, cui obedire non tenebatur; in quo casu ad magnum meritum ei adscribatur moderatio, & tolerantia, singularisque patientia, qua utebatur in Soceros suos sufferendo tam molestos, & importunos.

33 Cum igitur ad solas sponfas spectabat proclamare, & instare, utpotè earum erat negotium, & istæ nullum dederunt inditium non consentiendi in continentia sponsi, & ejus modo vivendi; culpabilis profectò non erat in eo perseverantia in castitatis emissio proposito; quia est principium absque controversia, Virum non teneri ad solutionem debiti matrimonialis, quando talis debiti solutio, aut redditio expressè ab Uxore non fuerit petita, aut tandem nullum signum præmittit expressum, ex quo deduci possit illius desiderii intentum in ordine ad matrimonialis debiti solutionem ordinatum. Ita docet Doctor Angelicus in supplemento ad 3. partem quæstione 64. art. 2. Cum omnibus Scriptoribus hujus tractatus, & de obligatione Conjugatorum. In quâ suppositione Venerabilis Apparitus nullatenus censetur culpa notandus in observantia sui propositi, eò quia cum non esset contrarius voluntati Uxorum ejus, quæ cum se abstinuissent à præmit-

tendo aliquod ſignum reprobativum ejusdem propoſiti, indicarunt illud ab eis fuiſſe approbatum; Ipſasque extitiſſe contentas, de caſtitate ſui ſponſi, & ipſum perſeverare in ſuo propoſito ſervandi illam; hinc dici valent non levi fundamento, moleſtias hujus viri juſti, non ab alio fuiſſe exortas, quàm ab eo, quod adducit Apoſtolus in illa magna ſententia: *Omnes, qui piè vivere volunt in Chriſto, perſecutionem patientur.*

34 In ordine ad difficultates propoſitas de ſecundo Matrimonio, facilis eſt reſponſio danda nonnullis earum, quæ ſunt extra caſum in quæſtione propoſitum, & nullam important oppoſitionem in ordine ad reſtitutionem, de qua ſit diſputatio; Quia in præſenti non diſputamus, neque examini ſubjicere intendimus, an melius, ſeu expedientius fuiſſet, vel non, tranſire ad ſecundas nuptias, ſed ſolùm inquirere intendimus, an benè, vel malè operatus fuerit noſter Venerabilis in contrahendo illas, & ſunt aſſumpta valdè differentia, & diſparata; & ſic eſt extra propoſitum, & materiam, de qua in præſenti agitur, adducere exceſſum perfectionis ſtatus liberi, facta comparatione cum ſtatu matrimoniali; adducere difficultates conſervandi caſtitatem, in quo ſe cuſtodierat, præſervatusque fuerat in primo Matrimonio; & adducere in tali caſu conſilia, quæ aſſignat, & præbet Apoſtolus illi, qui liber remanſit ob mortem Uxoris; eò quia totum hoc deſumi poteſt tamquam bonum antecedens ad inferendum, quòd ſi melioris conditionis eſt ſtatus vitæ liberæ, quàm ſubjectæ matrimoniali vinculo, & conjugali debito; de quo non eſt dubitandum; ſed improporcionatum videtur ad deducendam aliquam illationem, per quam malæ reputandæ ſint ſecundæ nuptiæ noſtri Venerabilis, in quo præſens conſiſtit difficultas.

35 Sub hac conſideratione adæquatè ſatiſfit primis motivis ſecundo Matrimonio oppoſitis; eò quia etiam in hoc ſecundo Matrimonio remanſit contrahens cum eadem libertate, & facultate, cum qua primum contrahere valuit Matrimonium, abſque ulla contraventione alicujus legis; cùm nullum ſit præceptum prohibens Matrimonium, neque eſſe prohibitum illi, qui eſt in ſtatu libertatis tranſire ad ſecundas nuptias; Eſt ob hanc rationem licitus fuit primus contractus, non eſt differentis reputandus conditionis, ſecundus, in quo eadem concurrunt privilegia, quæ illum non reddunt vituperatione dignum.

36 In proteſtando è contra pericula, non ſervandi caſtitatem, & triumphum illam ſervaviſſe periculo exponere, & totum id quod ſuperadditur, videlicet, velle Deum tentare, eligere medium tam improporcionatum ad cuſtodiendam caſtitatem, eſt falſa objectio, & falſo laborat ſuppoſito, quia non valet ad concludendum, noſtrum Venerabilem peccaſſe in contrahendo ſecundas nuptias, ob motiva, quæ opponuntur; una ſemel quòd non ſupponatur ipſum fuiſſe adſtrictum ad obſervandam caſtitatem ob cauſam alicujus voti; Quia aliàs videtur

im-

imperceptibile ei concedere libertatem contrahendi secundum Matrimonium, & in executione illum velle vituperare, in quo ipsimet Adversarii sibi contradicunt.

37 Non adest principium, neque propositio adeò stabilita, veluti illa, quæ ait, quòd subjectum habens libertatem super aliquam rem faciendam, illam executioni mandare, sit sine culpa, cùm executio censetur actus domini, in quo nulli gravamen infertur; & per consequens non videtur rationabile, aliquem habere facultatem contrahendi, & ejus executionem esse culpabilem; & sic implicat asserere nostrum Venerabilem in contrahendo secundum Matrimonium, vi juris, & ratione legitimæ facultatis habitæ ad illud contrahendum, & malè postea egisse in assentiendo illi.

38 Non negamus, neque denegari possunt pericula fini contraria boni propositi, sed advertendum est ea non fuisse pericula committendi aliquod peccatum, sed solum conservandi castitatem, cujus inobservantia, dum non adsit votum castitatis, non est peccatum in conjugatis; Et in hoc consistit æquivocatio, seu fallacia argumenti confundentis istas difficultates, cum illis, quæ sunt conditionatæ; quæ exponunt spiritali perditioni personas, quæ eas non evitant, & propriè vocantur occasiones proximæ. Ulterius, quod ob observationem, ut nemini liceat sibi eligere statum, neque in animo concipere ad actum practicum devenire virtuosarum actionum; eò quia status perfectiores non sunt liberi à difficultatibus occurrentibus in exercitio virtutis, quale exercitium non assequitur sine labore necessario ob superanda impedimenta, quæ impediunt executionem bonorum operum.

39 Cùm hoc eodem argumento respondetur ad extremum tentandi Deum, aut ut melius loquar, ad improprietatem exponendi hoc vitium in facto, de quo loquitur; quia cùm secundæ nuptiæ sine defectu, & ulla imperfectione fuissent, & honestissimum propositum servandi castitatem in ipsis, *si ei possibile foret*, est irrationabile asserere hunc operandi modum esse Deum tentare. Falsum est pariter, & mera inventio nostrum Venerabilem castitatis amantissimum elegisse Matrimonium, tamquam medium ad illam servandam; & ratio vult, quod fateatur, ipsum Uxorem duxisse ob illos honestos fines, ad quos Matrimonii conducit beneficium; & perpendens non esse impossibilem statum castitatis cum statu Matrimonii in Conjugatis, liberè, & spontè assentientibus ad illam servandam, emisit propositum servandi illam; quod valdè differt asserere; ipsum reputasse Matrimonium, tamquam medium expediens ad castitatem servandam.

40 Neque ad inferendam culpam, aut imperfectionis notam in facto Venerabilis Appariti, adducere valet D. Pauli Auctoritas, quin contra venire dicatur menti ejusdem Apostoli, indubitabilibus principiis:

piis ; cŕm certum ſit, quŕd eodem tempore, quo exhortabatur ad virginitatis ſtatum eliciendum, & non ſe Matrimonio ſubjugandum, concilium pręſtabat ad perfectiorem ſtatum eligendum, abſque eo quod illicitum reputaret Matrimonii contractum ; Dicere enim volo, quod Apoſtolus proponebat tamquam meliorem, & perfectiorem ſtatum liberum, minimę tamen reprobando, & prohibendo ſtatum conjugalem ; ſicuti ex ipſius deſiptione apparet : *Si autem acceperis Vxorem non peccaſti, & ſi nupſerit Virgo, non peccavit*. Et valdę diſtat à ratione, adducere culpam, aut imperfectionis notam ex hoc capite, noſtrum Venerabilem non fuiſſe ſecutum doctrinam, aut Apoſtoli concilium, quando idem Apoſtolus illum à peccato defendit : *Si autem acceperis Vxorem non peccaſti*.

41 Id autem, quod poſtea deducitur in ordine ad id, quod reſpicit ſecundas nuptias, & quod de toto rigore tantŕm dici poteſt, ipſum elegiſſe ſtatum minus perfectum, ſed minimę incurrendo in aliquam culpam, cŕm eſſet licitus ſtatus, quem ſibi elegit. Neque aliquid aliud poteſt inferri à diſiſione, aut à compartitione obſequii, & ſollicitudinis, quale obſequium, & ſollicitudinem erga Deum minimę impendere valeat integrę, & totaliter, qui alligatus Uxori, Matrimonii pondera ſenſit ; quia hoc tantŕm probat maiorem libertatem, & commoditatem, quam habere potuiſſet noſter Venerabilis in totãliter ſe dicando Divino ſervitio, & obſequio extra ſtatum matrimonialem, ſed minimę tamen obligatus ad non poſſe ſibi eligere vitam conjugalem, eſtŕ minus liberam, & perfectam ; quia aliã ſequeretur nullatenus licitum eſſe in ſæculo vivere, & non ſibi eligere ſtatum religionis, qui ſtatus procul dubio minora habet impedimenta, & occaſiones dividendi ſollicitudinem, occupationem, & obſequia inter Deum, & mundum.

42 Propter quod remanet concludendum, Dominum Deum neminem obligare, nullamque à nobis petere ſollicitudinem, & occupationem, quam eam, quã quisque noſtrum ſervare debet in obſervantia divinatorum Pręceptorum ; & dum S.D.M. inſtituit Matrimonium, certiffimum eſt, quod ipſe non imputabit ad culpam illud contrahere, neque neminem conjugatorum redarguet de illa obſequii diſiſione, cui neceſſitatem imponit ſtatus Matrimonii.

43 Et tandem ad id, quod adducitur in ordine ad innumera pericula ſponſarum ob cauſam concupiſcentiæ ſtimulorum, quorum ſomitum adaugere ſolet cohabitatio cum Viris earum, pariter reſpondetur, negando talia adfuſiſſe incentiva, ſeu concupiſcentiæ ſtimuli ; quia cŕm ipſę nullum dediſſent, aut pręmiſiſſent inditium, neque leviſſimum ſe malo animo perfeverare ſub tali vivendi norma, puta in ſtatu continentię, & caſtſtatis cum earum Sponſo ; validum poteſt confici argu-

men-

mentum, ad probandum, Divinam gratiam in ipsis causare tantam pacem, passionum concordiam, atque serenitatem; quia effectus adeo prodigiosus, & naturali usui oppositus referri debet ad principium superioris ordinis, seu supernaturale; & sicuti hæc Matrimonia fuerunt singularia in ordine ad virtutis castitatis prærogativam, quam Coniuges habebant, validiora pariter sunt motiva, ad suadendum ipsos habuisse specialissimam Dei assistentiam, mediante ejus divina gratia, quæ faciliora redduntur, quæ difficillima humanis viribus reputantur.

44 Huic superadditur alius convincendi, & respondendi modus, qui correspondet doctrinæ, de qua egimus in alia parte, & est adducere distinctionem inter pericula peccandi, & agendi rem aliquam, quæ neque in se mala, neque prohibita dicitur; in quo est manifestum, & notum discrimen, seu differentia; quoniam admittendo non adfuisse concupiscentiæ incentiva, neque carnis stimuli vehementes, sicuti de facto constat non adfuisse, sed solum quod esse potuissent, & ad hujusmodi stimulos possibiles aderat occasio naturaliter proxima; Respondetur negando ibi adesse periculum æternæ, & spiritualis salutis, sed solum adesse periculum se continendi à Thalamo; & in hoc manifestatur cautela, & circumspectio, quam Venerabilis adhibebat in celebratione contractuum, quia non obstante, quod summiopere amasset castitatem, noluit se obligare legi, quæ ad peccatum adstringeret ad illam servandam, solum contentus, in emissionem conditionati propositi, quod eum relinquebat in libertate præstandi remedium imminenti periculo æternæ salutis, quod adesset sibi, aut duabus ejus sponis.

45 Hæc responsio, quæ clara videtur, efficaciter solvit confirmationem fundatam in Authoritatibus Sanctorum Patrum; quoniam si in casu, quem defendimus, nullum interfuit periculum, per consequens, attestaciones, & ipsorum sententiæ de illo non loquuntur, neque cum eorum defenditur doctrina. Sicque noster Venerabilis Apparitus, & illius sponsæ haberent facilem, & promptam defensionem contra tentationum tempestates, in eventu, quod adfuisent. Et cum mens Sanctorum Patrum sit condemnare, & reprehendere familiaritatem, & consuetudinem, periculosissimis expositam tentationibus; eis fieret præjudicium, si non distinguerentur, aut exceptarentur illorum sententiæ, quæ non sunt intelligendæ de commercio, & familiari consuetudine, à qua Matrimonii libertas auferebat omne æternæ salutis, & animarum periculum.

46 In Conclusionem, Ecclesiæ Patres, rationabiliter prohibent familiaritatem, & commercium, quod excusari potest inter personas solutas, & dissimilis sexus, cum sit adeo periculosum, ut nulla grandis possit adhiberi præcautio, ad evitandos fatales effectus, è contrario provenientes; sed numquam in eorum mente fuit reprehendere, & vitu-

tupere sociabilem vitam inter Virum, & Uxorem, neque censuræ casta, & virginalia Matrimonia, quæ juxta eorum sensum laudibus æternis digna reputantur; quæque solum à virtutis Herois in praxi inveniuntur; & Divina gratia ea recognoscit tamquam unum ex majoribus suis operibus. Ita sentio. A S. Vincentio Salmanticæ.

Magister Fr. Michael de Herce.

Ob rationem, quam in sequenti sua Fidei legalitate perhibet Notarius, non habet hic locum alter Doctor ex dicta Universitate.

Ego infra-scriptus Notarius Apostolicus, istius Alms Universitatis Salmanticensis Secretarius, fidem facio, & testimonium veridicum omnibus præfentes literas inspecturis perhibeo, quatenus resolutio dictæ Universitatis hic apposta à numero tertio, quod incipit: Regi Catholico nostro obtemperantes, supra causam Ven. Fr. Sebastiani de Aparicio Ordinis Seraphici, fideliter concordat cum suo originali, prout habetur in Regeſto ejusdem Universitatis, ad quod me remitto. In eadem forma; qua de jure requiritur, fidem facio, & testimonium perhibeo, quod tres Reverendissimi Patres, nempe Reverendissimus P. M. Fr. Petrus Manso Augustinianus, Reverendissimus P. M. Fr. Michael de Herce Benedictinus, Reverendissimus P. M. Emmanuel Generelo, & Spinola Ordinis Clericorum Minorum, quorum suffragia hic apponuntur, fuerunt ex Deputatis ab Universitate in Claſtro pleno ad maturè, & seriò investigandam quæſtionem de primis, & secundis nuptiis contractis à V. Fr. Sebastiano de Aparicio Ordinis Seraphici [dum liber esset] prout exigebat Catholici Regis Decretum ad hanc Universitatem directum. Iterumque fidem facio, & testimonium perhibeo, quod eorum suffragia Originalia vidi propria eorum manu firmata, quorum stemmata satis cognosco, & cognovi; cum quibus ad literam concordant, quod in hoc codice impressa reperiuntur, qua remanent in meo officio, ad quod me remitto. „Excipio tamen suffragium Reverendiss. P. M. „Emmanuelis Generelo, & Spinola, cujus suffragium hic appositum, „tameſſi satis prudenter judicare possum, quod cum originali concordat, ex rationibus seriò persuadentibus, originale tamen non vidi, „quia, & in meo Officio non ſtat, & ipse Reverendissimus longè extra Universitatem parat, muneri Provincialatus satisfaciens, in-
„vi-

visendo suæ Provinciæ. Similiter testificor, quod tres Reverendissimi PP. supradicti sunt DD. & Cathedralici istius Universitatis: Reverendiss. P. M. Fr. Petrus Manso Ord. S. Augustini Calceati, Cathedralicus S. Thomæ: Reverendiss. P. M. Fr. Michael de Herce Ord. S. Benedicti, & sui Collegii Abbas, Cathedralicus Vespertinus Theologiæ: Reverendiss. P. M. Emmanuel Generelo, & Spinola, Cathedralicus Sacræ Scripturæ. Omnes gravitate, & auctoritate magna in hac Alma Universitate fulgentes. Ut ergo hic contentis fides adhibeatur, tamquam ipsis originalibus à me visis ad instantiam Seraphicæ Religionis præsens exhibeo testimonium mea manu firmatum sigillo Universitatis munitum. Salmantica die 17. Decembris Anni Domini 1721.

Loco ✕ Sigilli.

In Testimonium Veritatis.

Didacus García à Paredes Secret.

Deus veritas est.

Nos infra scripti publici Notarii Apostolici in hac Civitate Salmantina degentes fidem facimus, & testimonium perhibemus quatenus Stemma suprapositum, sic subscribens: Didacus García à Paredes, Secretarius, est ejusdem Didaci manu, & calamo exaratum. Qui quidem Secretarius est istius Salmanticensis Universitatis fidelis, & legalis, omnique fide dignus: suis insuper scriptis, & instrumentis semper exhibita fuit, & exhibetur integra fides, tam intra quam extra judicium. Sic testificamur. Salmantica die decimo septimo Mensis Decembris Anno Domini millesimo septingentesimo vigesimo primo. Ut supra.

In Testimonium Veritatis.

Loco ✕ Sigilli.

Joannes Antonius Moreno Not. Apost.

In Testimonium Veritatis.

Loco ✕ Sigilli.

Antonius à Foncueva & Venero Not. Apost.

H

In

In Testimonium Veritatis

Loco ✚ Sigilli.

In Domino confido.

Didacus García à Paredes Not. Apost. V. Secret.



RESPONSIO⁵⁹

SACRI THEOLOGORUM COLLEGII

UNIVERSITATIS PATAVINÆ.

Die Sabbati 31. Januar. 1722. Paduæ in Aula S. Collegii.

Convocatum, & congregatum fuit Sacrum DD. Theologorum Collegium, cui Reverendissimus, & Excellentissimus D. Bartholomæus Giustina Decanus exposuit Factum tenoris sequentis :

*Pyrausta Vir eximie Virtutis &c. (Prout extat sub initio hujus liber-
culi .) Quo Facto ex libello typis impresso, & omnibus DD. Do-
ctoribus distributo, recitato, & exposito, fuit de mandato RR. DD.
de Banca à me infra scripto lecta petitio tenoris sequentis : (quæ
quidem petitio hic ex Idiomate Italico, pro communi intellectu, in
latinum vertitur .)*

Reverendissimi, & Excellentissimi Domini.

UNiversalis conceptus Virtutis, & Sapientie hujus S. Collegii compulit in Curia Romana intervenientes Beatificationi ejusdem Venerabilis Servi Dei recurrere ad Eminentissimum, & Reverendissimum Dominum Card. Cornelium Nostrum Episcopum, ad hoc ut dignetur eisdem obtinere ab illo considerationem, & Votum super quodam casu, qui impressus exhibetur &c. Quo circa reflectens Eminentia sua præsentī conjunctura in unum convenire, & major Dei gloria in operibus Servorum Suorum, & honor hujus S. Collegii repræsentare facit ipsi suam pressuram, ad hoc ut modo illo, qui videbitur prudentie ipsius aptior &c. plena cum libertate sit approbata illa censura, quæ judicabitur solidior fundamentis, & rationibus justior. Quam &c.

Quibus perlectis, auditis, & intellectis, Reverendiss. Dominus Decanus nomine totius Excellentissimæ Banche ex more in similibus S. Collegii proposuit Relatores casus, & sententia

Reverendissimum, & Excellentissimum P. M. Hyacinthum Serry Doctorem Sorbonicum Ordinis Prædicatorum publicum in via D. Thomæ S. Theologie Professore.

H 2 Re-

60 RESPONS. S. THEOL. COLLEGII

Reverendissimum, & Excellentissimum P. M. Nicolaum Buico ordinis Min. Convent. publicum in via Scoti S. Theologiæ Professorem.
 Reverendissimum, & Excellentissimum P. M. Hyacinthum Felicem Mazzucchium Ordinis Prædicatorum publicum in via D. Thomæ Metaphysices Professorem.
 Reverendissimum, & Excellentissimum P. M. Alexandrum Burgos Ordinis Min. Convent. publicum in via Scoti Metaphysices, & Historiæ Ecclesiasticæ Professorem.
 Reverendissimum, & Excellentissimum D. Jo: Antonium Ursatum Monachum Cassinen. publicum Sacror. Bibliorum Interpretem.
 Reverendissimum, & Excellentissimum D. Michaellem Viero publicum Philosophiæ Professorem.
 Excellentissimum Antonium Zenum Rectorem Parochialis Ecclesiæ S. Cantiani hujus Civitatis.
 Excellentissimum D. M. Antonium Yrivellatum, omnes ex hoc S. Collegio.

Qui per totius S. Collegii acclamationem fuerunt approbati, & fuit decretum, ut ultimo mensis Februarii sequentis die, nisi prius S. Collegium aliqua alia occasione convocetur, ad idem S. Collegium hac de causa convocandum suas opiniones referant, quibus judicium suum, ac sententiam perferre, & Procuratori causa aperire ordine possit idem S. Collegium.

Cæteris omisiss &c.

Petrus Lessius J. V. D. Cancellarius Episcopalis Notar. S. Collegii.

IN CHRISTI NOMINE AMEN.

Anno ab ejusdem Nativitate 1722. Indictione xv. die verò Veneris 15. mensis Maji. Paduæ in Aula S. Collegii.

Coram Nob. & Reverendissimo D. Petro Antonio Corneaneo V. J. D. Archidiacono Patavino, & in Episcopatu Paduæ Vicario in spiritalibus, & temporalibus Generali &c. Convocatum, & congregatum fuit S. DD. Theologorum Collegium, in quo cæteris omisiss &c.

Reverendissimus Dominus Decanus repetita coram S. Collegio mentione hucusque Actorum in causa Pyraustæ, mandavit mihi infrascripto publicè recitare sequentia, ex quibus idem S. Collegium, super eadem causa deliberaret.

Quoniam nullus ex DD. à S. Collegio deputatis ad referendum in causa Pyraustæ de duplicis ab eodem contracti per vices Matrimonii

validitate dubitat : Hoc unum propterea , Reverendissimi , & Excellentissimi PP. à vobis modò quæritur : an Pyrausta iis contrahendis benè se gesserit , & heroicæ virtutis actus perfecerit ?

Qua in quæstione tres ab iisdem DD. Relatoribus asseruntur opiniones. Prima est, qua asseritur : Pyraustam non benè se gessisse, nec idcirco heroicæ virtutis actus perfecisse .

Secunda est, qua asseritur : Pyraustam prudenter se gessisse, & heroicæ virtutis actus perfecisse .

Tertia est, qua asseritur : Pyraustam prudenter se gessisse, sed imperfectè, neque conflare heroicæ virtutis actus perfecisse .

Ex his itaque tribus opinionibus quænam vobis magis arrideat secretis suffragiis vestris, Reverendissimi , & Excellentissimi PP. eligit, & explicite, scientes eam censi debere vobis probatam, quæ pluribus supra medietatem suffragiis recepta fuerit .

Itaque urnulis circumlatis, collectisque suffragiis, reperta sunt

Pro prima Opinione (Favorabilia decem, & septem 17.
(Contraria quinquaginta quinque 55.

Pro secunda (Favorabilia quadraginta quinque 45.
(Contraria viginti septem 27.

Pro tertia (Favorabilia quindecim 15.
(Contraria quinquaginta septem 57.

Probata itaque fuit S. Collegio Opinio secunda .

Petrus Lessius J.V.D. Cancellarius Episcopalis Notar. S.Collegii .

*Concordant hæc omnia cum suis-exemplaribus descriptis in libris Altorum S.Collegii Patavini DD.Theologorum apud me existente. Ita est .
Petrus Lessius J.V.D. Cancellarius Episcopalis Paduæ Notarius S. Collegii . Hac die Luna 18. mensis Maji anno 1722.*

Georgius Miseratione Divina Basil. SS. Duodecim Apostolorum S. R. E. Presbyter Cardinalis Cornelius Episcopus Patavinus, Comesque Saccen. &c.

Univerfis fidem facimus, & attestamur supradicta exempla esse concordata, & subscripta manu propria Reverendissimi D. Petri Lessii eumque esse qualem se fecit, ac fide dignum . In quorum &c.

Datum Paduæ in Cancellaria Episcopali die 18. mensis Maji 1722.

Loco ✠ Sigilli .

Sebastianus Cappello J.V.D. Notar. Episcopalis .

RE-

62
RELATIO CENSORIA

Rm̃i, & Exc̃m̃i P. Magistri

NICOLAI BUICO

DE SPINAZZOLA

Min. Conv. & pro Scoti Doctrina Theologi Primarii.



Excellentissimis, & Reverendissimis Patribus

SACRI THEOLOGORUM
COLLEGII

Proponuntur rationes, & argumenta, quibus, nedum valida ostenduntur duo Matrimonia à Viro Dei PTRAVSTA contracta, sed etiam demonstratur eundem in illis duobus prudentissimè se gessisse, & heroicum in virtute prudentiæ attigisse.



Pro quo nihil duxi præmittendum, per quod animos vestros reddam benevolos, dociles, & attentos; quoniam de primo mihi non dubitandum; cum pluries, & pluries de vestra in me benevolentia non obscura fenderim testimonia; frustra quoque moram traherem in secundo; nam res, de qua agitur ob suam gravissimum, & linguare, omnium ferè Christiani Orbis aures implevit; de tertio esset aliquid suspicandum, qua tenue, & imbecille meum agnosco, non qua amplum, atque profundum vestræ humanitatis intueor, cui fretus attentionem omnem præstendam mihi polliceor, præsertim, cum meum ineptum sit brevitate pensandum.

1 Igitur quocumque eloquentiæ telo discinctus primam partem aggredior de validitate Matrimonii utriusque à Pyrausta contracti; & spondeo in resolvendo me numquam recessurus à verbis, & circumstantiis, ut in proposito dubio scripta sunt, & significant.

3 Id primo conatu fideliter præsto; nam ad verbum transcripti partem

tem hanc, quæ in narratione, seu propositione dubii sic est: *Sociam sibi querere cogitavit, talem quidem, uti disclitabat, cum qua, si possibile afforet, vivere liceret in casto, & virginali connubio ad instar S. Patriarchæ Joseph cum Sanctissima Sponsa Virgine Deipara, &c.*

4 Expendo nunc conditionalem illam [si possibile afforet] & tanti ponderis eam adverto, ut mihi sit via planissima ad ostendendum in Pyrausta potuisse conciliari totam substantiam, vel essentiam Matrimonii non seclusa aliqua voluntate formali ad copulam conjugalem simul cum proposito virginitatis perpetuæ. Id exemplo mercatoris periculosa tempestate jactari demonstro; hic enim esset intenderet principaliter à jactu suas merces eripere; tamen, quia cum hac intentione conjungit conditionem hanc [si hoc erit possibile]; ideo cum intentione absoluta salvandi merces voluntatem quoque conditionatam adnectit; qua, si urgeat, impellatque discrimen vitæ, atque naufragii, vult quoque conditionatè projicere merces suas. Pyrausta noster in utroque conjugio hanc conditionem apposuit, & expressit [si possibile afforet]; & hoc possibile, nedum sonat possibile physicum in voluntate, quæ carere potuit actu imperante, & applicante potentias sensitivas ad actum copulæ, sed etiam morale possibile, quod primò includit: si Deus illa auxilia, quæ aliis vicibus in conflictibus contra Venerea largè præstitit, nunc quoque præstabit; si gravissimæ tentationes, quibus gratia par non esset, non pulsabunt, si suis Conjugibus debitum non petituris, nec voce, nec signo, vel saltem mœrore aliquo, & virginitatem viri, & suam æquo animo toleraturis; si ipse Conjuges promissis, precibus, & documentis sint adducendæ, ut matrimoniale voluptatem hilariter fugiant, imò abhorreant, veluti factum est à Nereo, & Achilleo cum Domitilla jam desponsata; sanè his, aliisque conditionibus sublati habuit Pyrausta voluntatem conditionatam ad copulam. Hinc fit, ut etiam si ad essentiam Matrimonii requiratur voluntas formalis ad copulam, jam in duobus Pyraustæ conjugis, in quibus voluntatem servandi virginitatem perpetuam modificavit illà conditione [si possibile afforet] reperta est etiam voluntas formalis, conditionata tamen ad copulam.

5 Ad id evincendum, & manifestius declarandum, Scoti doctrinam in 4. d. 30. q. 2. C. erutam ex c. Commissum de sponsalibus in medium asserre non pigeat. Docet igitur Scotus juxta Canonem allegatum in contractu Matrimonii mutuam esse traditionem corporum ad copulam carnalem cum conditione saltem implicita, si petatur. Hinc fit contrahentes cum proposito statim vivendi castitatem verè contrahere, & conditionem hanc de copulæ voto castitatis voto non præjudicare, posito etiam contractu Matrimonii, nisi illa, idest copula in effectu ponatur. Per hanc doctrinam, ferè ad verbum, ex cit. capite hautim sal-

salvat Scotus inter B. Virginem, & D. Joseph verum Matrimonium extitisse absque copula actuali; quia estò Maria Virgo voverat castitatem, tamen sibi fuerat revelatum non commissendam fore cum Joseph; & simul habere potuit intentionem copulæ implicitam, atque conditionatam, si, scilicet, petatur. Conditionalis allata solum per collectionem, & opinando à Scoto, aliisque Doctoribus in Matrimonio Deiparæ est asserta, cum nusquam in Sacro Textu habeatur expressa. At noster Pyrausta expressit satis superque voluntatem conditionatam in copulam, dum dixit, & protestatus est se victurum in castitate cum nova nupta, si possibile afforet; quod infert possibilitate sublata se descensurum in copulam.

6 Solidatur id magis per factum, quod narratur in c. Commissum de Sponsalibus, de quodam, qui cum juramento promiserat Matrimonium, & postea hic ductus Spiritu altiori in religionem voluit commigrare. De hoc viro legitur statutum ibidem, ut prius contraheret Matrimonium, deinde in religionem ingrederetur. Reor ego contrahentem hunc vix habuisse voluntatem conditionalem, & remotissimam ad copulam, quia per ingressum ad Religionem imminemtem illa sibi præcludebatur omnino. Quo tamen nihil obstante, ob reverentiam juramenti, quo se obligaverat ad Matrimonium, coactus est prius contrahere Matrimonium, quam Religionem ingrederetur.

7 In hoc facto debet esse certissimum Matrimonium illud iustum contrahi ab Ecclesia non fuisse invalidum, sed verum, legitimum, & etiam Sacramentum; at in eo alia voluntas conditionalis virtualis, vel implicita excogitari non potest, quam illa, quam remotissimam dixi, puta si contrahens ille post initum Matrimonium revocasset propositum ingrediendi Religionem: tunc tenuitate intentionis hujus ad copulam nihil obstante validum, & verum fuit Matrimonium, aliter Ecclesia præcepisset fieri aliquod invalidum, & Sacramento prorsus injuriosum.

8 Fuit responsum ad hoc ineluctabile argumentum per juramentum Matrimonium illud, alioquin invalidum ex sui natura, redditum fuisse validum.

9 Sed quis unquam audivit doctrinam huic similem? Juramentum hoc defert, ut ea, quæ dicuntur, vel promittuntur, si vera sunt, legitimeque promissa, magis firmentur in veritate, & tutiora reddantur; numquam verò juramentum virtutem hanc habet, ut contractum aliquem ex se invalidum traducat ad validum. Hoc patet in contractibus quibuscumque juratis; præsertim in illo donationis, quæ fit ab impuberi; hæc enim estò jurata, tamen à jure rescinditur. Item si quis duo iniret sponsalia, & prima non essent jurata, secunda verò cum juramento, in casu hoc Jura, Doctoresque definiunt standum esse prioribus sponsalibus non juratis. En quomodo juramentum roborat quidem

dem, firmatque contractum, non verò de invalido potest validum reddere. Ex infirmitate igitur mox confutata responsionis evidentissimum fit quanti roboris sit argumentum ex c. Commissum de sponsalibus deproptum.

10 Patet etiam quantum illud faveat nostro invictò Pyrausta; nam duo Matrimonia Pyraustana essò præcesserit propositum continentia, tamen præcessit quoque conditionalis illa [si possibile afforet] in qua includitur voluntas aliqua saltem virtualis ad copulam.

11 Hæc voluntas virtualis, vel implicita satis est ad Matrimonii substantiam, & essentiam; & id, nedum Scotus asseverat, innumerique cum eo Doctores, sed præ cæteris D. Thom. in 4. d. 30. q. pr. art. 2. quæst. 2, ubi docet *Beatam Virginem implicitè in copulam consensisse, at copulam numquam fuisse in proposito, erat enim Maria à Deo facta certior copulam numquam subssecuturam.*

12 Præterea valde notandum illos, qui contrahunt cum intentione determinata ingrediendi Religionem, & sic exequuntur, verè legitimèque contrahere Matrimonium, & tamen isti nullam habent intentionem actualem ad copulam, imò habent actualem contrariam. Isti ergo intantum validè contrahunt, quia per Matrimonium contraxerunt obligationem ad copulam; & si tales contrahentes privilegio dispensationis divinæ non utantur, tenentur exequi id, ad quod per Matrimonium se obligarunt; fieri namque potest, ut quando contrahunt, mutant voluntatem, qua voluerunt Religionem; & tunc tenebuntur reddere debitum, & copulam exercere: hæc verò ad copulam obligatio ortum duxit ex Matrimonio. Quocirca fit evidens contrahentem cum intentione ad Religionem, habere intentionem implicitam ad copulam eandem. Hanc quoque intentionem habent, qui se steriles esse norunt, & virtute talis intentionis validè contrahunt Matrimonia. Noster vero Pyrausta ponendo conditionem illam [si possibile afforet] apertius visus est copulam voluisse, nam possibilitatis conditione sublata ad copulam descendisset.

13 Moneo nunc negantes validum in Matrimoniis Pyraustanis prætextu propositi de virginitate servanda demoliri etiam, & fortius Matrimonium Josephi cum Deipara; in hoc enim quoque præcessit votum Hebrais puellis insolitum de virginitate servanda; & tamen duce Magistro Sententiarum in 4. Senten. Theologi omnes docent fuisse verissimum Matrimonium: prius etiam hoc idem docuerat Augustinus, qui in c. Beata Maria relatus dicit: *inter Mariam, & Joseph fuisse consensum cohabitandi, & individuum vitæ consuetudinem retinendi, & eos verè conjuges extitisse.* Hoc idem habetur ex c. omnis itaque 27. q. 2. Denique Gabriel Angelus testatus est, dum dixit Joseph: *Noli timere accipere Mariam Conjugem tuam.* Est autem contra usum com-

munem loquendi eos conjuges nuncupare, qui Matrimonium de præsenti non contraxerunt; conjugium namque ab unitate jugi, & vitæ maris, & foeminæ est derivatum. Meritò dixi negantes validitatem in Pyrausta conjugii fortius demoliri conjugium Mariæ cum Joseph; quia Matrimonium plus videtur repugnare cum voto virginittis perpetuæ, quàm cum simplici ejusdem proposito; & Pyrausta non votum, sed propositum simplex de virginittate servanda in suis conjugiiis solum præsinit.

14 Magis, magisque validatur Scoti, & D. Thom. Sentent. per id, quod habetur ex. de verborum significat. c. exiit, & est hodie in 6. lib. ubi, dicitur sententialiter, retento dominio concedere aliis usum non est inutile, quia usus ille necessarius est utentibus. Per hanc doctrinam evincitur saltem dominium, & usum separabilia esse inter se; dixi [saltem; nam ut Scotus] monet, licet possit retineri dominium usu translato; tamen non videtur magis fieri posse, ut transferatur dominium usu solo retento, & hoc accideret in Matrimoniis Pyraustanis, in quibus Pyrausta per Matrimonia transtulisset dominium sui corporis in suas Conjuges, & retinisset sibi usum per propositum virginittis servandæ; docet ergo Scotus per allatum Canonem solum evinci alicui posse competere unum illorum, non verò alterum; At quod possit retineri usus translato dominio probatur per illud c. Commissum de sponŕalibus, ubi præsinitur illi, qui sponŕalia jurata contraxerat, & postea votum, vel propositum emiserat ingrediendi Religionem, ut prius contraheret Matrimonium, & postea religionem ingrederetur. In hoc factò clarissimè apparet translatum fuisse dominium sui corporis per Matrimonium, & usum fuisse retentum per votum, sive propositum.

15 Addit Scotus adulteram, quæ habet potestatem in corpus legitimi conjugis, quia illa data fuit sibi per Matrimonium, & infestibilibiter; tamen non debet, nec potest habere usum corporis illius propter peccatum suum. Sed hoc quoque probat posse retineri dominium amisso usu, non autem è contra; & idè doctrina hac de adultera solum probat illa duo esse separabilia inter se; & illa sola ratio ex c. Commissum probat posse transferri dominium usu retento.

16 Rursus validitas Matrimoniorum Pyraustæ probatur per illud, quod habentur in c. Beata Maria 27. q. 2. & est Augustini, in quo sic: *Beata Maria proposuit se observaturam votum virginittis in corde, sed ipsum votum virginittis non expressit ore: subjecit se divinæ dispositioni, dum proposuit se perseveraturam Virginem, nisi Deus aliter revelaret; committens ergo virginittatem suam divinæ dispositioni consentit in carnalem copulam: non illam appetendo, sed divinæ inspirationi in utroque obediendo.* At ajo ego, Pyrausta non solum corde, sed etiam ore se divinæ dispositioni subjecit; nam non semel, sed sæpius indi-

catum

catum per verbum frequentativum, dictabat, conditionem illam [si possibile afforet] appositum, & per conditionem hanc quis non videt eum in carnalem copulam consensisse? & quis non videt eundem non appetendo carnalem copulam, sed divinæ inspirationi in utroque obediendo sic consensisse? hoc patet, quia faciendo virginitatis propositum, illam certè non concupivit, sed refutavit; motivum verò altissimum, quo motus est Pyrausta ad duo Matrimonia contrahenda ad similitudinem Matrimonii Deiparæ cum D. Joseph, & felicissimus secutus eventus satis monstrant non temere, sed Deo specialissimè inspirante fuisse permotum.

17 In allegata Augustini sententia notetur particula illa [*nisi Deus aliter revelaret,*] quæ indicat conditionatè Mariam Virginem in copulam consensisse; & erubescant irrisores Scoti, & D. Thomæ subtilitatum, qui dum docuere voluntatem conditionatam implicitam, vel virtualem ad copulam sufficere ad faciendum validum Matrimonium, hanc doctrinam hauserunt ex Augustino; & ideo D. Thom. in art. pr. cit. dixit: *Virginem implicitè in copulam consensisse*: imo in art. 3. ejusdem quæst. 2. ait *sinè hac implicita voluntate Matrimonium non posse consistere.*

18 Hæc etiam fuit doctrina Doctoris Seraphici in 4. dist. 30. part. pr. quæst. 2. Nec sequitur in Pyrausta fuisse duas voluntates contrarias, quod nimis repugnat; nam tunc duæ voluntates solùm sunt repugnantes circa duo objecta, contraria quando ambæ sunt actuales, & absolutæ, non verò quando una est absoluta, altera verò conditionalis; & sic in Pyrausta fuit voluntas absoluta, & efficax virginitatem servandi; & cum hac potuit conjungi quoque conditionata voluntas ad copulam, quæ fuit expressa per illa verba [*si sibi possibile afforet*]; & ideo illæ duæ voluntates, quæ videntur contrariæ non repugnarunt in eodem Pyrausta, velut similes voluntates in eodem Mercatore non pugnant, dum vult, quantum in se est salvas facere merces, & vult conditionatè easdem projicere, si scilicet vitæ periculum urgeat, & impellat.

19 Denique accedo ad Achillem adversantium profligandum, & est ex c. finali de conditionibus apposis, in quo sic habetur: *Si conditiones contra substantiam Matrimonii inserantur, quia si alter dicat alteri, contrabo tecum, si generationem prolis evites, vel donec inveniam aliam honore, vel facultatibus digniorem, aut si pro quæstu adulterandam te iradas*: hæ conditiones ex cit. cap. invalidant Matrimonium, quia sunt contra substantiam Matrimonii. Simile quid censuit D. Augustinus in lib. de bono conjugali cap. 5. & adducitur in 32. q. 2. cap. solet; sed Pyrausta præmittendo virginitatis propositum, voluit aliquid contra substantiam Matrimonii, quia voluit ne proles sequeretur ex Matrimonio; inde sequitur ejus Matrimonia fuisse prorsus invalida.

20 Ad id dico aliud esse velle obligationem ad prolem, & ad fidelitatem, & vinculum, & aliud esse velle illam non observare in executione, & quoad effectum. Istæ duæ intentiones inter se non repugnant, sicut non repugnant hæc duæ consimiles, velle esse Christianum, & velle non observare; hæc enim secunda non pugnat cum vero Baptismo, veroque Christiano, etiam si hic intenderet nihil credere de articulis Fidei, postquam habuit intentionem suscipiendi verum Baptisma, & fieri voluit verè Christianus. Hac præmissa doctrina facillimè fortissimus Achilles ille prosternitur; nam uti patet ex modo narrandi, qui sit in allato Textu, illi, qui inducuntur apponentes conditiones allatas, nullam intendunt obligationem subire: hoc patet; nedum quia dicitur: si conditiones contra substantiam inferantur, sed etiam, quia in una conditionum sic est: *vel donec inveniam aliam honore, vel facultatibus digniorem*: per quod apertè indicatur contrahentem nullam velle suscipere obligationem, ad indissolubilitatem, & Sacramentum. Secus se gessit prudentissimus noster Pyrausta, nam primò sibi sociam querere cogitavit, sed cum qua vivere liceret in casto, & virginali conjugio ad instar Sancti &c. En volendo conjugium, voluit quoque quamlibet obligationem necessariò sequentem ad Matrimonium: tum quia per conditionem appositam intelligitur voluisse intentione aliqua formali, conditionatè tamen, etiam copulam maritalem. At quia proposuit vivere cum sua Conjuge ad similitudinem Mariæ cum Joseph, ideo solum non voluit executionem, & effectum obligationis illius.

21 Et sanè si nullum hæc mea distinctio robur haberet, ruerent omnia Matrimonia, quæ à Sanctis Viris, & fœminis in Orbe Christiano, nedum cum proposito, sed cum voto servandi virginitatem contracta sunt.

22 Idem dicendum, & respondendum ad Augustinum citatum in argumento loqui, scilicet de iis, qui nullam habuerunt voluntatem ad obligationem ad copulam, non verò de iis, qui non voluerunt executionem obligationis illius. Si verò adducatur idem Augustinus lib. 19. contra Manichæos, ubi ait *Matrimonium inde appellari, quia femina nabit, ut mater filiorum efficiatur*, quod nequit haberi, nisi intendatur copula ejus cum viro; hoc nihil obstat, quia Augustinus innuere solum voluit in Matrimonio acquiri à contrahentibus dominium mutuum in sua corpora in ordine ad copulam carnalem; cum ratio Matrimonii sita sit in tradendo tantum jus, & potestatem ad copulam; & in tali traditione liberâ includitur quoque consensus implicitus, & virtualis ad copulam. Beccanus verò, Capensis, Petrus Lebatus, alique recentiores sustinent hunc consensum implicitum, per quem contrahentes feruntur in copulam, intelligendum esse ex parte contractus, non contrahentium.

23 Est adhuc instantia dissolvenda, nam in relato cap. fin. de conditionibus oppositis; hæc est conditio; si generationem prolis evites; at si ante Matrimonium contractum paciscerentur sponsi de voto virginittatis servandæ jam quoque pactum inirent, & conditionem apponerent de generatione prolis vitanda; ideoque conditio voti, vel propositi de virginittate est quoque contra substantiam Matrimonii; atque similiter reddit irritum Matrimonium.

24 Est plana responsio ad hanc instantiam, nam Pontifex in cap. illo intelligitur de generatione impedienda, sed tamen copulam exercendo, quæ quidem conditio est contra substantiam Matrimonii; essentiale enim est Matrimonio, ut Conjuges subeant obligationem non impediendi prolem in copula conjugali, & educandi nascentem; unde si contrahentes ad id se non obligandi haberent intentionem, & animum, aut obligandi se ad oppositum, scilicet ad sumenda venena, quæ sterilitatem inducant, aut enecandi nascentem, utique esset irritum Matrimonium, quia contractum fuisset cum conditione, quæ est contra substantiam Matrimonii. At Matrimonia duo Pyraustæ cum virginittatis proposito excludebant usum dominii, & potestatis, qui usus non est de essentia Matrimonii, cum Conjuges illo se valeant perpetuò abdicere, postquam contractum est Matrimonium, quia non est de substantia Matrimonii, non verò excludebant dominium, & potestatem, nec obligationem, quæ sit de essentia Matrimonii. Tum quia Matrimonia Pyraustæ fuere cum proposito conditionato virginittatis conjuncta, & ideo [ut dixi superius] involvebant aliquam voluntatem formalem conditionatam ad copulam.

25 Nolo omittere hæc, quod fuit à P. Theologo uno bis, terque pronuntiatum, nedum in primo, sed etiam in secundo congressu, & est, tunc virginittatis propositum stare posse cum Matrimonio, cum sequitur Matrimonium jam contractum; cum verò antecedit, tunc semper destruere Matrimonium.

26 At hæc doctrina nedum destruit Matrimonium Deiparæ cum D. Joseph, in quo Maria longè ante contractum, votum virginittatis emiserat, sed etiam illud, quod retuli ex c. Commissum, in quo ille, qui juramento sponderat Matrimonium, & postea voluit ingredi Religionem, coactus est prius contrahere Matrimonium, & postea ingredi Religionem. In hoc quis non videt propositum, seu votum de Religionem præcessisse. Et licet 27. qu. 1. c. nubentes habeatur *evadentes continentiam non posse nubere*; tamen ibidem cap. nuptiarum, & c. quidam, & c. si vir definitur si nubant, non separantur. Destruerentur etiam omnia Matrimonia, quæ ab Ecclesia permittuntur contrahi ab iis, qui mox sunt ingressuri Religionem. Demum lex illa est de voto, non de proposito.

Prudentia summa Pyrausta in duobus Matrimoniis propugnatur.

27 **H**æc prudentia potest primò firmari per conditionem, quam Pyrausta proposito virginitatis adjecit [si possibile afforet]; per hanc enim ostendit se non certitudinem infallibilem de futuris divinis auxiliis præsumpsisse, sed memorem illius Apostolici moniti : *Qui stat, videat ne cadat*; voluisse conditionatè tanto æquiori se committere; nam si virginitatis perpetuæ propositum non sibi cum sperata felicitate cessisset; nullius temeritatis, imprudentiæ, inconstantiæ fuisset notâ culpandus.

28 Et revera prudentissimi Viri, atque sensati, qui probè norunt numerum sine numero impedimentorum, per quæ possint impediri promissionum effectus, quando promittunt, ferè semper cum conditione promittunt. Ex quo fit, ut si conditione non posita promittens promissa non impleat, nullius culpæ sit reus, nec obligatione aliqua teneatur.

29 Jam dixi conditionem illam [si possibile afforet] ad moraliter quoque possibile extendendam; nullo enim restringente, aut ad minorem significationem trahente addito est coarctata possibilitatis illa conditio: imò si aliqua est in illo possibili adstruenda restrictio, existimandum est Pyraustam sibi proponentem Objectum, tam pium, sanctum, & tam arduum ad illum præcipuè suum direxisse possibile, qui dixit: *sine me nihil potestis facere*. Quare si Deus Pyraustæ sperata denegasset auxilia, quæ *singulis dat prout vult*, & Pyrausta in maritalem copulam descendisset; neminem puto tam districti rigoris futurum, qui in Pyraustæ proposito levitatem, & imprudentiam accusasset; nam Pyrausta conditione amplissima non restrictæ possibilitatis se ante muniverat. Quo circa, veluti quis alteri pollicens donum, & mutuum sub hac eadem conditione, si mihi erit possibile, si postea impossibilitate id prohibente non det mutuum, neque donum, nullius imprudentiæ, aut levitatis sit reus; sic Pyrausta, quia fuisset consuetis divinis auxiliis destitutus, vel quia hæc eadem non fuissent suis communicata Conjugibus ad annuendum viri proposito; vel quia in viro, atque conjugibus tentationes validissimæ, & insuperabiles emerisissent, vel aliis occurrentibus impedimentis non vincibilibus, quæ numerari non possunt; si Matrimonium consummasset, vituperandus non esset, quasi se gessisset imprudenter, & leviter in faciendo propositum; quia conditionatè illud ediderat; quin potius commendandus esset ut prudens, & providus; quia sagacissimè prævidisset à quot, & quantis poterat impedimentis urgeri, & ideo maluit conditionatè, quàm absolute suum efferre propositum.

30 Eant nunc criminantes in probo, & prudente Pyrausta peccandi periculum, cui se per propositum virginittis exposuit; nam inveniri non potest tale peccatum, de quo potuisset esse periculum; non enim peccasset, quia proposito non sletisset; nam propositum conditionatum, non absolutum hoc fuit; nec peccasset in copula exercenda, quia vi conjugii præcedentis illa sibi non fuit illicita. Fuit dictum in primo congressu habito ab octo Theologis ideo se exposuisse peccandi periculo, quia Pyrausta aggressus est opus arduum, perdifficile, & omnino superans humanas vires; & cum ego subjecissem tot Martyres, qui tormentorum, & mortis arduo nihil obstante se sponte obtulerunt Tyrannis, & Fidem Christianam propugnaverunt, & defenderunt, non rogati, nec requisiti, præ cæteris Georgius, & invictissima Catharina; nec tamen isti Martyres se exposuerunt peccandi periculo ob hoc, quia se liberè obtulerunt operi, & factò, nimis arduo; cum tamen aliqui, inter quos Marcellinus Summus Pontifex, vi tormentorum adacti fidem negarunt, & coluerunt Idola Gentium.

31 Responsum fuit ab uno disparem esse rationem inter bonos Martyres, & Pyraustam, quia tormenta ab alio, scilicet à Tyranno erant inferenda Martyribus; sed Pyrausta ipsemet erat, qui erat descensurus in copulam; & ipsemet fuit, qui per duo conjugia se exposuit periculo frustrandi virginittis propositum.

32 At licet Martyr ab alio debebat pati mortem, atque tormenta; tamen si metu victus fidem negasset, ipse Martyr fuisset ille, qui se hujus peccati periculo exposuisset, dum sua confessione irritasset Tyrannum, coram quo Evangelicam Fidem nec coactus, nec requisitus prædicasset, & exaltasset: veluti si Pyrausta tenui, vel nulla gratia divina suffultus continuò; & frequenter cum suis Conjugibus conversatus fuisset; & ab illarum illecebris, & pulchritudine fuisset stratus, & victus, esset coniuges eum illexissent, & vulnerassent, tamen Pyrausta fuisset ille, qui se exposuit horum vulnerum gravi periculo, & ideo Pyrausta sic inermem se exponendo peccasset, quia se exposuisset periculo mutandi factum de virginittate propositum. Veluti ergo multi Martyres, inter quos Georgius, & Catharina, non se exposuerunt peccandi periculo; quia impulsu Divinæ gratiæ specialissimæ moti sunt ad sponte provocandos, irritandosque Tyrannos: sic Pyrausta, quia specialissima Dei gratia impellente motus est ad coniungendum conjugia cum virginittis proposito, nulli se exposuit peccandi periculo. Taceo postea reperiri aliquos mihi notos, qui quamvis non frigidi, abhorrent tamen copulam exercere cum forminis; & hoc, quia putant in exercitio copulæ hominem insanire.

33 Arbitror huiusmodi temperamenti fuisse Xenocratem, ad cuius torum cum Phrynes fuisset immissa, rogata illa quid sua elegantissima for-

72 RELATIO RMI, ET EXIMI P. MAG.

forma, & lenociniis de Philosopho retulisset, fatendo se spectam, & victam dixit: cum statua sese, non cum homine cubuisse. Si tale ponatur fuisse Pyraustæ temperamentum, jam habeo cum solis viribus naturalibus nulli se exposuisse peccandi periculo. Sed meliores, & fortiores debet Ecclesia Christi habere Xenocrates; & ideo pono Pyraustam communi omnium concupiscentia fuisse vexatum; num ideo Matrimonia contrahendo imprudens fuit, & se exposuit peccandi periculo?

34 Si sic esset, non referendi essent inter Sanctos Henricus, Eleazarus, Pulcheria, & alii quindecim quos studio brevitatis omitto, qui contraxerunt similia Matrimonia cum Pyraustanis; cum tamen Ecclesia hos veneretur; nec unquam senserit eos in tali facto peccasse, aut molitos id imprudenter.

35 Si sic esset imprudentiæ, atque temeritatis culpanda esset magna illa Teresia, dum votum illud emisit verissimè super arduum de faciendo quidquid esse perfectius intelligeret.

36 Immanitatis inauditiæ accusandus esset Franciscus de Paula, qui votum edidit primus æquandi vitam suam, totiusque suæ posteritatis cum quadragesimali jejunio.

37 Incusandus esset insolentissimæ temeritatis ille magnus Antonius, qui cæsus, stratus per verbera catenarum, & adeo putatus mortuus, ut noctu à suis sacri funeris sibi persolverentur officia; vix halitu vitæ utcumque resumpto rursus prodixit in aciem, & insultando rursus Dæmones provocavit, ut in se, quantum vellent sævirent; quia jam toties fuerat expertus eos in se nullius esse virtutis. Insignis infantiæ homo censendus esset Simeon ille Stylita, qui fixus manens in altæ columnæ cacumine diu sibi præclusit itinera, & incessus, & se tot torrentibus solibus, & succedentibus Aquilonibus ferè nudum exposuit.

38 Proдите nunc tot agmina Martyrum promiscuæ ætatis, & sexus; & nescio an sit, qui vos arguat, quia sponte irritastis imperia Potestatum, & Tyrannorum, ut in vos sævirent cumulando tormenta super tormenta ad necem usque, quam avidissimè concupiveratis. Utique concupiscentia vitæ servandæ potior, & vehementior est illo fomite, qui solet ad carnalem copulam instigare; quia illa ad conservandum proprium esse, hæc autem ad opus, & actum secundum urget, & stimulat; & cur non sunt culpandi tot Martyres, tamquam se exponentes periculo deferendi fidem ob mortis metum, quæ est proprii esse destructio? culpandus verò Pyrausta tamquam imprudens, quia per duo conjugia erumpere potuit in copulam maritalem, per quam violasset suum de virginitate propositum.

39 Omnia possum in eo, qui me confortat dixit Apostolus ad Philip. 4. cum tamen eidem datus sit stimulus carnis, qui ter eum cædebat in die; & sentiunt non pauci Doctores hunc stimulum non intelligendum esse

est de Satana verberante, sed de fomite carnis, qui Paulum acerbissimè divexabat; & ideo à Deo permillum est tantum Apostolum virginis cultorem hoc stimulo fodiciari, ut victor evadens non solum de externo, sed etiam de interno referret hoste victoriam.

40 Est ergo recurrendum ad Deum specialissimè irradiantem, inspirantemque in hoc heroico Pyraustæ nostri proposito; Deus namque, ut suum agrum Ecclesiæ fertilem, novo virginis flore vernantem efficeret, specialissimo gratiæ genere inspiravit Pyraustæ, ut in duplici Matrimonio miranda daret experimenta constanter in virginis proposito, & unam Ecclesiam muniret exemplo, alteram verò ditaret novo germine sanctitatis. Deinde Christus ipse ut suum meritum extenderet ad omnigenum, voluntate, non verò necessitate quibusdam passionibus non sibi indecoris voluit afflictiari; puta pavore, dolore, fame, siti, atque tristitia; nescio cur Pyrausta sit arguendus quia difficillimo cum carne conflictui se liber exposuit, ut meritum suum singulare faceret, & augeret. In hoc stat pro me Augustinus qui sic me confirmat: *Per tentationem probatur virtus, & exercetur; & gloriosior palma est non consensisse tentatum, quam non potuisse tentari*. De Christo quoque dixit Apost. ad Hebr. 4. *Tentatum per omnia pro similitudine absque peccato*. Ut igitur Pyrausta ad cumulum meriti ingentis accederet, in suo proposito tentari voluit per duo conjugia.

41 Obiecit mihi unus ex RR. PP. Theologis injuriam factam fuisse Conjugibus, quæ nesciverunt hujusmodi Pyraustæ propositum; & deinde estò sciverint, tamen erubuisse exigere debitum maritale, puellari verecundia id prohibente, sed

42 Dubium propositum resolvendum est non divinando, nec per remotissimas conjecturas, sed per illas circumstantias, quæ in propositione dubii fuerunt expressæ. At in illa, & ex illa habetur, & inferitur contrarium ei, quod est objectum; nam Pyrausta dictabat, idest frequenter dicebat, atque vulgabat, se querere sponsam talem, cum qua liceret vivere in casto, & virginali conjugio &c. & post pauca; ita ut jugum Matrimonii absque carnis tribulatione sustinere valeret.

43 Deinde, de Patre puellæ affecto Pyraustæ propositum refertur dixisse Pyraustæ se despondere ei puellam, qualem ipse cupiebat. Si non credatur dictum frequenter à Pyrausta pervenisse ad aures puellæ, quæ prior nupsit Pyraustæ; tamen est penitus incredibile Patrem puellæ non significasse puellæ, Pyraustæ propositum; & hoc quia pauperes genitores gravati filiabus collocandis in Matrimonium sæpissimè, vel lamentando, vel consolando, loquuntur cum eisdem; aut de mediis, aut de conditionibus virorum, qui possent eas ducere in uxores.

44 Tum quia quis dicit puellæ patrem dixisse Pyraustæ, dare se ei sponsam qualem ipse cupiebat, & minimè significasse filiz suæ Pyraustæ propositum.

74 RELATIO Rŕŕŕi , ET Eŕŕŕi P. MAG:

45 Incredibilitas prædicta fundatur in eo, quod in eadem dubii propositione narratur, in qua habetur sic. Excepto matrimoniali congressu, quem nec ipsa sponsa petebat, nec appetere unquam ostendit. Hæc verba indicant puellam edoctam à Patre de Pyraustæ proposito, vel ob puellarem simplicitatem nihil scivisse de copula maritali, vel eam etiam à se propositum simile effecisse.

46 Item, quia sponsus sponsæ castè blandiebatur, potuit facillimè sponsa aliquo nutu significare sponso voluntatem copulæ, & debiti, quod exigebat; cùm tamen de ea narretur, nec appetere unquam ostendit.

47 Denique propulsatur in Pyrausta quævis suspicio imprudentiæ, & injuriæ, quæ dicitur ejus illata Conjugibus per illud Apost. ad Philippenses 1. *Qui capit in vobis opus bonum, perficiet usque in diem Christi Jesu.* Pyrausta conjungendo conjugium cum virginitatis proposito molitus est opus bonum; nam prima bonitas operis desumitur ex objecto; & hæc duo objecta *Virginitas*, & *Conjugium*, tam separata, quàm juncta, constituunt bonum objectum; imo conjuncta ob sui singulare, constituunt objectum superegregium ob summum difficile; & quia paucissimi conjuges id prælitere. Desumitur etiam bonitas actus ex fine; & finis Pyraustæ fuit imitatio Matrimonii D. Joseph. Utique hæc imitatio bona est, & non vetita, quia si Christus ipse vel consuluit, vel præcepit Deum ipsum ab hominibus imitandum, & Deum ipse tunc vocat Patrem; etiam tenendum est consulere ut fideles in perfectione imitentur suum Patrem putativum S. Joseph, de cujus probitate sacer textus testatus est, esse simpliciter justum sine ulla diminutione. *Matth. 1. Joseph autem vir ejus cùm esset justus.* Demum ex propositione dubii nulla potest deprehendi circumstantia, per quam vitietur illa duplex operatio Pyraustana; & ideo opus illud Pyraustæ habens integritatem requisitorum omnium concurrentium ad bonitatem moralem est bonum morali bonitate, super quam fundatur bonitas Theologica, & meritoria; hoc posito.

48 Docet fides, docet Apostolus quodlibet tale opus à Deo præveniente incipere, & hoc per gratiam, quæ præveniens nuncupatur. Docet idem Apost. Deum esse qui opus bonum tale perficiat, nam dicit *perficiet usque in diem Christi Jesu*; tunc verò opus bonum à Deo perficitur, cùm dantur gratiæ concomitantes, & consequentes ad idem opus; & insuper dantur omnia media perducentia ad finem intentum.

49 At, si Pyrausta volente conjungere cum virginitate conjugia, Deus paria auxilia Pyraustæ Conjugibus non præbuisset, tunc utique inceptum bonum opus non perfecisset; quia si Conjuges illæ non annuissent Pyraustæ proposito, tenebatur Pyrausta à proposito suo rec-

cedere; præterea, qui vult finem, & efficaciter, vult quoque media, quæ sunt necessaria; atque ideò si Deus voluit finem virginitatis in Matrimonio Pyraustanis, & efficaciter voluit, quia illa Matrimonia usque ad finem exercuit virginitate sua prorsus illæsa, piè existimandum est paria auxilia fuisse data Conjugibus; & de istis auxiliis opinandum est, Pyraustam aliquam certitudinem habuisse, estò non fidei, nec scientiæ. Per hoc evincitur Pyraustam prudenter, innocenter, & procul omni injuria suarum Conjugum se gessisse.

50 Dum in congressu habito promovi hoc argumentum pro bonitate operis Pyraustani assignata fuit ab uno P. Theologo hæc circumstantia, Pyraustæ operationem inficiens, quia scilicet Pyrausta poterat ducere in uxores mulieres provectæ ætatis, & vetulas, quibus tamen posthabitis, duxit adolescentulas, & puellas. Addidit idem ideò reprehendendum esse Pyraustam, quia post primum conjugium ad secunda vota transiit.

51 Sed quis potest advertere quanti roboris sit allata responsio; nam si Pyrausta habebat pro sui operis fine imitationem Matrimonii D. Joseph cum Maria Deipara, debebat Pyrausta senex ut Joseph, deligere Sponsam Virginem, & florentem ætate puellam, qualis erat Deipara, quæ tunc temporis, nec decimum quartum annum ætatis impleverat; & hoc, quia Matrimonium suum intendebat assimilare cum D. Joseph conjugio. Item ubinam reperiuntur fœminæ iste anus, & vetulæ, quæ saltem aliqua delectatione morosa per longum vitæ spatium non inquinaverint mentem suam? & estò aliqua reperiretur, quis potest esse certus morali certitudine, illam tentationibus magnis pulsata, aliqua voluptate mentali non se infecisse? Secus res se habet in puella simplici, & probè educata; nam ex hisce puellis, non una, vel duæ, sed quandoque plures, & plures in eadem Urbe repertæ sunt, quæ nil prorsus norunt de copula maritali; & ideò, quia per puellas, & non per vetulas Pyrausta potuit majori similitudine, & certitudine imitari Matrimonium D. Joseph cum Deipara, desponsavit sibi non vetulas, sed adolescentulas.

52 Deinde, quia ex objecto, & sine patet Pyraustam operari voluisse actum virtutis heroicæ, si vetulas duxisset in conjuges, nulla fuisset sibi lucta cum carne; nam vetulæ edentulæ sæpè, atque deformes potiùs ad fugam provocant, & ad fastidium, quàm ad copulam, & voluptatem; & sic in Pyrausta, nedum heroicum non eluxisset, sed nec etiam castitatis, & continentiae ulla vestigia ostendisset; cum virtus quæcumque respicere debeat arduum, & difficile.

53 Rursus in propositione dubii habentur hæc verba exprimentia alteram intentionem Pyraustæ præter primam; [& rem suam familiarem cura Sponsæ munire]. Duxit ergo conjugem Pyrausta, ut se, remque

76 RELATIO Rŕni, ET EXŕni P. MAG.

ŕuam familiarem cura Sponŕe protegeret; at vetulæ ad curam hanc ŕunt penitus ineptiŕimæ, & debent regi, non regere. Idem ŕinis excuŕat Pyrauŕam à labe, quam poŕŕet ŕubire ex ŕecundo Matrimonio, quod contraxit prima uxore demortua; quia graviore ætate procedente, plus conjugali indigebat ŕubŕidio: inŕò in hoc locum habet etiam primus ŕinis, ŕcilicet imitatio Matrimonii D. Joŕeph, quem quia nec per integrum annum imitari valuerat, voluit bis imitari ducendo ŕecundam uxorem.

54 Do, non concedo adverŕario ŕecundas nuptias eŕŕe damnabiles, tunc ŕolùm haberet locum ŕomniata damnatio, quando illæ traherentur in argumentum infatiatæ ŕalacitatis; at in Pyrauŕa ŕecundæ nuptiæ cum propoŕito virginitatŕis ŕunt potiùs teŕlimonium inŕfallibile geminati conŕictus, geminatæ victoriæ, duplicis lucri duarum virginum, dupliciŕque triumphŕi.

55 Tum quia quis dicet ŕecundas nuptias eŕŕe damnabiles? nullus hoc dicet præŕterim in Euangelica lege; nam 32. *quæŕt. pr. cap. hac ratione*, & *cap. quomodo ŕecundæ nuptiæ permittuntur*. Rurŕius 31. *quæŕt. pr. cap. aperiunt cap. Deus*, & *cap. quod ŕi dormierit deŕiniuntur licitè*; & quod licitum eŕt, non eŕt damnabile. Hoc idem eŕŕe licitum ŕtatuit Innoc. Quartus *conŕtitutione 14. ŕub Catholica*.

56 Dum dixi regimen, curamque familiæ fuiŕŕe ŕinem à Pyrauŕa intentum in duobus Matrimoniis à ŕe contractis, id intellexi de ŕine minùs principali, & ŕecundario, non principali, atque primario; nam iŕŕe fuit imitatio Matrimonii D. Joŕeph cum Deipara Virgine; nec repugnant operantem operari poŕŕe ob duos, & plures ŕines, quorum unus ŕit primarius, alter verò, vel alii ŕint ŕecundarii.

57 Quoque in congreŕŕu habito dixi relato P. Theologo, mirum eŕŕe ab eo negari rationem meam depromptam ex bonitate obŕecti, ŕiniŕque, cùm ipŕe non veritus ŕit in Archigymnaŕio defendere publice ex Cathedra Circumciŕŕionem licitam eŕŕe hac tempeŕtate, ŕi id ŕiat ob ŕinem imitandi Chriŕtum Jeŕum.

58 Tandem Pyrauŕæ moraliŕ prudentia ŕtabilitur ratione eruta ex natura propoŕiti; nam in propoŕitione dubii ŕemper dicitur ille ŕeciŕŕe propoŕitum de virginitate ŕervanda, non votum; ideò operæ prærium eŕt offendere Pyrauŕam per tale propoŕitum nullum ŕubiviŕŕe peccandi onus, nullum quoque periculum, ŕi à virginitatŕis propoŕito reŕceŕŕiŕet.

59 Pro hac re ŕtant mihi, ŕaventque ŒS. Canones, & Canoniŕtæ; nam de Voto, & Voti redemptione *cap. literaturam* eŕt deŕinitum propoŕitum faciendi aliquod bonum, non obligare. Ibidem eŕt quoque ŕancitum, propoŕitum intrandi Religionem non eŕŕe votum; & ideò dixi ŕuperiùs obligationem ex voto naŕcentem, ŕtriŕtorem, & fortiorrem eŕŕe illa, quæ ex propoŕito ŕimplici ortum ducit. Deinde etiamŕi

Sacri Canones de proposito nil statuisſent, ſignificatio ipſa propoſiti poteſt quemcumque convincere; propoſitum namque eſt derivatum à verbo propono, quod ſignificat aliquid mente ſtatuo, vel delibero; ſic Seneca: *id in primis animo eſt proponendum, ut reſilire vivamus*. Deſinitur ergo propoſitum ſic: *Eſt ſimplex humana mentis intentio, qua homo deliberat, & determinat, ſe opus aliquod faciſſurum, vel omiſſurum*. Hoc ſtante, quis audeat dicere reum peccati, qui Deo conſiſus propoſuit operari bonum melius, atque perfectius, & poſtea videns, attentiusque conſiderans, ſibi à Deo non danda eſſe illa auxilia, per quæ fieret potens ad exequendum, & ad reſiſtendum tentationibus vehementibus, recederet à propoſito de meliori bono, & bonum minus, cui par eſſet, & pro quo divina ſibi præſtarentur auxilia, amplecteretur, exequereturque? Nemo eſt, qui poſſet tingere umbra peccati proponentem eleemoſynam largam, & poſtea commutantem in parciorem, præſertim ſi recens exortum ſit impedimentum, propter quod difficulter larga propoſita valeat erogari? vel peccaſſe illum, vel ſe expoſuiſſe peccati periculo, cum largam erogare propoſuit. Taceo ſimpliciter proponentem aliquod ſupererogationis opus poſſe licite abſque ulla compenſatione facienda per minus bonum à propoſito de meliori bono recedere; & hoc quia per propoſitum nulla inducitur obligatio. Ob eandem rationem poteſt liberè, abſque ulla cauſa inducente difficultatem propoſitum non adimplere.

60 His, aliſque permotum puto noſtrum Pyrauſtam inclinaiſſe ad propoſitum potiùs, quàm ad votum, ne ſcilicet ex obligatione per votum inducta, prævaricando poſtea, peccato eſſet obnoxius; ne videatur ſibi nimium de ſuis virtutibus, & de ubertate divinæ gratiæ polliceri, ne ſi res non benè ceſſiſſet, imprudentiæ, & temeritatis tenebris adumbraretur, ne ſubdolè voti prætextu incuſaretur omnem ſpem petendi debitum ſuis conjugibus præcluſiſſe, ne inſoliti voti jactantia altiſſimum ſuæ modeltiæ deprimeret, & deſiceret, & denique ſi non ſequeretur effectus, aliquo premio dignus eſſet affectus.

61 Ex propoſito ergo Pyrauſtæ, fatiſ liquet eum, nedùm omnem imprudentiæ ſcopulum evitaſſe; ſed etiam ſummum prudentiæ attigiſſe faſtigium; & revera ſi per omnes prudentiæ partes, potentiales ſcilicet, ſubjeſtivas, & integrantes enumerando fiat diſcurſus, nulla eſt, quàm Pyrauſta non ad amiſſum attigerit. Si etiam de imprudentiæ partibus, & ſpeciebus fiat ſermo, patet quoque à Pyrauſta procul fuiſſe præcipitationem, inconfiderationem, inconfiantiam, & negligentiam; nulla fuit prudentia carnis, nulla aſutia, nulla fraus, & nullus dolus; quarum imprudentiarum abſentiam longiſſimam poteſt quivis advertere ex ſola propoſitione dubii; ſecundùm quam, & non aliter reſolvendum eſt dubium.

78 RELATIO RŔMI, ET EXŔMI P. MAG.

62 Sed ego contra me ipsum infurgo, & simul objicio à me omiſſam eſſe ſollicitudinem, qua ex propoſitione caſus viſus eſt laboraſſe Pyrauſta; nam ſuis laboribus rem familiarem adauxit; præterea dicitur ſponſam accepiſſe, ut ſe, & rem ſuam familiarem cura ſponſæ muniret; & præterea magnitudo divitiarum, quas dicitur comparaſſe, apertè indicat Pyrauſtam habuiſſe ſtudium immoderatum acquirendi, & conſervandi temporalia, contra illud Matth.6. *Nolite ſoliciti eſſe dicentes, quid manducabimus; & nolite ſoliciti eſſe in craſtinum*; ex his rectè concluditur ſpecies imprudentiæ, quæ dicitur ſollicitudo.

63 Sed pro ſolutione hujus argumenti, quod nunquam promotum fuit in duobus congreſſibus, adduco primo D. Ambroſium; qui lib.8. in Luc. ſic docet; *Diſcant Divites non in facultatibus crimen hæere, ſed in iis, qui uti neſciant facultatibus; nam divitiæ ut impedimenta improbis, ita bonis ſunt adjumenta virtutis*. Ecce nunc docet Ambroſius divitiis indifferentes eſſe ad bonum, & malum; & ex fine, & uſu fieri bonas, vel malas: & ſanè divitiæ ex ſe malæ eſſe non poſſunt, aliter Abraham, Iſaac, Jacob, David, Joſaphat, & Ezechias eſſent inter peſſimos referendi, quia ingentes divitiis poſſederunt: Deus quoque culpandus eſſet, qui in lege veteri cultores ſuos reddebat divites, & opulentos; & ſummum nefas eſt dicere Deum ſuis pro præmio dare ſaltem incentiva peccati. Tunc ergo ſunt malæ divitiæ, quando poſſidens abutitur illis ad obtinendum finem malum, & indecorum, puta ad indulgendum genio, ad lupanaria, pompas, ad juſtorum everſiones, & ad alia indigna relatu.

64 At legatur in propoſitione dubii ad quem finem ſuas divitiis Pyrauſta direxerit: non quidem ad ſcortationes, illicitoſque concubitus; nam dicitur virginitatem, & caſtitaſtem adeò coluiſſe, ut nedum de mulieribus, ſed de ipſo quoque Diabolo ſibi apparente in fæminea ſpecie triumphaverit; quomodo potuit abuti divitiis, ſi de eo dicitur profeciſſe de virtute in virtutem; & ſummam venerationem adeptus per heroicæ virtutis ſpecimina. Pyrauſtæ finis egregius fuit, ut conjungeret cum cõlibatu conjugium, & ut hunc finem tantum aſſequeretur, neceſſe fuit comparare divitiis; quæ enim fæmina locuples fuiſſet conjuncta per Matrimonium huic viro humili genere nato, cum onere caſtitatis perpetuæ? & tamen Pyrauſtæ divitiæ effecerunt, ut duæ puellulæ houelliſſimæ, ſed pauperrimæ cenſu, licet diſtiſſimæ theſauro virtutum, non dedignarentur, imo avidiſſimè concupiverunt, cum Pyrauſta contrahere Matrimonium; ſic enim evaſere periculum inhoneſtatis, quàm ſubire poterant paupertate cogente.

65 Alter fuit finis Pyrauſtæ, ut ſuis opibus puellas nobiles pauperes educaret; in tantum ut à ſecunda Conjuge, quàm ante nuptias ſolo Dei amore motus educaverat, vocaretur Pater, & ipſe illam ut ſuam filiam agnoſcebat.

66 Tertius finis fuit Pyraustæ, ut aggrediretur heroicum in contemptu divitiarum, & consummaret; nam si in paupertate degens Mundo se abdicasset, nihil sanè reliquisset de Mundo, sed per Religionem, quam fuit ingressus, paupertati suæ potiùs providisset; at quia ante suum ingressum ad Religionem facultates suas Christo distribuit, & pauperibus, paupertatis voluntariæ valdè egregium posteris reliquit exemplum.

67 Hi fuere fines Pyraustæ ad acervandas, conservandasque divitias; & in his congregandis semper se præstitit innocentem: imò ad heroicum misericordiæ erga pauperes aspirantem, & anhelantem.

68 Nec in eo aviditas imprudens, & vitiosa fingenda est, quæ in Avaris; nam isti sibi congregant, & conservant, nec opus dirigunt ad bonum finem; Pyrausta verò, ut declaravit eventus, ad tres fines præfatos opes suas direxit. Si quis animo nil pro se retinendi, sed animo solùm subveniendi pauperibus quibuscumque justis laboribus studeret, & procuraret comparare divitias, & pecunias sine numero, nedum non peccaret, sed summum attingeret plurimum virtutum, scilicet prudentiæ in primis, deinde charitatis, misericordiæ, atque munificentia &c.; quia hic ad finem optimum dirigeret medium prorsus indifferens ex sui natura; redditum tamen optimum ex optimo objecto, vel fine. Ex quo colligitur evidenter nullo sordido avaræ cupiditatis inquinandum esse Pyraustam ob divitias congregatas; sed potiùs ad Cælum usque laudandum, & extollendum; quia propter finem eas comparavit altissimum.

Resolvitur tertia pars quaesiti, quæ est an Pyrausta in Matrimonii heroica virtutis actus effecerit.

69 **I**N duobus congressibus habitis ab octo Theologis de heroico, ut est heroicum, nihil est tactum; & ideo ego quaesitum revera in duas partes propositum, in tres partes dissecui; fieri nam potest, ut ferè semper evenit in iis, qui communi virtute sunt virtuosii, esse actum virtutis quidem, sed non heroicum; & cum in secunda parte resolutionis meæ probaverim in Pyrausta virtutem prudentiæ; nunc heroicum ejusdem virtutis aggredior solidare.

70 Pro quo primum admonéo heroicum esse vocabulum à Gentilitate in Christianos inductum; significat verò apud Christianos virtutis gradum, perfectionem, & excellentiam, qua homo circa materiam virtutis alicujus supra communem aliorum hominum operandi modum operatur; & per hoc Deo sit similis, & apparet. In hoc conceptu heroici Scotus, Seraphicus, & Angelicus non discordant, & ferè omnes. Itaque heroicum non video præferre virtutem aliquam diversam à

Theo-

80 R ELATIO Rŕni, ET EXŕni P. MAG.

Theologicis tribus, quatuorque moralibus; atque ided quælibet earum potest attingere heroicum, dummodo gradum ſummum attingat.

71 Ad hoc heroicum ſequaces ſuos hortatus eſt Chriſtus Matth. 5. cum dixit: *Eſtote ergo vos perfecti, ſicut & Pater veſter celeſtis perfectus eſt*: & Lucæ 6. *Eſtote miſericordes, ſicut Pater veſter celeſtis miſericors eſt*. Ex his duobus locis eruitur, & heroicum dicere quandam cum Deo ſimilitudinem, & de heroico attingendo ſaltim datum eſſe à Deo conſilium.

72 Non nego apud Gentiles datam fuiſſe virtutem heroicam, ideſt aliquam ex quatuor Cardinalibus, quæ hominem ita perficeret, & adeo redderet excellentem, ut eum ſupra ceteros homines elevarer, & eum ſimilem faceret Deo, vel Diis; & de hoc teſtes ſunt Ariſtoteles, & Averroes, alique Philoſophi, qui ſuos agnoverunt heroes. At tale heroicum fuit Philoſophicum, & naturale; nunc verò in Pyrauſta noſtro eſt ſtatuendum Chriſtianum heroicum, quod eſt actio heroica Chriſtiana, & eſt hominis fidelis operatio in aliqua virtutis materia ob finem ſuper naturalem ſupra communem aliorum modum ex Divino dono, ſeu inspiratione procedens cum abnegatione ſive explicita, ſeu implicita operantis.

73 Hæc cuncta reperiuntur in noſtro Pyrauſta; nam ut Deo quàm maxime deſerviret, & complaceret, medium optimæ virtutis delegit, virginittis ſcilicet, ac caſtittis, de qua D. Ambroſius de Virginibus circa initium: *Hæc, nubes, æra, Angelos, ſyderaſque tranſgrediens, Verbum Dei in ipſo ſinu Patris invenit*. Ad caſtittatem, & virginittatem hanc communem, & reſidentem in voluntate, oportet ut præcedat dictamen prudentiæ in intellectu; nam quælibet virtus in voluntate ſupponit ſuam prudentiam in intellectu, & ex neceſſitate ſupponit, aliter virtus non eſſet; ſed per hoc ſolùm habeo in Pyrauſta prudentiam, caſtittatemque communes, atque ideo

74 Probo heroicum utriuſque; nam iſtæ duæ Pyrauſtæ virtutes attingere gradum excellentiſſimum, & adeo eminentem; ut nullus, excepto D. Joſeph, ad illum ante pervenerit; non quidem ille Joſeph Patriarcha ad Cœlum uſque laudatus ob caſtittis inſigne, quia etſi adoleſcens Dominam ſuam ad inhoneſtiſſima incitantem, & ſibi ſæpè moleſtam, conſtantia, & fortitudine in adoleſcentia ſua repulerit, ſemperque devicerit; tamen Pyrauſta noſter ſervili neceſſitate nihil obſtante duas dominas inſultantes, & ſimiliter provocantes devicit, ſtravit, eluſit; imo ipſum Diabolum fœminea forma, & fœminarum incantamenti armatum fortiſſimè proſtigavit. Conſerat quis Alexandrum, & Julium Cæſarem Dictatorem cum hoc juvene agricola, & alieno ſervitio mancipato; & quiſquis ille ſit Judex, judicabit, etiam ſi nolit, altioris gloriæ, & majoris fortitudinis incomparabiliter fuiſſe fa-

mu-

mulum hunc toties, & tam fortiter in Veneris arena vincentem, quàm illos duos, qui Martis in campo collatis signis cum pluribus, pluribusque validissimorum hostium exercitibus demersuere triumphos, & palmas; isti enim alios, & à se dissitos devicere unus Rex, alter Dux, & Dictator; ille verò servus seipsum, atque concupiscentiam hæcenus ab Adæ lapsu *demptis paucis, & parvulis*, ut ait Remigius, toto Orbe vincentem; imò ipsum Diabolum, seu Behemoth, de quo dixit Deus Job 41. *Non est super terram potestas, quæ comparetur ei, qui factus est, ut nullum timeret*, in juventute sua, & toto ævo suo longissimo vicit, pessumdedit, & habuit in ludibrio. Martinianus vix fuga, & igne, se à concupiscentiæ hoste protexit: alii nostri Heroes in sanctitate, scilicet Benedictus, Franciscus, & cæteri nullo alio aptiori telo adversus concupiscentiam dimicarunt, quàm fugiendo; at noster Pyrausta in magnis opibus, & flore adolescentia constitutus, non timuit maximas urbes incolere, in quibus ut plurimum innumera sunt irritamenta libidinum; ab Hispaniis se transtulit in novam Hispaniam, nec exhorruit magna pericula castitatis, quæ longa itinera secum ferunt. Denique velut miles factus emeritus per mille stipendia virginittatis, in senio voluit collato pede cùm tanto hoste configere, & duas duxit conjuges successivè, quas ad propositum virginittatis allexit potius, quàm attraxit; blandiebatur illis, sed ad reportandum majora lucra virtutum; assidebat, colloquebatur, & commensalis erat eisdem; sed ut illas frequenter verbo instrueret, & exemplo; & denique, ipse Vir summæ virtutis post pias preces extra thalamum in terra juxta ipsas cubabat.

75 Ex hoc postremo à me ex propositione dubii ferè ad verbum translato, miror quosdam permotos ad ambigendum an Pyrausta ante preces simul cum sua nupta in lecto cubuerit? cùm ipsum non cubuisse ex verbis allatis sit manifestum; nam prius habetur sic: eam in thalamo collocabat; & postea nullo alio interjecto. Verùm ipse virtutis vir post pias preces extra thalamum juxta illam in terra cubabat: illa adversativa [verùm ipse] demonstrat cuicumque, eum in thalamo non cubuisse, postquam sponsam in thalamo collocaverat; & ly [post pias preces] non dat intelligere pias preces in thalamo fuisse peractas; sed modificat Pyraustæ cubitum factum in terra; & sonat prius eum in terra precatum fuisse, & in terra postea cubuisse; aliter debuisset dici se, & illam in thalamo collocasse; quod si evenisset adhuc Pyraustæ castimoniam non læsisset, sed magis heroicam reddidisset, quia plus collato pede cum hoste certasset.

76 Quidquid sit de hac re, sive unus, vel alter modus cubandi dicitur, semper heroicum in Pyraustana prudentia, & castimonia demonstratur; nam semper novo genere pugnandi contra incontinentiam Pyrausta pugnavit; etenim extra thalamum cubando juxta illam cuba-

82 RELATIO Rŭſi, ET EXſiſi P. MAG.

bat; & ſic quoque proximum habuit motivum violandi factum de caſtitate propoſitum.

77 Augetur heroicum in prudentia, & caſtimonia Pyrauſtana per adverſitates, quas maximas paſſus eſt à parentibus puellarum, quæ ſibi nuſperunt; & per id ſua quoque fortitudo, & conſtantia erigitur ad heroicum; nam minis, injuriis, contumeliis impetitus, omnia æquanimiter toleravit, & reſpondendo ſemper modeſtè, promiſſis etiam conabatur feroces animos emollire; per quæ etiam patientiæ, & modeſtiæ in virtutibus demonſtravit heroicum.

78 Sed præ ceteris in caſtimonia Pyrauſtana fulget heroicum, ex fine, ob quem ad ineunda conjugia motus fuit hic bellator, & miles egregius. Ideo illa duo contraxit, ut bis, non ſemel, Sanctum Joſeph imitaretur; & per hoc Pyrauſtæ prudentia tranſit ad Chriſtianum heroicum; nam eſſo hæc prudentia pro fine immediato reſpexerit Matrimonium Mariæ cum Joſeph; tamen ad Chriſtum & Deum ultimate tetendit, cum quivis advertat ex Matrimonio illo Deiparæ Chriſtum Deum, & hominem reſultaſſe, vices Joſephi Spiritu Sancto ſupplente. Heroes alii in Chriſtiano Cælo fulgentes iniverunt quidem conjugia, in quibus caſtitalis propoſito, vel voto quoque ſe obſtrinxerunt; ſed ſolus Pyrauſta fuit ille, qui hanc ſupereminentem conditionem, adjecit; ſolus Pyrauſta cum propoſito, non cum voto ſe illigavit; & hoc, quia nihil faceſcente libertate tranſgrediendi impune propoſitum, dum non eſt tranſgreſſus, beatitudinem promiſſam Ecceſiaſtici 31. *ei, qui potuit tranſgredi, & non eſt tranſgreſſus*, ſibi fortiùs, & glorioſiùs vendicavit.

79 Elucet etiam heroicum Pyrauſtæ prudentiæ, quia non ſe inermem, ſed pluribus vallatum experimentis, in quibus advertit nunquam ſibi Divina auxilia deſuiſſe, ſe dedit tanto certamini; & rurfus, quia non adoleſcentiæ æſtu in deteriora incitante, ſed ſenili gravitate aggreſſus eſt duo conjugia, & in utroque tenaciſſimus fuit ſui ſancti propoſiti, ut comprobavit eventus.

80 Hoc opus inſigne Pyrauſtæ, fuit hominis quidem fidelis; fuit multiplex, quia in multiplici virtutum materia; fuit quoque ſupra aliorum communem operandi modum: fuit etiam ob finem ſupernaturalem, & ideò ex his quæ dixi, multa habet, quæ Chriſtianum heroicum integrant, vel conſtituunt. Sed unum, videtur deficere; & illud unum eſt, ut tale opus ſit ex Divino dono procedens, & ideò, ut hoc probem.

81 Admoneo in homine de divinis auxiliis, & donis ſibi actualiter inexiſtentibus nullam dari poſſe certitudinem, quæ ſit vel fidei, vel ſcientiæ; quo tamen nihil obſtante, poteſt de iſdem certitudo aliqua moralis haberi; & quidem ſi ſit prudentia Chriſtiana communis, hujus in Pyrauſta ſigna ſunt evidentia; nam promptè, faciliter, ac delectabiliter

ter ad finem debitum ex supernaturali motivo direxit media singularia consultando de illis, judicando, atque præcipiendo juxta legem, seu moralem scientiam; & totum patet cum executum fuisse ex propositione dubii, secundum quam resolvo difficultatem; in ea enim habetur Pyraustam à Deo fuisse præventum; & rursus dicitur fuisse amore, fide, & pietate maxima erga Deum. Cum verò contraxit conjugia de eo dicitur: (prudenter perpendens non esse bonum hominem esse solum.); per quod satis ostenditur ex motivo revelato in Sacra Scriptura, & supernaturali eum ad Matrimonia processisse. Alia quoque exprimentur ibidem, per quæ indicatur Pyraustam, semper ad Deum, & Divina auxilia respexisse; atque ideo indubium est Pyraustam ex illuminatione, supernaturali operatum fuisse; ita ut plenissime adimplevit illud Apost. ad Coloss. 3. *Omne quodcumque facitis in verbo, aut in opere, omnia in nomine Domini Jesu Christi facite*, & ecce in Pyrausta extitit prudentia Christiana.

82 Nunc in hac prudentia Christiana signa heroici sunt assignanda; hujus signa à me duo statuuntur. Primum est consulere, judicare, præcipere materiam virtutis, quæ in difficultate multum superet, excedatque communem; & ecce noster Pyrausta conjungendo cum proposito castitatis bina conjugia difficillimam, & fere intentatam ante aggressus est materiam castitatis: rursus imitatio Matrimonii D. Joseph cum Sponsa Deipara fuit finis nimis distans in altitudine, & singulari à finibus proximis aliorum hominum, qui in castitate vixerunt.

83 Alterum signum heroici, quem tradunt aliqui, est ut prudentia Christiana attingat heroicum, superetque communem, aliam promptitudinem, & facilitatem in consultando, judicando, atque præcipiendo habere non potest, quam ut statim absque longo discursu dicet quid in aliquo agendorum, sive monastico, sive æconomico, sive politico ordine sit agendum, utendo mediis efficacioribus, & potioribus; & id debet ducere ortum primò ex dono scientiæ, quo agibilia moralia certò sciuntur: secundò ex dono consilii, quo singulare, ut illis conforme dictatur, & ex Dei instinctu procedit.

84 Totum hoc probant heroicè Christi prudentiæ; hic enim cogitatu non indigebat in operatione quarumcumque virtutum; & ideo Luc. 2. habetur; *Mirabantur super prudentia, & responsis ejus*: probant iidem istud idem ex illo Matth. 10. *Nolite cogitare quomodo, aut quid loquamini*. Et denique probant evidentissimis exemplis veteris Testamenti; nam Joseph ille filius Jacob sine ulla mora interpretatus est somnia Pharaonis; & sic quoque Daniel celeriter explicavit tot obscurissima, quæ in suo libro narrantur. Omitto Moysem, Josue, Gedeonem, Sampsonem, Saullem, & David; nam etiam Balaam ethnico, dicitur Dominus occurrisse, & tali occurso ille mirabilia prophetavit.

L. 2 85 Quod

84 RELATIO Rŕmi, ET EXŕmi P. MAG.

85 Quod maximè facit ad rem præsentem; in novo Testamento aptissimum est exemplum de Beatissima Virgine, quæ, ut communiter defenditur, & tenetur, voto virginitatis adstricta contraxit Matrimonium, quod consummata non erat. Certum est eam vi humani discursus consentire non potuisse, nisi ex Dei dono scientiæ, & instinctu quoque divino ad illum consensum fuisset adducta. Sic deinde solum freti Divinis illapsibus, & auxiliis nulla prævia mora, vel studio operati sunt Apostoli, & tot agmina Martyrum, atque Sanctorum. At hic modus operandi celerrimè finè studio, humanoque labore proculdubio existimandus est in nostro Pyrausta; nam hic puer pascendis gregibus, adolescens deputatus est agriculturæ; & quomodo ovibus addictus, & terræ intellectum suum potuisset erigere ad culmen tantæ prudentiæ, ut firmè sciret non repugnare Matrimonium cum virginitatis proposito, nisi Spiritu afflante divino fuisset edoctus: imo puto eodem Spiritu illuminante, & erudiente forsan scivisse in hac conjunctione castitatis cum Matrimonio futuros quosdam, qui illam non approbarent, & idè non votum emisit, sed fecit propositum non absolutum, sed conditione restrictum; ut sic sui hostes facilius confutarentur.

86 Denique per hæc, quæ dixi, nedum in Pyrausta probatur heroicum in prudentia, sed etiam heroicum in castitate; quia quale est dictamen prudentiæ talis etiam est actus, vel habitus sequens, si tali dictamini est conformis. Quare si prudentia Pyraustana fuit heroica, castitas quoque conformata illi dictamini fuit heroica.

87 Per istud idem Christianum heroicum refellitur etiam quidquid de imprudentia, & de peccandi periculo in Pyrausta Adversarii cavillantur, nam si heroicum tunc est in virtute, cum operans aggreditur objectum in altitudine nimis distans à virtutis communis objecto, vel protinus sine ulla mora consilii ex Dei speciali instinctu ad idem tendit objectum; quomodo in Pyrausta imprudentiæ aliqua nota fingenda est ex hoc capite, quia scilicet aggressus est objectum adeò superexcellens à nullo fere, aut paucissimis ante tentatum, conjungere scilicet cum castitate conjugium? aliter si ex capite magnæ difficultatis debuisset à proposito suo desistere, tunc, quia in heroico attingendo semper maxima est difficultas, à nullo, & nunquam tentandum esset heroicum contra duo prædicata à Christo consilia: *Estote perfecti sicut &c.* & Lucæ 6. *Estote misericordes sicut &c.* Et quomodo consultationis defectu statuenda est imprudentia in Pyrausta, si heroicum, ut dixi, debet repente à Deo procedere sine ulla mora consilii?

88 Et si dicatur idè Pyraustam debuisse hoc superarduum dimittere intentatum, quia certus non erat ex aliqua revelatione divina Deum esse, qui ad tantum opus impelleret: pariter de divina illuminatione, & inspiratione erat incertus.

89 At estd multi Heroes in Sacra Scriptura narrentur impulsu à divina revelatione ad moliendum heroicum; tamen multi sunt etiam, qui solo interno Dei spiritu urgente ad heroicum se contulere; & tamen isti nulla certitudine fidei, vel scientiæ certi erant, se à Spiritu Dei fuisse permotos ad aggrediendum heroicum: æquè neutram certitudinem habuere de motione interna an esset Dei auxilium, vel diabolica instigatio; cùm prima Jo: c. 4. sic habeatur: *Nolite omni spiritui credere, sed probate spiritus, si ex Deo sint; quoniam multi pseudopropheta exierunt in Mundum*. Quo tamen nihil obstante, intrepidè heroicum sunt aggressi. Imò nec qui per revelationem externam ad heroicum sunt incitati, aliquam certitudinem, vel fidei, vel scientiæ habuerunt, qua certi essent revelationem illam esse Divinam, non verò à Diabolo fuisse confictam; ait enim Apost. 2. Cor. c. 11. *Ipse Satanas se transfiguravit in Angelum lucis; & id facit Satanas, ut postea tali larva deceptis sua mendacia pro Divinis revelationibus valeat facilis venditare*. Et revera Deo sic permittente non pauci per hujusmodi revelationes, & instigationes factas à Satana, & immisissas miserabiliter decepti sunt, & habiti in ludibrio.

90 Inter innumera, exemplum magnum est illud Polycronii Sacerdotis, & Monachi Monothelitæ, qui suam dementiam clarè nimis aperuit in Synodo Sexta; cùm enim Dæmon ei per ostenta falsissima illustrasset, tentavit mortuum facere redivivum ad veritatem sectæ suæ firmandam. Cùm ventum esset ad opus coram magno populo, & multis Patribus Sancti Concilii, in aures cadaveris quandam chartam immisit, & in ejusdem insusurravit pluries pluriesque; sed tandem fassus est à se mortuum excitari non posse; & sic ex mirabili Heroe reddidit se ridiculum.

91 Inde fit, ut objectum, finis, & circumstantiæ actus sint illa, quæ valeant moralem tantum petere certitudinem de vero, atque sincero revelationum Dei, & divinorum auxiliorum. His adduntur securitas, perturbationum absentia, dulcedo quædam, hilaritas ingens, & inopina; & tandem feliciter secutus eventus; & ultimum hoc, quod certissimum est in Pyrausta demonstrat priora, & similia alia in suo aggressu non defuisse. Nescio me argumenta plurima omisisse, non neglexisse, quia illa latius, & nimis disertè promovit Autor exhibitum mihi libelli; quædam etiam addiderunt Patres octo Facultatis Parisiensis Theologi. Hæc, & illa approbo, veneror, & admiror.

Sic resolvebam

*Fr. Nicolaus Buico de Spinazzola stans pro Scoti Doctrina,
& in Universitate Patavina Theologus primarius.*

CEN-

CENSORIA RELATIO

Reverendissimi, & Excellentissimi Domini

D. MICHAELIS VERII

Theolog. Doct., & Publici Philosophiæ Professoris.

Quantum interfit Sacræ hujus Academiæ Patavinæ bonum, ac prudens in Causa Pyraustana judicium, Reverendissimi, atque Excellentissimi Patres, illud, opinor, satis prodit, ac manifestat, quod cum doctissimis, gravissimisque totius Orbis Theologis, Parisiensibus scilicet, ac Salmantinis Judiciorum æmulatio suscipiatur.

2 Verum quamvis hoc argumentum summam à nobis attentionem efflagitet, illud tamen præsertim urget, atque sollicitat, quod duo præstantissima Collegii nostri ornamenta in discrimen vocantur, Ingenii in circumspectiendi sagacitas; & in deliberando, ac judicando, virtutis, ac morum, quæ boni Viri partes sunt, decor, atque honestas.

3 Enim verò, quod præsertim spectat ad honestatem, quæ caput est cum Religioni, ac Sacræ Facultati nos omnes nomen dederimus, illud maxime curandum esse videtur, ut ex Judiciis nostris germanæ, probatæque Theologiæ sensus, & sanctiores animi mores resfulgeant: ne forte dum Pyraustæ prudentiam ad examen traducimus, nos imprudenter, ne dicam impudenter egisse videamur.

4 Sed cum duo sint, quæ à nobis in causa Pyraustana postulantur; alterum: Utrum duo Pyraustæ Connubia, cum proposito, ac protestatione servandæ in Matrimonio virginitatis successivè suscepta, valida fuerint; alterum: Utrum fuerint virtutis heroicæ ornamentis decorata; Connubiorum validitas adeò perspicua est, ut de illa nec disputandum, nec dubitandum quidem esse videatur. Cum enim Matrimonialis consensus, aut cohabitationem, & individuum vitæ societatem respiciat; quod est bonum Sacramenti, significans unionem Christi cum Ecclesia; aut carnalem coniunctionem, & prolis susceptionem, quæ ex D. Thoma in suppl. qu. 42. art. 4. in corp. non est, nisi de secundaria, seu extrinseca, & accidentali integritate Sacramenti, ut explicant doctissimi Salmanticenses in suo cursu Theologico, aliique communiter Sancti Doctoris Interpretes; omnes utriusque Theologiæ, tum etiam

etiam Sacrorum Canonum Professores primum illum consensum ad Matrimonii validitatem sufficere docent; dummodo pactum nullum præcesserit, quod jus connubiale, seu mutuam in corpora potestatem, ad Matrimonii rationem necessariò requisitam, violaverit, atque sustulerit; Nullum autem pactum, data fide firmatum in hisce connubiis intercessisse, ac præcessisse, ex vita Pyraustæ, & ipsa Facti Mirabilis narratione apertissimè constat. Licet enim Doctores Parisienses propositum Pyraustæ expresserint nomine protestationis; hac tamen voce simplex propositum, & voluntatis conditionatæ significationem intellexerunt; ut contextus ipse verborum satis prodit: & ipsa facti narratio, ac vitæ historia, itemque Salmanticensis Universitatis expressio clariùs manifestat. Protestatio ergo non fuit Forensis; quæ sonat: *nec aliter, nec alio modo*; sed communis, & communiter ulurpari solita, quæ idem sonat, ac significatio, & propositum animi, seu significatio propositi, servandæ in conjugio virginitatis; eaque conditionata, *si possibile foret*. Dictitaverat enim Vir iustus, & sanctus, quærere se sociam, cum qua, *si possibile foret*, vivere sibi liceret in casto, & virginali connubio, ad instar S. Patriarchæ Joseph cum Sanctissima Sponsa Virgine Deipara: quarum connubium tanquam exemplar Sanctissimum sibi ad imitandum elegerat, ac proposuerat. Atque fama hæc ita per vicos, & omnes vicinos propositum Pyraustæ evulgaverat, ut nullus finitimorum, qualem sponfam hic quæreret, ignoraret. Quod si omnes etiam, quorum non intererat, id resciverunt, quanto magis puellæ in sponfas eligendæ, quarum maxime intererat, id agnovisse debuerunt? Præsertim cum ex facti mirabilis instructione, omnibus nobis oblata, notissimum sit, puellarum Parentes, scientes Pyraustæ propositum, filias suas in conjuges ei tradidisse, tantum ut sua protectione fulciret, & à periculis mundi, atque pudoris jactura, ob pauperiem, illas eriperet. Huic rationi momentum addit planè firmissimum, quod Vir ille castissimus, ut ibidem subditur, in sponfas accepit puellas ea lege, ut earum subveniret indigentia, & patrocineretur pudori; seque, & rem suam familiarem sponсарum suarum cura muniret. Hæc, quæ accepimus, placuit hoc loco adnotare, ut pateat, quantum recedant à veritate, & à fide narrationis, qui dicunt Puellas nescivisse Pyraustæ propositum, & in hisce connubiis aut intervenisse pactum antecedens, Matrimonii dissolutivum; aut consequens quidem, sed deceptorium, & fraudulentum: quod sponfas suas, in spem copulæ nuptas, Pyrausta verborum lenociniis, ac delinimentis ad propositum virginitatis traduxerit, & dolo malo, atque astu deceiverit. Sed ne qua super sit ratio de validitate hujusmodi nuptiarum umquam ampliùs dubitandi; dabimus hoc loco fundamentum ineluctabile, atque universale, undè pacta de castitate, & virginitate in Matrimonio servanda possint nullo negotio diju-

dijudicari : sive illud antecedat , sive consequantur . Enim verò duo sunt , quę in Matrimonii celebratione inveniuntur ; connubile jus , seu reciproca potestas in corpora contrahentium ; & usus hujusmodi juris , seu potestatis . Quod igitur ad jus , ac reciprocam potestatem attinet , omne pactum inter conjuges , de non transferenda corporum potestate , destruit validitatem , & Matrimonio fatale est , sive nuptias præcedat , sive subsequatur . Subtrahit enim ejusmodi pactum ab hoc sacramento materiam , & formam , sinè quibus sacramentum constare omnino non potest . Nam omissis variis Theologorum super hac controversia sententiis , probabilissima omnium videtur illa , quę asserit , materiam remotam connubiorum esse corpora ipsorum contrahentium ; proximam verò eorundem corporum reciprocam traditionem , verbis , seu nutibus , internum animi consensum exprimentibus , factam : formam item mutuat , ac reciprocam eorundemmet corporum acceptionem , à contrahentibus similiter interpositam * . Quod autem spectat ad usum jam oblata , atque acceptata in corpora potestatis ; cùm uterque conjugum juri suo , per Matrimonium quæsito , renunciare possit ; sicuti in reliquis contractibus , per se loquendo , compertum est , pactum de castitate , seu virginitate in Matrimonio servanda , sive antecedat , sive sequatur , Matrimonio innocuum esse , & cum fœdere nuptiarum componi posse certum est .

5 Transéamus jam ad alterum controversiæ caput : ubi supposita connubiorum substantia , de illorum qualitate , ac perfectione differitur : in quo potissimum controversiæ pondus collocatum est ** . Licet enim hujus Servi Dei vita , sanctissimè peracta , & mortui plurimi ad vitam revocati , quod summum esse solet inclytæ sanctitatis testimonium , de qua re Sanctæ Sedis Apostolicæ Decretum præstolatur , nos post Doctores Parisienses , ac Salmantinos , in partem affirmantem non inclinent modo , sed etiam impellant ; non desunt tamen è nostris Viri præstantes , qui de illa non solum dubitant , sed contrariam etiam sententiam , & amplectuntur ipsi , & nobis , ut amplectamur , suadere conantur .

6 Igitur quoniam opinionem hanc neque in seipsa veram esse , neque Academiæ nostræ satis decoram puto ; quæ muneris mei partes sunt , apertè , atque ingenue executurus , utrumque Pyraustæ Matrimonium heroicis connubiis annumerandum esse , ea majori , qua potero , brevitate , & contrariæ partis observantia , confirmare conabor .

7 Ordo autem resolutionis hujusce casus hic erit . Primò geminam ejus expressionem , sive acceptionem præmittemus : ne ulla evasio

Ad-

* *Isambertus disp. 4. de Matrim. Ludovicus Abelly c. 8. de Matrim. scđ. 1. cui favet D. Thom. in suppl. q. 45. art. 2. in corp.*

** *Vita Ven. Servi Dei cap. 10. n. 86.*

Adversariis nostris concedatur ; sed via quævis rationes nostras declinandi, & subterfugendi præoccupetur . Deinde casum, secundum omnem ejus faciem, perpendemus ; & quocumque modo acceptus fuerit , ostendemus, Pyraustani prudentissimè se gessisse : & actus heroicæ virtutis exercuisse . Tandem adversæ partis argumenta in medium proferemus , ac diluemus : licet , quod ad hoc tertium attinet , nobis cum ipsis iniquo Marte sit congregiendum . Cum enim nos summa animi sinceritate , & solius veritatis detegendæ studio semper egerimus , liberè rationes omnes nostras ipsis communicavimus , & coram non semel protulimus : quod non ita ab illis factum est, qui unam tantummodo, aut alteram rationem protulerunt, quam nos etiam inter referendum firmissima responsione excepimus : ceteras dissimularunt .

8 Sed ad primum veniamus . Prima igitur casus expositio , qua , ut conjicimus, utuntur Adversarii , hujusmodi est .

Prima Pyraustani casus expositio, seu acceptio.

9 Cum Pyrausta, à primis usque adolescentiæ suæ annis, concepisset propositum virginitatis ; quod ad sexagenariam ætatem intemeratum, illibaturnque servavit, voluit ea ætate Matrimonium contrahere ; & virgo cum virgine sponfa convivere . Quæritur , utrum contrahendo rectè se gesserit .

Secunda expositio, seu acceptio ejusdem Casus.

10 Cum Pyrausta duas successivè duxerit puellas in uxores ; pauperes quidem, sed virtute præditas, cum proposito, & significatione, seu protestatione servandæ in Matrimonio virginitatis, si Deo placeret ; ad exemplum purissimi Matrimonii Sanctissimæ Virginis Deiparæ, & Sancti Joseph Patriarchæ ; de facto autem in Matrimonio servaverit virginitatem : Quæritur utrum validè contraxerit, & virtutis heroicæ actus ediderit .

11 Hæc secunda potius, quàm prima est sincera, ac germana contentiosi casus expositio . Sed Adversarii , ut audio, primam libentius accipiunt ; ut rationibus suis hunc in modum inserviant .

12 Nunc procedamus ad controversiæ decisionem . De validitate satis diximus supra .

Resolutio quæstionis juxta primam acceptionem .

13 **P**utant Adversarii disputationem suam feliciorem exitum habituram, si ex proposito virginitatis, simpliciter consideratæ, desumerent argumentum, ad damnandum propositum virginitatis in Matrimonio : cum hoc virginitati fatale esse videatur ; atque adedò ad servandam virginitatem assumi ut medium non debuerit .

14 Sed respondetur, Matrimonium à Pyrausta assumptum non

M

fuit

fuisse, ut custodiret virginitatem simpliciter : nam sic innuptus permanisset, sed ut ad gradum perfectiorem, atque ad altiorem statum virginitatem suam promoveret . Quemadmodum enim virginitas connubialis magis ardua, ac difficilis est, quam virginitas solitaria ; ita laudabilior multo est, atque præstantior : ratione cujus arduitatis in censu virtutum heroicarum poni debet ; ut infra ostendemus . Protheoria, seu principium fundamentale hujus doctrinæ ex Propheta regio defumptum est . Ait enim in Psalmis de iustis hominibus, & fidelibus Dei *ſervis : lbunt de virtute in virtutem : videbitur Deus Deorum in Sion.* Tandiu enim crescimus in perfectione virtutum, quamdiu procedente charitate, in spe vivimus, ut Deum Deorum in Sion, hoc est in patria tandem videamus ,

15 Ne verò Adversarii respondeant, doctrinam veram esse ; sed non esse ad rem nostram, applicabimus illam factis, atque illustribus historiis Pyraustæ . * Nam, ut habemus in vita ejus, circa annum ætatis suæ 20. & in sequentes, Tyrocinia veluti posuit virginitati suæ, reiectis plurium foeminarum amplexibus, cujuscumque conditionis, spectatque pulchritudinis, Dæmonem deinde repulit, in specie venustissimæ virginis, sibi Veneris stimulos subdentem, & pronuba flamma sollicitantem . Sed cū pluries præsentissima divinæ gratiæ auxilia ad triumphandum expertus esset ; vocatus à Domino ad difficiliora certamina, factum est, ut ejus sanctissima gratia præventus ad virginitatem in Matrimonio servandam, quod summè heroicum est, sese contulerit .

16 Præterea dissolutum adversæ partis argumentum falso nititur fundamento ; nempe Matrimonium virginitati sociari, & cū ea componi non posse . Hoc enim quā falsum sit, declarat connubium virgineum Sanctissimæ Deiparæ cum Sancto Joseph, & alia plura connubia, ad hujus imitationem inita à Sanctis Viris ; ut ex Historiæ Ecclesiasticæ monumentis infra referemus . Nullo ergo modo tueri possunt argumentum suum, nisi contra Theologos, Canonistas, & Sanctos Patres Matrimonium Sanctissimæ Virginis cum S. Joseph à Matrimonii ratione demoliantur ; & contra Historiæ Ecclesiasticæ fidem, & Ecclesiæ Romanæ disciplinam, alia virginea sanctorum connubia, quæ neque pauca, neque obscura sunt, sed Christiano Orbi notissima, à veri Matrimonii essentia, atque substantia deturbent ; Igitur Matrimonium est aptissimum medium ad promovendam ad statum heroicum virginitatem .

17 Dicent fortassis, inspiratos cœlitus Dei servos Matrimonia illa contraxisse : Aut historiam recentibus notis obscurare tentabunt .

18 Sed

* Сеп. 1. нит. 16.

18 Sed quem tandem Pyraustam esse putant? Flocci videlicet; naucique hominem; rusticum aratorem, truncis suis, stipitibusque per-similem; Divinæ lucis, ac supernarum illustrationum incapacem: cu-jus vita ipsis, per summum nefas, pecudis videtur esse, non hominis. At legant attentius, qui tam nefaria obtrudunt, admirabilem purissi-mi hujus, atque illuminatissimi Servi Dei vitam, ac mores: sciantque tandem non agricolam ampliùs, non hospitem, aut advenam esse; sed, ut ait Apostolus ad Ephesios 2. Civem Sanctorum, & domesticum Dei; prodigiosum etiam tot mirabilium patratores, ut miracula plusquam tercenta *, cùm adhuc esset in vivis; innumera verò post n-ortem sic gloriosissimè operatus. Certè quæ in funere ejus acciderunt tam mi-ra, tam insolita, tam multiplicia fuere, ut me specimen aliquod eorum huc asferre ex cap. Vitæ 22. conantem, numerus, raritas, pulchritudo, delitiz, suavitas tanto stupore, tantaque dulcedine repleverint, ut quid potissimum ex illo paradiso voluptatis seligerem, anceps, ac dubius hæserim; & ne omnia referrem, quæ pulcherrima, ac jucundissima sunt, prætermittere debuerim universa. Cæterum hæc sub sola histo-riæ fide à nobis proponuntur, solum post Sanctæ Sedis Apostolicæ de-cretum infallibilia futura.

19 Si ergo Sancti Dei homines cælitus illuminati fuere ad virginea Matrimonia ineunda; & apud ipsos conciliari cum virginitate connu-bia, adspirante Dei gratia, potuerunt; quid est, quod admirabilem Dei Servum, tot gratis, tot beneficiis, tot mirabilibus ornatum ne dicam, an oneratum, ad similia connubia contrahenda cælesti illustra-tione, & gratiæ prævenientis, atque adjuvantis impulsu privare, aut viduare potuerit? Perennes illustrationum Divinarum radii ab Sole in-creato, atque indeficiente Deo optimo maximo in universum Orbem sparguntur: neque ulli deest lux illa præsentissima, nisi mentibus eo-rum, qui piaculis suis fores clausierint, & Soli illuminanti obicem po-suerint.

20 Quod si, ad alterum responsionis suæ caput confirmandum an-tiquam historiæ fidem novis observatiunculis obscurare tentabant, ut virginea insectentur Matrimonia Sanctorum; antea pacato animo me-ditentur, quàm viris Theologis indecorum sit, virginea Matrimonia cri-minari, & in Sanctos injuriosa conquirere. Præterquam quod historiæ fides, non homini debetur recens nato, sed illustribus illis Scriptoribus, qui ævo illi proximi fuerunt, in quo res, & acta memorabilia contingere.

Sed veniamus ad secundam, ac principem controversiæ acceptio-nem.

M 2

Re-

* *Extat ejus Vita cum Miraculis, & portentis impressa Roma Typis Cam. Apostolica. 1696. in 4.*

Resolutio quaestionis juxta secundam expositionem.

21 **J**Am ventum est ad secundam, hoc est, ad veram, & propriam causæ Pyraustianæ expressionem.

22 Ut autem partem istam distinctè, atque ordinate disponamus, statuta assertione, Protheorias quasdam, seu principia fundamentalia stabiliemus: demum ad eam confirmandam plurima argumenta subijciemus.

A S S E R T I O.

23 Virginea Pyrausta Connubia, ad Mariani Matrimonii Sanctissimum exemplar instituta, atque exacta, prudentissime fuisse suscepta; & heroicis actionibus accensenda sunt, atque annumeranda.

Protheoria, seu Principia fundamentalia.

24 **U**T ergo radices, & veluti primos fontes sancitæ assertionis ostendamus, quædam de virtute heroica, de Prudentia, & de Auxiliis divinæ gratiæ, primoribus, ut dicitur, labiis, attingere oportet.

25 Prima Protheoria. Quid, & quotuplex sit virtus heroica.

26 Virtus igitur heroica est habitus generalis, complectens, quod summum est in omni virtute: & tantum, ac tale humanæ rationis supra passionem prædominium causat in omni materia; ut nullum objectum vim habeat, aut facultatem, ad Heroem deturbandum ab eo, quod à recta ratione sancitum fuerit. Hinc est, ut virtus heroica divina potius esse, quàm humana videatur. Actiones igitur, atque opera ejus insigni nomine heroica dicuntur. Et sanè, spectata hujus vocabuli derivatione, omnino congruenter. Heroes enim Veteribus dicti sunt, qui mortales cùm essent, rerum tamen à se gestarum magnitudine, quàm proximè ad Deos immortales accedere videbantur: eamque apud homines virtutis opinionem meruerunt, ut post mortem in Deorum Album crederentur relati. Hinc antiquitas fabulata est, Heroes Semideos esse; altero parente Deo; altero mortali prognatos. Unde est, ut Heros ab Antiquis definiretur: Qui neque homo est, neque Deus, sed simul utrumque.

27 Porro virtutis heroicæ fundamentum attigit Aristoteles lib. 7. Moralium Nichomachiorum, cap. 1. illudque clariùs aperuit D. Thomas in Commentariis ad eum locum. Nam considerandum est, inquit, quod Anima humana media est inter Superiores, seu divinas substantias,

tias, quibus communicat per intellectum; & animalia bruta, quibus communicat in sensitivis potentiis. Sicut ergo affectiones sensitivæ partis aliquando in homine tam depravatè corrumpuntur, ut homo ipse bestiarum similitudinem referat; quod vitium dicitur Bestialitas: ita etiam pars rationalis quandoque in homine tam altè, insigniterque perficitur, ut homo ipse substantias separatas, seu Angelos emuletur: quæ virtus à Philosophis, ac Theologis Heroica, ac Divina, seu plusquam humana appellatur. Ita substantialiter D. Thomas. Cùm ergo Pyrausta ita fuerit suis connubiis delectatus, non ut, belluarum more, nihil quidquam, præter coitum cogitaverit, sed ut purissimus Angelus cum Sponsis se gesserit, ac fuerit conversatus; quis heroicam, & plusquam humanam virtutem in ejus connubiis non recognoscit? Aut quis levibus observatiunculis prudentiam ejus, atque Angelicam Virginitatem vellicare non erubescat; & non potiùs utramque ut divinam suspiciat, atque admiretur? Dicant nunc, Adversarii, num hæc ipsis ad Pyraustanam causam facere videantur.

18 Hæc autem præstantissima virtus, seu complexio excellens virtutum omnium, duplex est. Acquisita, & Infusa; seu Naturalis ordinis, & Supernaturalis. Illa sibi propositum habet objectum, seu finem naturalem, per media inferioris ordinis obtinendum: ista verò objectum, seu finem supernaturalem, per media item supernaturalia, seu per auxilia divinæ gratiæ acquirendum. Demus exemplum utriusque in castitate maritali.

29 Primum exemplum heroicæ castitatis maritalis. Matrona nobilis, nupta, speciosissimæ formæ, sollicitatur ab Amasio, viro principe modis omnibus: primum omni genere bellariorum, & cupediarum, quæ sunt gulæ irritamenta: secundò omni genere donariorum, quæ ad vestiendi luxum, ac superbiam vitæ pertinent, omniq; genere pretiosarum suppellectilium; tertio magna vi auri, & argenti; ex quibus, avaris adoratoribus idolum conflatur &c. Sed castissima mulier omnia recusat, omniaque remittit ad Donatorem, ne datam fidem Marito frangat, & ne illegitimam prolem in domum ejus inducat. Hujusmodi maritalis castitas est virtus heroica ordinis naturalis. Hanc non habuit Pyrausta de factis; neque de ista disputatur. Habuit tamen in præparatione animi. Quoniam cùm tanquam campestris æconomus formosissimæ, ac ditissimæ Viduæ, quæ eum deperibat, inferviret in flore ætatis suæ, possetque consentiens incitamentis ejus, reddiditum ipsius omnium arbitrer fieri, non solum eam non audit, sed ante annum ab ejus servitio se subtrahens, satis ostendit, nihil esse tam pretiosum, cujus gratia à proposito virginitatis descisceret; multò etiam minus id facturum, si fuisset uxoratus, & in finem Matrimonii naturalem intentus.

94 CENS. RELAT. RŌIS, ET EXŌII DŌC.

30 Secundum exemplum heroicæ castitatis maritalis, & quidem ordinis supernaturalis, ab iis omnibus desumi potest, qui in Matrimonio non prolem, non concupiscentiæ remedium, non alium finem naturalem expetiverunt; sed decretam communi consensu virginittis custodiam in finem altiore, ac supernaturalem ordinarunt. Hujusmodi porro sunt omnia connubia virginea, ad facilius vacandum orationi directæ; & ad mutuum adjutorium sibi præstandum, in ordine ad vitam æternam comparandam, ordinata. Unde est, ut jure gloriaretur Pyrausta noster, quod geminam Columbam lacte candidiorem, Cœlo educasset; & duobus veluti puritatis Angelis, duabus videlicet suis sponsis, cœtum Angelorum auxisset.

31 Secunda Protheoria, Quid, & quotuplex sit prudentia.

32 Non eadem prudentiâ regitur virtus heroica naturalis, & supernaturalis. Propterea de prudentia quædam breviter prælibanda sunt: ut liquidò pateat, quænam sit utriusque mensura; & per quam prudentiam connubia Pyraustæ dirigi, ordinarique debuerint.

33 Prudentia igitur, ut omnes norunt, est recta ratio agibilem, seu oculus mentis. Duplici autem lumine mentis oculus præditus esse potest, lumine naturæ, & lumine gratiæ. Hinc aptè dividitur à Theologis, nominatim à D. Thoma 1. 2. q. 63. art. 3. & 4. in acquisitam, & infusam: vel secundum Scotum in 3. sent. dist. 36. q. 1. in communem, & extraordinariam, seu elevatam à charitate, & ab ipsa imperatam. Acquisita determinat medium rationis in materia morali, in ordine ad finem naturalem: & regit hominem, ut est civis mundi hujus. Infra verò determinat, & ordinat bonum honestum in finem supernaturalem: & regit homines, ut sunt *Cives Sanctorum, & domestici Dei*. Non est otiosa præsens Protheoria: sed ordinatur ad dirigendum partis adversæ fundamentum: quod scilicet Matrimonium non sit aptum medium ad servandum propositum virginittatis. In hoc enim negotio non prudentia ordinis naturalis, & acquisita, sed ordinis supernaturalis, & infusa superiada est; quæ promovit virginittatem ejus ad gradum perfectiorem.

34 Videamus nunc, quænam Matrimonia regantur per prudentiam acquisitam; & quænam per prudentiam infusam. Qui enim ducit Uxorem, potest Matrimonium ad duplicem finem ordinare: primò ad finem naturalem; secundò ad finem supernaturalem. Finis naturalis est carnalis copula, concupiscentiæ remedium, proles, & familiæ propagatio. Finis autem supernaturalis est, vitam in duplici sexu castè, atque illibatè traducere, eo fine ulteriori, ut alter conjugum alterum juvet, non ad traducendam modo vitam temporalem; sed etiam, ac potissimum ad consequendam, quod caput est, vitam æternam. In hoc autem posterioři plura, & multò majora bona refulgent, quàm

in priori; nempe *Typus Virgineus unionis Christi cum Ecclesia: Amor Charitatis, non concupiscentiæ: Gratia Sacramenti; non cor tantum, sed etiam carnem sanctificans: Unio, non corporum, sed quæ multò præstantior est, animorum. Item ad illibata corpora, Christo Domino custodienda, reciproca fides: ad orationi vacandum status expeditior: præsertim verò ad Sanctissimam Mariani Matrimonii imitationem, & cultum propagandum Angelicus modus: quod Virgineum exemplar Pyrausta noster non solum Sanctissime est imitatus; sed etiam ut alii imitarentur, religiosissime est sæpius adortus. Matrimonia priora reguntur per prudentiam acquisitam, cum ambo sint ordinis naturalis. At hæc posteriora, quæ finem supernaturalem respiciunt, non reguntur per prudentiam acquisitam, seu communem, quæ infra sanctos istiusmodi fines longo jacet intervallo; sed per prudentiam Thomisticam Insulam; seu Scotisticam Acquisitam, at à charitate elevatam, atque imperatam: quæ in re nostra idem fundamentum impertiunt; & ad stabiliendam assertionem sancitam mirè conveniunt. Transeat igitur, quod secundum prudentiam Acquisitam, & communem Matrimonium non sit aptum medium ad servandam, & promovendam ad statum heroicum virginitatem: est tamen huiusmodi secundum prudentiam Insulam, seu Acquisitam, & à charitate imperatam, per quam Pyraustæ actiones, ac determinationes dirigebantur; & quæ de virtute in virtutem, & multò magis de gradu in gradum nos promovet.*

35 Tertia Protheoria est de Auxiliis Divinæ gratiæ. Videtur enim, quod negans opinio, vel præsentissima nobis Divinæ gratiæ auxilia non admittat; vel iustis volentibus, & conantibus non adesse, arbitretur. Hoc autem quàm proximè accedit ad propositionem illam Jansenianam, quæ cum cæteris ejus auctoris Vaticano fulmine afflata fuit. *Aliqua Dei præcepta [quantò autem magis, ut ego opinor, consilia?] hominibus iustis volentibus, & conantibus secundum præsentem, quas habent, vires esse impossibilia: deesse quoque illis gratiam, qua possibilia fiant.* Inde enim sic argumentor: Aut Pyraustæ volenti, & conanti, secundum præsentem, quas habebat, vires, ad servandam in Matrimonio virginitatem, aderat gratia, qua hoc opus arduum, ac difficile, eidem facile redderetur: aut non aderat. Si aderat gratia; ubi est impossibilitas illa, ad tantum consilium adimplendum, cui tamquam fundamento summam Pyraustæ imprudentiam superædificat? Quid difficile Deo est, per suam gratiam agenti? *Quis enim, inquit Apostolus, potest resistere voluntati ejus?* Si verò dicant, iusto illi, volenti, & conanti, secundum præsentem, quas habebat, vires, defuisse gratiam, qua opus bonum intentum possibile, ac facile redderetur, en temere assertam propositionem Jansenianam, à quæ nobis velis, remisque fugiendum est.

96 CENS. RELAT. Rñi, et Exñi Doc.

36 Sed progrediamur longius. Hominem iustum Deus gratia sua prævenit: gratia sua adjuvat, & gratiæ suæ cooperantis beneficio impedimenta removet, dum opus perficit. Hæc est D. Pauli sententia, dicentis: *Nihil possumus ex nobis quasi ex nobis: sed sufficientia nostra ex Deo est.* Item: *Deus est, qui operatur in nobis, velle, & perficere;* Imò est sententia Christi Domini, Jo: 15. *Quia sine me nihil potestis facere.* Et D. Augustinus de Gratia, & libero arbitrio acutè, subtiliterque omnia complect; & paucis verbis ea, quæ posuimus, confirmat: *Cooperando, inquit, perficit Deus, quod operando capit; quia ipse; ut velimus, operatur incipiens, qui volentibus cooperatur perficiens.* Quoniam igitur per gratiam suam cooperantem Deus perficit opus; nequit autem perficere, nisi impedimenta removendo, impedimentorum remotio à Divina Gratia ortum habet. Idem dicit Divus Thomas in Epist. ad Hebræos; ceterique cum ipso Theologi.

37 Hinc ruit opinio illa, quòd si Pyraustæ uxores diutius vixissent; & ad grandiore pervenissent ætatem, quando tenerum jam pronuba flamma pudorem sollicitat, crepundia, quibus ludebant deposuissent, & Matrimonii usum depoposissent: quod si factum non est; ex accidente fuit; quia morte in teneriore ætate præventæ sunt. Sed falluntur; nam ex accidente non fuit; sed ex Divinæ Gratia cooperatione. Discant ergo Adversarii, homines pro Dei gloria operantes, & in arduis, ac difficilibus rebus constitutos; frui præsentissima Divinæ gratiæ assistentia, quæ implicata explicat, inaccessa complanat, impeditura submovet, & suavi providentia omnia adversantia è medio tollit. *Scimus enim, ut ait Apostolus ad Romanos 8. v. 28. quoniam diligentibus Deum omnia cooperantur in bonum, iis, qui secundum propositum vocati sunt Sancti.* Mors igitur Sponsarum Pyraustæ, quam in casum, fortunamque reducunt, ab occultis Divinæ Gratia viribus, atque auxiliis orta est. Scilicet, summo earum bono, raptæ sunt; ne malitia mutaret intellectum illarum; sed cum beatitudine laureolam virginitatis adipiscerentur. Miror quemquam dari posse Theologum, qui hanc in rebus arduis Divinæ Gratia assistentis præsentiam nondum fuerit assecutus; & effectus, à Gratia Dei cooperante, & impediencia removente, subortos subtrahat gratiæ, & casui, fortunæque concedat.

Positis principiis fundamentalibus, assertio confirmanda est.

Assertionis Probationes.

38 **P**rimum argumentum ab auctoritate Scripturæ desumitur ex lib. Tobia cap. 6. ubi Angelus Rafael præscripsit Tobia, & Saræ primum junctis in Matrimonium, ut tribus diebus, & noctibus oran-

orantes se à copula continerent. Et sicuti ob incontinentiam Asmodeus prima nocte nuptiarum septem Saræ viros occidit, quoniam irruerat in copulam, *tamquam equus, & mulus quibus non est intellectus*: ita ob continentiam Tobix, Dominus in deserto Asmodæum ligari iussit; & præter vitæ incolumitatem, pluribus aliis donis Tobiam cumulavit.

39 Igitur in Matrimonio multò melior est, & Deo multò carior continentia, quàm concupiscentia.

40 Atqui prudentia dicat, ut id majore animi propensione perfectumur, quod melius est, & Deo carius.

41 Igitur Pyrausta prudentissimè egit, virginalem in Matrimonii continentiam quærendo, non copulam: atque adeò injuria damnant Adversarii Pyraustam, tamquam imprudentissimum hominem.

42 Confirmatur. Nam si tam grata Deo fuit in veteri lege connubialis continentia, quanto magis esse debet in lege nova ipsa virginitas, quæ post Messix adventum; post genus humanum numerosissimè propagatum; & post virgineum Sanctissimæ Deiparæ, & S. Joseph connubium, in exemplar propositum, tanto præstantior est, atque diviniore?

43 Alter Scripturæ locus habetur ex D. Paulo, *Epist. 1. ad Cor. cap. 7.* ubi si Apostolus in cordibus eorum nactus fuisset terram bonam, in quam prædicationis semen projiceret, tam altè pro Virgineo Matrimonio declamasset, quàm fortiter pro connubiali continentia, perorat. Dixit tamen quantum fat est ad probandum, continentiam in Matrimonio esse carnali commixtione meliorem. Nam v. 5. *Scum Conjugatis dixisset: Nolite fraudare invicem, nisi forè ex consensu ad tempus, ut vacetis orationi, & item revertimini in idipsum; ne tenet vos Satanas, propter incontinentiam vestram; statim, ne Corinthii putarent, conjugalem copulam sibi fuisse præceptam, & esse in Matrimonio necessariam, subdit v. 6. Hoc autem dico secundum indulgentiam* [hoc est, veniam] *non secundum imperium.*

44 Ergo inde constat, carualem commixtionem non esse in Matrimonio præceptam; imò præstantiorem, atque optabiliorem esse, maritalem continentiam, ac virginitatem.

45 Item, ne è converso Corinthii crederent, sibi datum in Matrimonio præceptum continendi, subdit, id se dixisse, non ad præceptum inducendum, unde propter suam ipsorum concupiscentiam mæchantes &c. in laqueum diaboli traducerentur; sed ad significandam ejus vitæ; scilicet continentis, & virginalis, majorem utilitatem, majorem honestatem, & majorem facultatem sine impedimento vacandi orationi. Ait enim: *Porro hoc ad utilitatem vestram dico, non ut laqueum vobis injiciam: sed ad id quod honestum est: & quod facultatem præbeat, sine impedimento Dominum obsecrandi.*

98 CENS. RELAT. Rm̃i, ET EXm̃i DOC.

46 Ergo ab Apostolo utilior, felicior, ac beator reputabatur in Matrimonio custodia continentia, ac virginitatis, quàm usus concupiscentia, seu commixtio carnalis.

47 Atqui id, quod melius est, prudentissimè illi antefertur, quod est deterius. Igitur Pyrausta, servans in Matrimonio continentiam, ac virginitatem, prudentissimè est operatus.

48 Hæc est D. Pauli doctrina: & licet apertius loquatur de virginitate extra Matrimonium, quàm in Matrimonio; tamen rationes, quas adducit, desumptas ab utilitate, oratione, honestate, majorique Dei complacentia, in utroque statu Virginitatem commendat: & non minus probant de virginitate in Matrimonio, quàm extra ipsum. *Unusquisque enim*, inquit v. 7. *proprium donum habet ex Deo: alius quidem sic, alius verò sic*. Et alius movetur Dei gratia ad virginitatem solitariam, alius autem ad virginitatem maritalem.

49 Ex hoc ultimo Apostoli loco docemur, virginitatis custodiam esse donum Dei, non opus propriæ voluntatis, aut liberi arbitrii. Nam postrema hæc loci hujus interpretatio, quæ habetur in libro de castitate tom. 5. Bibliothecæ SS. PP. Pelagiana est. Liber enim ille, falsò adscriptus Syſto III. Pontifici, prodiit ex officina Pelagianorum: * ut adnotarunt Interpretes. Videant igitur adversæ partis Assertores, ne in Pelagianorum errorem incidunt, dum nullum donum gratiæ datum Pyraustæ pro custodia connubialis virginitatis admittunt: sed omnia agi viribus liberi arbitrii supponentes, Pyraustam imprudentiæ, ac temeritatis criminantur. Nam si ei præfens fuisset donum, gratiæ putarent, inconsequenter deinde Pyraustam invaderent, & imprudentiæ, ac temeritatis accusarent.

50 Secundum argumentum sumitur ab auctoritate SS. PP. Nam Sancti Patres, & Sacræ Scripturæ Interpretes tum multis aliis in locis; tum præsertim in Epist. Apostoli 1. ad Cor. cap. 7. vers. 5. *& iterum revertimini in idipsum; ne tentet vos Satanas, propter incontinentiam vestram*; scilicet, quod periculum esset, ne in adulteria, aut alias libidinum species haberentur, ita colligunt, atque concludunt communi consensu: Ergo si cesset causa, scilicet periculum incontinentiæ; uti certè in iis cessat, qui eam generosè frenant, & domant, permittit Apostolus, imo tacitè suadet, ut se per totam vitam continentes, virginesque conservent. Particulares SS. PP. auctoritates non adducimus, primò quia in libello documenti plurimæ habentur, præsertim Doctoris Divinæ Gratia, S. Augustini: deindè ne oceanum in concha includere velle videamur.

§ 1 Ter-

* *Negans opinio Pelagiana est: non minus quàm supra Jansenianam ostendimus.*

51 Tertium Argumentum petitur ab exemplis Conjugium, sanctitate, & genere illustrium, qui virginitatem in Matrimonio custodiverunt. Nam post Virgineum Deiparæ, & S. Joseph connubium, qui vexillum virginitatis conjugatis erexerunt, atque explicarunt, varia subsecuta sunt virginea connubia, S. Juliani, & Basilisæ, apud Surium: S. Boleslai V. Polonorum Regis, qui Pudicus inde dictus est, & Cunegundis Belæ Hungarorum Regis filix: S. Conradi Regis, filius Henrici IV. Imperatoris, cum Mathilde: Alphonfi II. Asturum Regis, cum Regina, qui Casti nomen accepit: Richardis Reginx cum Carolo Crasso Rege: S. Pharaildis, neptis S. Amelbergæ, ac Pipiniæ demum, ne plura commemorem, S. ETHELREDÆ, orientalium Anglorum Reginx, quæ IN DUPLICI CONJUGIO virginitatem servavit. Atque hoc geminum Ethelredæ conjugium aliquorum scrupulum repellere potest, circa duplex Pyrausta Matrimonium. Conatur negans opinio necessitatem aliquam obtrudere, quæ relata Virginea Matrimonia prudenter inita fuisse suadeat; qua necessitate Connubia Pyraustana caruisse inculcare non desinit. Acutissima prosectò responsio! Quasi verò Matrimonium Virgineum non esset bonum per se, sed tantum per accidens. At nos superius inelyta Bona retulimus, [in Protheoriis] quibus sanctissimè refulget, & supra Matrimonium, commune eminentissimè assurgit. Deinde unde novit contraria opinio, nullum ex relatis Matrimoniis, aliisque plurimis, quæ extant, factum fuisse altiori fine, quàm suggerat humana ratio, & lex communis connubiorum? Certè hic modus philosophandi, rationes terrenas perquirendi; nunquamque fines supernaturales, & illucescentes Divinæ Gratix radios attendendi, atque captandi nimium olet Pelagianismum, & Jansenismum.

52 Quartum Argumentum: Qui à gradu imperfecto virtutis transit ad perfectiorem, quoad gradum ejus præstantissimum, ac summum attingat, non solum prudentiæ laude, sed virtutis heroicæ ornamentis refulget; ut constet ex terminis.

53 At qui Pyrausta à gradu imperfecto virginitatis transivit ad perfectiorem, & tandem summum ejus virtutis attigit gradum. Quæ enim perfectior, atque admirabilior virginitas dari possit, quàm connubialis?

54 Igitur Pyrausta non solum prudentiæ laude, sed virtutis heroicæ ornamentis refulget. Negabit ne forte quisquam virginitatem, suos gradus admittere? Adducat itaque, dari Virginitatem Monasticam, seu solitariam; dari etiam maritalem, seu connubialem: atque hanc, quippe magis arduam, atque difficilem, esse etiam illa præstantiorem.

55 Quintum Argumentum: Tritum est vetustate proverbium:

100 CENS. RELAT. Rŕmi, ET EXŕmi DOC.

Exitus acta probat. *Nedum enim hominum humilium, sed etiam amplissimorum Virorum consilia ex eventu probari solent:* ut inquit Balbus, & Oppius ad Cicer. post Epist. 8. lib. 9. ad Atticum. Res enim hæc Theologico lumine non eget, sed naturæ lumine nota est.

56 Atqui virginea connubia Pyraustæ felicem exitum habuerunt; quod nullus inficiatur.

57 Igitur prudentia, & consilium ejus damnari non potest, sed omninò probari debet.

58 Neque est cur hanc nostram rationem infirmare studeant, inepta paritate hominum impiorum, quibus optimo eventu, felicitque arrisit aliquando Fortuna; & tamen iniquis consiliis, ac temerariis usi sunt. Nam hic eventus revera à casu, & fortuna, seu à concursu casuali plurium causarum contingentium nasci debuit. Deus enim iniquis consiliis gratiæ suæ cooperantis auxilio non adest. At exitus duplicis Pyraustani connubii fortunatus, ac felix non à consiliis iniquis, & prævum finem spectantibus, sed in finem sanctissimum, ac supernaturalem tendentibus ortum habuit. Quare Divinæ Gratiæ cooperanti tribuendus est. *Cooperando enim perficit Deus, quod operando capit: quia ipse, ut velimus, operatur incipiens, qui volentibus cooperatur perficiens,* ut supra ex Augustino retulimus, cujus ipsissima verba sunt.

59 Confirmatur. Cùm enim prædicta duo Matrimonia exitum felicem sortita sint, vel id casu, fortuitoque factum est: vel viribus naturæ: vel viribus cooperantis Divinæ Gratiæ. Neque enim aliud fingi potest.

60 Atqui felix ille connubiorum exitus nequit in casum, fortunamque referri. Casus enim, & fortuna locum non habent in rebus prævisis, deliberatis, intentis, & juxta intentionem agentis auspicio succedentibus: ut ex 2. Physic. notum est. Nequit etiam referri in vires naturales, & humanas: tum quia apud Adversarios talia connubia temeraria fuerunt, & vires naturæ superantia; unde est, ut summæ imprudentiæ Pyraustam insimulent, eo quod elegerit media, quæ à proposito virginittis abducunt: tum etiam quia finis supernaturalis consecutio viribus naturæ tribui non potest: alioquin finis non amplius supernaturalis, sed naturalis existeret.

61 Igitur felix ille connubiorum exitus auxiliis Divinæ Gratiæ cooperantis est tribuendus. Atque idèò connubia illa, naturam superantia, & exitum ex Divina Gratia felicem sortita heroicis connubiis annumeranda sunt.

62 Memini cùm argumenta mea ceteris eruditissimis sociis communicarem, unum ex iis, quem magni facio, respondisse, fortunam, & casum felicitis eventus eum fuisse, quod puellæ defunctæ sint, antequàm cupidinis arcum, ac Veneris tentiginem experirentur, petituræ debitum, si vixissent.

63 Sed

63 Sed mors puellarum non in casum, aut fortunam referri debet; sed in gratiam cooperantem; quæ opera bona promovet, & impedimenta removet; ut superius ex D. Augustino dictum fuit. Si enim sine voluntate Dei capillus de capite nostro perire non potest, quomodo, Deo non disponente, creaturæ ipsæ perire, atque in florenti ætate interire poterunt?

64 Sextum Argumentum: Divæ Teresiæ votum quantum faciendi semper, quod perfectius est, in quavis materia, ad agendum proposita, non fuit imprudens, ac temerarium; licet ob rei difficultatem Religio, & sanctitas voti in discrimen adduceretur.

65 Ergo nullo minus simplex propositum Pyraustæ, servandi in connubiis virginitatem, imprudens, ac temerarium judicari debet.

66 Prima Illatio: quia etiam prætermisâ, ac spretâ inter Votum solenne Teresianum, & simplex propositum Pyraustanum differentiâ, votum Teresianum obligat in omni materia; at propositum Pyraustanum ad unam tantum actionum speciem, neque ad servandam virginitatem in connubiis coarctatum fuit: Quare illud est isto difficilius. Rursus votum Pyraustanum, ad unam tantum personam, Teresianum ad integram communitatem se extendit. Igitur difficilius est Votum Teresianum, quàm propositum Pyraustanum.

67 Dicent fortasse, & D. Teresiam elegisse apta media ad voti sui finem assequendum; at Pyraustam non item.

68 Sed contra: Nam finis Voti Teresiani superat vires naturæ non minus, imò magis quàm Propositum Pyraustanum. Impossibile enim est, hominem viribus suis relictum, & Divinæ Gratiæ auxiliis destitutum semper ad id, quod perfectius est, attendere; illud aggredi; illud obtinere. *Nihil enim possumus ex nobis, quasi ex nobis; sed sufficientia nostra ex Deo est;* inquit Apostolus. Ergo ad utrumque requiruntur vires Divinæ Gratiæ. Si autem hæc intervenire debeat, nihil differentiar, aut diversitatis amplius invenitur. Nam & Votum Teresianum, & Pyraustæ propositum res sunt, quæ aguntur ope, ac subsidio Divinæ Gratiæ cooperantis, quæ omnia vincit, & omnia submovet impedimenta.

69 Contra secundò: quia Matrimonium licet non sit aptum medium ad virginitatem in statu imperfecto, & communi; est tamen aptissimum, & unice requisitum, ac necessarium ad virginitatem in statu heroico; cujusmodi est sola virginitas connubialis; qualis in reliquorum Sanctorum connubiis refulget.

70 Septimum Argumentum: Quoniam adversa sententia tota est in mediis, ac circumstantiis naturalibus examinandis, has etiam perpendamus. Et quoniam circumstantiæ vel se tenent ex parte Viri, vel

ex

ex parte Mulieris, vel ex parte operis, Pyrausta illas omnes servavit; Nam vel circumstantiæ, quæ per prudentiam examinantur, pertinent ad Animam; & has observabit, non nubendo, nisi cognita prius sua continentia: quam cognitionem habuit ex multis contra fœminas, & dæmonem ipsum triumphis. Vel pertinent ad corpus: & has observabit, sexagenarius nubendo: quando prurientes spiritus sanguinis deferbuerant. Quod si pertineant ad mulierem, illas servavit, ducendo puellas teneriores, virtute præditas, & ad virginitatem servandam, propensas. Neque enim ad virgineum Matrimonium, quod habebat in votis, eligere poterat provectionis ætatis mulieres. Nam quis eum certum reddere potuisset, Matrimonium huiusmodi futurum, fuisse virgineum? Hinc cadit objectio de fœminis provectionis ætatis: & ad virgines puellas redeundum est. Quod si circumstantiæ se teneant ex parte operis, quod aggrediebatur, in quo negantis sententiæ summa reposita est, illæ reducuntur ad circumstantiam *Quid*. Igitur quid intendebat in suis Matrimoniis? Numquid simpliciter custodire virginitatem? Ita omnino putare, atque obtrudere videtur negans opinio. Sed hoc omnino falsum est. Intendebat quid ampliùs; scilicet quod heroicum: id nempe, quod maxime arduum, ac difficile est. Ferebatur ergo Pyraustæ animus ad virginitatem in Matrimonio. Hæc erat summa votorum ejus.

71 * Hinc omnino corrui fundamentum adversæ sententiæ, quod Matrimonium fuerit medium ineptum. Nam Matrimonium continebatur, ut circumstantia necessaria in fine, quem intendebat: ideoque non ut medium, sed ut finis in mente Pyraustæ Matrimonium se habuit. Doctrina hæc sola dolosum, & sophisticum negantis sententiæ fundamentum demolitur. Repetant enim Adversarii; quare Pyrausta prudenter egit? Quia, inquiunt, Medium ineptum elegit, nempe Matrimonium. Atqui in mente Pyraustæ Matrimonium fuit circumstantia, intrinseca Fini; & nomine Finis venire debet, non nomine Medii. Loquor de fine intrinseco, qui reciprocatur cum objecto intento à Pyrausta, nempe virginitas connubialis: & in censu circumstantiarum dicitur, *Quid*.

72 Octavum Argumentum: Quoniam ex proximè dictis neque Matrimonium solum, neque virginitas sola fuit finis intentus à Pyrausta; sed Matrimonium cum virginitate, hoc est virginitas Matrimonialis, ordinando tale virgineum connubium ad virgineum Matrimonium SS. Deiparæ cum S. Joseph, tanquam ad finem externum, *Cur*, appellamus; vel iusto huic homini, volenti, & conanti huiusmodi bonum opus, negans opinio concedit donum gratiæ: vel non concedit. Si concedit;

* *Doctrina diruens fundamentum adversæ sententiæ.*

cedit ; cum alioquin negare nequeat arduum fuisse , & ad finem supernaturalem directum , neque , opinor , negabit , fuisse heroicum . Si verò non concedit , Pelagianum , & Jansenianum in judicando morem , imitatur . Nam negare auxilia gratiæ , aut nomine gratiæ intelligere bona naturalia , quatenus à Deo nobis donata , Pelagianum est . Et Sancti Patres in interpretatione loci illius : *Unusquisque proprium donum habet ex Deo ; alius quidem sic ; alius autem sic* : rejiciunt interpretationem illam , tanquam Pelagianam , qua ejus farinæ homines per donum Dei naturales perfectiones intelligunt , non autem supernaturales , & à Deo auctore gratiæ descendentes . Rursus si auxilia gratiæ inficietur , non minus cum Jansenistis sentire convincitur , hoc argumento : Multo magis Deus , ex hypothesi dati præcepti , tenetur dare gratiam homini , ad adimplendum ipsum præceptum ; quàm adimplendum ullum consilium . Nam in ipsius præcepti impositione oppignoravit veluti Deus fidem suam pro dandis auxiliis ; ne impossibilia imperasse videretur . At non ita , aut certe nullo minus tenetur ea dare in consiliis . cum hæc non tam à Deo proponente , quàm à nobis liberè eligentibus , provenire videantur . Atqui Jansenistæ ajunt , Deum non dare iustis voluntibus , & conantibus servare aliqua ipsius præcepta , gratiam suam , ad ipsa exequenda : sed ea ipsis secundum præsentem , quas habent , vires , esse impossibilia . Igitur multò magis Jansenistæ sentire , ac tenere coguntur Deum non dare illis voluntibus , & conantibus amplecti aliqua consilia , gratiam suam , ad eadem consilia exequenda . Jansenianum ergo est , dicere , Deum non dare gratiam ad ardua , & difficilia consilia , ad finem supernaturalem elevata . Si enim per ipsos non dat Deus , quod magis debet ; multò minus secundum ipsos Deus dabit , quod minus debet . Igitur si adversa opinio in connubiis Pyraustanis ad finem supernaturalem elevatis , Divinæ Gratiae auxilia non recognoscat ; Janseniana labe infecta est .

73 Nonum Argumentum : Bifariam imaginari possumus , quod Vir castus , & virginitatis ornamentis jam decoratus elegerit Matrimonium : Aut ad virginitatem servandam : aut ad virginitatem ulteriùs in perfectione promovendam . Prima imaginatio falsa , & absurda est ; & à Pyraustæ actionibus longissimè remota .

74 Si enim virginitatem per totam ferè ætatem suam , hoc est , ad sexagesimum usque annum , sine Matrimonii præsidio , valuit integram , atque illibatam custodire ; quis sanæ mentis unquam putet , eum ad ipsam custodiendam Matrimonium elegisse ? Quare in antecessum tot nuptias , & planè nobiles , sibi oblatas rejecisset ; si jam servandæ virginitati opportunas judicasset ? Planè non imprudens modò , sed stolidus , amens , & mente captus dici deberet . Argumentum igitur pro ea parte nihil probat , quia nimis probat . Reliquum ergo est , nisi absurdas

ima-

imaginationes, ridiculas, nullaŕue rationis umbra commendatas in animum inducere velimus; ut aliam dilemmatis partem, quæ rationi maximè consentanea est, amplectamur. Ergo Pyrausta Matrimonii statum amplexus est; non ad custodiendam virginitatem, quod est immane, & inane commentum, sed ad eam ad heroicum gradum provehendam, ac promovendam.

75 Decimum Argumentum: Qui rectè utitur prioribus Divinæ Gratix auxiliis, ex hoc ipso disponitur ad consequendum auxilia, ulteriora, ac majora; ut est communis Theologorum sententia. Atqui Pyrausta rectè usus fuit, ante sua virginea connubia, prioribus gratiæ auxiliis, carnem subigendo, tentationes superando, & plures victorias, ac triumphos de feminis obtinendo. Igitur obtinuit in Matrimonio Auxilia Divinæ Gratiæ ulteriora, ac majora. Neque Matrimonio usus est ad simplicem virginitatis custodiam; sed ad ulteriorem ejus, & heroicam, per majora auxilia, perfectionem.

76 Undecimum est ab exemplo ceterarum Universitatum, seu Theologorum. Parisienses enim sententiam suam hisce conceptis verbis expressam ediderunt: *Pyraustam neque peccasse contra naturam, aut leges Matrimonii: neque secundum esse imprudenter, aut temerariè se gessisse; sed potiùs heroica virtutis actus perfecisse.* Quid favorabilius pro causa Pyraustana dici poterat? Eandem sententiam, sed aliis verbis protulit Universitas tota Salmanticensis in Claustro pleno congregata. Cùm enim quæsitum esset: *An Pyrausta (sunt verba Universitatis) primas, & secundas nuptias contrahendo, animo se conservandi (si possibile foret) in casto, & virginali connubio, ad instar Sancti Patriarchæ Joseph cum SS. Sponsa Virgine Deipara; An scilicet bene se gesserit; licitèque, & valide præfatas nuptias contraxerit, Deputatis, &c. Universitas in Claustro pleno affirmativè respondit.* Determinando enim, quod *bene se gessit*; de prudentia, & heroicitate sententiam dixit: & determinando, quod *licite, & valide*; ceteras Pyraustani duplicis connubii qualitates complexa est, nempe, quod contrahendo, ut in casu, non peccavit; & contrahendo, valide contraxit.

77 His igitur omnibus sedulo ac maturè consideratis, ecquis contrariam è diametro sententiam proferre audeat? Quis contra Parisienses dixerit, Pyraustam imprudenter, ac temerariè egisse; nedum, heroicæ virtutis actus perfecisse? Quis contra Salmanticensem Universitatem effutiat, non solum Pyraustam non bene se gessisse; sed malè, sed imprudenter, sed stolidè operatum fuisse? Ab hac infamiæ nota, & ab omnium dictiteriis defendite gloriam, ac nomen vestrum, Rŕŕŕi, atque Exŕŕŕi Patres; ut Sapientia vestra, quàm suspicio, & quàm semper sum admiratus, apud omnes incrementa laudum, atque existimationis recipiat.

Dilem-

78 **A** D ultimum controversiæ caput pervenimus, hoc est ad dissolutionem adversantium Argumentorum.

79 Primum, cui tota machina innititur; quantum quidem conicere potuimus; illud est, quod Pyrausta, ad custodiam suæ virginitatis, ineptum elegerit medium, nempe Matrimonium: quippe quod eam custodiam non faciliorem, expeditioremque, sed reddat difficiliorem: atque ita egerit imprudentissimè.

80 Subruimus jam à fundamentis hoc inane, atque immane commentum superiùs, argumento nono. Negamus enim suppositum argumenti, quòd ad custodiam virginitatis, simpliciter, & absolute sumptæ, Pyrausta Matrimonium elegerit. Sic enim non imprudentissimus tantum, sed amens, ac mente captus fuisset: quod tamen Adversarios non puto affirmaturos. Quare argumentum nihil probat, quia nimis probat. Elegit ergo Matrimonium ad promovendam virginitatem suam ad statum heroicum, neque ad eum statum, in quo magis ardua, ac difficilis esset virginitatis custodia. Quare connubia non suscepit, ad custodiam virginitatis simpliciter; sed ad custodiam virginitatis connubialis: & Matrimonium in hoc negotio non est medium, sed conditio, seu circumstantia objectiva; quæ, inter alias, circumstantia *Quid*, appellatur.

81 Secundum est: Virgineum Sanctissimæ Deiparæ cum S. Joseph Matrimonium, à quibusdam SS. PP. dicitur Inimitabile. Igitur imprudentissimè Pyrausta illud sibi proposuit ad imitandum.

82 Duo continent Virgineum Deiparæ, & B. Joseph Matrimonium; scilicet virginitatis custodiam; & fœderatam cum virginitate fecunditatem. Quantum ad hoc secundum, inimitabile est. Sed quantum ad primum, à multis susceptum fuit, genere, & sanctitate nobilissimis, tanquam præstantissimum exemplar suorum connubiorum: quibus Pyrausta claspò proximè sæculo accessit. Quantas autem heroicas virtutes Virgineum Deiparæ, & S. Joseph Matrimonium contineat (licet Hæretici quidam eas obscurare tentaverint) nos non referemus; sed curiosos, pioque lectores ad SS. PP., de Sanctissimo Virginis connubio differentes, remittimus.

83 Tertium est: Virgo Deipara, & S. Joseph noverant ex Angeli monitu, quod Consors cum quo contraheretur, non erat copulam, seu debitum conjugale petiturus; atque ita certus erat uterque de composibilitate virginitatis, & matrimonij. At Pyrausta non noverat, neque certus erat, Sponsas, quas ducebat, non esse petituras. Igitur connubia Pyraustæ dici non possunt, prudenter contracta fuisse; sed omnino temere, atque imprudenter.

84 Resp. primò, argumentum carere debita paritate. Ut enim referunt multi SS. PP. & Historiographi, omni exceptione majores, Sanctissima Deipara à tenerioribus annis votum virginittis conceperat; Spiritu Sancto Sponsam suam, Verbi matrem futuram, interitis prævéniente, atque excitante: ne cui, præter Deum, pretiosissimus ille Thesaurus committeretur. Sanctissima igitur Deipara Cœlesti per Angelum dispensatione opus habebat. Ait enim D. August. in libro de Sancta Viduitate, cap. 8. *Post Votum non tantum nubere, sed velle nubere peccatum est.* At Pyrausta hujusmodi per Angelum dispensatione non indigebat: cum nullius voti reus esset; sed simplex tantum servandæ virginittis propositum concepisset.

85 Resp. secundò, interrogando Adversarios, num omnia alia Matrimonia Virginea, in antecessum à Viris Sanctissimis isita, simili Angelorum monitu opus habuerint. Non desunt enim, qui cum simili proposito nuptias contraxerunt. Quod si non ita est, immerito Pyrausta carpitur, quod sine Angeli monitu connubia subierit?

86 Resp. tertio, quod in Matrimoniis Virgineis, quæ Dei nutu peraguntur, bonus exitus Gratiæ Divinæ cooperanti commendandus est. Ut enim docet D. Augullinus, *cooperando perficit Deus, quod operando cepit: quia ipse, ut velimus, operatur incipiens, qui volentibus cooperatur perficiens.* Gratiæ hujus cooperantis providentiam Pyraustanorum Connubiorum exitus declaravit; Quando Sponsæ, fortè in futurum à parentibus ad petendum debitum subornandæ, raptæ sunt, & Virginittis Laureola donatæ; *ne malitia mutaret intellectum illarum.* Accedit etiam testimonium D. Th. 1. 2. q. 12. de Gratiâ, ar. 3. ubi docet, necessariò secuturum esse, quod per Divinam Gratiâ dispositum fuerit; necessariò inquam, ait Sanctus Doctor, non necessitate naturali, sed necessitate infallibilitatis.

87 Quartum est eorum, qui damnant Pyraustana connubia, tanquam opera præsumptionis, nimiquæ confidentiæ: quæ opera utique non solum heroica non sunt, sed temeraria; sicut temerarius esset quicumque Claustralis Religiosus, ductus zelo salutis animarum, in medium lupanar sese projiciens, ut scorta illa, ac meretriculas, prædicatione verbi Dei, ad bonam frugem revocaret.

88 Sed respondendum est, Divinæ Gratiæ cooperantis assistentiam his solum præstari à Deo Sole increato, *illuminante omnem hominem, venientem in hunc mundum*, qui ejus illustrationibus, quoquoque perenniter irradiantibus, obicem non ponunt, & fenestras non claudunt. Religiosus ergo ille, ne poneret obicem, seu non peccaret, primò certus esse deberet de suorum Superiorum permissione, ac licentia. Secundò, deberet in antecessum expertus esse Divinæ Gratiæ assistentis præsentiam; ad roborandam fidem; & confirmandam spem.

Ter-

Tertiò, deberet de viribus propriis diffidere; & aggredi opus, fretus viribus gratiæ. Quartò, per bonum usum præcedentium Divinæ Gratia Auxiliorum debuisset se præparare ad obtinenda majora Gratia auxiliantis beneficia. Si his omnibus præfidiis munitus conversionem illam aggrediretur; non dubito, quin prædicatio optimum finem esset consecutura. At si è contra, absque illis præparationibus, opus aggrediretur; non converterentur meretriculæ; sed perverterentur concionatores. Non ita verò de Pyrausta dici potest, qui libertatem suam obedientia voto nulli hominum mancipaverat, qui fiduciam non in viribus suis, sed in Divina Gratia posuerat; qui præterea antecederet felicia similium eventuum auspicia, & divinorum auxiliorum præsentiam multoties fuerat expertus.

89 Quintum & ultimum est, videri Pyraustam in hoc negotio tentasse Deum.

90 Sed qui sic opponunt, adeant Divum Thomam, atque alios Theologos; & intelligent, tentare Deum non esse simpliciter se exponere periculo peccandi ex confidentia in Deum; sed id agere, ad experientiam sumendam de aliquo divino Attributo. Pyrausta hoc non fecit, sed virginitatis promovendæ, & ad heroicum gradum perducendæ studio, atque amore illectus, Virginea sua Matrimonia contraxit.

91 Ceterum quantum intersit inter *castè blandiri*, quod habetur in libello dato pro documento *facti mirabilis*, & *subpalpare*, sive *suppalpare*, quorum alterutrum ab aliis suspectum audio, nemo non videt.

92 Faxit Deus, ut quæ pro conscientia, & veritate scripsimus, Deo Gratiarum, ac virtutum omnium largitori grata sint primùm: Deinde Serenissimæ Imperatrici Cælorum, Virginitatis exemplari clarissimo, & Pyraustæ servo ejus, accepta: Demum purissimis Sanctæ Sedis Apostolicæ Doctrinis conformia. Cujus correctioni præsens opusculum humiliter submitto, meque totum D. D. D.

Michael Verius Th. Doct. Coll., & in Universitate Patavina Publicus Philosoph. Professor.

Sequuntur duo Decreta S. Collegii Patavini, quæ intervenerunt inter primum, & quartum super distributione scripturarum, & hac de causa ab illis sejuncta, & in hunc locum post easdem scripturas translata, una cum recognitionibus earundem, & suorum Auctorum in forma, &c.



Die Lunæ 4. Maji 1722. Paduæ in Aula S. Collegii.

Convocatis, & congregatis Reverendis, & Excellentiss. DD. de Banca, publicis Professoribus, & Promotoribus, senioribus, &c. Ceteris omiſſis, &c. - Quibus habitis, ut quaestio de Pyrausta tandem aliquando conquiescat - Excellentissima Banca decrevit DD. Relatores in eadem causa Pyrausta à S. Collegio electos, debere infra dies octo tot exempla suarum opinionum, sive typis impressa, sive manuscripta ad se deferre, quot sufficiant, ut singulis DD. de Collegio distribuantur serim examinanda, super quibus in proximè sequutura S. Collegii convocatione, & Congregatione; Idem S. Collegium sententiam suam aperire possit.

Petrus Lessius J.U.D. Cancell. Episc. Not. S. Collegii.

In Christi nomine Amen. Anno ab ejusdem Nativitate 1722. Indictione xv. die verò Luna 11. Maji Padua in Aula S. Collegii - Coram Illustrissimo D. Augustino Venetiani J. V. D. Canonico Patavino, & in Episcopatu Padua ad regimen Monialium Vicario, & P. Vicario Generali &c. convocatum, & congregatum fuit S. DD. Theologorum Collegium, in quo - Ceteris omiſſis &c. - Quibus habitis fuerunt distributa opinioniones typis impressa DD. Deputatorum ad referendum, ut DD. de Collegio maturo super iis adhibito studio, sententiam suam in proxima S. Collegii convocatione in causa Pyrausta aperire possint. Ceteris omiſſis &c.

Petrus Lessius J.U.D. Cancell. Episc. Not. S. Collegii.

Fides Authenticæ circa præfatas scripturas supradictorum Doctorum Universitatis Patavinæ.

Fides pro prima scriptura.

Felix Secundus Minato S. Theol. Doctor Collegialis Reverendissimus. S. Nicolai de Padua, & Sacri Collegii DD. Theologorum ejusdem Civitatis Decanus, &c.

Universis &c. Fidem facio & attestor præfens opusculum esse illud ipsum, quod in Sacro DD. Theologorum Collegio Padua dispensatum, & approbatum fuit, quippe continens partem affirmativam quaestionum circa Ven. Dei servum Sebastianum Apparitium, agnomine Pyraustam, & Buiçò supradictum esse verum ejus auctorem; In quorum fidem &c. Datum Padua die 29. mensis Maji An. 1722.

Felix Secund. Minato Decan. &c. m. pr.

Lu-

Ludovicus de Campo Santi Petri J. V. D. Canonicus Patavinus, & in Episcopatu Padua Sede Episcopali Vacante Vicarius Generalis Capitularis, &c.

Universis &c. Fidem facimus, & testamur supradictam attestationem esse scriptam, & subscriptam manu propria Adm. Rev. Felicis Secunda Minato, & esse talem, qualem se fecit, proindeque fide dignum, cui hic, & ubique plena habeatur fides in quorum &c. Datum Padua in Cancell. Episcopali die 17. Septembris 1722.

Joannes Baptista Bernardi Not. Episc.

Locus ✕ Sigilli

Sequitur alia similis pro secunda scriptura, quæ non extenditur eâ quod similis sit superscriptæ, mutato tantum nomine Buicò in Vierium.

In Patavina Responsonis commendationem, hoc loco ponendam censuimus Epistolam Eruditiss. D. Comitis Foresti Foresti, nobilitate nolum clari, sed & operibus celebris ob Institut. Sacro morales Clem. XII, & Legalia opera Leopoldo Augusto dicata.

FORESTUS FORESTUS FOELICI MINATO,

Sac. Theologia Doctori, Sacriq; Theologorum Collegii Prasidi
meritissimo. S. P. D.

Magnum fuit hoc humanitatis, & amoris in me tui argumentum, quod scripta in famigerata Pyraustæ causa recenter peracta, simul ac primum emissa sunt, ut ad manus meas pervenirent, tam sedulò diligenterque curaveris; Et quamquam ab abditis Sac. Facultatis penetralibus longè absim, magnam tamen cœpi animo voluptatem in iis perlegendis, de quibus clarissima ingenia, tam acutè subtiliterque, pro sua opinione tuenda, stabiliendaque disputarunt. Quod autem ab hoc sapientissimorum Theologorum Collegio, cui tu nunc cum maxima tui nominis celebritate præses, in eam sententiam iurum sit, quæ Pyraustæ pio, proboque Viro, ac Deo cùm propter varias, multasque virtutes, tum vero præcipuè propter insigne illud callissimæ mentis propositum summo opere charo, jure favet, vehementer lætatus sum: Optimum namque fuit, tantorumque Doctorum cœtu dignissimum, pro

pro ea virtute stare, quæ virum ardua molientem, constantem ardua, & ad summa tendentem, supra mortalium vulgus evehit, reique laudabiliter gesta gloria mirifice exornavit. At ut varia sunt hominum iudicia, ita minimè mirandum est fuisse quosdam, qui omnino contra sentirent: quemadmodum, nec defuere, qui mediam tenentes viam à temeritatis quidem, & imprudentiæ nota Pyraustam vindicaret, labem tamen quandam propterea cum incurrisse putarent, quod; *Cum certum sit Matrimonii statum esse virginali imperfectiorem, si Pyrausta per Matrimonium discrimini amittendæ virginitatis, quam incorruptè coluerat, sese commisit sciens, & volens, periculo recedendi à priorè perfectione item sese commiserit.* Veruntamen si à doctissimorum cæteroqui virorum opinione dissentire licet, ut certè licet veritatis amore, commentitium planè puto quod confirmandæ suæ sententiæ gratia in medium protulerunt: Etenim quod ipsi volunt matrimoniale statum virginali imperfectiorem esse, id equidem concesserim lubens si modò per Matrimonium eam corporum commixtionem intelligant, per quam virginitati detrimenta inferuntur. Quod si salva hac, incorruptaque servata, connubiū contractum sit; quis unquam affirmaverit, statum Matrimonii cælibatu esse imperfectiorem, cum imò longè perfectior status ille dicendus sit, in quo difficilioris virtutis actus exercentur? Quod utique in Pyraustæ facto contigisse liquet, virginitate non solum sine uxore, sed, quod multo difficilius, multoque laudabilius est cum uxore ipsa intemeratè servata. At, inquit, Pyrausta periculo recedendi ab hac perfectione sese commisit, quia per initum Matrimonium in amittendæ virginitatis discrimen se sponte coniecit; ac propterea in defectum incurrit. Acutè profectò: At sapientissimi Viri, aut non viderunt, aut videre noluerunt, quàm cautè, & quàm prudenter Pyrausta in Matrimonio contrahendo se gesserit: Neque enim animi levitate, aut infano puellarum amore captus, quod à quibusdam falsò, impudenterque illi obiectum est, in connubia se dejecit, sed attenta circumspectione, maturoque consilio, & quod caput est, maximèque observandum, ea conditione Matrimonium delegit, *ut si fieri posset, virginitatem in ipso Matrimonio coleret, & à purissimo, ac planè cælesti illo D. Josephi connubio, sibi sumeret heroicæ castitatis exemplum.* Cujus sanè conditionis, si bene perpendatur tanta vis est; ut quam Pyraustæ opponunt, *presumptionem gratiæ, & nimiam confidentiam* prorsus excludat. Quæ enim gratiæ præsumptio, quæ nimia confidentia ista tandem est, ubi intrà *possibilitatis conditionatæ terminos* (vocibus utor etsi minus latinis, ad explicandum tamen aptissimis) moralis virtutis actus concluditur? Errant autem, palparemque errorem errant, qui putant debuisse Pyraustam à contrahendo conjugio se abstinere, ut servandæ virginitatis proposito rectius consulere-

ret:

ret : Nam cùm Vir præstantissimus, & ad sublimia erectus in mediocri laude positum esse censeret, quod pluribus commune esset, rem difficillimam, eandemque gloriosissimam, ac paucissimis concessam, magno animo concipiens, virginitatem, vel in ipso Matrimonio custodiendam ita sibi proposuit, ut ad castissimum, intemperatumque D. Josephi conjugium, non suis quidem viribus temere fidens, non præsumptione gratiæ elatus, sed si fieri tantum posset, cælesti ope suffultus, propius accederet. Qua in re quis non videt, ducendam omnino illi uxorem fuisse, ut suæ mentis destinationem ad actum perduceret; Quod si mortalium sensus, cogitationesque Deo patent, ut certè patent (*oculi enim Domini multo plus lucidiores sunt super solem, circumspicientes omnes vias hominum, & profundum abyssi, & hominum corda insistentes in absconditas partes **) minimè dubitandum est, quin summum illud, æternæque Numen, ad tanti viri pietatem benignè respiciens, consilium ejus, peculiari, ac præcipuo quodam auxilio juverit, præsensque ei fuerit per singularem, ac victricem illam gratiam, unde omnis humana fortitudo manat, ne à sanctissimo proposito unquam descisceret. Ex quo illud manifestè sequitur, divina prorsus providentia, quæ cuncta in orbe terrarum mirabiliter disponit factum fuisse, ut tales uxores Pyraustæ proponerentur, quales omnino necessariæ essent ad tantæ virtutis opus explendum, & à quibus nihil sibi timendum foret, nullumque virginitatis amittendæ periculum immineret: Ut enim Deus volentes adjuvat, & iis, quos ipse in vasa misericordiæ elegit, omnia cooperantur in bonum, quemadmodum Apostolus monet, ita sinè dubitatione ulla credendum est, puellas in Matrimonium à Pyrausta ductas, ea prorsus mente præditas fuisse, ut mariti sanctimoniam vel maximè perficerent: verissimè enim dictum est: *Domus, & divitiæ dantur à parentibus: à Domino autem propriè uxor prudens ***. Quæ cùm ita sint, immeritò sanè quidam putant, Pyraustam injustitiæ labe laborare, quod sponсарum, consensum de virginitate servanda non antea exploraverit: Quid enim per Deum immortalem hujusmodi indagine opus illi fuit, qui sibi satis abundè prudentissima conditione caverit, qui satis apertè puellarum parentibus, suæ mentis propositum *discretando* declaraverit: Qui Sanctissimum Josephum, si fieri tandem posset, imitandum decreverit: qui denique in ipso Matrimonio, in ipsa familiari consuetudine, atque convictu, ne minimò quidem indicio adduci unquam potuerit, ut vel levissimè suspicaretur, an uxores cuperent jure connubiali uti velle, & aliter se haberi, ac haberentur à Viro, qui non ut maritus, sed ut pater se gereret erga illas? Hinc repetita illa protellatio *se tutum esse in conscientia*, nec ab uxorum voluntate processisse turbas illas, quas earum pa-

* Ecclesiastic. cap. 23. n. 28. ** Prov. cap. 19. n. 14.

112 EPISTOLA D. COMITIS

parentes alienis divitiis inhiantes dumtaxat excitaverant. Atque pauca hæc præstantissime Doctor ad te scribere volui, non ut Theologum agerem, sed ut opinionem, quæ de Collegii sententia frequentissimis suffragiis comprobata est, cum pietati, tum maxime rationi consonam fuisse pro viribus ostenderem. Reliquum est, ut Deus Opt. Max. cuius eximia benignitas præclaris conatibus numquam deest, latentem, nunc sub modio Pyraustæ lucem in apertum proferat, ejusque heroicæ virtuti debita præmia quandoque persolvat. Vale, Ex Abibus viii. Kal. Junias MDCCXXII.

L Odoicius de CampoSanti Petri J. U. D. Canonicus Patavinus, & in Episcopatu Padua Sede Episcopali vacante Vic. Generalis Capitularis &c.

Universis &c. Fidem facimus, & attestamus supradictam Epistolam esse scriptam manu propria Nob. Co. Foresti Foresti, eumque esse fide dignum, in quorum &c. Dat. Padua in Cancellaria Episcopali die 4. Septembris 1722.

Sebast. Cappelo J. U. D. Not. Episcopalis Sed. Vac.

Locus & Sigilli.

Hoc jam in diversorio est tertio ex DD. Salmanticensibus locus, quem post secundum eorundem superiùs habere nequivit, ob rationem ibi ab Universitatis Secretario adductam pag. 133. circa finem, ab eoque, cum redux fuerit Salmanticam enunciatus Doctor denuò repetitam inferiùs, post subsequens illius Suffragium.

V O T U M

113

Reverendiss. P. Magistri

EMMANUELIS GENERELO, ET ESPINOLA.

Clericorum Regul. Minorum, Sacra Scriptura Cathedratici
primarii, in Salmanticensi. Univers.

1



Ex Dominus Noster, (quem Deus conservet, & custodiat) per literam de mandato ad Universitatem Salmaticensem directam, eidem Universitati intelligere fecit, gratum sibi futurum, si ad aures ejus pervenire faceret suum dictamen super ea, quæ gesta fuerunt à Venerabili Fr. Sebastiano de

Apparitione Seraphici Ordinis S. Francisci in contrahendo eo tempore, quo erat solutus, & in statu libero semel, & iterum, Matrimonium, cum animo servandi castitatem virginalem. Et cum mihi Clausstrum, non fuerit designatum honorem impartiri, ut unus essem inter alios tres ex suis Reverendissimis Theologis, & quatuor Sapientissimis Doctoribus in Sacris Canonibus, ut inter nos Punctum discuteremur, & ad ipsam Universitatem Votum deferremus; illud Clausstri pleni fuit Consultationis Venerabilem bene se gessisse.

2 Fundamenta, quibus in particulari Congressu, meum conatus fui stabilire dictamen, sunt sequentia. Supponendo ut majori procedam claritate factum, fideliter transcriptum, ab una scriptura typis mandata, quæ nobis communicata fuit; clausula, in qua præsens proponitur difficultas ita ait: *Postmodum sexagenarius prudenter perpendens non esse bonum hominem esse solum, sociam sibi quarere cogitavit, talem quidem, uti dicebat, cum qua, si possibile foret, vivere liceret in casto, & virginali connubio, ad instar Sancti Patriarchæ Joseph, cum SS. Sponsa Virgine Deipara: Itaut jugum Matrimonii, absque carnis tribulatione, serena pace sustinere valeret.* Post obitum primæ Sponsæ transiit Venerabilis ad secundas nuptias, cum eodem proposito, cum quo primas contraxerat. *Postmodum inivit Matrimonium secundum, eodem proposito castitatis, & virginitatis, eisdem protestationibus, & in sponsam assumpsit pauperulam pariter, sed virtutibus exultantem Puellam.* Hoc est Factum amborum Matrimoniorum,

P

&

& consultatio, aut dubium, quod in ipsis occurrit, est idem (supposita tamen plus respectabili differentia inter Contrahentes) quod se obtulit Hugoni à Sancto Victore, lib. de Virginit. B. Marię, & quod ipse proponit sub his terminis: *Disentiamus, ut postulas, si simul esse potuerunt, & consensus conjugalıs, & propositum virginitatis?* Et cum certum sit, propositum Venerabilis Apparitiı non fuisse votum aliquod impediens conjugalıs status electionem, eđm tempore utriusque contractus esset liber; potest tantũ dubitari de rectitudine facti ob gravissima fundamenta, quę occurrunt contra licitum, & validitatem suorum Matrimoniorum; supposito proposito se conservandi in puritate.

3 Ex hoc inferitur, quod esset intentum hujus virtuosı Viri fuerit imitari, si ei foret possibile sponsalia Beatissimę Virginis cum castissimo Sponso Joseph contracta, eligendo hujusmodi sponsalia in ideam, & exemplar suorum: nostrę consultationis difficultas non debet reputari eadem cum illa, quę variis in locis movet D. Thomas, & simul cum ipso communiter Theologi, super Beatissimę Virginis Matrimonio; quia huic pręcessit votum absolutum castitatis, aut saltem conditionatum, secundũ sententiarum diversitatem, inter quas difficulter potest Sanctorum Patrum conformitas discerni; neque potest intelligi eandem esse oppositionem, quam habet importare votum castitatis, tum in ordine ad substantiam, tum in ordine ad fines Matrimonii, ac sit illa, quę importatur à proposito, quod nil aliud est, quàm desiderium, seu voluntas observandi castitatem, sine conscientię obligatione.

4 Hac de causa distinguimus illam difficultatem ab ista, quę nobis proponitur discutienda, & examinanda in pręsenti nostrā Consultatione; esset hujus resolutio fundari debeat cum multis Doctrinis, quas ibi adducit D. Thomas, cujus methodum & nos sequemur, secundũ ab eo observata in disputatione Matrimonii Beatissimę Virginis cum Sanctissimo illius Sponso, ad cujus imitationem, adspiravit in bino suo noster Venerabilis Apparitus. Ad duos articulos reducit Sanctus Doctor dubium, ac resolutionem illius Matrimonii. In primo itaque disputat, an fuerit conveniens? In secundo autem an fuerit verum, & validum? Istę eadem difficultates in casu nostro occurrunt consultandę; etenim dubitari potest de convenientia horum iteratorum Matrimoniorum tanquam illicita; aut de eorum veritate, tanquam invalida; & quemadmodum idem Venerabilis sua Matrimonia contraxit ad imitationem Matrimonii Beatissimę Virginis, & D. Joseph, istud, & illa, esset inęqualia, aut inferiora, valde consimiles includunt difficultates; cupientes igitur sequi vestigia D. Thomę in modo dicendi, eundem sectabimur in methodo proponendi.

§. I.

5 **I**N primis videtur Venerabilis Matrimonia non fuisse convenientia in ordine ad intentionem, cum qua ea contraxit; quia cum, hæc esset velle imitari puritatem Beatissimæ Virginis, & D. Joseph servatam in eorum castissimis sponsalibus proponere sibi, & præfigere uti ideam inferioris virtutis, id quod fuit praxis gloriosissima eximæ, & heroicæ Sanctitatis, vix excusari potest à nota presumptuosæ temeritatis. Ob quam causam ait Ecclesia, Beatissimam Virginem esse solam, unicam, & sinè exemplo in suis virtutibus: *Sola sinè exemplo*; & idè cupiens Venerabilis Apparitus desumere pro suæ imitationis exemplari virginalia Beatissimæ Virginis sponsalia cum D. Joseph, potius temeritatis præstat indicium, quàm virtuosæ resolutionis argumentum.

6 Secundò (& est Argumentum D. Thomæ, in Articulo, quem sequimur.) Matrimonium dirigitur ad carnalem concubitus; Venerabilis Apparitus numquam eo uti voluit, eò quia huiusmodi voluntas, & usus opponebatur virginitati, quam sibi servare proposuerat; igitur non fuit conveniens sibi eligere Matrimonii statum, repugnantem statui virginali, quem servare proposuerat.

7 Tertiò (uti ex facto apparet) Parentes suarum Sponsarum, videntes earum filias carere exoptato Matrimonii fructu, suscitaverunt litigia, & dissensiones, contra Venerabilem Apparitum, ad quæ nunquam causam præbere fuit licitum; igitur neque licitum fuit Matrimonium, ex cuius non usu debebat prudenter prævenire sequenda fore huiusmodi inquietudines, notabili cum conscientiarum detrimento.

8 Quartò, quia stante frequenti, & amabili consortio, & societate Venerabilis cum suis Sponsis, istæ valde difficulter evitare possent periculum, ne aliquà libidinis flammâ accenderentur cum notabili Animarum earum periculo. Comprobatur hæc veritas experienciis, adhuc in occasionibus non ita frequentibus, & exemplis, quæ tum in sacris, tum humanis leguntur historiis, iteratis in tot, qui propriis ipsorum ruinis dūdicere pericula, quibus diversorum sexuum familiaris communicatio est exposita. Hæc eadem pericula evitanda, & removenda prædicant Magistri Spiritus, & Sancti Patres, & Ecclesiæ Doctores, inter quos sic loquitur D. Hieronymus quæst. 4. ad Jovin. *Quomodo qui ignem attigeris statim adurit, ita Vir tactu femina sentit naturam suam, & diversitatem sexus intelligit*. Sunt æqualiter significativa verba Magni Basilii lib. de vera Virginit. *Gravis, & vehemens virorum erga feminas urget concupiscentia, & masculinis corporibus est indita, ut non possit evelli, qua nisi vi quadam opprimatur, pudorem*

omnem paulatim excutit, ipsumque iudicium, & sanitatem mentis evertit; unde, ibidem, suis prævenit consiliis iis, qui ex eodem thalamo nati sunt, ut in unione sanguinis minimè fidentes, sibi caveant, & constituent se in tuto, cautè ad invicem se separando; dum jam ab Amnon, & Thamar similes, & ita familiares conversationes constat non esse securas, nec in conjunctione sanguinis esse fidendum: igitur nequivit Ven. Aparicius licitè exponere suas sponas hujusmodi periculis familiaris commercii, dum suum servandæ virginitatis propositum, non videtur potuisse locum relinquere animo dictis periculis occurrendi, cum licentiis in Matrimonio permissis.

9 Quintò, quia transitus ad secundas nuptias, primis novas superaddit difficultates. Apostolus ita ad Corinth. 1. ait cap. 7. *solutus es ab Uxore, noli quærere Uxorem; Contraventio huic Doctrinæ per transitum ad secundas nuptias, facit quod secundum Matrimonium magis vituperio, quàm laude dignum reputetur; eò quia aufertur per secundum Matrimonium ab homine illa libertas, in qua positus fuerat per solutionem primi vinculi matrimonialis, in quo liberè poterat Deo dicere omnes animi sui curas, absque illa complacendi suæ Sponsæ; dato igitur, quod licitum fuisset Venerabili nostræ Consultationis primum, Matrimonium ab eo contractum, non tamen fuit licitum illud secundum quod ipse post obitum primæ Uxoris contraxit.*

10 Tandem in secundis nuptiis, multis periculis exposuit propriam virginitatem, cui dicaverat virtuosas ejus animi resolutiones; & videtur hoc fuisse velle Deum tentare, & periculo exponere victoriam, castitatis, quam in primò Matrimonio reportaverat; sicuti effectivè erat velle superare carnalis concupiscentiæ stimulos antè conspectum proximorum periculorum, & occasionum. Neque virtuti prudentiæ adscribendum videtur eligere medium tam inadaptatum, quale erat iteratum Matrimonium, ad propriam servandam animæ, & corporis castitatem, cum ibi occasiones insistent, & permissio frultrat motiva superiora, quæ retrahunt.

11 In oppositum illius, quod suadere possent superadducta argumenta, reperiuntur quamplura canonizata exempla multorum Heroum, qui in Catalogo Sanctorum adorantur adscripti; qui indulgentes aliorum suadentibus instantiis, matrimoniali vinculo se adstrinxerunt; nonnulli ad instantiam Regnorum, quæ adspirarunt, media successione prolis suorum Monarcharum, relinquere Regni legitimum hæredem, & successorem; Alii ad suasionem suorum Parentum, qui eodem medio, puta, desideratæ prolis, curarunt proprii senis propagationem, suarum Domorum legitimum constituere successorem, & hæredem, & hoc non obstante in statu Matrimonii se abstinere voluerunt ab omni carnali concubitu, qui in eo statu eis erat licitè permissus.

Sic

Sic se habuerunt Pulcheria, & Marcianus, & Basilisa, quorum Virginalis pudicitia in statu Matrimonii observata, à cœlo ipso sensibilibus vocibus canonizata fuit, ut refert Sur. die xi. Januarii *Vicisti Juliane vicisti*: Idem pariter legitur de S. Hencrico Imperatore cum S. Cuneunda ejus sponsa, de quo sic Sancta Ecclesia in ejus officio die 15. Julii. *Virginitatem raro exemplo Matrimonio junxit, Sanctamque Cuneundam conjugem suam, propinquis ejus, morti proximus, illibatam restituit*. Idem habetur de Sancta Cecilia, & Valeriano, qui Matrimonio juncti castitatem servarunt. Et tamen credendum est, quòd hi, qui ad instantiam, vel persuasionem aliorum amplexati sunt statum matrimonialem, & in ipso servarunt puritatem virginalem, certum est Matrimonium contraxisse cum proposito in eo servandi virginalem castitatem; & est adamussim casus presentis Consultationis.

12 Hinc respondetur, Matrimonium, à Venerabili contractum, cum proposito servandi in eo perpetuam castitatem, non solum fuisse conveniens, sive licitum, verum omni laude, & præconio celebrandum, veluti opus heroicum eminentis Spiritus, ad quod specialis divina gratia superiori, & specialissimo influxu concurret: quia nequit operis executio esse gloriosa, & propositum illud exequendi esse defectuosum. Conservatio castitatis in Matrimonio, manifestum magnæ virtutis præbet indicium, ad quale opus patrandum requiritur, quod per specialis divinæ gratiæ adjutorium infirma nostri Spiritus libertas corroboretur. Idem ergo judicium ferendum est erga illum, qui contrahit Matrimonium cum proposito nuptiale Thalamum servandi impollutum, & intactum. Et hoc comprobatur per descriptionem heroicorum operum, inter quæ ea numerantur, ad quæ patrandæ requiritur specialis excellentia superexcedens ordinem virtutis regulariter, & communiter acceptæ; & cum sit opus valde superius ordinaria virtute, reportare castitatis triumphum in medio continuatæ, & frequentis occasionis, teneræ, & affectuosæ familiaritatis, qualis est illa vinculi matrimonialis, sicuti explicabat D. Ber. ser. 65. in Cant. *Cum femina semper esse, & non cognoscere feminam, novum plus est, quam mortuum suscitare*? Cum igitur appareat Venerabilem Apparitum, has omnes superasse difficultates, in eo necessario debemus cognoscere singularem extitisse virtutem, in resolutione, & in observantia ejusdem, in proposito, & in executione; sicuti & in eo admittere specialissimam divinæ gratiæ assistentiam.

13 Hoc utique divinæ gratiæ speciale donum est (ajebat D. Thomas) quod conceditur cuilibet homini secundum operum excellentiam, aut secundum munus ad quod à Deo destinatur. D. Thom. 3. part. quæst. 27. art. 5. ad 1. *Unicuique à Deo datur gratia, secundum hoc, ad quod eligitur*. Et cum sit præclarissimæ, & excellentis virtutis opus,

pro-

propriam servare castitatem virginalem in medio assidue communicationis, quam status matrimonialis importat; Venerabilis Apparitus; numquam suum fuisset assecutus intentum; nisi divina gratia ad hujus heroicę operationis executionem, suum non pręstitisset concursus. Ex hoc toto, aliud conficitur argumentum, quod nostram convincit sub his terminis resolutionem. Venerabilem Apparitum conservasse suam virginalem castitatem in statu matrimoniali, executionem fuisse; asseritur illius propositi, cum quo Matrimonium contraxit; Non est dicendum, neque unquam credendum Dominum Deum specialem suam contribuisse gratiam ad propositum defectuosum eliciendum; Igitur contraxisse Matrimonium cum proposito servandi in eo castitatem, non fuit illicitum.

14 Remanet responsio ad argumenta in principio proposita. Ad primum, quod temeritatis, & pręsumptuositatis notā redarguit animum Venerabilis, qui adeo sublimi idea imitari proposuit in duobus ejus Matrimonii purissimum Beatissimę Virginis, & D. Joseph conjugium, idem dicendum est, quod dixit D. Aug. lib. 23. controver. contra Faustum cap. 81. *Et nē omnes Fideles Christi id, quod sibi conjuges carne miscerentur, tam magnum in conjugio depurarent, ut sine hoc conjuges esse non posse crederent; sed potius dicerent fideles conjugia multo familiarius se adherere membris Christi, quanto potius fuisse imitari Parentes Christi.* Si igitur ex imitatione in ordine ad puritatem servandam in Matrimonio contracto à Fidelibus, sumere in exemplum purissimum Beatissimę Virginis Matrimonium, major perfectio arguitur; qua ratione, temeritate, redarguendum, erit nostri Venerabilis propositum ad illud imitandum desumptum? Neque verba Ecclesię, per quę Beata Virgo nominatur sola, & sine exemplo in altitudine suarum virtutum, sufficiunt ad probandum easdem virtutes esse non posse fidelibus exemplaria imitanda, etiam sine exemplo dicantur; quia nemini erit possibile pervenire ad illam perfectionem, quę Beatissimę Virgo eas exercuit, non tamen, quia fideles aspirare non valeant ad eas imitandas.

15 Et iste arguendi modus habendus est pro non securo, si attendatur ad repetita testimonia, & textus, in quibus ipsemet Christus proponitur utpote idea, & exemplar Christianę imitationis, sufficiat illud Joann. cap. 13. *Exemplum dedi vobis, ut quemadmodum ego feci, ita & vos faciatis*; Et si possunt, & debent, etiam Christi membra Christum, tamquam eorum Caput, sibi proponere in exemplum imitandum suę Christianę perfectionis; quare pręsumptio judicari debet, aspirare, & conari aliam sanctitatem inferiorem imitari? Consimile argumentum, quod formatur contra factum nostri Venerabilis, sibi ipsi opposuit D. Augustinus serm. 47. de Sanctis, dum su adebant si deles ad imi-

tan-

tandum nostræ Sanctæ Fidei Heroes: *Sed dicit aliquis & quis est, qui possit Beatorum Martyrum vestigia sequi?* Huic objectioni respondit Sanctus Doctor. Huic ego respondeo: *Quia non solum Martyres, sed & ipsum Dominum, cum ipsius adiutorio, si volumus, possumus imitari.* Et hoc confirmat media ipsius æternæ veritatis attestatione, quæ sic ait Matth. cap. 11. v. 19. *Discite à me, quia mitis sum, & humilis corde.* Superaddita D. Petri authorit. ep. 1. c. 2. *Christus passus est pro nobis, vobis relinquens exemplum, ut sequamini vestigia ejus.* Ex quibus inferitur, quod cum sit possibilis imitatio ejusdem Christi, & aspirare, & satagere ut opera nostra Christi operibus conformentur, non est reputanda, tamquam præsumptuosa, hujus nostri Venerabilis resolutio, & intentio in eligendo in exemplum, & in ideam castitatis, quam sibi observandam proposuit in duobus suis Matrimonii, virginali, commercium, cum quo Beatissima Virgo Maria, & S. Joseph vixerunt in suo. Neque ad illius virtuosam spectabat prudentiam eligere aliud inferius exemplar, cui assimilare posset animi sui proposita, quia aliud tutius sibi non poterat representari exemplum, cui in exercendo aliquod virtuosum opus conformari posset, quàm illa in qua virtus ipsa in sui eminentiori perfectione reperitur. Et cum Matrimonium, Beatissimæ Virginis, & D. Joseph super omnia alia excellentius in puritate resplendeant, nobiliorem non poterat sibi præfigere imitandam ideam.

16 Ad secundum Argumentum (præciudendo pro nunc ab ordine directo ad copulam) dicendum est, quod dicit D. Thomas in responsione ad suum argumentum 3. part. quæst. 29. art. 1. ad 1. quod nosser Venerabilis Apparitus *ex instinctu Spiritus Sancti credendus est desponsari voluisse, confidens de Domini auxilio, quod nunquam ad carnalem copulam perveniret; Hoc tamen divino commisit arbitrio.* Specialis Spiritus Sancti instinctus extat persuasus ex speciali Dei gratia, quæ necessario requiritur, ut ad praxim reduci possit heroica resolutio, & cum eo, quod dicebat D. Paulus ad Corinth. 2. c. 3. *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.* Ex quo deducitur illam virtuosam cogitationem, à qua sumptum initium propositum nostri Ven. Apparitus ex alio non potuisse provenire, quàm ex speciali Dei instinctu. Quod autem tota fiducia servandi in Matrimonio puritatem, inniteretur supernaturalibus auxiliis, clarè convincitur ex illa restrictione sui propositi *si possibile foret*, quoniam qui de possibilitate dubitabat, optimè manifestabat ipsum prævidere difficultates, in quas incidisset illius humana, & fragilis natura, ut executioni mandaret tam deliberatum illius animi propositum; & quod inceptum opus dare non poterat ultimatum suo proposito perfectionem, sine speciali Dei auxilio.

17 Ad tertium respondetur, diffentiones Parentum suarum Sponsarum non esse imputandas ad culpam nostri Ven. Appariti, qui non tenebatur in Matrimonio se gerere ad arbitrium, & voluntatem dictorum Genitorum, sed potuit licitè uti jure suo, tractando Matrimonium omni cum puritate. Hoc idem jus mutuò habent sponsi ad se abstinendum, dum non fuerint à Conforte requisiti pro solutione debiti, quod mediante matrimoniali vinculo contrahitur; quod clarè convincitur ex verbis ejusdem Apostoli ad Corinth. 1. cap. 7. *Ut qui habent Uxores, tamquam non habentes sint*; Cujus consilium intelligendum est in ordine ad se abstinendum ab usu, & libertate, quam Matrimonii status permittit, quando iustitia non instat ad debitam dandam satisfactionem. Reum igitur judicare nostrum Venerabilem, & ad illius culpam adscribere has exortas diffentiones, idem est dicere, quod ad effectum illas evitandi cedere debebat suo juri, quod habebat, uti Maritus, se abstinendi ab usu suæ sponsæ, aut postponere D. Pauli consilium (in cujus executione actum heroicæ virtutis exercebat) voluntati suorum Socerum, qui in eorum litigiis non aliud perquirebant, quàm temporalium, bonorum augmentum, in successione filiarum suarum. Ad effectum convincendi majori cum claritate hujus argumenti falsitatem, & inefficaciam, supponamus, quòd Ven. Apparitus contraxisset sua Matrimonia cum eadem intentione, cum qua regulariter contrahi solent, puta, cum animo deveniendi ad illorum consummationem, & quod postea, se abstinuisset ab eorum consummatione, sicuti facere poterat. In tali casu suspensa remanebat occasio diffentionum, quia æqualiter successio deficiebat; cujus deficientia, earum erat motivum; & hoc non obstante, nemo dicere poterit, quòd se abstinere ab usu matrimoniali fuisset illicitum, immo ab opposito, ad actum heroicæ virtutis referendum est; Igitur Parentum Sponsarum diffentiones non possunt reputari ad culpam nostri Venerabilis, qui in se abstinendo ab usu domini, & libertatis consummandi Matrimonium, non solum licitè fecit id quod facere poterat, immo plus quam facere debebat. Quia ejus spiritus se restrixit ad perfectionem consilii Apostolici, nec quæri debet aliud motivum molestiarum suæ constantiæ oppositarum, quàm illud, quod adducit Apostolus ad Timoth. 2. cap. 3. *Omnes, qui pie volunt vivere in Christo Jesu, persecutionem patientur.*

18 Ad quartum, neganda sunt pericula ex parte Sponsarum, orta ex frequenti, & affectuoso commercio cum Ven. Apparito; quia ipsas non ostendisse ne minimum indicium, quòd sibi displiceret sui Sponsi honesta circumscriptio, persuadet, quòd gratia in earum animo irregularem interiorem pacem afferebat, & quod subjectas habebat rebellionem appetitus. Et credendum est, quòd dum Sponsæ hujus Viri iusti, nullà exteriori licentiâ ostendebant desideria permissionis, æqua-

liter

liter bene se habebant, & contentæ erant in puritate commercii. Hæc solutio tantò est securior, quantò est expressa doctrina Divi Thomæ in 4. sent. dist. 32. quæst. 1. art. 2. Quærit Sanctus Doctor, an Sponsus teneatur matrimoniale solvere debitum suæ Sponsæ? Et sub hæc forma secundum Argumentum proponit. *De quolibet debemus præsumere meliora; sed melius est conjugibus continere; quàm Matrimonio uti, ergo nisi expressè debitum petat, debet præsumere vir, quod ei placeat continere, & sic non tenetur ei debitum reddere.* Responsio Sancti Doctoris, est etiam nostra. *Ad secundum dicendum, quod vir potest saltem præsumptionem de Uxore habere, quando in ea signa contraria non videt; sed quando videt, esset stulta præsumptio.* Talia signa, quæ præsumptionem magis piam impediunt, numquam visa sunt in duobus Sponsis nostri Venerabilis; Igitur præsumendum est ipsas voluisse abstinere à carnali concubitu; Et ab huiusmodi voluntate valde remota sunt pericula, quæ in Argumento supponuntur.

19 Tum etiam quia juxta mentem Divi Thomæ in hoc eodem articulo, solutio debiti matrimonialis est ordinata ad evitandum incontinentiæ periculum consortis, quando tale periculum timeri potest per aliquod inditium exterius; Ibidem ad primum: *Sed quando timetur ex aliquibus signis periculum, ad quod evitandum ordinatur debiti redditio, nisi tunc reddatur;* ideoque si ex parte Sponsarum talia signa non apparebant, & de facto non aderant, non est unde talia pericula essent timenda, quibus teneatur Sponsus occurrere. Sed tamen quando permittamus quòd aliquod ex his periculis immineret Sponsis nostri Venerabilis, adhuc in eo cessabat omnis obligatio ad matrimoniale debitum solvendum, quando Sponsæ per aliquod signum exterius talis debiti solutionem à Sponso non postulassent, & per tale signum earum desiderium, & voluntatem non patefecissent. Ita expressè explicatur à supradicto Sancto Doctore in corpore art. cit. *Vir tenetur reddere, quando expressè signa in Uxore apparent voluntatis debiti reddendi.* Pericula, quibus remedium præstare student, seu evitare Doctrinæ Sanctorum Patrum, sunt extra nostrum propositum; eò quia ab ipsis proponuntur, & adducuntur ad effectum evitandi domestica, & familiaria commercia inter eos, qui sunt in statu libero, quia inter istos omne genus inhonestæ libertatis semper est peccaminosum, sed non arguunt Sancti Patres domesticam inter Sponsos familiaritatem, inter quos versari potest secundum consuetudinem non excedentem limites honestatis, absque ullo animarum periculo. Et cum intentio Sanctorum Patrum sit solum præcavere periculosissimas, & quasi inevitabiles occasiones, quibus est exposita familiaritas, & domestica conversatio inter personas diversæ sexus in statu libero existentes; fieret injuria ipsi Sanctis Patribus, si diceretur in eorum doctrina comprehensum,

& per eandem prohibitum domesticum, & familiare commercium inter Conjugatos, in quibus licentia, & Matrimonii facultas evanescere facit omne periculum.

20 Ad Quintum Argumentum, quod impugnatur Factum Venerabilis Appariti, in ordine ad secundas nuptias ab eodem contractas, responsio petenda est ab usu universaliter recepto in tota Ecclesia. Et respondit Divus Thomas in toto integro Article, in quo defendit licitas esse secundas nuptias. Sanctus Doctor ita quærit in 4. dist. 24. quæst. 3. art. 1. *Utrum secunda nuptia sint licita?* Et sub istis verbis respondet. *Respondeo dicendum, quod vinculum matrimoniale non durat, nisi usque ad mortem, ut patet. Rom. cap. 7. & ideo moriente altero conjugum, vinculum matrimoniale cessat; unde propter præcedens Matrimonium non impeditur aliquis à secundo, mortuo Coniuge, & sic non solum secunda, sed tertia, & sic deinceps nuptia sunt licita.* Ex quo inferitur, quod si defectuosum non fuit primum Matrimonium, ob causam propositi, cum quo fuit contractum à Venerabili, neque secundum; quia secundæ Nuptiæ non sunt malæ, neque reprobæ. Neque Textus D. Pauli, cum quo præsumitur autorizare Argumentum, probat in contrarium; quia ibi Apostolus consilium præbet ad sequendum id, quod est perfectius, sed non intendit reprobare, quod est licitum. Eiusdem verba hoc clare manifestant, & commentant ejus doctrinam. Ad Corinth. 1. cap. 7. *Si autem acceperis uxorem, non peccasti;* Et ille idem, qui secundum Matrimonium excusat à peccato, illud defendit tanquam licitum. Et idem Apostolus advertit, quod in suis instructionibus, jubere, & præcipere non intendit, sed solum consilium præbere, ad Corinth. ubi supra. *De Virginibus præceptum Domini non habeo, consilium autem do &c.* Et in præcis terminis concludit de secundis nuptiis ad Corinth. ibi: *Quod si dormieris vir ejus, liberata est, cui vult nubat, tantum in Domino: beator tamen eris si sic permanferis secundum meum consilium.* Ubi quamvis non concedat secundis nuptiis perfectionem majorem, docet tamen illos posse eas licite celebrare, qui per mortem primæ Uxoris remanserunt in statu libero.

21 Neque ex divisione sui obsequii inter Deum, & ejus Sponsam, neque ex inferiori animi solitudine erga Deum, ille qui Matrimonio jungitur amittit propriam libertatem, aliud inferri potest, nisi melioris conditionis status, in quo reperitur, qui manet in statu libero, ac ille, qui Matrimonii vinculo est alligatus, ut per viam perfectionis incedat. Deus tamen neminem voluit sub præcepto adstringere, nisi ad illam solitudinem, quam importat suæ Divinæ legis observantia; & in eodem tempore, quo Matrimonii Sacramentum instituit, nullatenus reprobavit illam divisionem solitudinum, & obsequiorum, quibus pro sui status obligatione singuli adstringuntur.

22. Ad ultimum respondetur, quod pericula, quibus noster Venerabilis se exposuit, non fuerunt pericula incidendi in aliquod peccatum, sed solum non servandi puritatem in thalamo, quod sibi permisum erat ratione vinculi conjugalis; neque erat illi aliunde prohibitum ratione alterius obligationis, cum hæc non contrahatur per propositum; neque sit obligatio sequendi consilia. Ab illis vero periculis, quæ conducunt ad deplorabilem Animæ perditionem, valde fuit distans animus, & executio hujus Magni Herois, inveniendo suæ celestiali prudentiâ mediam, quo omnia illa cautelaret; dum elegit statum, in quo etiam licentis appetitus uti vellet, non erat ei illicitum, & in quo ab illarum usu se abstinendo, ad praxim reducebat actum heroicæ virtuosum. Hæc status electio demonstrat adfuisse in nostro Venerabili quantumvis illiterato, illam sapientiam, quam cum Aristotele, dixit D. Thomas inveniri in Virtuosis, ne errent in suis operationibus, D. Thom. 1. part. quæst. 1. art. 6. ad 3. *Contigit enim aliquem judicare, uno modo per modum inclinationis, sicuti qui habet habitum virtutis, rectè judicat de his, quæ sunt secundum virtutem agendam, in quantum ab illa inclinatur; Unde in 10. Ethic. dicitur, quod virtuosus est mensura, & regula actuum humanorum.* Et concludit Sanctus, hunc judicandi modum spectare ad sapientiam, quæ inter Spiritus Sancti Dona computatur, secundum D. Pauli dictum ad Corinth. 1. cap. 2. *quod spiritalis homo judicat omnia.* Ex quo evanescit Imprudentiæ nota, de qua accusari posset noster Venerabilis in eligendo sibi statum conjugalem, tempore, quo fecerat propositum servandi Castitatem, Virginealem; eò quia medio matrimonio licita sibi faciebat ea, quæ extra matrimonium ei fuissent spirituales ruinæ. Non emittendo votum castitatis, licita, & honesta fuit matrimonialis status electio; abstinendo se ab iis, quæ illi licitè permittebantur in statu conjugali, illius Virginitas extitit insignita præclarissimâ victoriâ, tantò gloriosior, quanto difficilior. Et hoc est omnia judicare, ut ait Apostolus: *spiritalis homo judicat omnia*, ut bene se custodire valeret à periculis, quæ ad peccatum inducunt, & ut ad excellentissimum perfectionis gradum virtutis Castitatis actum transferre posset.

23. Neque negari possunt, neque negare intendimus pericula, quibus exposita remanserunt illius bona proposita, sed qualem culpam ille commississet in eventu, quod contra sua proposita operatus fuisset? Est enim indubitatum principium, quod qui moralem habet libertatem faciendi aliquod; illud facere potest sine culpa, cum executio dicatur usus domini; in quo nulli gravamen inferitur; Et sic, supposito; quod in libertate Venerabilis esset contrahere Matrimonium; quoniam simplex propositum observandi Castitatem hac morali libertate non privatur, quis unquam vituperare poterit illius matrimonium, quod dice-

significatum; & nomen desumit; igitur non est verum Matrimonium, illud quod cum tali intentione celebratur.

26. Secundò quodcumque Sacramentum validum, est perfectum; Matrimonium celebratum cum proposito servandi in eo castitatem, non est perfectum, quia cum excludat naturæ propagationem, ei deficit finis; qui dicitur perfectio contractus conjugalis; igitur Matrimonium contractum cum tali proposito non est validum.

27. Tertiò si Vir diceret Mulieri: Volo, & assentior esse tuum Sponsum, sub hac tamen conditione; quòd nunquam à me debitum petere debeas matrimoniale, Matrimonium non subsisteret, ob interpositam conditionem repugnantem consensui, quem ipse contractus matrimonialis requirit; hæc conditio solum repugnat consensui in ordine ad usum Matrimonii; igitur tale Matrimonium remanet in validum, stante hujus consensus defectu; cum enim in eoqui contrahit cum proposito servandi virginitatem deficiat hujusmodi consensus, dicendum est Matrimonium Ven. Apparitii non fuisse verum, neque validum. Idem, convincitur ex *cap. fin. de condit. apposita*, in quo resolvitur, quòd quæcumque conditio, quæ repugnat substantiæ Matrimonii, illud invalidat; Inter quas conditiones, secundum communem intelligentiam Doctorum, comprehenduntur illæ, quæ opposantur aliquibus ex bonis Matrimonii, quæ sunt, sicuti defendit ex sententia Magistro D. Thomas in 4. dist. 31. quæst. 1. art. 2. *Fides, Proles, & Sacramentum*; cum ergo propositum se abstinendi ab usu matrimoniali opponatur successionem, quæ est *bonum prolis*, videtur, quod contrahere Matrimonium cum animo, & proposito se abstinendi à supradicto usu opponatur Matrimonii validitati.

28. Quartò quia reciproca corporum traditio ob finem generationis spectat ad essentiam Matrimonii; & hæc est illud dominium, de quo loquitur Apostolus; quod acquirit unus Conjugum in ordine ad alium ad Corinth. 1. cap. 7. *Mulier sui corporis potestatem non habet, sed vir. Similiter vir potestatem non habet sui corporis, sed mulier*. Ille qui contrahit cum animo, & proposito servandi castitatem, non potest intelligi, quomodo possit velle hanc mutuam, & reciprocam corporum traditionem, quia in tali casu duas haberet voluntates contrarias, & ad invicem oppositas; unam, qua vult dominii usum in corporibus; alteram, qua vult, & intendit à tali usu se abstinere; Igitur nostri Venerabilis propositum opponebatur cum essentia Matrimonii.

29. Hoc idem confirmatur Argumento Gratiani. Nisi spectaret ad essentiam vinculi Matrimonii ob finem generationis, mutua, & reciproca corporum traditio, tota Matrimonii essentia reduceretur ad solam unionem personarum diversi sexus, in ordine ad convivendum in bona, & fideli societate, una cum mutua, & reciproca bonorum,

com-

communicatione, & obligatione permanendi in dilectione, & mutuo obsequio, & reverentia reciproca; eò quia semel quod excludatur finis propagatiõis, nil aliud status conjugalis requirit. In toto hoc non salvatur essentia Matrimonii; aut dicendum est posse Matrimonium contrahi inter fratrem, & sororem, inter quos adest differentia sexus, & sæpe videtur inter ipsos bona & dilecta societas; & etiam facile est inter eos admittere mutuam bonorum communicationem, & reciprocam amoris correspondentiam, obsequii, & reverentiæ; Igitur ultra istas rationes, quæ unitivè concurrere debent ad legalitatem contractus conjugalis, requiritur etiam mutua, & reciproca corporum traditio ob finem generationis, cui, si opponitur, (sicuti videtur probatum esse,) propositum servandi perpetuam castitatem in Matrimonio, concluditur, quod illud, quod cum tali proposito celebratur, non sit verum, neque validum.

30 Omnis contractus, in quo quisque contrahentium remanet illusos, dicitur nullus, & invalidus. Ita sentit D. Thom. in 4. dist. 34. quest. 1. art. 2. in terminis illius, qui habens impedimentum propriæ libertatis, aut servitutis vellet contrahere, ignaro altero consorte talis impedimenti; Si autem nescit, tunc contractus nullus est; & ideo frigiditas, quæ causat talem impotentiam, ut homo non possit de factoolvere debitum, & conditio servitutis per quam homo non potest de facto libere reddere, impediunt Matrimonium, quando alter conjugum ignorat hoc, quod alius non potest reddere debitum. Ille qui contrahit cum proposito se abstinendi ab usu matrimoniali, unà semel, quod Uxor ignorat tale propositum, remanet hæc delusa, & decepta, eò quia in tali casu dominium, & potestas in corpora non datur utrinque mutuo, & reciproco; & consequenter non subsistit contractus in tali Matrimonio.

31 Tandem, Matrimonium, (& idem dicendum est de quocumque alio Sacramento) annullatur ob defectum materiæ necessariæ; Hæc materia necessaria defuit in contractu matrimoniali nostri Venerabilis, eò quia hujus Sacramenti materia remota, sunt corpora contrahentium ad generationem apta; materia verò proxima est horum corporum, mutua, & reciproca traditio ad finem generationis; & talis mutua traditio non salvatur, quando unus Contrahentium emisit propositum se abstinendi ab usu matrimoniali; Igitur contractus, quos noster Venerabilis celebravit cum jam supra relato proposito non fuerunt vera Matrimonia.

32 Ad oppositum Argumentorum, quæ adducuntur ad impugnandum valorem Matrimoniorum Ven. Apparitiæ extant, Sanctorum Patrum, & Theologorum Authoritates, & Sententiæ, qui defendunt, & sustinent, tanquam verum, validum, ac legitimum Matrimonium Bea-

Beatissimæ Virginis cum D. Joseph ; cùm aliqui sentiant Beatissimam Virginem , antequam esset desponsata emisisse votum absolutum castitatis ; cum qua doctrina clarè convincitur contractum nostri Venerabilis fuisse verum Matrimonium ; & ratio est urgentissima , quia magis opponitur uni ex bonis essentialibus Matrimonii , puta bonum prolis votum castitatis , quàm simplex propositum servandi illam ; & ratio est quia votum reddit illicitam debiti matrimonialis petitionem in ordine ad illum , qui voti ligamine est adstrictus ; & è contra simplex propositum non opponitur potestati petendi hujusmodi debiti solutionem . Igitur si salvatur valor veri , & legitimi Matrimonii , quod contrahitur inter personas , quarum una voto absoluto castitatis est adstricta , negari non potest validitas illius Matrimonii , cui tantùm in uno contrahentium præcedit simplex propositum servandi eandem castitatem .

33 Quia tamen nostrum intentum non est concordare textus , & sententias Sanctorum Patrum , & horum primam sequendo , videtur omitti difficultas nostræ Consultationis ; & quia cupimus eam resolvere ad conformitatem Doctrinæ D. Thomæ , quæ sola reddere potest magis difficilem resolutionem ; sentiendum est , tamquam expressam Sancti Doctoris Doctrinam , Beatissimam Virginem non fecisse votum absolutum castitatis , antequam contraheret Matrimonium . Hæc sunt verba illius 3. part. quæst. 28. art. 4. in corp. *Verùm quia tempore legis oportebat generationi insistere , tam mulieres , quàm viros , (quia secundum carnis originem , cultus Dei propagabatur , antequam ex illo populo Christus nasceretur) Mater Dei non creditur , antequam desponsaretur Joseph , absolute virginitatem vorisse ; sed licet eam in desiderio habuerit ; super hoc tamen voluntatem suam divino commisit arbitrio ; Postmodum accepto Sponso , secundum quod mores illius temporis exigebant , simul cum eo votum virginis emisit .* Ubi expressè declarat suam mentem , votum absolutum castitatis à Beatissima Virgine emissum , & quod fuit necessarium , (sicuti ibi Sanctus Doctor defendit) ut magis laudabilis fuisset in ea , servata virginalis puritas , non fuisse ante sponsalia illius , sed postquam fuerunt contracta ; & tunc de communi consensu , & reciproca determinatione ambo purissimi Coniuges , tale votum emisissent . Idem exprimit in hoc articulo in solutione ad tertium Argumentum , quod conficitur ex verbis D. Pauli , qui damnat sponsalia in illis , qui fecerunt votum castitatis , & etiam improbat in illis voluntatem contrahendi : *Dicendum , quod Verbum illud Apostoli est intelligendum de illis , qui absolute castitatem vorant , quod quidem Mater Dei non fecit , antequam Joseph desponsaretur ; sed post desponsationem ex communi voluntate , simul cum Sponso suo votum virginis emisit .*

34 Quamvis literalis sententia D. Thomæ clarè dicat, votum absolutum castitatis emissum à Beatissima Virgine, non fuisse antecedens, sed subsequens, & posterius illius castissimo Matrimonio; hoc non obstante, sentit quòd in ipsa Beatissima Virgine præcessit votum castitatis conditionatum ad fidelem contractum sui honestissimi Matrimonii. Ita exprimit in præsentì articulo respondendo ad primum Argumentum. *Ad primum ergo dicendum, quòd quia videbatur esse lege prohibitum, non dare operam ad relinquendum semen super terram; ideo non simpliciter vovit virginitatem Dei Genitrix, sed sub conditione, si Deo placeret; Postquam autem ei innotuit hoc esse Deo acceptum, absolute vovit, antequam ab Angelo annuntiaretur.* Eiusdem opinionis est in 4. sent. dist. 30. quæst. 2. art. 1. in corp. *Virginitas autem quamvis in se optima, tamen pro tempore illo, ei Matrimonium præferebatur, propter expectationem benedicti seminis per viam generationis venturi, & ideo Beata Virgo vovit virginitatem, tanquam optimum, & sibi acceptissimum, non tamen simpliciter, sed sub conditione honestissima, hæc scilicet, nisi Deus aliter ordinaret: nec istam conditionem apposuit, ut dubitaret, an veller Virgo permanere, sed an deberet.* Et hoc est, quod Augustinus in lit. dicit, quod proposuit, se permaissuram Virginem, nisi Deus aliter ordinaret. Hoc supposito, dicere debemus secundum ejus doctrinam, Beatissimam Virginem ante Matrimonium fecisse votum castitatis, sed solum conditionatum; & quamvis doctrinas magis restringit D. Thomæ sententia, ex ipsis tamen efficaciter concluditur nostra resolutio.

35 Dicendum est igitur Ven. Apparitii contractum cum proposito; & animo factum servandi castitatem (*si possibile foret*) fuisse verum, & validum Matrimonium. Prima ratio est, quæ deducitur ex D. Thomæ jam supposita, observando similitudinem, & conformitatem terminorum. *Si Deo placeret: si possibile foret;* ubi videtur, quod sicuti votum castitatis emissum à Beatissima Virgine fuit conditionatum, sic pariter sub conditione fuit factum propositum Ven. Apparitii; hoc supposito ita convincitur intentum. Contractus conjugalìs, cui antecedit votum castitatis conditionatum, est verum Matrimonium; ergo & contractus cui præcedit simplex propositum servandi puritatem, est contractus, in quo salvatur veritas Matrimonii. Concluditur antecedens ex doctrina D. Thomæ, qui defendit, ut diximus, Beatissimam Virginem emisisse votum conditionatum castitatis, antecedenter ad sponsalia, & quod inter Virginem, & D. Joseph, fuit verum Matrimonium. Consequentia evidenter inferitur; etenim, cuinam fini, aut bono Matrimonii opponitur propositum conditionatum servandi castitatem, quando votum sic conditionatum ulli fini, aut bono Matrimonii contrariatur? Aut alio modo: votum conditionatum castitatis obli-

gat conditionatè ad non petendum debitum conjugale ab altero Coniuge; Sicuti votum absolutum, & quamvis relinquat facultatem solvendi debitum, impedit tamen libertatem ad petendam talis debiti solutionem. Propositum simplex observandi castitatem, sive sit absolutum, sive conditionatum, ad nihil obligat in conscientia, quia cum tali proposito emisso, ne quidem tollitur libertas petendi debitum; Igitur si votum conditionatum castitatis non obstat validitati Matrimonii, à fortiori idem dicendum est de proposito conditionato.

36. Attamen idem Sanctus Doctor defendit etiam fuisse verum Matrimonium, illud quod contraxerunt Sanctissimi illi Confortes in 3. part. quæst. 29. art. 2. in corp. *Quia uterque consensit in copulam conjugalem, non autem expresse in copulam carnalem, nisi sub conditione (si Deo placeat)* In cuius causali notandum est, Sanctum Doctorem solummodo ponere consensum conditionatum erga copulam carnalem, ut reddatur validum, & verum Matrimonium; Ven. Apparitus, in suo contractu, hunc eundem consensum habuit; ergo fuit verum Matrimonium. Minor, in qua est difficultas, convincitur ex factorum *Cum qua (si possibile foret) vivere liceret in casto, & virginali concubio*; Et explicatur veritas huius facti hoc modo. Ille qui proponit observare castitatem, aut se abstinere ab usu carnali, dummodo sit sibi possibile, assentitur copulæ, si non fuerit sibi possibile servare puritatem; noster Venerabilis proposuit se abstinere à copula, solum in eventu, quod potuisset se abstinere; Igitur præstitit assensum copulæ, in eventu, quod à tali copula se abstinere non potuisset; eò quia si cum consensu conditionato in ordine ad copulam carnalem salvatur veritas, & substantia Matrimonii, non intelligitur ob quam rationem negari possit validitas Matrimonii nostri Venerabilis.

38. Dum enim tota difficultas, quæ opponi potest in ordine ad substantiam, & valorem huius contractus conjugalis, reducitur ad defectum consensus in ordine ad copulam carnalem, qui defectus videtur opponi uni ex bonis Matrimonii; suadere oportet, in Matrimonio Ven. Appariti adfuisse totum consensum, essentialiter requisitum ad valorem talis contractus. In textu supra relato D. Thomæ distinguuntur duo consensus, unus ordinatus ad copulam conjugalem, qui consistit in communicatione, & in amabili societate contrahentium, vivendo cum mutua, & reciproca benevolentia, & unione, & animi concordia; alter directus ad copulam carnalem, qui consistit in usu potestatis, & domini, quod unusquisque contrahentium acquirit in corpore alterius: ait D. Thomas, quod in Matrimonio Beatissimæ Virginis, & D. Joseph ambo supradicti consensus adfuerunt; consensus directus ad copulam conjugalem, supponit quòd fuit absolutus, & explicitus: consensus autem directus ad copulam carnalem, fuit conditionatus:

R

Uter-

Uterque confensus in copulam conjugalem, non autem expresse in copulam carnalem, nisi sub conditione, quod Deo placeret. Ad hoc igitur ut subsistat substantia Matrimonii, sufficit, quod consensus ad copulam carnalem sit conditionatus. Hunc consensum conditionatum præsticit noster Venerabilis contrahendo Matrimonium, eo quia conditionatum fuit illius propositum se abstinendi à copula carnali; est igitur etiam dicendum illius Matrimonium fuisse verum, & validum. Alio modo comprobatur nostrum assumptum juxta mentem pariter Angelici Doctoris. Ex doctrina ejusdem constat Beatissimam Virginem, antequam contraheret suum Matrimonium emisisse votum conditionatum castitatis; & secundum mentem ejusdem S. Doctoris B. Virgo præstavit consensum ad copulam carnalem, necessarium ad validitatem vinculi conjugalis. Igitur cum voto conditionato castitatis salvatur consensus ad copulam carnalem necessarius ad valorem Matrimonii; igitur per propositum conditionatum servandi castitatem in statu conjugali à nostro Ven. Apparicio emissum, non remansit exclusus consensus ad copulam carnalem, qui necessario requiritur ad validitatem, & legalitatem Matrimonii. Aut alio modo ad mentem pariter ejusdem Sancti Doctoris. Illa circumstantia, quæ in uno contrahentium relinquit liberum totum dominium, & potestatem petendi debitum; & in alio Conjuges servat facultatem solvendi tale debitum matrimoniale, non opponitur consensui in copulam carnalem, qui necessario requiritur, & est de essentia Matrimonii; Propositum servandi castitatem [si possibile foret] relinquit liberum in uno Conjugatorum dominium, & potestatem petendi, & in illo qui cum tali proposito contrahit, servat facultatem satisfaciendi, & reddendi; Igitur contrahere cum tali proposito conditionato, non opponitur cum consensu ad copulam carnalem, requisito ad substantiam, & valorem Matrimonii. Minor, ultraquam quod in textu D. Thomæ est certa, explicari potest hoc modo: Ille, qui proponit servare castitatem, solummodo in casu quo sit ei possibile, non vult illam servare in casu, quo ei fuerit facta petitio solvendi debitum matrimoniale, ad quam solutionem mutuo sese obligant Conjuges in contrahendo Matrimonium; quia in tali casu non est possibile licite se eximere à tali petita solutione debiti; Igitur propositum servandi castitatem, [si possibile foret] relinquit liberam facultatem in uno Conjugatorum petendi, & servat liberam facultatem, & potestatem reddendi, & satisfaciendi in illo, qui cum tali proposito contrahit; quia sicuti restat probatum, non est assignabilis ratio, cur simplex propositum conditionatum opponatur huic facultati, & dominio, si totum hoc optime salvatur, & subsistere potest cum voto conditionato castitatis, ante Matrimonii celebrationem emissum.

38 Antequam hunc Textum Angelici Doctoris relinquamus, cujus

Do-

Doctrina, valde concludit in favorem facti Ven. Appariti, nonnullam reflexionem requirunt aliqua verba, quæ adducit S. Doctor in corp. art. 3. part. quest. 28. art. 4. cum quibus eodem tempore ostenditur falsitas, quæ reperitur in uno ex Argumentis in contrarium adductis. In hoc negatur, quod Maria Sanctissima emiseric Votum castitatis, antequam contraheret Matrimonium; sed ait, quod ipsa semper habuit desiderium se conservandi in statu Virginitatis: *Mater Dei non creditur antequam desponsaretur Joseph, absolute Virginitatem novisse; sed licet eam in desiderio habuerit &c.* Ex quibus verbis sic conficitur Argumentum: Aut desiderium servandi castitatem opponitur, & repugnat cum consensu, quem requirit essentia Matrimonii, aut non; si primum, erit necessarium negare verum fuisse Matrimonium inter Beatissimam Virginem, & Divum Joseph; quod est absurdum; si secundum, non erunt duæ voluntates ad invicem oppositæ, una scilicet quæ desideratur servare castitatem, [*si possibile foret*] & altera, quæ præstat assensum ad copulam carnalem; & in eventu, quo non sint oppositæ, hæc est illa, quæ requiritur in Matrimonio ad substantiam, & validitatem ejusdem. Igitur non potest inferri contrarietas voluntatum in nostro Venerabili ex quo contraxerit sua Matrimonia cum proposito servandi Castitatem [*si possibile foret*]. Ultrâquam quod, propositum servandi castitatem [*si possibile foret*] quale morale impedimentum superaddit desiderio servandi illam, quando Deo non displiceret Virginitas, quæ desideratur? Igitur si desiderium observandi castitatem, [*si Deo placeret*] non impedit consensum, qui requiritur ad substantiam contractus, neque propositum servandi castitatem [*si possibile foret*] impedit consensum requisitum ad veritatem Matrimonii.

39. Optimè posset defendi, & fundari validitas Matrimonii Venerabilis nostræ Consultationis robustissimis rationibus desumptis à magno Parente Augustino in lib. de bono Conjugali c. 1. & 3. & in lib. 23. contra Faust. cap. 8. ubi defendit D. Joseph à dictaminibus minus rectis, propugnans in illo cunctos veri Sponsi honores. Et in lib. 2. de consensu Evangelist., ubi manifestat veritatem Matrimonii inter Beatissimam Virginem, & D. Joseph, tanto magis perfectum, quanto plus remotum à licentis vinculi Matrimonialis. Sed omnes isti Textus D. Augustini admittunt facilem explicationem, dicendo quod in ipsis S. Doctor tantum negat quod spectet ad essentiam, & perfectionem Matrimonii, usus domini, & potestatis conjugalis, cujus intelligentia est literalis; quia in omnibus Textibus citatis declarat Nuptias esse magis perfectas, quando in ipsis nulla adest commixtio carnalis inter sexus differentes, in qua commixtione consistit usus domini, & potestatis. Eadem explicatio admittitur à D. Ambrosio in lib. de Instit. Virg. ad Eusebium cap. 5. & hæc sunt sua verba: *Non enim desolatio Virginitatis*

ris facit conjugium, sed pactio conjugalis. Denique cum jungitur Puella, conjugium est, non cum virili admixtione cognoscitur. Ex quo tantum deduci potest, substantiam Matrimonii non consistere in commixtione carnali; (quod est omnibus notum) sed in pacto conjugali, in quo etiam dubitatur an in eo includatur consensus mutus; & reciprocus ad usum matrimoniale; licet remanere possit ille consensus sine usu prædicto.

40 In eodem sensu pariter intelligi potest Doctrina S. Petri Damiani in Epistola xi. scripta ad Clerum Faventiae, cuius Argumentum est impugnare opinionem asserentem, Conjugatorum concubitum, spectare ad essentiam Matrimonii, & sine ipso concubitu non adesse Matrimonii denominationem. Conclusionem, quam ibi defendit sub his verbis exprimit: *Nos autem è diverso libere profitemur, & concubitum posse sine nuptiis fieri, & sine concubitu recte nuptias appellari.* Et facta exacta observatione contextus suæ doctrinæ, vix aliquid aliud potest concludi; quia estò tanquam possibiles admittat Nuptias virginales, quæ sunt illæ, in quibus Sponsa cum Sponso conjungitur cum pacto dotali, itaut anteposito desiderio ecclesiæ Thalami, nullo modo interveniat carnalis accessus: Totum hoc tantummodo probat majorem Matrimonii perfectionem, quando in ipso Conjuges se abstinēt à licentis matrimonialibus; quæ eis permittæ sunt, sed non concludunt, neque nostrum convincunt intentum; quia non dubitatur de validitate Matrimoniorum nostri Ven. Apparitii; eo quia in eis defuit usus, sed quia videtur uniri non posse cum proposito servandi castitatem consensus implicitus ad copulam, qui requiritur ad valorem; & subsistentiam Matrimonii. Neque ex hoc quod S. Petrus Damianus eas appellet nuptias virginales, suadet, ex hoc titulo excludere voluisse omnem consensum ad usum ipsius Matrimonii; Quoniam concedendo D. Thomas in 3. part. quæst. 29. art. 1. ad 1. (sicut jam dictum est, consensus implicitum, & conditionatum in Beatissima Virgine; defendit pariter hujusmodi consensum, nullatenus præjudicasse illius virginali puritati. *Confidens de divino auxilio, quod nunquam ad carnalem copulam deveniret: Hoc tamen divino commisit arbitrio; unde in nullo detrimentum passa est virginitas.* Igitur estò nuptiæ dicantur virginales, in ipsis concurrere debet consensus saltem implicitus, & conditionatus, quem consensum admittit D. Thomas in nuptiis purissimis Beatissimæ Virginis.

41 Si (quemadmodum nonnulli opinati sunt) ex his auctoritatibus bene probaretur, D. Augustinum, D. Ambrosium, & D. Petrum Damianum exclusisse omnem consensum ad copulam carnalem ab essentia Matrimonii, cum hoc tantum comprobata remanerent Matrimonia Ven. Apparitii; attamen quia non intendimus aliquam ex difficultatibus

nostræ Consultationis omittere, neque ita facile credimus hanc fuisse mentem D. Augustini aliorumque Sanctorum Patrum, cum D. Thomas qui ita fuit circumspexit in unificando suam opinionem cum illa omnium aliorum; fidelissimus Discipulus D. Augustini, clarè defendat, & sentiat, (sicuti supra diximus) Matrimonium magis purum, quale fuit illud Beatissimæ Virginis, & D. Joseph, non fuisse sine consensu, saltem implicito, & conditionato ad copulam carnalem: *Uterque consensit in copulam conjugalem, non autem expresse in copulam carnalem, nisi sub conditione, quod Deo placeret.*

42. Locus in quo Sanctus Doctor ex professo tractavit de consensu ad copulam carnalem necessario requisito ad valorem Matrimonii, est in 4. sent. dist. 28. q. 1. art. 4. ubi querit. *Utrum consensus, qui facit Matrimonium, sit consensus in carnalem copulam?* Ut magis promptam illius doctrinam producere valeamus, necesse est adducere responsionem, quam ipsemet Sanctus Doctor assert in corp. art. quia, nullum addit verbum, quod ad nostrum non conducat intentum. Respondendo dicendum, quod consensus, qui Matrimonium facit, est consensus in Matrimonium; quia effectus proprius voluntatis est ipsum voluntatum; unde sicuti se habet carnalis copula ad Matrimonium, ita consensus, qui Matrimonium causat, est in carnalem copulam. Matrimonium autem, ut supra dictum est, non est essentialiter ipsa conjunctio carnalis, sed quadam associatio Viri, & Uxoris in ordine ad carnalem copulam, & alia, quæ ex consequenti ad Virum, & Uxorem, pertinent, secundum quod eis datur potestas in invicem, respectu carnalis copulæ: & hæc associatio, conjugal copula dicitur, nude patet, quod bene dixerunt illi, qui dixerunt, quod consentire in Matrimonium, est consentire in carnalem copulam implicitè, non explicitè; Non enim debet intelligi, nisi sicuti implicitè continetur effectus in sua causa, quia potestas carnalis copulæ, in qua consentitur, est causa carnalis copulæ; Sicut potestas utendi re sua, est causa usus. Ex hoc inferitur, quod est expressa doctrina Divi Thomæ, quod consensus implicitus in carnalem commixtionem, attinet ad essentiam Matrimonii; efformando ex ipsissimis verbis Sancti Doctoris hunc Discursum: Consensus, qui Matrimonium facit, est consensus in idem Matrimonium; Consentire in Matrimonium, est consentire, (est non explicitè) implicitè in copulam carnalem; Igitur consensus, qui Matrimonium causat, quique est ad ejus veritatem, & validitatem necessarius, est consensus implicitus ad copulam carnalem.

43. Nunc videamus, si illud propositum servandi castitatem, si possibile foret, cum quo contraxit sua Matrimonia Venerabilis Apparitus, opponatur cum hoc consensu implicito, eique repugnet: sequendo explicationem ejusdem Sancti. Propositum, quod solum re-

strin-

stringitur, & reducitur ad abstinendum se ab aliqua re, quæ non est de essentia, & de necessitate ad valorem Matrimonii, non opponitur consensui implicito, qui est causa Matrimonii; Propositum servandi castitatem, est solum propositum se abstinendi à copula carnali, quæ juxta mentem D. Thomæ non est essentialiter Matrimonium: *Matrimonium autem, ut supra dictum est non est essentialiter ipsa conjunctio carnalis*, igitur propositum servandi castitatem non opponitur consensui implicito, qui causat Matrimonium. Prosequamur secundum explicationem D. Thomæ. Matrimonii essentia consistit in societate, & consortio inter Virum, & Uxorem in ordine ad copulam carnalem: *sed (ait) quædam associatio Viri, & Uxoris in ordine ad carnalem copulam*. Propositum servandi castitatem, si possibile foret, clarè videtur, quod non repugnat, neque opponitur societati, & consortio contrahentium, neque ordini ad copulam carnalem, qui ordo, seu consensus implicitus requiritur ad valorem Matrimonii; quia talis ordo, juxta D. Thomam, nihil aliud est, quam potestas, & dominium, quod habet unusquisque Conjugum utendi pro suo libito corpore alterius Conjugis. *Potestas carnalis copula, in quam consentitur*. Igitur si propositum servandi castitatem, si possibile foret, non opponitur, neque repugnat huic dominio, seu potestati, neque repugnabit societati, seu commercio, inter virum, & uxorem in ordine ad copulam carnalem; neque assensui implicito in ordine ad eandem copulam, quem includit, hæc societas. Quod autem propositum servandi castitatem, si possibile foret, non opponatur, neque repugnet potestati, neque dominio, quod mutuo, in se invicem acquirunt contrahentes, jam probatum est, & ulterius hoc modo explicatur. In duobus casibus est impossibile, quod vir se abstineat ab usu copulæ: unus est quando Sponsa illius petit debiti solutionem; & alius, quando Sponsus ipse est in periculo incontinentiæ. In primo casu Sponsa utitur jure suo, & dominio, petendo debitum. In secundo casu Maritus propriam exercet potestatem sibi concessam per contractum matrimonialem. Igitur ille qui proponit servare castitatem, si ei possibile erit, relinquit in suo dominio consortem, & sibi ipsi reservat libertatem sibi concessam; Igitur cum tali proposito remanet saluum dominium, & potestas, in quibus D. Thomas ponit essentiam Matrimonii, est secundum opinionem ejusdem Sancti Doctoris, in ipso remaneat inclusus consensus implicitus ad copulam carnalem, qualis copula est talis domini usus.

44 Ad veritatem, & efficaciam hujus probationis superabundabat eam esse literalem D. Thomæ; hoc tamen non obstante Cardinalis Turrequemada tom. 3. super Decret. casus 27. quæst. 2. magis illam illustrabit; cujus autoritas digna censetur, ut hic afferatur hæc enim sunt verba præcisa ejusdem: *Ad contrahendum Matrimonium non est*

ne-

necessarius consensus explicitè in id, quod non est de essentia Matrimonii; Sed carnalis copula non est de essentia Matrimonii; Patet, quia post quàm aliqui Matrimonium contraxerint, etiam si postea perpetuo continerent, inter eos verum Matrimonium erit, sicuti patet in Matrimonio inter Beatam Virginem, & Ioseph. Contrahendo ergo Matrimonium, non est necessarius consensus in carnalem copulam explicitè, sed bene implicitè, ut dicit S. Thomas, & Richardus: quia in conjugali societate, qua nominatur ipsum Matrimonium, implicatur mutua potestas communicationis, non tantum honorum, sed etiam corporum, cum utrique detur potestas in invicem, respectu carnalis copule; sed hoc non est consentire in carnalem copulam explicitè, aut etiam implicitè absolute, sed sub conditione, si scilicet Coniux requireret, & debitum exigeret, sive uti vellent concessa potestate, ut dicit Magister Richardus. In uno verbo D. Thomas nobis explicavit veram intelligentiam, & confirmavit per suam Doctrinam nostrum intentum, eamque illustravit auctoritate Magni Richardi à S. Victore. Dicit enim non esse necessarium ad veritatem Matrimonii, consensum explicitum ad copulam carnalem, quia hæc non est de ejus essentia; neque requiritur consensus implicitus absolutus: sed solum implicitus conditionatus, videlicet, si Sponsa debitum petat; Igitur ille qui contraheret cum proposito servandi castitatem sub conditione, si possibile foret, verè & realiter legitimum Matrimonium contrahit; quia cum non sit possibile observare castitatem, quando Sponsa debitum petit, consensit implicitè in non se abstinendo ab usu conjugali, sub conditione, quòd Sponsa, utendo sua potestate, & jure, velit petere. Neque intelligendum est, quòd quia hujusmodi consensus implicitus Ven. Apparitii ad usum conjugalem fuit solum conditionatus, quòd ipse absolute non contraheret Matrimonium, quia non reperitur principium magis certum in toto Jure, quòd quicumque vult aliquem contractum sicuti est in se, absolute contrahit; Cum igitur contractus matrimonialis non requirat consensum absolutum ad usum copulæ, sed solum conditionatum, idest si Coniux requireret; hinc inferitur, quod estò consensus nostri Ven. Apparitii fuerit tantum conditionatus ad usum matrimonialem, nihilominus contractus ad Matrimonia fuit absolutus.

45 Adductis igitur cum D. Thoma efficacioribus probationibus, quibus ostenditur nihil defuisse Matrimonii Ven. Apparitii, ex his quæ sunt de substantia validi, & veri Matrimonii, solum superaddi possunt nonnullæ aliz rationes, quæ inservire possunt ad majorem explicationem totius, quòd restat sufficienter probatum. Et prima ipsarum sit. Propositum quod solum requirit castitas, quando Matrimonium illud permittit, reddere non potest Matrimonium invalidum; Tale fuit propositum Ven. Apparitii; igitur nil reperitur in illo quod repugnet, & op-

ponatur valori, & veritati Matrimonii: Minor probatur sic: Matrimonium permittit, quòd Conjuges se abſtineant ab uſu copulæ; unà ſemel quòd poſſint ſe abſtinere; & ulterius etiam Apoſtolus ad Corinth. ep. 1. cap. 7. hoc idem conſulit, tamquam laudabile: *bonum eſt homini mulierem non tangere*. Propoſitum noſtri Venerabiliſſi ſolùm fuit ſe abſtinenti ſi ei poſſibile foret; Igitur voluit caſtatem ſervare, in quantum ipſum Matrimonium permittit. Unde ergo probari poteſt, quòd redderet invalidum Matrimonium voluntas, quæ in nullo opponitur obligationibus ſtatus matrimonialis? Ulteriùs? In nullo ſtatu eſt neceſſariò intentare abſolutè finem, ad cujus executionem non remanet abſolutè obligatus ille, qui talem finem intente; quia intentio, eſt voluntas exequendi, aut aſſequendi finem, & habet importare quãdam obligationem ad illud procurandum; ad ſimilitudinem promiſſionis, & ſpecialiter in ſolemnitatibus contractuum. In Matrimonio, nullus Conjugum remanet abſolutè obligatus ad uſum copulæ, niſi ſolùm in caſu, quo alter eòrum petat; igitur ad valorem, & veritatem Matrimonii non neceſſario requiritur abſoluta intentio uſus.

46 Ut relinquamus, abſquè ulla oppoſitione bene fundatam reſolutionem noſtri intentus, remanent ſolum ſolvenda argumenta in contrarium adducta. Ad primum reſpondetur, quòd totum id, quòd D. Auguſtinus affirmat de Sponſa, etiam de Sponſo intelligi debet, & ſicuti illa debet in Matrimonio quærere ſucceſſionem in ſecunditate Matris, ita Vir quærere debet unum ex bonis Matrimonii; quòd eſt proles, in ordine ad quam dicitur Pater; ſed in verbis citatis non debet intelligi D. Auguſtinus quòd ipſe Sanctus Doctor loquatur de intentione expreſſa, cùm qua eſt contrahendum Matrimonium, ſed ſolummodò de animo qui debet imperare uſui illius, ad hoc ut ſit honeſtum; hoc eſt dicere, quòd in uſu matrimoniali, Conjuges non inducantur ad talem uſum, à carnali concupiſcentia, ſed ob finem propagationis naturæ. Et hanc fuiſſe mentem D. Auguſtini, clarè deducitur ex verbis, quæ immediatè antecedunt ea, quæ proponuntur pro argumento lib. 19. contra Fauſtum cap. 26. *Verumtamen d vobis ex veſtra erroris ſacrilega vanitate quæro: cur diſpliceat dimittere uxorem, quam non ad Matrimonii finem, ſed ad conſcientia crimen habendam eſſe cenſetis?* In quo loco clarè loquitur de concupiſcentia, quæ eſt delictum, & quam ſolùm quærebant Hæretici in concubitu ſuorum Matrimoniorum. Hæc vituperat, & redarguit Sanctus, cùm ſint peccaminofa, & concludit: *Matrimonium, quippè ex hoc appellatum eſt, quòd non ob aliud debeat ſamina nubere, quàm, ut Mater fiat*. Allignavit finem, à quo copula cohoneſcatur, non jam intentionem habendi illam; arguebat id, quòd erat peccatum in Matrimonio illorum, & coneluſit in animo, & in intentione qua copulæ uſus redditur in illis irreprehenſibilis.

47 Vituperabat enim illam vitiosam delectationem, de qua quaerit D. Thomas in 4. dist. 32. quaest. 1. art. 3. *Utrum aliquis peccet mortaliter, cognoscens uxorem, non intendens aliquid Matrimonii bonum, sed solum delectationem?* Cui respondet istis verbis: *Dicendum, quod si delectatio queratur ultra honestatem Matrimonii, ut scilicet aliquis in Conjugem non attendat quod conjux est, sed solum quod Mulier est; idem paratus facere cum ea, si non esset Conjux, est peccatum mortale, & talis dicitur ardentior amator Uxoris, quia scilicet ardor ille extra bona Matrimonii effertur. Si autem queratur delectatio intra limites Matrimonii, ut scilicet talis delectatio in alia non quaeretur, quam in Coniuge, sic est veniale peccatum.* Videtur igitur, quod in usu matrimoniali quaerebant primas delectationes Haeretici, contra quos exclamabat D. Augustinus, & huiusmodi delectationes dictae fuerunt à Divo Thoma ibi ad 1. *Delectationes meretriciae. Tunc voluptates meretriciae, Vir in Uxore quaerit, quando nil aliud in ea attendit, quam quod in meretrice attenderet.* Hoc tamen non obstante, quando delectationes fuissent etiam secundae speciei, quae sunt peccaminosae tantum venialiter, iussit S. Augustinus eas reprehendebat; commonefaciens eos, ut in usu matrimoniali attenderent ad bonum successionis, & non ad carnalem voluptatem. Et non ob aliam rationem ait S. Augustinus quod ideo nubit Mulier, ut Mater fiat, sicuti & Vir, ut Pater evadat. Nec intelligi potest, quomodo contradicere possit huic doctrinae, ille qui Matrimonium contrahit cum proposito servandi castitatem; quia qui desiderat se abstinere, quantum ei possibile sit, ab actu, valde distat à quaerendo in usu matrimoniali sensualem delectationem.

48 Ad secundum Argumentum respondetur concedendo quod omne Matrimonium verum, est perfectum; distinguendae tamen sunt duae perfectiones, sicuti eas distinguit Divus Thomas in 3. part. quaest. 29. art. 2. in corp. *Dicendum quod Matrimonium, sive Conjugium, dicitur verum ex hoc, quod suam perfectionem attigit; Duplex est autem rei perfectio, prima, & secunda: prima quidem rei perfectio consistit in ipsa forma, ex qua speciem sortitur; secunda verò perfectio consistit in operatione rei, per quam res aliquam suum finem attingit. Forma autem Matrimonii consistit in quadam indivisibili conjunctione animorum, per quam unus Coniugum indivisibiliter alteri fidem servare tenetur: Finis autem Matrimonii est proles generanda, & educanda, ad quorum primum pervenitur per concubitum conjugalem, ad secundum per alia opera Viri, & Uxoris, quibus invicem obsequuntur ad prolem nutriendam.* Matrimonio Ven. Appariti defuit secunda perfectio, quia se abstinent ab usu Matrimonii, ob quam causam prolem non habuit, aut successionem, quae est finis copulae carnalis; suis autem contrahibus non defuit primaria perfectio formae constitutivae Matrimo-

monii, quia adfuit in ipsis conjugalis concubitus, in indivisibili animo-
rum unionem: Cum hac sola perfectione, salvetur à Divo Thoma valor,
& veritas Matrimonii Beatissimæ Virginis cum D. Joseph. Sic igitur
dicendum est, quod quantum ad primam perfectionem omnino verum fuit
Matrimonium Virginis Deiparae, & Joseph. Licet in hoc castissimo
Matrimonio, solus defectus, seu usus deficientia, obflare potuit ope-
rationi, quæ consummat idem Matrimonium, non autem proli, quæ
fuit fructus benedictus castitatis, & virginalis puritatis. Quantum vero
ad secundam perfectionem, quæ est per actum Matrimonii, si hoc referatur
ad carnalem concubitum, per quem proles generatur, non fuit illud
Matrimonium consummatum; Habuit tamen illud Matrimonium etiam
secundam perfectionem, quantum ad proliis educationem. Ex quo deducitur
in Matrimonio Ven. Apparitii adfuisse perfectionem formæ, quæ
constituit essentialiter Matrimonium; & solum defuisse in operatione,
quædam perfectio secundaria, quæ neque exigitur ad Matrimonii va-
lorem, neque est de illius essentia. Eandem doctrinam adducit D. Tho-
mas in 4. art. quæst. 2. in 4. sentent. dist. 27. Ubi distinguit in Matri-
monio ad conformitatem istarum perfectionum, duas etiam integritates.
Dicendum, quod duplex est integritas, una quæ attenditur secundum
perfectionem primam, quæ consistit in ipso esse rei; alia quæ attenditur
secundum perfectionem secundam, quæ consistit in operatione. Quia ergo
carnalis commixtio, est quædam operatio, sive usus Matrimonii, per
quod facultas ad hoc datur; ideo erit carnalis commixtio de secunda in-
tegritate Matrimonii, & non de prima. Qualis igitur integritas aut
perfectio essentialis defuit in Matrimonio Ven. Apparitii; quando ne-
que illorum consummatio, neque proles, sunt perfectiones consti-
tuentes essentiam Matrimonii.

49. Ad tertiam objectionem, quæ est Argumentum D. Thomæ in 4.
sent. dist. 25. art. 4. ad 1. Adducit idem Sanctus Doctor solutionem per
ista verba: Dicendum, quod illa conditio explicata, non solum adfuit,
sed potestati contrariatur carnalis copula; & ideo est contraria Matri-
monio. Ille qui contraheret Matrimonium, hoc pacto, quod Coniux
non sit usus Matrimonio, privaret illum ea potestate, quæ ad talem
usum requiritur. Non ita se gessit Ven. Apparitius, quia quando in
illius proposito adfuisse aliqua contrarietas, aut implicantia ad copulam
carnalem, (quod non admittimus) non potuit tamen talis contra-
dictio adesse in ordine ad facultatem, & dominium, quod confert
vinculum conjugale, ad hoc ut secundum voluntatem, à ratione regu-
latam possint Conjuges mutuo, & ad invicem uti tali dominio, & liberi-
tate, quam habent ad invicem; quoniam, sicuti jam diximus, qui
proponit observare castitatem in Matrimonio (quantum illi possibile
sit) non proponit se abstinere ab usu Matrimonii, si Sponsa ipsum re-
qui-

quire pro debita satisfactione. Igitur tale propositum in nullo opponitur potestati, & dominio, quod habet Sponsa supra corpus sui Sponsi; neque hinc adest ulla ex illis contrarietatibus, quæ invalidant Matrimonii contractum; Quia ex parte Venerabilis solùm fuit simplex cessatio actus conjugalis, absque eo quod interveniret aliqua turpis conditio, aut ex illis quæ reserunt Matrimonium ad finem oppositum, sicuti esset impedire propagationem, procurando sterilitatem; aut abortum &c. quæ sunt illæ contrarietates, quæ in altera objectione reputantur contrariæ, & oppositæ Matrimonio, & substantiæ ejusdem.

30 Ad quartum dicendum est, propositum servandi castitatem, si possibile foret, non opponi, mutux corporum traditioni, quia nullum affert præjudicium dominio unius Consortis, quod alter velit se abstinere, si ille minime petat. Hanc mutuum corporum traditionem invenit D. Thomas in Desponsionis Beatissimæ Virginis cum D. Joseph, absque eo quod obstat propositum, aut votum conditionatum, quod ipse admittit in eadem Beatissima Virgine, servandi, si Deo non displiceret, suam virginitatem in thalamo, quale votum conditionatum fuit factum ab ipsa, antequam esset desponsata: Quod ex parte D. Josephi aliquo modo fuerit talis potestas, seu dominium in ordine ad usum matrimoniale, clare dixit Magnus Cancellarius Parisiensis in 4. part. oper. ser. de Cast. sub istis verb. Joseph dictus fuit Pater per curam, & gubernationem; & quia Corpus Domina Nostra aequaliter suum erat per Matrimonii translationem, ut uteretur eo; secundum Sancti Spiritus voluntatem. Notate, quod Votum Domina Nostra non impedivit; nam erat factum ab ea de servando semper sapientem Dei ordinationem. Responsio majorem non requirit extensionem, quam illam, quæ ad Ven. nostræ Consultationis reducantur verba supra relata. Corpus Ven. Apparitii aequaliter erat suarum Sponsarum per Matrimonii translationem, ut eo uti possent. Et notandum est, quod illius propositum non impedivit dictum dominium; quia ipse semper in animo habuit manere in statu virginitatis, si sic Deus ordinasset, hoc est, si possibile foret.

31 Confirmatio, (licet dixerimus esse Argumentum Gratiani) etiam ei se opposuit D. Thom. in 4. dist. 28. quæst. 1. art. 4. sub his terminis: *Omnia quæ sunt in matrimonio, inter Virum, & uxorem, possunt esse licite inter fratrem, & sororem, excepta carnali copula; sed non potest licite inter eos fieri consensus matrimonialis; ergo consensus matrimonialis, est consensus in carnalem copulam.* Magis hujus Argumenti securus solutio, est illa, quam adducit idem S. Doctor: *Dicendum, quod inter fratrem, & sororem non potest esse potestas in invicem ad carnalem*

copulam, sicut nec licet carnalis copula; & ideo ratio non sequitur. Est nullum matrimonium inter fratrem, & sororem, non tantum quia deest in illis consensus ad carnalem copulam; sed etiam quia inter ipsos non potest dari, nec acquiri per matrimonium ulla potestas ad concubium. Et cum huiusmodi potestas, (sicuti vidimus in D. Thoma) includat consensum implicitum conditionatum ad copulam, nullum est matrimonium illud, in quo repugnante potestate ad usum, repugnat patet, consensus implicitus conditionatus ad talem usum, quem consensus requirit essentia, & valor Matrimonii. Tandem, in Contractu inter fratres, & sorores, nec illa, quæ diceretur sponsa haberet dominium; aut jus petendi, neque in altero consorte inesset potestas satisfaciendi. In Matrimoniis Ven. Apparitii remanebat liberum, & indetine dominium, & facultas suarum Sponsarum, & ipse remansit cum plena facultate ad solvendum debitum matrimoniale; & adhuc cum libertate petendi; idcirco in ejus Matrimoniis remansit saluus consensus implicitus conditionatus ad usum copulæ; quia puritas sui propositi in nullo se opposuit mutæ potestati quam contrahentes acquirunt.

52 Ad quintum respondetur, Argumentum nec leviter suadere delusas, aut deceptas fuisse Sponsas, quibus hujus Viri iusti animus, & sui propositi executio in nullo præjudicabat; quia ille, (scilicet animus) jus suum conservabat, & hæc propositi executio erat honesta praxis dominii quod habebat, unde poterat se abstinere quoties non erat contra suæ Consortis voluntatem. Neque Matrimonium aliquem ex contrahentibus obligat ad petendum usum ipsius, sed ex iustitia obligat ad solutionem debiti, quando ab altero Consorte exigitur. Ubi ergo deceptio? Quando ipsæ Sponsæ scire debebant Venerabilem esse liberum à non petendo, & quando in ipso non erat voluntas opposita dominio earum, dum tantummodo se abstinere voluit *si foret sibi possibile*; & casu quo ipsæ Sponsæ voluntatem huic proposito contrariam ostendissent, jam tunc non erat ei possibile se abstinere.

53 Ad ultimum Argumentum jam fuit responsum, quod in illis repetitis Matrimoniis adfuit vera traditio corporum, & reciprocum dominium, quod acquiritur, per translationem vinculi, aut contractus matrimonialis, & talis reciproca traditio ordinata, & directio fuit ad finem generationis quin obisset, quod propositum, servandi castitatem sit defectus consensus ad copulam carnalem, per quam pervenitur ad finem successionis; quia solum fuit defectus consensus expliciti, qui quidem non est de essentia Matrimonii; sed immo potius cum illo subsistit consensus implicitus conditionatus, quem contractus Matrimonialis pro sua subsistentia, valore, & veritate exposulat. Illis duobus Matrimoniis defuit *secunda perfectio*, illa videlicet operationis, aut usus,

habuerunt tamen *primam*, & *essentialem* perfectionem sui esse in materia, & forma sicuti cum D. Thoma diximus.

Ita ego sentio salvo semper &c.

In Collegio Sancti Caroli PP. Clericorum Regularium Minorum Salmanticae die 25. Julii 1720.

Magister Emmanuel Generelo Spinola.

EGo *infra*scriptus Notarius Apostolicus istius Almae Universitatis Salmantinae Secretarius, fidem facio, & testimonium veridicum omnibus praesentes litteras inspecturis perhibeo, quatenus resolutio dictae Universitatis hic apposita a num. tertio, quae incipit: Regi Catholico nostro obtemperantes, &c. super causam Beati Fr. Sebastiani de Apparicio Ordinis Seraphici fideliter concordat cum suo originali, prout habetur in Registro ejusdem Universitatis, ad quod me remitto.

In eadem forma quae de jure requiritur fidem facio, & testimonium perhibeo, quod tres Reverendiss. PP., nempe Reverendiss. P. Fr. Petrus Manso Augustinianus, Reverendiss. P. Fr. Michael de Herce Benedictinus, & Reverendiss. P. Emmanuel Generelo & Spinola Ordinis Clericorum Minorum in hac Alma Universitate Magistri Sac. Theologiae, quorum suffragia hic apponuntur, fuerunt ex deputatis ab eadem Universitate in Claustro pleno, ad maturè, & sanè investigandam quaestionem de primis, & secundis nuptiis contractis a B. Fr. Sebastiano de Apparicio Ordinis Seraphici (dum liber esset) prout exigebat Catholici Regis decretum ad hanc Universitatem directum.

Iterumque fidem facio, & testimonium perhibeo quòd eorum suffragia originalia vidi propria eorum manu firmata, quorum stemmata satis cognosco, & cognovi, quibus ad litteram concordant, quae in hoc codice impressa reperiuntur, quae manent in meo officio, ad quae me remitto; & de suffragiis Reverendiss. D. Mag. Fr. Petri Manso Augustiniani, Reverendiss. P. Magistr. Fr. Michaelis de Herce Benedictini aliam copiam circa hoc idem punctum jam dedi mea manu signatam, & firmatam, quam non dedi de suffragio Reverendissimi P. Mag. Emmanuelis Generelo & Spinola Ordinis Clericorum Minorum, quia pro tunc originale ad manus non habui, quod nunc jam ad me pervenit.

Similiter testificor, quòd tres Reverendissimi PP. supradicti sunt Doctores, & Cathedralici istius Universitatis, Reverendissimus D. Mag. Fr. Petrus Manso Ordinis S. Augustini Calceati, Cathedralicus S. Thomae; Reverendiss. D. Mag. Fr. Michael de Herce Ordinis S. Benedicti, & sui Collegii Abbas, Cathedralicus Vespertinus Theologia; & Reve-

rendis. P. Mag. Emmanuel Generelo, & Spinola, Cathedralicus Sac. Scriptura, & sui Ordinis Provincialis, omnes auctoritate, & gravitate magna in hac alma Universitate fulgentes. Ut ergo hic contentis fides adhibeatur, tanquam ipsis originalibus à me visis ad instantiam Seraphica Religionis, præsens exhibeo testimonium mea manu firmatum, & signo Universitatis munitum.
Salmantica die 10. Januarii, anni 1722.

Loco ✕ Sigilli.
Deus veritas est.

In testimonium † veritatis
Didacus Garcia à Paredes Secretarius.

Nos infrascripti Notarii Apostolici, in hac Civitate Salmantina degentes, fidem facimus, & testimonium perhibemus quatenus stemma suprapositum, sic subscribens: Didacus Garcia à Paredes Secretarius est ejusdem Didaci manu, & calamo exaratum; qui quidem Secretarius est istius Salmantinae Universitatis fidelis, & legalis ejusque fidei dignus, cui semper tam in scripto, quàm in voce, fuit exhibita integra fides, tam intra, quàm extra judicium. Sic testificamur. Salmantica die 10. Januarii 1722.

In testimonium † veritatis
Antonius à Foncueva & Venero Not. Apostolicus.

In testimonium † veritatis
D. Joannes Antonius à Moreno Not. Apostolicus.

In testimonium † veritatis
Sebastianus Martinez à Nietto Notar. Apostolicus.



I N D E X

143

RERUM NOTABILIMUM

Prior numerus paginam : posterior marginalem numerum denotat .

A

- A** Bisag Sunamitis commendatur ; quod David frigidum calefecerit , quin ad libidinem provocaret . 4. 9.
 Alexandri Tertii Pont. Max. responsio super casu mulieris , quæ post emissum juramentum de Matrimonio contrahendo religionis voto se adstrinxit . 18. 36.
 Antonius de Padua Novitium de luxuria tentatum tunica sua liberum reddit . 221. 23.
 Apostoli ad Corinthios de continentia maritali doctrina proponitur , & explicatur . 45. 18. & seqq. 79. 43. & seqq.
 Auxiliorum Divinæ Gratiz theologia Protheoria . 96. 36.
 Auxiliorum Dei moralis certitudinis signa . 85. 91.

B

- B** Ona Matrimonii , scilicet Fides , Pro les , & Sacramentum considerari possunt , & in ordine ad obligationem , & in ordine ad executionem ; priori modo spectant ad essentiam Sacramenti , secus secundo modo . 21. 41.
 Bona Matrimonii Virginalis . 94. 34.
 Bonum principalis Matrimonii Sacramentum est . 12. 2.

C

- C** Ausæ formalis , efficiens , & finalis Matrimonii . 27. 52. & seqq.
 Consensus in copulam carnalem non est necessarius ad Matrimonium Christianum . 24. 12. 25. 48. & seqq.
 Consensus in copulam carnalem multiplex , & quinam dici possit requisitus ad substantiam Matrimonii ? 15. 32.
 Consensus implicitus in copulam conjugalem compatitur cum proposito servandæ castitatis . 17. 35. 32. 61. 41. 13. 133. 43.
 Contractus invalidus validari nequit per juramentum . 64. 9.

D

- D** Ebitum copulæ post Matrimonium ratum infra certum tempus negari potest . 224. 27.
 Dominium directum , & proprietatis distinguitur à dominio utili , & indirecto . 29. 55.

Domi-

Dominium directum supra corpora, quod mutuò acquirunt in Matrimonio Conjuges, etiam præscindendo à carnali conjunctione, suo non fraudatur effectu. 29. 55. & 56.

E

Effectus domini directi, quod habent ad invicem in sua corpora. Conjuges. 30. 56.

Exempla nonnulla Matrimonii Virginalis. 99. 51. 47. 22.

F

Forma Matrimonii duplex, naturalis, & supernaturalis. 94. 34.
Forma, ac finis Matrimonii. 137. 48.

G

Gratiae Divinae specialis est in rebus arduis assistentia. 96. 36.
Gratia inspirante, & adjuvante Pyraustana Matrimonia fuisse perfecta ipso exitu perquam felici perspicue manifestatur. 99. 55. 106. 86.

H

Heroici explicatio. 79. 70.
Heroicum duplex, Philosophicum, & Christianum. 80. 72.
Heroicum castitatis, & prudentiae in Pyrausta eluxit. 80. 74.
Heroicæ prudentiae signa. 83. 81.
Heroes unde dicti. 92. 26.
Heroicum naturale castitatis conjugalis exemplo declaratur. 93. 29.
Heroicum supernaturale castitatis in conjugio servatur. 94. 30.

I

Insenisim, & Pelagianisim sapiunt, qui gradum heroicæ virtutis in Pyraustanis Matrimoniis inficiantur. 102. 72.
Impotentia ad solutionem debiti conjugalis an invalidet Matrimonium. 18. 37.
Impotentia ad copulam duplex, libera & naturalis: Neutra opponitur substantiæ Matrimonii. 34. 62.
Isaiæ de Messia testimonium Pyraustæ mirabili facto pulchre conveniens. xxvii. 33.

L

Liberalitas Pyraustæ. xxiii. 26.

M

Matrimonium, & Joseph Matrimonium verum ac legitimum fuit. 13. 28. 22. 43. 41. 8. 63. 5.

Idem à Sanctis PP. commendatur. x. 7.

Fidelibus conjugatis continentiae mirabile exemplum. x. 8. 2. 7. 44. 15.

Matrimonium institutum est in signum, officium, & remedium. xvii. 15.

Matri-

Matrimonii bona Fides, Proles, & Sacramentum: principalius Sacramentum est. ix. 2. & seqq.

Matrimonio quoad substantiam non obstat votum virginis. 13. 28.

Matrimonii prima & essentialis perfectio consistit in unione animorum cum obligatione mutua inter Conjuges fidei. 14. 29. 24. 47.

Matrimonium non requirit necessario consensum in copulam carnalem.

xiv. 12. 42. 10.

Matrimonium ut Sacramentum significat unionem Dei cum anima, & Christi cum Ecclesia: utrumque perfecte significat Matrimonium etiam virgine. 37. 65.

Matrimonium virgine & licitum, & validum est. 20. 39.

Ejus preclara bona. 94. 34.

Matrimonialis, idest heroica virginitas duplicis Pyraustiani Matrimonii

intrinsecus finis. 102. 71. & seqq.

Matrimonium Pyraustiz. Vid. Pyrausta.

Nuptiz secundæ ex lege permittuntur. 76. 55. 22. 20.

Nuptiz corlibes commendantur. 45. 18.

Obligatio in Conjugibus ad debitum copulæ est tantum habitualis.

xxiii. 26.

Operis, cujus intentio bona est, executio optima. 48. 27.

Operis, cujus executio gloriosa est, propositum nequit esse defectuo-

sum. 117. 12.

Origenis lapsus. 10. 20.

B

Polycronii monothelitz dementia. 85. 90.

Potestas corporis proprii transferri potest in Conjugem negativè,

& positivè. xiv. 12.

Propositi à voto discrimen. 76. 59.

Protestatio duplex, forensis, & communis. 86. 4.

Pyraustiz virgineale Matrimonium Dæmonis excitavit invidiam. xix. 18.

Perfectum omnino fuit quoad tres causas efficientem, formalem,

& finalem. 27. 52. & seqq.

Pyraustiz in contrahendo Matrimonio sublimis, & pia intentio. x. 6.

xi. 9.

Pyrausta pronubus immaculati Virginis & Joseph Matrimonii egregius

imitator. xv. 13. 3. 8. 75. 51.

Pyraustiz in suadenda castitate energia. xxv. 29.

Pyrausta copulam non exercendo cum Sponsis nullimodè peccavit con-

trafustitiam. xxvi. 31.

Pyraustiz eximia in matrimoniali contractu prudentia. 9. 18. 70. 27.

77. 60. Quoad

Quoad omnes circumstantias heroica fuit . 101. 70.
 Pyrausta sapientiz dono illustris . 10. 20. 123. 22.
 Pyrausta de re familiari sollicitudo commendatur . 78. 62. & seqq.
 Pyrausta sanctitas . 91. 18.
 Pyraustanz virginittis gloriosa specimina . 90. 15. 93. 39.
 Pyraustani propositi servandz in conjugio castimoniz heroicitas exem-
 plo Terefant votu facienti, quod perfectius est, comprobatur .
 101. 64. & seqq.
 Pyraustanz in castimonia fortitudinis mirabiles prerogativz . 80. 74.

Querimoniz & molestiz in Pyraustam astu Dæmonis excitare di-
 luuntur magno cum fœnore Pyraustanz in conjugio sanctitatis .
 xviii. 18. & seqq. 31. 32.
 Quies eximia Pyraustz cum Sponsis Matrimonii à se contracti sancti-
 tatem appropinque declarat . xix. 19. xxi. 45.

Regulz ad dignoscendam heroicittatem in prudentia Christiana . 83. 82. & 83.
 Rei perfectio duplex : Prima, quæ consistit in forma rei, secunda, quæ
 consistit in ejus operatione . 14. 29. 137. 48.

Sapientia in judicando circa agibilia duplex ; communis, & pro-
 pria . 10. 20.
 Spiritus Sancti instinctui Pyraustana Matrimonia adscribenda sunt .
 119. 16.

Tobiz junioris ante conjunctionem pia ad Conjugem adhortatio .
 xxiv. 18.
 Eiusdem exemplo castitatis matrimonialis excellentia declaratur .
 96. 18.

Virginitatis in conjugio servandz pactum sive antecedens, sive sub-
 sequens optimè componitur cum fœdere nuptiarum . 87. 4.
 Virginitatis connubialis excellentia . 89. 14. 46. 18.
 Virtutis heroicæ explicatio . 92. 26. & seqq.

Xenocratis continentia . 71. 33.

Zelus singularis in Pyrausta fovendz, promovendzque ad gradum
 heroicum virginittis . 80. 74. & seqq.

LAUS DEO.

IMPRIMATUR,

**Si videbitur Reverendis. P. Sacr. Palat. Apostolici
Magistro.**

N. Episc. Bojan. Vicefg.

IMPRIMATUR.

**Fr. Gregorius Selleri Ord. Præd. Sacr. Palatii Apo-
stolici Magister.**

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE

THE
LIBRARY
OF THE
MUSEUM OF
ART AND
ARCHAEOLOGY
OF THE
UNIVERSITY OF
CAMBRIDGE







